



ჩვენი მსოფლიო

გამოდის თვეში ორჯერ პარასკეობით

ფასი 1,50 ლარი

5 აპრილი 2013 №7(189)

ცა მიწიდან იწყება
მეათედ — საგურამოში
ალექსი ჭინჭარაულის ქრონიკები
რეზო მირიანაშვილის მონიატურები
ინტერნეტი — მსოფლიო სახელმწიფო
მისაკო წერეთელი და მისი ჭირისუფალი
ხიბლი ირაკლი ლომოურის თამაშისა
გენადი მარგველაშვილის სონეტები
ხალიდ ალ-ხამისის ტაქსი
„ზღვარის“ პოეტები



შინაარსი

რედაქტორის გვარადი	2	მომხმარებელი? (მიხაკო წერეთელი და მისი ერთადერთი ქირისუფალი)
ჩვენი უფა, წუთისოფალი	4	გვანცა ჯობაჯიანი ინტერნეტი — მსოფლიო სახელმწიფო (ანუ ორიოდ სიტყვით ინტერნეტშემოქმედთა სამინისტროს მიღწევების შესახებ)
მსარს-ინტერვიუ	6	გია აბესალაშვილი „არ შეშინდეთ!“ (მომზადა ნინო ჩხიკვიშვილმა)
ფიქრი და განსჯა	7	გია მურღულია ადამიანი და თანამდებობა
პროზა	8	რეზო მირიანაშვილი მახსიარების ანარქიკები
პირველი შთაბეჭდილება	12	ამირან არაბული ორიოდ სიტყვა წინასწარ
პროზა	13	ალექსი ჭინჭარაული ქრონიკები
პოეზია	17	გენადი მარგველაშვილი მოლოდინი და სხვა ლექსები და სონეტები
	21	„ზღვარის“ პოეტიკა
უსწოთის სხოვრებიდან	23	მაია იანტუბელიძე თვალი — გონებაზე შორსმდებელი
ღიალოგი	26	ნათელა ნათლიაშვილი-კვინიკაძე „გამოიღვიძე, ძნარო, გამოვადვიძე ცისკარს“
ილიას გვით	30	მეათედ — საბურამოვი (ილია ჭავჭავაძის დაბადების 175-ე წლისთავისათვის)
ანთისბიკა	34	როსტომ ჩხეიძე ჩემი ბალატიონიც
სილუაბი	36	ლელა ჯიყაშვილი „ცა მიწიდან იწყება“
მოსაზრება	39	მურმან ჯგუბურია ოცდაათისა და თორმეტის სიმბოლიკა (ერთი შეკითხვა ბატონ გურამ გოგიაშვილს)
ქრიბიკა	40	მანანა ჩიტიშვილი ხელისგულზე ამოსული ვარსკვლავები (თამარ შაიშველაშვილის პოეზია)
	43	ელგუჯა თავბერიძე ჩარდახში ოვლად მიმდინარე ქარი
ჩანახატი	45	თათია ჯგუშია ჩემი მანია
ერთი მოთხრობის სივრცე	46	ნინო ვახანია სიბლი თამაშისა (ირაკლი ლომოურის „პარიზელი ქალი“)
ზადი კაცისა	48	სერგო ვარდოსანიძე თავესუფლების რაინდი
	49	გიორგი ალიბეგაშვილი პავლე ინგოროვსა — პიროვნება და მცენიერი
არი და გადისწარი	51	ლევან ვასაძე წერილი ქართულ მორაგბეებს
უსწოვრი ნოველა	54	ხალიდ ალ ხამისი ტაქსი
უბის წიგნაკიდან	60	ეკატერინე ტუკვაძე საპროვინციალ (ბაბუს — ანტონ ტუკვაძის გახსენება)
ნაკვეთები	61	მასვილსიტყვაობის ნიმუშები
მოზაიკა	63	არნახული და არგაგონილი

ორკვირული ჟურნალი

დამფუძნებელი „ილიონი“

მისამართი: თბილისი,
ჩუბინაშვილის №41

რედაქცია – (995 322) 96_20_62
 რეკლამა – (995 93) 65_93_68
 გავრცელება – (995 92) 25_94_94
 ფაქსი: (995 322) 96_20_62
 E-mail: info@mtserloba.ge

მთავარი რედაქტორი – როსტომ ჩხეიძე

პროზის რედაქტორი – ივანე ამირხანაშვილი

პოეზიის რედაქტორი – მაკა ჯობაძე

კრიტიკისა და თარგმანის რედაქტორი – თამაზ ნატროშვილი

მხატვრული რედაქტორი – კარლო ფაჩულია დიზაინერი – მალხაზ იაშვილი

სტილისტ-კორექტორი – ნინო დეკანოიძე დაკაბადონება – თენგიზ რობიტაშვილი

ოპერატორი – თამარ ჩხილაძე სარეკლამო მენეჯერი – ეკა ბუჯიაშვილი

გავრცელების სამსახური – ლევან კიკნაძე

გარეკანზე: გია აბესალაშვილი გოროდნიჩის როლში (გოგოლის „რევიზორი“)

ფოტო მიხეილ თუმანიშვილის თეატრის არქივიდან

სტამბოლის ხედი

„ჩვენი მწერლობის“ მომდევნო ნომერი გამოვა 19 აპრილს



მოჩვენებანი?

□

მიხაკო წერეთელი და მისი ერთადერთი ჭირისუფალი

თუკი საქმეში სრულიად ჩაუხედავი, მიაბიტი მკითხველი გაეცნობოდა თამარ ჟურულის საუბარს ნინო სამსონიასთან „მიხეილ წერეთელი საქართველოს დაუბრუნდება“ („ლიტერატურული გაზეთი“, 2012, 28 დეკემბერი), გულიც აუჩუყდებოდა და სიხარულითაც გაიხარებდა, რომ ბოლოსდაბოლოს ამ დიდებულ პოლიტიკურ და საზოგადო მოღვაწეს, მეცნიერსა და მთარგმნელს, ემიგრაციის სამსალანასვამ პიროვნებასაც გამოუჩნდა ნამდვილი გულშემატკივარი და ჭირისუფალი ნინო სამსონიას სახით, ვინც გამოსაცემად მოამზადა და კომენტარებიც დაურთო „გილგამეშიანის“ მიხეილ (მიხაკო) წერეთლისეულ თარგმანს (თბილისის სახელმწიფო უნივერსიტეტის გამომცემლობა, 2010 და 2012 წლები. ორჯერ იმიტომ, რომ 2010 წლის გამოცემის ხარვეზები შესასწორებელი გახდებოდა) და ჩარეულია მისი ფერფლის გადმოსასვენებელ პროცესში — ლევილიდან მთაწმინდის პანთეონში.

და ის საქმეში სრულიად ჩაუხედავი და მიაბიტი მკითხველი მოიხიბლებოდა რესპონდენტის უკიდურესი თავმდაბლობითაც, როდესაც საკუთარ დამსახურებაზე დიდად ექსპრესიული ლაპარაკის შემდეგ ამ წამოწყებაში თავის წინამორბედთა გარჯასაც არ დაივიწყებდა.

აგერ გრიგოლ გიორგაძის, ვინც 1992 წელს ასირიოლოგიისა და ძველი აღმოსავლეთის ისტორიის კათედრა აღადგინა თბილისის სახელმწიფო უნივერსიტეტში, თავის დროზე მიხაკო წერეთლის მიერ დაარსებული. და აქვე გულთათრეული რესპონდენტი იმასაც დასძენს: ბატონი გრიგოლის მონადინება არ იკმარებდა, ოთარ ჯაფარიძის ერთთვისანი რექტორობა და ზვიად გამსახურდიას პრეზიდენტობა რომ არაო; მის დამსახურებათა ნუსხას კი ემატება ისიც, რომ ამ ჩვენი რესპონდენტისათვის მასვე შეურჩევია სადისერტაციო თემა მიხეილ წერეთელთან დაკავშირებით.

აგერ კონსტანტინე გამსახურდიასი, ვისაც 1945 წელს, როდესაც საბჭოთა ჯარები ბერლინს მიადგებოდნენ, ხმამალა ეთქვა სტალინისათვის: იქ მიხაკო წერეთელია და ხელი არავინ ახლოსო;

აგერ ივანე ჯავახიშვილის, ვინც არასოდეს ერიდებოდა მიხაკო წერეთლის სხენებას, ეს ერთადერთი ქართველი მეცნიერი, რომელიც უთითებდა მის ნაშრომებს;

აგერ რეზო (ასე ფამილარულად მოიხსენიებს) თაბუკაშვილის, ვინც თავის რამდენიმეწუთიან ფილმში მოახერხებდა ზუსტად ეთქვა მეცნიერის ფასსა და ასირიოლოგიის დარგის მნიშვნელობაზე, და თუმცა საბჭოთა ხელისუფლება „მიხეილ წერეთელზე სრულმეტრაჟიანი ფილმის გადაღების ნებას არავის მისცემდა“, ფასდაუდ-

ბელი, ზედმინენით პროფესიული მასალა ხომ მაინც გაიბნეოდა მის სხვადასხვა ფილმში.

და ამ ჩამონათვალს ეს დასკვნა აგვირგვინებს, ინტერვიუს ჰეპი ენდადაც მომარჯვებული.

— მიხეილ წერეთლის სამშობლოში დაბრუნების საქმეში ამ ადამიანების წვლილიც დიდია.

ამ სურათს რომ გადაავლებ თვალს, ერთი შთაბეჭდილება დაგრჩება — რესპონდენტის უზომო დიდსულოვნება რომ არა, მის გამოჩენამდე არსებითად ორიოდ მარცვალი მიმობნეულიყო მიხეილ წერეთლის სახელის ირგვლივ, ესაა და ესო... მაგრამ ასეა თუ ისე იგი მაინც ამ პიროვნებებთან გასდებს უშუალო ხიდს, როგორც ამ საქმეში მათი სულიერი მემკვიდრე.

რევაზ თაბუკაშვილს საბჭოთა ხელისუფლება ემიგრაციაზე ფილმების გადაღების ნებას უყოყმანოდ რომ რთავდა და აქ ზედმეტია რალაც ყალბი დრამატიზებანი, ამას ნულა გამოვედევნებით, განსაკუთრებული ალტაცებისმომგვრელია ის პასაჟი, თითქოს კონსტანტინე გამსახურდიას ხმამალა ეთქვას სტალინისათვის, მიხაკო წერეთელს ხელი არავინ ახლოსო.

ნეტა სად მიუმართავს და თანაც ხმამალა საბჭოთა იმპერატორისათვის?

იმაჟამინდელი პოლიტიკური რეჟიმის არსში ჩახედული ადამიანები ამ სტრიქონების გაცნობისას ჰომერულ ხარხარს ასტეხენ, მაგრამ მე უფრო ის წარმოსახვითი სურათი მხიბლავს, სტალინის ბრძანების მორჩილი საბჭოთა ჯარისკაცები როგორ დარბიან ბერლინის ქუჩებში და გაიძახიან: მიხაკო წერეთელი რომელია, რომ უნებურად ტყვიას ან ყუმბარას არ ემსხვერპლოს და ჩვენი მკერდით დავიცვათ!..

ისე არა კმაროდა მარტო სტალინის გაფრთხილება, როდენ მკაცრადაც უნდა მიეთითებინა მისთვის ქართველ მწერალს. ხომ შეიძლება ამერიკელ ან ინგლისელ ჯარისკაცებს ვერ გაეთვალისწინებინათ ბერლინში მიხაკო წერეთლის ყოფნა? ამიტომაც, ეტყობა, კონსტანტინე გამსახურდიამ ფრანკლინ დელანო რუზველტსა და უინსტონ ჩერჩილსაც შეუყვირა და მკაცრადაც გააფრთხილა: თქვენი ჯარისკაცები ცოტა ჭკუით იყვენენ, ბერლინში მიხაკო წერეთელიაო.

გაფრთხილება გაფრთხილებად და... ნეტა ნინო სამსონიას გამოჩენამდე მართლა ასე ბედის ანაბარა გახლდათ მიტოვებული მიხაკო წერეთელი საქართველოში და ივანე ჯავახიშვილის მიერ სხენების, რევაზ თაბუკაშვილის ფილმებში გაეღვების, კონსტანტინე გამსახურდიას მიერ სტალინის დატუქსვისა თუ ასირიოლოგიის კათედრის აღდგენის გარდა არსად ჭაჭანებდა მისი ხსოვნა?

გამოცემის წინასიტყვაობაში ქალბატონი სამსონია მოიხსენიებს გურამ შარაძის სტატიას „მიხაკო წერეთელი“ („ლიტერატურული საქართველო“, 1987, 25 სექტემბერი), მაგრამ, როგორც ჩანს, გაზეთის ფურცლებზე აღარ გაემეტა მისი მოხსენიებაც თავის წინამორბედთა შორის. რაც შეეხება იმავე ხანისა და იმავე გაზეთის პუბლიკაციას — იმავე რადიკატორის ელიზბარ ჯაველიძის თავგამოდებით — გურამ ყორანაშვილის სტატიას „მიხაკო წერეთლის ნააზრევი ერის შესახებ“ („ლიტერატურული საქართველო“, 1988, 18 ნოემბერი), მისი ადგილი არც

წინასიტყვაობაში აღმოჩნდა, თორემ „ლიტერატურული გაზეთის“ ფურცლებზე როგორღა გააღწევდა.

ნეტა მართლა ასე ბედის ანაბარა გახლდათ მიტოვებულიო?..

მაშ „არმაღანის“ 1965 წლის გამოცემას რომ გადავშლით, მაგალი თოდუას მიერ შედგენილს, იქ მხოლოდ მოგვეჩვენება ნაწყვეტის — სახელდობრ, მეთაე კარის — განმეორება მიხაკო წერეთლის მიერ თარგმნილი „გილგამეშიანიდან“?

მაშ მოჩვენებითია ზურაბ კიკნაძის მიერ თარგმნილი „გილგამეშიანისათვის“ (1984 წელი) დართულ შესავალ ნარკვევში „გილგამეშის ეპოსი“ მოკლე ანალიზი და შეფასება მიხაკო წერეთლის თარგმანისა და გამოკვლევისა, და ბიოგრაფიული ცნობებიც და ვრცელი ნაწყვეტის დამონებაც კონსტანტინეპოლური გამოცემიდან?

მაშ მოჩვენებითია ედუარდ კოდუას რედაქციითა და შესავალი ნარკვევით გამოცემა მიხაკო წერეთლის ფუნდამენტური მონოგრაფიისა „ერი და კაცობრიობა (სოციოლოგიური ანალიზი)“ 1990 წელს? სხვათა შორის, გარდა ამ მონოგრაფიისა, წიგნს დაერთვის კულტუროლოგიური ნარკვევი „მიმცემი“ და „მიმღები“ და ზოგადისტორიული მონახაზი „მცირე შენიშვნა ქართველთა წინაპართა საკითხისათვის“. აგრეთვე სიტყვა, წარმოთქმული ილია ჭავჭავაძის ტფილისში ჩამოსვენებისას 1907 წლის 7 სექტემბერს, და პირადი წერილები ივანე ჯავახიშვილისადმი.

გურამ შარაძეს მიხაკო წერეთლის ესეებისა თუ ლიტერატურული პორტრეტების ცალკეული პუბლიკაციები რომ არაფრად ჩავეთვალოთ, ეტყობა, „ქართული ემიგრანტული ჟურნალისტიკის ისტორიის“ I ტომიც (2001 წელი) მოჩვენებითობის ფარგლებს ვერა სცილდება, და, ცხადია, აღარც ისაა ანგარიშგასანევი, წიგნის ნახევარზე მეტი ჟურნალ „თეთრი გიორგის“ ფურცლებზე მიხაკო წერეთლის ლიტერატურულ და პუბლიცისტურ გამოსვლებს რომ ეთმობა.

თქვენი მონა-მორჩილის ბიოგრაფიული რომანი „მგზავრი თიბათვის მზეში (მიხაკო წერეთლის ცხოვრების ქრონიკა)“ (2009 წელი), სადაც, სხვათა შორის, ვრცელი მსჯელობაა ამ დიდებული მოღვაწის ასირიოლოგიურ ღვაწლსა და უშუალოდ გილგამეშის ეპოსის თარგმანზე (ჯერ მარტო ეს საგანგებო თავი რომ გავიხსენოთ „სულიერ თავშესაფრად — „გილგამეშიანი“), ხომ მართლაც მოჩვენებითია და მოჩვენებითი.

და ამ რომანის განხილვაც ჟურნალ „ჩვენი მწერლობის“ დარბაზში და მიხაკო წერეთელზე საჯარო ლექციაც ქართული ლიტერატურის ინსტიტუტში მოჩვენებითობის ანარეკლებია და სხვა არაფერი თავის რეპორტაჟებიანად: ანა ბერძენიშვილი „მეციხოვნე“ („ჩვენი მწერლობა“, 2011, 29

აპრილი), თამარ ყალიჩავა „პატრიოტიზმი და კოსმოპოლიტიზმი“ („ჩვენი მწერლობა“, 2009, 25 დეკემბერი).

მოჩვენებითობის ანარეკლები იქნება ასევე ბიოგრაფიული რომანის ავტორის საუბარი ნანა გოგიასთან „მხოლოდ დიდი საუფლოს კარიბჭესთან“ („ჩვენი მწერლობა“, 2009, 26 ივნისი) და რეცენზია-გამოხმაურებანი: ვაჟა ჩოჩიას „ერის სამსახურად“ („გალაკტიონი“, 2010, 13 ივნისი), მარინე ტურავა „ანდერძი მიხაკო წერეთლისა“ („გალაკტიონი“, 2012, 17 ივნისი) და თემურ ნადარეიშვილის „ეს ფანტასტიკური რეალობა“ („საქართველოს რესპუბლიკა“, 2012, 17 ივლისი).

მაშ მართლაც უნუგემოდ ყოფილა მიტოვებული და ეგაა, თორემ მოჩვენება რეალობად ვის ჩაუთვლია.

კიდევ კარგი, ბოლოსდაბოლოს მიხაკო წერეთელსაც ელირსა ნამდვილი გულშემატკივარი და ჭირისუფალი, ივანე ჯავახიშვილის, კონსტანტინე გამსახურდიას, რევავ თაბუკაშვილისა და გრიგოლ გიორგაძის გვერდით რომ იკავებს საესეით კუთვნილ ადგილს.

ანოტიაციაში ქალბატონი სამსონია დიდ მადლობას უხდის კემბრიჯის უნივერსიტეტსა და ბრიტანელ მეცნიერებს, „რომელთა უშუალო დახმარებით თითქმის საუკუნის წინ დაკარგული თარგმანი ქართველ მკითხველს დაუბრუნდა“.

ნეტა რატომ შეაწუხა კემბრიჯის უნივერსიტეტი და ბრიტანელი მეცნიერები მიხაკო წერეთლის მიერ თარგმნილი „გილგამეშიანის“ კონსტანტინეპოლური გამოცემის მოსაპოვებლად, როდესაც ამ გამოცემაზე ყველას მიუწვდება ხელი, ვინც კი პარლამენტის ეროვნულ ბიბლიოთეკას მიაკითხავს, და სხვათა შორის (წინააღმდეგ ქალბატონი სამსონიას მტკიცებისა), საბჭოთა ეპოქაშიც ხელმისაწვდომი გახლდათ ყოველგვარი საგანგებო ნებართვის გარეშე.

ასე რომ, ვისთვის დაკარგული გახლდათ და ვისთვის — არა.

მაგრამ... თუ ესეც მოჩვენებაა და კემბრიჯული პროექტის გარეშე მართლაც გვეკარგებოდა ის მხატვრული ძეგლი?..

მაშ ბარაქალა, ვინც კემბრიჯთან გასდო ხიდი!.. ამ ინტერვიუს გაცნობისას ერთადერთი იმაზე შეიძლება დანყდეს გული მკითხველს, დაფარული რომ დარჩა კონსტანტინე გამსახურდიას ხმამაღალი სიტყვები რუზველტისა და ჩერჩილისადმი, მაგრამ აღბათ ნუგემად მოგვევლინება ნინო სამსონიას სხვა გამოსვლები ჩვენი პერიოდიკის ფურცლებზე, სადაც ამ წვრილმანებსაც დაგვიზუსტებენ და ყველაფერი უკვე ისეთი შეუმცდარობითა და მიუკერძოებლობით დალაგდება „გილგამეშიანის“ მთარგმნელის ირგვლივ, გულს აღარაფერი დაგვაკლდება.



მიხაკო წერეთელი

გვანცა ჯობავა

ინტარნეტი — მსოფლიო სახელმწიფო

ანუ

ორიოდე სიტყვით ინტარნეტშია მოქალაქეთა
სამინისტროს მიღწევების შესახებ

ვუძღვნი საკუთარ თავს და ინტერნეტის სახელმწიფოს უამრავ „დამლაიქებელ“, „დამკომენტარებელ“, „დამთავს“ და „დამშეარებელ“ მოქალაქეს.

თანამედროვე საზოგადოების უდიდესი ნაწილი ყოველგვარი მაჟორიტარული თუ პროპორციული არჩევნების გარეშე თანაცხოვრობს ერთ უზარმაზარ სახელმწიფოში, რომელსაც ინტერნეტი ჰქვია. ამ სახელმწიფოს ყველა მოქალაქე თანაბარი უფლებებით სარგებლობს და მხოლოდ საკუთარი შესაძლებლობების უკეთ რეალიზებაზეა დამოკიდებული. ძირითადი და სახელმწიფო ენა თითქმის ყველასთვის ერთია, კურთხეული ინგლისური.

მოქალაქეობის მიღების პირობები: უბრალოდ ჩართეთ თქვენი კომპიუტერი, „ენტერ“ ლილაკზე ერთი დაწკაპუნებით გახსენით „გუგლ ხრომი“ ან „მოზილა“ და მოქალაქეობას მომენტალურად მიიღებთ. ხოლო თუ რომელიმე საიტზე დარეგისტრირდებით კიდევ (რეკომენდირებული საიტები: „ფეისბუქი“, „ტვიტერი“, „ჯიმაილი“, „იუთუბი“ და ა.შ.), გარწმუნებთ, რომ მოქალაქეობის დაკარგვის საფრთხე არასდროს დაგემუქრებათ.

ამ სახელმწიფოში ინტეგრაციის უკუჩვენებები: მრავალი უძილო ღამე და მასობრივად ჩანთილებული თვალეტი, უსულო საგნებთან (კომპიუტერი, ნოუთბუქი, „აიფონი“) მიჯაჭვულობა, რეალური ურთიერთობების მოთხოვნილების დაძაბუნება (უკიდურესი გამობახტულება: ერთ ოთახში გვერდიგვერდ მსხდომი ადამიანებიც კი ხშირად „სკაიპის“, „ფეისბუქის“, „ტვიტერის“ ან სხვა საშუალებების გამოყენებით ესაუბრებიან ერთმანეთს).

რატომ ვიკითხოთ წიგნები ბექდური სახით და მოგზაურობისას მხრებით ვათრიოთ მთელი ბიბლიოთეკა, როდესაც შეგვიძლია „ქინდლში“, „ნოუთბუქებსა“ ან თანამედროვე ტელეფონებში ჩავენროთ ელექტრონული წიგნები და უფრო მოხერხებულად ვიკითხოთ ნებისმიერ ადგილას?! რატომ დავიხოცთ თავი თესვით, მარგვლით და ბარვით, როდესაც საესებით შესაძლებელია ჯადოსნურ კლავიატურასთან შეხებით ხუთ ნუთში უფრო მეტად ჯადოსნური ფერმების, ბალებისა და ვილების მფლობელები გავხდეთ?! განა უამისოდ ცხოვრება ზედმეტი თავის ტკივილი არ იქნებოდა?! რატომ შევიკრიბოთ მეგობრები საღამოს საღამე კაფეში, ბუნებასა ან ერთმანეთის სახლებში, როდესაც შეგვიძლია ინტერნეტში „გრუფ ჩათი“ გავმართოთ და იქ გავუზიაროთ ერთმანეთს მთელი დღის სიახლეები ან თუ მაინც გადავწყვეტთ საღამე ერთად წასვლას,

მობილური ტელეფონების საშუალებით „ფეისბუქზე“ აუცილებლად უნდა გავაკეთოთ ე.წ. „ჩექ ინი“, რათა ოფიციალურად დავაფიქსიროთ ინტერნეტ თანამოქალაქეების წინაშე, რომ მათ გაუფრთხილებლად ფეხიც არ გადაგვიდგამს. რატომ დავპატიჟოთ გოგონა პაემანზე და რატომ ვატაროთ სამარცხვინოდ ქუჩაში ყვავილები, როდესაც „სკაიპში“ სულ მცირე გარჯის შემდეგ



ათასობით ყვავილი და უფრო მეტი კოცნა შეგვიძლია გავუგზავნოთ ჩვენს მოწონებულს (ცოტა ხნის წინათ ტელევიზორში მოვკარი თვალი, რომ კომპიუტერს მიმაგრებული სპეციალური მონყობილობა გამოუგონიათ შეყვარებულთათვის. თუ ეს მონყობილობა ორივე მხარეს ექნება, შეუძლიათ შინიდან გაუსვლელად ერთმანეთს კიდევ ეამბორონ. ვიდრე ეს მონყობილობა საქართველომდე ჩამოაღწევდეს, ამასობაში ამერიკაში ალბათ ინტერნეტით შვილებსაც კი გააჩენენ და ჩვენ ისევ ერთი ან მეტი საფეხურით უკან ვიქნებით?! რატომ ვისხდეთ გაყინულ ან თუნდაც გამთბარ ბიბლიოთეკებში ამა თუ იმ კვლევის მოსამზადებლად, როდესაც ჩვენი დედა „გუგლი“ და მამა „ვიკიპედია“ (სქესის ჩემბური განაწილება და განხილვას ექვემდებარება) ასე გვიმარტივებენ ცხოვრებას?! „სერჩის“ სპეციალურ გრაფაში საჭირო სიტყვა ჩაწერე და მთელი ბიბლიოთეკა ისედაც ხომ შენ ფერხითი იქნება. რატომ დავხარჯოთ დრო, ფული და ენერჯია მოგზაურობაში, როდესაც შენი ბიძაშვილი „გუგლ მეფი“ და დეიდაშვილი „გუგლ ერსი“ ნებისმიერ საოცნებო ქვეყანასა თუ ქალაქში გამოგზაურებენ, ნებისმიერ ქუჩაზე გაგატარებენ, ნებისმიერ ღირსშესანიშნაობასთან მიგიყვანენ, ნებისმიერ მდიდრულ სასტუმროში გაცხოვრებენ და ყველა კმაყოფილი დარჩება?! ან მუზეუმების დათვალიერება რა პრობლემაა, შენ მხოლოდ „დაუგვლე“ და მთელი საგანძური, ნებისმიერი ექსპონატი შენ თვალწინაა. რა აჩემება ნეტავ ამ ყველაფრის ცოცხლად ნახვა (თუმცა ეს უკანასკნელი იმდენად ძვირი სიამოვნებაა, რატომაც არ უნდა ავიხდინოთ ოცნებები თუნდაც ინტერნეტის საშუალებით?!), როდესაც ასეთი მარტივი და ეკონომიურია ცხოვრება ინტერნეტის სახელმწიფოში — მაქსიმალურად დაზოგილი და, ამასთანავე, ინტერნეტში ჩაძირული და ინტერნეტით შეპყრობილი ადამიანებისთვის, მაქსიმალურად აჩქარებული დრო. და აქვე ინტერნეტში ჯერ კიდევ ვერინტეგრირებული ზოგიერთი მშობლის საყვედური შვილებისადმი:

— ნუთო იმისთვის გაგაჩინეთ, რომ მთელი ცხოვრება ერთ ყუთთან მსხდომებმა გაატაროთ?

აბა, რა ესმით, რომ მათი შვილი, რომელიც იმ ნუთას მათ წარმოდგენაში ეშმაკის მოგონილ ყუთთან უმაქნისად ზის, სინამდვილეში ოკეანის გადაღმა, ამერიკის შეერთებულ შტატებს სტუმრობს და „ლას-ვეგასის“ ერთ-ერთ კაზინოში თამაშობს. დიდი შანსია მილიონერიც გახდეს და მერე თავის „უვიც“ მშობლებს ნიშნისმოგებით უთხრას, რომ თანამედროვე ცხოვრების აზრზე არ არიან.

ინტერნეტის სახელმწიფოში საგანგებოდ ცალკეა გამოყოფილი „ინტერნეტმეოქმედთა“ სამინისტრო. აქაც იგივე — ცხოვრების სიმარტივე. აბა, რა აუცილებელია ათასი ცენზორის გემოვნების იმედად დატოვო შენი საზოგადოებრივი სტატუსი, როდესაც ამ სივრცეში ყველას შეუძლია გახდეს მწერალი, პოეტი, მომღერალი, კომპოზიტორი და ასე შემდეგ. ჩართე ჩვეულებრივი კამერა, დადექი მის წინ და იმღერე. ჩართე კამერა, დადექი მის წინ და ლექსი წაიკითხე, მერე სულ მარტივ კომპიუტერულ პროგრამა „მუე მეიქერში“ მცირედი „ეფექტები“ დაადე და გაზაფხული ვიდეო „იუთუბზე“ ან „ფეისბუქზე“ ატვირთე. განა როგორ უნდა გაჭირდეს საქმე, რომ ამ ვიდეოს „დამლაიქებელი“, „დამკომენტარებელი“, „დამთავაზი“ და „გამშეარებელი“ მეგობრები, ახლობლები ან ჩვეულებრივი ნაცნობები განყდნენ, მერე წარმოიდგინეთ იმ მეგობრებს, ახლობლებს და ნაცნობებს რამდენი „დამლაიქებელი“, „დამკომენტარებელი“, „დამთავაზი“ და „დამშეარებელი“ მეგობრები ჰყავთ თავიანთ „ფეისბუქ ექაუნთში“, ახლა იმ მეგობრების მეგობრებს თავის მხრივ რამდენი „დამლაიქებელი“, „დამკომენტარებელი“, „დამთავაზი“ და „დამშეარებელი“ მეგობარი ეყოლებათ და იმ წუთიდან ეს ვიდეო პირველად ?აშეარდა თუ არა, იგულისხმე, რომ თავბრულდამხვევი კარიერა გარანტირებულია, და თუ თვალისმომჭრელი გარეგნობა, სხვადასხვა გარემოში გადაღებული შთაგონებული ფოტოებიც ხელს გინყობს და კიდევ ერთი დიდი პლუსი იქნება თუ მამაკაცთა სქესს წარმოადგენ, თამამად შეგიძლია თქვა, რომ უკვე მწერალი ხარ, უკვე პოეტი ხარ, უკვე მომღერალი ხარ, უკვე კომპოზიტორი ხარ და რა გამოლევს ამ პროფესიების ჩამონათვალს.

როცა საქმე პოეზიას ან მუსიკას ეხება, არსებობს ერთი რეცეპტიც: მაქსიმალურად მარტივი ტექსტი, მაქსიმალურად მარტივი მუსიკა. ეს ყველაზე კარგად მუშაობს ფართო მასებზე და თუ შენი ვიდეოს „ლაიქების“ რაოდენობა რამდენიმე ათასია, ჩათვალე, რომ ტელესამყაროსაც მალე დაიპყრობ და პერსონალური საღამოები, ოღონდ უკვე რეალურ სამყაროშიც, გარანტირებულია. ეს ნიშნავს, რომ უკვე ცხვირის მალლა ანევის მიზეზი და უფლებაც გაქვს და ანევი კიდევ, აბა, რას იზამ. ცხოვრებამ ასე მოიტანა. შემდეგ, როდესაც ეს პირველი ტალღა გადაივლის, გაგახსენდება, რომ არსებობს ასეთი საგანი, ნივთი, რასაც წიგნს ეძახიან. მოდი, „დავეუგლოთ“. „ვიკიპედია“ იუნყება:

წიგნი — ინფორმაციის მნიშვნელოვანი საშუალება, ცოდნის გავრცელების, განათლებისა და აღზრდის იარაღი. წიგნის ტექსტების ფიქსირება ხდება ფურცლებზე ნიშნების, ასოების ან სხვა გრაფიკული გამოსახულებების საშუალებით, რომლებიც აღიქმება ვიზუალურად (გამონაკლისია წიგნები უსინათლოთათვის, რომლებიც ბრაილის შრიფტით არის დაწერილი). თანამედროვე წიგნი წარმოადგენს ყუაში ჩამაგრებული ტექსტებისა და ილუსტრაციების შემცველი ფურცლების კოდექსბლოკს გარე დამცველი ელემენტებითურთ (ყდა, გარეკანი) და ნაბეჭდი გვერდების განსაზღვრული რაოდენობით — იუნესკოს რეკომენდაციების შესატყვისად — ნაბეჭდ თაბახზე მეტი ე.ი. არანაკლებ 48 გვერდისა.


დიდი ვერაფერი მოთხოვნაა! ჰოო, ეს კარგი მოიფიქრე, აბა რა, წიგნი აუცილებელია. მითუმეტეს, რომ „ძველმოდურ“ გალაკტიონს და ბევრ სხვა მისნაირსაც ჰქონდათ პერსონალური კრებულები და ზოგს - არაერთიც. დიახ, დიახ, სწორედ

იმ გალაკტიონს, შენთან შედარებით ერთი „ლაიქი“ და ერთი „შეარცი“ რომ არ ჰქონია და მაინც პოეტობასაც რომ არ დასჯერდა და მეფობაც დაიჩემა. მოკლედ ძალიან მარტივად მოსაგვარებელია ეს პრობლემაც, სულ მცირედი ფინანსური შეძლება (ასეთ პოპულარულ ადამიანს პრინციპში სპონსორის მოძებნაც არ უნდა გაეჭირდეს) და სოლიდური გამომცემლობა თუ ვერ დააინტერესე და მათგან შემოთავაზებების მიღების მოლოდინიც ძალიან მოგებზრდა, უბრალოდ მიმართე ნებისმიერ სტამბას, რომლებიც ასე მრავლადაა ჩვენთან (მითუმეტეს, გამოკითხვა რომ ჩაატარო, გამოკითხულთა 90 პროცენტი, მეტი თუ არა, სტამბას და გამომცემლობას ერთი და იგივე დანებსებულებად დაასახელებს), დიდი კონკურენციის პირობებში სანთლით რომ ეძებენ კლიენტებს და უბრალოდ შეუკვეთე. მერე რა, თუკი არ იცი, რომ წიგნის ორასი ფურცელი და ორასი გვერდი ერთი და იგივე არაა და ვერც სხვა საგამომცემლო ტერმინოლოგიაში ერკვევი.

ასეთ გაუგებრობებს კი არა, მუნჯის ენას გაიგებს კაცი, თუ მოინდობა.

დეტალებში გარკვევის შემდეგ, წიგნი სტამბაში ჩაეშვება და სულ მალე „ფეისბუქზე“ შეიქმნება ახალი „ივთი“, რომელიც ახალი პოეტური თუ პროზაული კრებულის გამოცემისა და მოსალოდნელი პრეზენტაციის შესახებ ინფორმაციას მიანდის უამრავ „დამლაიქებელ“, „დამკომენტარებელ“, „დამთავაზ“ და „დამშეარებელ“ მეგობარს, მეგობრის მეგობარს, მეგობრის მეგობრის მეგობარს და ასე უსასრულოდ. სპეციალური „ჯონ“ ლილაკის მეშვეობით კი, უამრავი „დამლაიქებელი“, „დამკომენტარებელი“, „დამთავაზი“ და „დამშეარებელი“ მეგობარი, მეგობრის მეგობრის მეგობრის მეგობარი და ასე უსასრულოდ, დადასტურებს მზადყოფნას ცოტა ხნით გასცდეს ინტერნეტის სახელმწიფოს საზღვრებს და რეალურ გარემოში სტუმრობით დააფასოს თავისი კუმირი.

როგორც ჩანს ინტერნეტის სახელმწიფოს ხელისუფალთ ერთპიროვნული მმართველობის დამყარებამდე ჯერ კიდევ დარჩათ საკითხები, რომლებიც ინტერნეტ პარლამენტში სასწრაფო განხილვას საჭიროებს. აი, მაგალითად, ერთ-ერთი მათგანი: კვლავაც არსებობს ადამიანებში კუმირებთან უშუალოდ შეხვედრის და, გამართლების შემთხვევაში, მათგან ავტოგრაფის არა ბეჭდური, არამედ ხელნაწერი სახით მოპოვების ცდუნება.



გია აბესალაშვილი

„არ შეშინდეთ!“

— თქვენი აზრით, რა არის უკიდურესი გაჭირვებული მდგომარეობა?

- უღმერთობა, სასოწარკვეთა.
- სად ისურვებდით ცხოვრებას?
- საქართველოში.
- რა არის უმაღლესი ბედნიერება?

— როცა ეკლესიის წიაღში ხარ და — ჯანმრთელი.

— თქვენი საყვარელი ლიტერატურული პერსონაჟები?

— დონ-კიხოტი, ავთანდილი, პატარა უფლისწული.

— თქვენი საყვარელი ისტორიული პერსონაჟი?

- მეფე დავით აღმაშენებელი.
- თქვენი საყვარელი მხატვარი?

— მოდილიანი, მონე, დეგა, რემბრანტი, ფიროსმანი, გომელაური.

— თქვენი საყვარელი კომპოზიტორი?

— მოცარტი, ფალიაშვილი, ლალიძე, კერესელიძე.

— რომელ თვისებებს აფასებთ ყველაზე მეტად კაცში?

- სიმტკიცეს, გამბედაობას.
- რომელ თვისებებს აფასებთ ყველაზე მეტად ქალში?

- სიყვარულს, ერთგულებას.
- რომელი ადამიანური სათნოებაა თქვენთვის ყველაზე მომხიბლავი?

- ქველმოქმედება.
- თქვენი საყვარელი საქმიანობა?
- ხატვა.
- თქვენთვის ნაცნობი რომელი ადამიანი გინდოდათ ყოფილიყავით?

— არც ერთი.

— თქვენი ხასიათის მთავარი თვისება?

— სწრაფვა უკეთესობისკენ.

— რას აფასებთ ყველაზე მეტად მეგობრებში?

— სიყვარულს, თანადგომას, თავგანწირვას.

— თქვენი მთავარი ნაკლი?

— სიზარმაცე.

— თქვენი წარმოდგენა ბედნიერებაზე?

— ყველაზე ძვირფასი ადამიანის გვერდით ყოფნა.

— რა იქნებოდა თქვენთვის ყველაზე დიდი უბედურება?

— ურწმუნოდ კაცის გარდაცვალება...

— როგორი გინდოდათ ყოფილიყავით?

— უკეთესი.



— თქვენი საყვარელი ფერი?

— მწვანე.

— ყვავილი, რომელიც ყველაზე მეტად გიყვართ?

— ედელვაისი.

— თქვენი საყვარელი ფრინველი?

— შევარდენი.

— თქვენი საყვარელი მწერალი?

— რეზო ინანიშვილი, გურამ დოჩანაშვილი, რეზო გაბრიაძე, ერნესტ ჰემინგუეი.

— თქვენი საყვარელი პოეტები?

— გალაკტიონი, ტიცციანი, ლადო ასათიანი, მურმან ლეზიანიძე.

— საყვარელი ლიტერატურული გმირი ქალები?

— ვერ ვიხსენებ...

— საყვარელი გმირები რეალურ ცხოვრებაში?

— გენო ადამია, ზალიკო ქიქოძე, ლევან აბაშიძე, გია ყარყარაშვილი, ელდარ კურტანიძე და კიდევ ბევრი სხვა.

— საყვარელი გმირი ქალი ისტორიაში?

— თამარ მეფე, ქეთევან წამებული, მარო მაცაშვილი.

— საყვარელი სახელები?

— ძალიან მომწონს როცა ადამიანებს ღირსეული პიროვნებებისა და წმინდანთა სახელები ჰქვიათ...

— რას ვერ იტანთ ყველაზე მეტად?

— ვერ ვიტან ცრუპენტლებს, თავხედებს, ხეპრეებს.

— ისტორიული პიროვნება, რომელმაც თქვენი ზიზღი დაიმსახურა?

— ეჟოვი, ხრუშჩოვი.

— საომარი მოქმედება, თქვენი აზრით, ღირსი მეტნაკლები ალტაცებისა?

— დიდგორი. აფხაზეთის ომში ჩატარებული ბევრი საომარი ოპერაცია.

— რეფორმა, რომელსაც თქვენ განსაკუთრებით უმაღლეს შეფასებას აძლევთ?

— თუ შეიძლება ასე ვუპასუხებ — მაცხოვრის მოვლინება კაცობრიობის გადარჩენად...

— ნიჭი, რომელსაც გინდათ ფლობდეთ?

— გამჭრიახობას, ადამიანის ამოცნობის უნარს.

— როგორი გინდათ რომ გარდაიცვალოთ?

— ნაზიარები.

— თქვენი სულიერი მდგომარეობა ამჟამად?

— საკუთარი თავის ძიებაში ვარ...

— ქმედებანი, რომლებიც თქვენს შემწყნარებლობას იმსახურებენ?

— სისუსტე, შიში.

— თქვენი დევიზი?

— არ შეშინდეთ!

— თუკი ოდესმე შეხვდებოდით ღმერთს, რას ისურვებდით, რომ მას თქვენთვის ეთქვა?

— მიპატიებია.

გია მურღულია

ადამიანი და თანამდებობა

მოჰამედალი ესლამი ნოდუშანი მე-20 საუკუნის გამორჩეული ირანელი მოაზროვნე და მოღვაწეა, რომელსაც საკუთარ ხალხში უზარმაზარი ავტორიტეტი აქვს. ეს შესანიშნავი მწერალი, პუბლიცისტი, მკვლევარი და მთარგმნელი თავისი ხალხის ისტორიული, სოციალური და შემოქმედებითი ცხოვრების ყველაზე მნიშვნელოვან ასპექტებს სწავლობდა, ანალიზებდა და აფასებდა. ამ ჯერზე ჩემთვის განსაკუთრებით საინტერესოა მისი აზრი ირანელი ხალხის ბუნებასა და ხასიათზე, რასაც ეს კაცი მთელი თავისი სიცოცხლის განმავლობაში არსებით საფიქრალად იხდოდა. ჩემი ინტერესი იმითაც არის გაპირობებული, რომ ნოდუშანისეული ანალიზი და შეფასება ქართველებისთვისაც ნამდვილად გასათვალისწინებელია — რასაც ეს ადამიანი ირანელებზე წერს, ზოგიერთ სოციალურ განზომილებაში, დიდწილად, ჩვენთვისაც ნიშანდობლივია.

2004 წელს ქართულად გამოვიდა ნოდუშანის ესეების მცირე კრებული (სპარსულიდან თარგმნა **თეა შურღაიამ**), სერიით „**ფიქრები. რჩეულთა ბიბლიოთეკა**“ (გივი ალხაზიშვილისა და როსტომ ჩხეიძის რედაქციით), და ერთ-ერთ ესეებში („**ადამიანობა და თანამდებობა**“) ვკითხულობთ:

„ჩვენს ქვეყანაში ზოგიერთმა წესად გაიხადა, ამა თუ იმ პიროვნების ღირსება და მნიშვნელობა იმის მიხედვით შეაფასოს, თუ რა თანამდებობა უკავია სახელმწიფო მართვის აპარატში, ან რამდენადაა დამოკიდებული ეს პირი მთავრობაზე. ასეთ ადამიანებს „წარმატებულად“ ისინი მიაჩნიათ, ვისაც საერთო სახელმწიფო გობიდან ლუკმა შეხვდება, ხოლო „ხელმოცარულად“ — ისინი, ვინც ამ ლუკმის გარეშე დარჩა...“

აზროვნების ამგვარი წესი საზოგადოების გონებრივი სიმწირისა და კულტურული დაცემის სავალალო ნიშანია. ბედნიერებისა და ღირსების შემოფარგვლა ამ ერთი რამით, თანაც ყველაზე არამდგრადითა და არასაიმედოთი, იმის მაჩვენებელია, რომ სიცოცხლის არსი და ადამიანური ღირებულებანი დამცირებული და უარყოფილია...

ვიდრე ეს მდგომარეობა შენარჩუნებულია, ვიდრე ღირსება, ავტორიტეტი და გავლენა დამოკიდებულია სახელმწიფო თანამდებობაზე, არ უნდა მოველოდეთ, რომ ჩვენს ქვეყანაში მეცნიერება და კულტურა განვითარდება ან ცოდნას მუშტარი გამოუჩნდება. ვიდრე რადიოს დიქტორი, რომელსაც მკაფიო და რიხიანი ხმა აქვს, სიცოცხლეში რომელიმე ფიზიკოსზე უფრო პატივცემული და უზრუნველყოფილია, ვიდრე საზოგადოებასთან ურთიერთობის რომელიმე სამმართველოს უფროსს მეტი ავტორიტეტი და დაფასება აქვს, ვიდრე უნივერსიტეტის პროფესორს, ერის სულიერი განვითარების იმედით არ უნდა ვსაზრდობდეთ...

ჩვენი საზოგადოება იქცა ალებ-მიცემობის საზოგადოებად. ერთი საქმეს უკეთებს მეორეს, რომლისგანაც თვითონ ხეირს გამოელის და პატივს სცემს მანამ, სანამ მისგან სამსახურის იმედი აქვს...

ამ მდგომარეობამ გამოიწვია საზოგადოებრივი და სახელმწიფო სტრუქტურების არაკომპეტენტური და მრწამსის უქონელი პირებით გავსება, რადგანაც ამ საზარელ პაექრობაში, რომელიც გლადიატორთა ბრძოლას არ ჩამოუვარდება, მეტწილად იმარჯვებენ არა უფრო კომპეტენტური და ღირსეული, არამედ უფრო თავხედნი, ნამუსგარეცხილნი, მოხერხებულნი და მარიფათიანნი. ასე რომ, საზოგადოებრივ სტრუქტურებში გაბატონებულია ნადავლის გაყოფის, დროსტარების, პოპულიზმისა და კოკობზიკობის სულისკვეთება...

პატივისა და შემოსავლის დამოკიდებულებამ სახელმწიფო თანამდებობაზე ცოდნისა და განათლების ჩამორჩენა გამოიწვია. ეს არის, ჩემი აზრით, მისგან მიყენებული ყველაზე დიდი ზიანი...

ჩვენს ქვეყანაში არ არის შექმნილი „კულტურული ატმოსფერო“. ამ საქონელს მუშტარი არ ჰყავს...

ვისაც მცირედი პრეტენზია მაინც აქვს ღირსებასა და მიხვედრილობაზე, ზოგჯერ მაინც დაეკითხოს თავის თავს: განა ვლირვარ კი იმ პურის ფასად, რომელსაც ვჭამ? ეს ჩვეულებრივი და, ამასთან, ყველაზე მნიშვნელოვანი კითხვაა ადამიანისათვის, მაგრამ რამდენმა ჩვენგანმა დაუსვა თავს თუნდაც ერთხელ ასეთი კითხვა?“

სალამი, საქართველოვ!

ეს კაცი შენზეც წერს.

სამწუხაროდ, ჩვენში ნაკლებად არის თვითშემეცნებისა და თვითშეფასების კულტურა — მომენტი ჭამს სტრატეგიულ (კონტექსტზე დაფუძნებულ) ფიქრს. „თავისად ცხოვრების“ (ვაჟას სიტყვებია) ხიბლი ამგვარ კულტურას არა მხოლოდ არასასურველ რაობად, არამედ სრულიად უპერსპექტივო მომავლად აღიქვამს. „ალებ-მიცემობისა“ და „სოციალური ნაცვალგების“ საზოგადოება ჰარმონიულ განვითარებას ვერ მოახერხებს — ეს ირანელებზე ნაკლებად არ უნდა გვანუხებდეს და გვტკიოდეს. იქ, სადაც თანამდებობა ღირსებას აღემატება, მხოლოდ საკუთარ კეთილდღეობას იწყობენ — თან ძალიან ცოტანი. საზოგადოება და სახელმწიფო კი მუდმივად წაგებულნი რჩებიან. ამგვარი ყოფა და განწყობა თუ არ შეიცვალა, ახალგაზრდა თაობაშიც ისევე დაიბუდებს და გაიფურჩქნება ნიჰილიზმი, როგორც ძველში — მსახურების იდეა დაცინვის ობიექტად დარჩება, ხოლო სიტყვა „პატიოსნება“ — „იდიოტის“ ან „ხელმოცარულის“ სინონიმად.

იცით, რა არის ნამდვილი ქართული ოცნება? — ამ ყველაფრის გაცნობიერება და, შესაბამისად, გონივრული მოქმედება მდგომარეობის გამოსასწორებლად. როცა ცოტა ადამიანია ბედნიერი, ეს ურიგო არ არის, მაგრამ ნამდვილი სიკეთე ისაა, როდესაც ბედნიერება ყველასთვის ხელმისაწვდომია. ადამიანის თავისუფლება, პირველ რიგში, ღირსების თავისუფლებას გულისხმობს. ამა თუ იმ ერის მთავარი მონაპოვარი ის უნდა იყოს, რომ ორი სიტყვა — „სამშობლო“ და „სახელმწიფო“ — სიყვარულისა და პატივისცემის ხარისხით დიდად არ დაშორდეს ერთმანეთს.

დაიბადა 1944 წლის 5 ივნისს, თბილისში; 1961 წელს დაამთავრა 53-ე საშუალო სკოლა; 1966 — თსუ დასავლეთ ევროპის ენები-სა და ლიტერატურის ფაკულტეტი; 1970 — ლიტერატურის ინსტიტუტის ასპირანტურა; 1973 — დაიცვა საკანდიდატო დისერტაცია; 1974-76 — წყალთა მეურნეობის სამინისტროს კონტრაქტით ინგლისური ენის თარჯიმანი სირიის არაბთა რესპუბლიკაში; 1976-80 — ლიტერატურის ინსტიტუტის თანამშრომელი; 1980-85 — საქართველოს სახელმწიფო კინოკომიტეტის მთავარი რედაქტორი; 1985-87 — ლიტერატურის ინსტიტუტის მეცნიერი თანამშრომელი; 1987-91 — ხალხთა მეგობრობის მუზეუმში ინფორმაციის განყოფილების ხელმძღვანელი;

ხელოვნება მისი სტიქიაა. უფრო სწორად, ცხოვრებაა, რადგან სადაც უნდა ყოფილიყო, სადაც უნდა ემუშავა, ყველგან და ყოველთვის თან დაჰყვებოდა მწერლობისა და მხატვრობის სიყვარული. სამყაროს მხატვრის თვალით უყურებს. ხატავს და ჰყვება იმას, რასაც ხედავს, რასაც განიცდის, რაც თავისია, თავის სულსა და გულში გამოტარებული. ადამიანური სულის სიღრმე და მშვენიერება, ურთიერთობათა მაღლი და სიკეთის ღვაწები სიმაღლე, სიძველისადმი „გრძნობა-პატივი“ და დრო-სივრცის უსასრულობა — აი, რეზო მირიანაშვილის შემოქმედების მთავარი თემები.

რეზო მირიანაშვილი

მეხსიერების ანარქიკლები

თბილისელები

განა რა იყო თბილისში ისეთი განსაკუთრებული, რომ მას „დიადი საბჭოეთის“ სხვა ქალაქებიდან საგანგებოდ გამოარჩევდნენ ხოლმე?... ალბათ ბევრი რამ. ერთ-ერთი კი თბილისური „უბნელობა“ უნდა ყოფილიყო.

იმ დროს საოჯახო საქმეები, სხვადასხვა საჭირობო-საკითხები და ინტიმური ურთიერთობებიც კი უბანში ირჩეოდა. რაკი ეს ყველაფერი, იმდროინდელი ცხოვრების წესის შესაბამისად, ყველას თვალწინ, სხვათა დასანახად, ეზოსა ან ქუჩაში ანუ „სცენაზე“ ხდებოდა, მეზობლებიც გაათმაგებულად ეფერებოდნენ ერთმანეთს, თუ მოსაფერებელი იყო, ხოლო მათ შორის შავი კატა თუ გადაირბენდა, ასევე თავშეუკავებლად იწყებდნენ ერთმანეთში დავასა და ჩხუბს. პლუხანოვზე, სვანეთის უბანში, ელიაზე თუ ნახალოვკაში ზუსტად იგივე ურთიერთობები იყო, რაც ვერაზე.

ქართველები, სომხები, აისორები, აზერბაიჯანელები, ბერძნები, ებრაელები, ქურთები, გერმანელები, უკრაინელები, რუსები თითქოს თბილისში ერთ ოჯახად საცხოვრებლად, საგანგებოდ შეყრილიყვნენ. ერთი მონღოლიც კი ცხოვრობდა, უბნელი მენავთე, რომლის გარშემო, გარდა ნავთით გაპრიალებული ოქროსფერი ზარისა, ყველაფერი ჭუჭყიანი იყო — თვითონ გამყიდველიც, მისი მსგავსი ბუთხუზა, კოფოზე მჯდომი წვრილთვალეა ბიჭიც, ზარის ნკარუნით მამას რომ დიდი ამბით „უხმარებოდა“ ვაჭრობაში, ნავთის ურიკაცა და შიგ შებმული ცხენიც, გახვითქულს რომ უფრო ასდიოდა ხოლმე ნავთის სუნი. ლეკი მკალავი ხომ ბოლო დრომდე შემორჩა ბელინსკის ქუჩას, ვიდრე მისი ჭურჭელი სრულ ანაქრონიზმად და მხოლოდ კოლექციონერთა თუ თურქეთში სპილენძის გამზიდველთა სანადიროდ იქცეოდა...

მეზობლები ხან იყოფდნენ ერთმანეთში წყლის საერთო ონკანს, სარეცხის გასაფენ ხეებსა თუ საერთო საპირფარეშოებს, ხან ვერა. დაისახლისები დიდხანს ვერ

წყვეტდნენ ნაგავსა თუ შეშასთან დაკავშირებულ გადაუჭრელ საკითხებს, რაც ძირითადად მათი შეტაკების მიზეზად იქცეოდა ხოლმე. ბავშვების გაუთავებელი, ხმაურიანი და უფროსებისთვის მომაბეზრებელი თამაშებიც ერთ-ერთი მიზეზი იყო უსიამოვნებისა, მით უფრო, თუ მეზობლის შუშა ჩაიმსხვრეოდა ან გასაშრობად გაფენილ მატყლში შევარდნილ კოჭს, ბიჭები, ცხადია, ჭუჭყიანი ფეხით შეჰყვებოდნენ...



ურთიერთობები ერთდროულად რთულიც იყო და უაღრესად მარტივიც, ანუ ზუსტად ისეთი, როგორი ხალხიც ცხოვრობდა გარშემო. ადვილი წარმოსადგენია არა მხოლოდ ცალკეული ოჯახების დონე, ვისი შვილებიც შავი სატინის ტრუსიკებითა და თეთრი მაიკებით, ანუ „სუფთად ჩაცმულები“, საგანგებოდ შეღებილი, „რულზე“ დროშა და ფერადბუმბუკმამაგრებული თვითნაკეთი „სამაკატკებით“ სამაისო პარადებზე ამაყად დადიოდნენ, არამედ საერთოდ, იმდროინდელი თბილისის საშუალო ფენის ცხოვრების წესი, როცა ახალშემოსული ტელევიზორის სანახავად მეზობლებს ერთმანეთთან თავისი სკამები დაჰქონდათ, ზამთარში კი ზოგი თვითნაკეთი ციგით, „პალოზებზე“ სინები რომ ჰქონდა მიმაგრებული სრიალის მოსამატებლად, და ზოგიც ჯგუფურად ხის გრძელ კიბეზე შემომჯდარი, „ავოეს“ ყვირილით ლამის ვერის ბაზრამდე რომ ჩადიოდა სიცილ-ხარხარით.

ბევრი რამ ჰქონდათ საერთო ძველ თბილისელებს, ჯერ კიდევ XIX საუკუნეში დაბადებულ ძმაკაცებს — ცისფერთვალეა ბრმა გრიშას, რომელიც ჯოხის კაკუნ-კაკუნით დადიოდა და თითქოს უსინათლობის სანაცვლოდ იუმორითა და მუსიკალური სმენით იყო დაჯილდოებული, ისაკას, მოქიფვისა და ენამოსწრებულ ხუმარას, პეტრუხას — ოთხად მოკაკულ დიდცხვირას, რომელიც, თურქეთში სომხების ცნობილი ჟღერის თვითმხილველი, სიკვდილს გამოჰქცეოდა და რატომღაც სამშობლოს ნაცვლად თბილისისთვის შეეფარებინა თავი, და შაქროს — მოწყენილ, თვალჩასისხლიანებულ, მუდამ დაღლილ მშრომელ, ჩუმ კაცს, რომელიც განსაკუთრებულად გა-

ნიცდიდა ოჯახის სიმძიმეს. მისი საზრუნავი იყო საოცრად დაბალი, მოღრეცილფეხებიანი ცოლი მანანო, რომლის ერთხელ ნათქვამმა — „მე რო შაქრო შამრთეს“ — რატომღაც დიდი შთაბეჭდილება მოახდინა, ალბათ იმიტომ, რომ აქ ფუნქციები შეიცვალა — კაცი კი არ ირთავდა ქალს, არამედ ქალისთვის შეერთოთ კაცი. მანანოსა და შაქროს ორი ქალიშვილი — ოლა და ციალა — უშვილოდ გადაშენდნენ. უკან მუდამ შავი ბაბთით თმაგაკრულ ოლას არაბუნებრივად გაფეკილი, თასმაგადაჭერილი ლაკის ფეხსაცმლიანი ცალი ფეხი გაცილებით მოკლე ჰქონდა მეორეზე და სიბერემდე კუსტარულად ნაკეთი, საილიეზე ქეჩამოკერებული ყავარჯნით დადიოდა. როცა დედის დაძახებაზე: „ციაააა!“ ლოჯებიანი ციალა, დავალების მოლოდინში, გაღიზიანებული ეხმიანებოდა: „ჰააა!“ — პასუხად ისმოდა: „ზახხრუმააა!“ და მერე ამას საჭირო ტექსტი მოსდევდა: „წყალი მოიტანე!“ ან სხვა რამ. ეს უზნის ბიჭებს ისე ჰქონდათ სასაცილოდ აგდებულნი, რომ ხანდახან მანანოს დაძახებაზე: „ციააა!“ — აღარ აცდიდნენ და, ცხადია, მოფარებულიდან, ეხმიანებოდნენ: „ზახხრუმააა!“ რაც სასაიროდ ძალიან აბრაზებდა მანანოსაც და ციალასაც.

სარდაფში მცხოვრებ ქურთ ელამ ლენოსაც წარამარა აბრაზებდნენ და გაბმულად, ერთსა და იმავე „ფორმულას“ წამლერებით უქადაგებდნენ: „ლენოო კუბოში მოკვდებ-აა“. ამაზე ლენო ხომ გიჟდებოდა ნერვიულობით, დედამისი კი დევე უარესად — ილანძლებოდა ქართულ-ქურთულად.

მოხუცი გერმანელი ქალი, რომელსაც ყველა გენრი-ხოენას ეძახდა, თავს არავის უყადრებდა, ეულად დაიარებოდა და სულ ერთსა და იმავე მელოდიის, რომელიღაც გერმანელი კომპოზიტორის ცნობილი მარშის, ფრაგმენტს ლილინებდა. ფრაზის ბოლოში აუცილებლად შეჩერდებოდა ხოლმე და ფეხებს დააბაკუნებდა, რაც საყოველთაო ხუმრობასა და ძველი თბილისელების განსაკუთრებულ ყურადღებას იმსახურებდა, მით უფრო, რომ ამ შემთხვევაში დაცინვის ობიექტი ის შერეკილი გერმანელი იყო, რომელიც მეზობლებს არც ელაპარაკებოდა. სინამდვილეში კი მას გერმანულის გარდა სხვა ენა არ უნდა სცოდნოდა და ასეც რომ არ ყოფილიყო, აბა რაზე უნდა ელაპარაკა მანანოსა თუ პეტრუზასთან მუსიკისა თუ მათემატიკის ყოფილ მასწავლებელს.

სპილოს ავადმყოფობით დაავადებული ბერძენი ბეზია, რომლის პირველი დანახვის შემდეგაც ბიჭებმა ერთმანეთში გადაწყვიტეს, რომ ყველა ბერძენი ასეთი ხდება სიბერეში, ასევე არავის უყადრებდა თავს თავისი შვილიშვილების — ოლეგუშკას და ირას — გარდა.

ისაკა ყველაზე ხუმრობდა. ერთ მეზობელზე ამბობდა — ეგ ვერის ბაზარში იმიტომა ტრიალებს, რომ მამამისივით კინტოა და თათრის ქალებს თავის კვერცხებს ევაჭრებაო. „კინტო“ ხომ საოცარი ანაქრონიზმია, მაგრამ ოთხმოციანი წლების ბოლოს, ვერაზე, ერთი კაცი დადიოდა. შუბლზე თავმომწონედ ჭალარაქოროგამოჩენილს თავზე ძველებური, ლურჯი ფერის კინტოს ქუდი ეხურა — გვერდზე მოქცეული. სატინის ლურჯ, ირიბადილებჩაყოლებულ ხალათზე ძველებურივე ვერცხლის ქამარი ერტყა. ზემოდან, ამ ყველაფრის დასამალავად თუ იდუმა-

ლი, მხოლოდ მისთვის ცნობილი წესის თანახმად, პიჯაკი ეცვა, ყველანი რატომღაც „კასტუმს“, უკეთეს შემთხვევაში, „გაქართულებულად“, „კოსტუმს“ რომ ეძახდნენ და ბევრი დღესაც ეძახის. ფეხზე ჩექმას ატარებდა — „ხრომოვი“-ს. ჭალარა აპრეხილი ულვამი და მარჯვენა ხელის თითები ნიკოტინით ჰქონდა ჩაყვითლებული...

ამ უაღრესად თავისებურ ტიპაჟთა მიხვრა-მოხვრა, ლაპარაკის მანერა, ლექსიკა, სიხარულის, წუხილისა და სხვა მრავალი გრძნობის გამოხატვა ისეთივე განსაკუთრებული იყო, როგორც მათი ცხოვრების წესი და აზროვნების დონე; სწორედ ისინი ქმნიდნენ იმ თბილისის სახეს, რომელიც ასე გამოარჩევდა მას სხვა ქალაქებისგან.

ის, რაც გამახსენდა, იმდენად შორეულ წარსულს ჩაჰბარდა, რომ ახლა ეჭვიც კი მეპარება, ეს ყველაფერი სინამდვილეში ხდებოდა თუ ვილაცამ ზღაპრად, გასართობად მომიყვა-მეთქი...



უცხო

სისხამ დილას კანტი-კუნტად გამოსული ხელოსანი, მძლოლი, დამლაგებელი, ლტოლვილი თუ შავი მუშა, ყველა ცხვირს ხელით იხოცავდა, სხვადასხვანაირად, ხმაურით, შთამბეჭდავად და სახიერად. ზოგი ჩაცვუცქულიყო და ისე ეწეოდა. ტრანსპორტის მოსვლისთანავე ნკიპურტებით შორს მოისროლეს ფილტრამდე ჩასული თუ ახალდაწყებული სიგარეტები და ტროლეიბუსში უკვე ცხვირ-მოსოცილი, ხეებსა თუ შარვალ-კაბებზე თითებმწმენდილები ავიდნენ. გაჩერებებზე კარის გაღებას უკანა ბაქანზე ჩასაფრებულები ელოდებოდნენ, რომ უბილეთოდ, „ამ მთავრობის“ ლანძღვით, დემონსტრაციულად ჩასულიყვნენ.

ერთ გაჩერებაზე ყოვლად დაბეჩავებული, ჩასვრილ-ჩამყაყებული, ჩაფხრენილ-ჩალენილი, ჩაბინძურებული კაცი ამოვიდა. სისხლიანი ხელი ჩამშალი სახვევით ჰქონდა გადახვეული, ილიიაში გვერდგამოჭმული პური ამოეჩარა. ალბათ სანაგვეზე სიმთვრალეში ღამენათევს, შარვალში ჩაესველებინა.



აუტანელი სუნი მთელ ტროლიბუსში ელვისებურად გავრცელდა. ვილაცამ ცხვირზე აიფარა ხელი, ვილაცამ ჩუმად შეიგინა, ვილაცამ ხმამაღლა დაიჩივლა — „კაი, ფული არაა ამ სახემნიფოში, მარა ნყალიც არაა?!“ ზოგმა გაიცინა, ზოგმა ისევ შეიგინა...


შავარშიაშემოვლებული ფრჩხილებით ქალარანარევი, გრძელი თმით ჩამოზინტლული თავის წარამარა ფხანით წინა გასასვლელისკენ ბარბაცით დაიძრა. მგზავრები ზიზლით ერიდებოდნენ, შემთხვევით არ მოგვედოსო, მძლოლმა კი ხელი აუქნია ჩამსვლელს — შენი ტურტლიანი ფული რა ჯანდაბად მინდაო...

გაჩერებაზე მარტო დარჩენილმა მანანწალამ გაუბედურებული ჯიბიდან ასეთივე ცხვირსახოცი ამოიღო, ცხვირი მოიხოცა და უკანვე ჩაიბრუნა.

ღამარსკობანა

ეზოში, ტახტზე მწოლიარე, ჩამავალი მზით განათებულ ღრუბლებს უყურებდა, ბავშვობაში რატომღაც „მკვდრის მზეს“ რომ ეძახდნენ. გარშემო პატარები დარბოდნენ...

- მე მილიონი წლისა ვარ!
- მე — ტრილიონი...



გოგო წითელი ხვიარა ვარდებით თავზე წამოადგა და უნებლიეთ ეკლიანი ტოტით შუბლი გაუკანრა.

- შენ რამდენი წლისა ხარ?
- ბევრის...
- შენ რა გქვია?
- ...
- ბურატინო რა გვარია?
- ...
- რა დაგესიზმრა?
- არაფერი...
- ალბათ თვალები მაგრად გქონდა დახუჭული და იმიტომ არ ნახე სიზმარი. იცი მე რა დამესიზმრა? ვითომ პატარა სკამზე ვიდექი და გარშემო ბაჭია დარბოდა...
- ...
- შენ ჯერ გაცოცხლებულიც კი არა ხარ...
- ...
- ჩვენ ბევრი ფუტკარი გყავდა...
- გიყვარს თავლი?

- თავლი არ მიყვარს. თხიზილალა მიყვარს... ხის ტახტი რბილია?
- მაგარია...
- თუ ცას მოკიდე ხელი, როგორია?...
- ...
- „დღეს“ გუშინ არის თუ გუშინნინ?
- ახლა...
- სულ ჩემთან იყავი, სამსახურში არ იარო. არ მინდა უშენთანერთოდ!
- სამსახურში რომ არ ვიარო, ფულს ვინ მომცემს?...
- ფულს?... ფულს მე მოგცემ!!!...
- ფული გაქვს?
- არა... მოდი, ერთი დოლარი შენ მომეცი, მე გავზრდი და მერე შეილები ეყოლება დოლარები... დახუჭობანას მეთამაშები?
- ...

- მაშინ მე მარტო ვითამაშებ! ეს ტახტი ჩემი ბებია-სია, ჩემი საცოდავი ბებიის.
- რატომ საცოდავი?...
- ავად არის და... ძალიან გამაბრაზა, მოხარშული კვერცხი მაჭამეს და ცოტა დამამშვიდა..
- გოგომ ვარდები თავთან დაუწყო.
- ეკლები მოაცალე?
- აბა რა, ხომ გიჩხვლევდა — ისეთი ღიმილით უბასუხა, ამ სისულელეს როგორ მეკითხებიო. — აი, შუბლზე სისხლი აქვს... გულზე დავანყოთ, ხომ არ გიჩხვლევტენ?... სხვებიც მოვიდნენ.
- მოდით ეს მოვანყოთ!
- ვითომ ზენარი გადავაფარეთ...
- ზენარი კი არა, მზენარი...
- ბალიში მოაცალეთ...
- ბალიში კი არა, რბილიში...
- შენ ველოსიპედზე დაჯდები?
- მოიცა, ჯერ ეს კაცი მოვანყოთ.
- კი არ მოვანყოთ, დავმარხოთ.
- მამაშენი კაცია?
- კი, მაგრამ ლამაზია!
- საიდანღაც მოტანილი უამრავი ვარდი თავით ფეხებამდე შემოუნყვეს. პატარა თითებით ბალახს წინკნიდნენ და სიცილით აყრიდნენ.
- დამარხეთ?
- კი.
- გოგომ ყურთან მიუტანა თავისი პატარა პირი და ჩასჩურჩულა:

ზღვაზე

აივანზე იჯდა. უთმო. ზღვას უყურებდა. დროს ისე ჩაეღექ-ჩაეფეხვა, ვერ გაიგებდი, კაცია თუ ქალი.

გარიჟრაჟზე ჩიტი ისევ მოფრინდა. ვიდრე გალობას დაიწყებდა, ასე გარინდული უნდა მჯდარიყო, თორემ შეაშინებდა.

ჩიტი პანანინა ნისკარტს თვალმილულული გააღებდა და ჯერ კიდევ სუსხიან ჰაერში გრძელ ამოსტვენას ამონა-

სუნთქის უცმიციმეს ნაფლეთებს ამოაყოლებდა...

მზე მერე ამოვიდოდა.

სხვა მაცხოვრებლებიც, კანტი-კუნტად რომ გამოსულიყვნენ სანაპიროზე, ამინდის შეცვლას ელოდნენ.

ღელვას ბევრი რამ გამოჰქონდა — ნახატნაშლილი სანოლის თავიც, ბავშვების სათამაშოებიც და სპილოს ეშვიც... ათასგვარ სისულელესა და წერილებიან ბოთლებზე ხომ

ზედმეტია ლაპარაკი. ის კი არა, ერთხელ გულშენუხებული ქალთევზაც ამოაყოლა და, ქალებს ღამით უკან რომ არ ჩაებრუნებინათ, ბიჭებმა ცილობა შექმნეს — ცოლად არა მე უნდა შევიერთო და არა, მეო...

მთელმა სოფელმა აქ ნაგროვებით ჩაიცვა და დაიხურა. სახლის მასალაც და ავეჯიც, ქორწილში მისატანი საჩუქრებიც და უმკვდრო, თუმც კარგად შენახული კუბოებიც აქ აიკრიფა...

დედებთან ერთად ბავშვებიც სიხარულით ადევნებდნენ თვალს ზღვაში დროდადრო ცეცხლისფერი დირიჟაბლების ცვენას.

პარაშუტებისა თუ საჰაერო ბუშტების საცვლები კი უფრო ნაზი გამოდიოდა.

ქმრებიც ამ მასალის პერანგებს ატარებდნენ, თვითონ კი ნითელ კაბებს მხოლოდ მშობელთა კრებებზე იცვამდნენ.

ისე კი ზღვას იმაზე მეტი კუბო გამოჰქონდა, ვიდრე სჭირდებოდათ. წელიწადში თითო ვინმე თუ გამოაკლდებოდა სოფელს და დანარჩენი, სხვადასხვა სახურავიანი სასახლე ჯერის მოლოდინში უქმად ენყო სკოლის ეზოში, თუ ერთი-ორს დარაჯი შეშად არ იხმარდა.

სასაფლაოც დაბლობში გაეშენებინათ.


დასაფლავებას აქაურები დაძირობანას ეძახდნენ, რადგანაც, არათუ წინა დღით, არამედ გასვენების დღესაც კი დილით გათხრილ სამარეში წყალი დგებოდა და მიცვალებულიანი კუბო საფლავის თავზე მანამდე ტივტივებდა, სანამ გამოსამშვიდობებლად ჩამწკრივებული, ქელეხში ნასვამი თვალცრემლიანთა მიერ ჯერჯერით დალაგებული ქვებისგან არ დამძიმდებოდა. თუ დასაძირი ქვები შემოაკლდებოდათ, ზედ მინით გატენილ სადაფის უზარმაზარ ნიჟარებს ალაგებდნენ და მოთმინებით ელოდნენ, ვიდრე ბუყბუყით ჩაიძირებოდა.

მაგრამ ეს მეზობელ სოფელში ხდებოდა, მათთან კი ზღვა რატომღაც მხოლოდ ფეხსაცმელს ეზიდებოდა.

ღელვა რომ ჩანყნარდებოდა, ქვიშაზე ნაგავსა და ძონძებს შორის სხვადასხვა ქვეყანაში ნაგროვები, ყველა დროისა და ზომის ფეხსაცმელი რჩებოდა.

სხვადასხვანაირად გაცვეთილი, ფერგანყალბებული რკინის ქალამნები, ბერძნულ-რომაული სანდლები თუ ბოტასები ცალ-ცალი იყო.

მერე კრძალვითა და სიხარულით აკრეფილი, ნიჟარებსა და გამტერებულ-გამოფიტულ, კუდკაუჭა ზღვის ცხე-



ნებს მოცილებული ფეხსაცმელი ყოველი სახლის წინ სარეცხის თოკებზე შრებოდა.

უიმედო ჟინი შემდეგ ღელვამდე დროებით იმ იდუმალი იმედით მინელდებოდა ხოლმე, რომ შემდეგ ჯერზე ზღვა ამ რომელიმე ცალის მენყვილესაც გამოაყოლებდა...

იმ დროს გადაღებულ ფოტოებზე აღბეჭდილ ამ სოფლის ყველა მაცხოვრებელს, განურჩევლად ასაკისა და სქესისა, სწორედ ეს ცალ-ცალი ფეხსაცმელი ეცვა და სახეზე ბედნიერი და იდუმალი ღიმილი დასათამაშებდა.

ფოტოგრაფის სოფელში ერთჯერადი სტუმრობისას გადაღებული ყველა ფოტო ერთმანეთის მსგავსი იყო, მზეზე დაშაპრული, მეცხვარეთა ნითელლოყება ტოლი ბავშვებით, მათი მამების მთაში ავლა-ჩამოვლის შესაბამისად, ერთ დროს რომ იბადებოდა.

მზის ჩასვლასაც აივანზე ხვდებოდა.

კი, როგორ არა, სიცოცხლე მარტო იმად ღირდა, რომ ის საოცარი დრო გაეხსენებინა, როდესაც მარტო მას, და სხვას ვერავის, ერგო წყვილის პოვნა...

მერე იფიქრა — თუ იმ ჩიტის პირველ დასტვენას დავასწრებ და ნაპოვნს ზღვასვე დავუბრუნებ, ბედს ვეწევიო...

აილო და, წყალში გადაადგო.

ღარღი

ზამთრის პირზე ფოთოლგაძარცული კაკლის ჩრდილი აგურითა და რიყის ქვით ნაგებ ყრუ კახურ ქვიტიკრის კედელს ეცემა. დაფერდებულ ვარცლზე ბროლის ჭურჭელში არაყი ყვითლად ირეკლავს სხივს. ხილაბანდპირაკრული დედაკაცი მარილწყლიან ჯამში ჯაფით დაპატარავებულ, დამჭკნარ და დაშაპრულ თითებსა ჰყოფს და ჩასაკრავ გუნდას ტლანქ-გამოზომილად უსვამს. მერე კუტად ჩავარდნილ პურს ვიშვიშით ჩაჰყვება, ხელითვე იღებს, ნაკვერჩხალს აცლის და სულს უბერავს.

— მამამისმა თავისი ფეხით წაიყვანა იმ დასანვავ აფხაზეთში. მერე რა გამოიდა! ბიჭი ისევ ისე მამიბრუნდა, ის კიდენა... ეებს, დროა ყველაფრის მკურნალო, ნეტა რისი მკურნალია, რაც მეტი გადის, უფრო მენატრება...

თონიდან ამოსულ სიმბურვალეზე მეზობლის კრამიტინი სახლის სახურავი ლივლივებს.

— ადრე სხვანაირად მეგონა, ეხლა იქ რო არი და მელოდება, სიკვდილი მეადვილება, მოუკვდეს ბაბო.



ნახატები ავტორისა

ორიოდე სიტყვა წინასწარ

ალექსი ჭინჭარაულის კვლევა-ძიებითი ღვაწლის ჯეროვანი შეფასება (და დაფასება!) ჩვენი მომავლის აუშორებელი მოვალეობაა.

მისი ნაღვან-ნაამაგარი, როგორც რაოდენობრივი, ისე ღირებულებრივი თვალსაზრისით, ბევრად აღემატება ერთი კაცის, ერთი მოკვდავის თუნდაც ზღვრულ ფიზიკურ შესაძლებლობებს.

უკიდევანო შრომისმოყვარეობასთან ბედნიერად შერწყმული ნიჭიერებაა ის უმთავრესი წინაპირობა, რამაც ლეკოთ ნიქას სრულიად არაორდინარული პერსონის განუმეორებელი სახის სრულქმნას შეუწყო ხელი.

ალექსი ჭინჭარაული კრებითობისთვის, მშობლიური სიტყვის დილექტანტი მოყვარულებისთვის მოსწრებული და დაუმარცხებელი კაფიების ავტორი იყო, ხოლო ჰუმანიტარული მიმართულების სამეცნიერო დარგების წარმომადგენლებისთვის,


ფართო დიაპაზონის სწავლულებისა და ინტელექტუალებისთვის ამას ემატება ცოდნა მისი მოუწყინარი, თავდაუზოგავი გარჯისა სულიერების სფეროში — ლინგვისტიკაში, ლექსიკოლოგიაში, ეთნოლოგიაში თუ ფოლკლორისტიკაში.

მის ხელდებულ ნებისმიერ საქმეს, მცირე თუ ვრცელი მოცულობის ანალიტიკურ სტატიას, მწვავე კრიტიკულ ნერილს, გამოკვლევასა თუ მონოგრაფიას პროფესიონალიზმის მკაფიო ტიფარი აზის; პასუხისმგებლობის უაღრესად მძაფრი გრძნობაა ის მძლავრი ფაქტორი, რაც აკადემიზმის ნიშნით აღბეჭდილ ალექსი ჭინჭარაულის ნაკვეთ-ნაკეთებს ჭეშმარიტ კულტურულ ღირებულებათა საჩინო ნიმუშებს შორის მიუჩენს სავესებით დამსახურებულ „საუფროსო“ ადგილს.

ეცნობი მხატვრული ქმნილების (ვთქვათ, „ბალადა ვეფხვისა და მოყმისა“) მისეულ ტექსტოლოგიურ ანალიზსა თუ ცალკეულ ეტიმოლოგიურ ძიებებს და გრჩება შთაბეჭდილება, რომ კონკრეტულ საკითხთან დაკავშირებით ამაზე მეტად ჩაღრმავება და შორს წასვლა, გინდ კიდევ ერთი ბიჯით წინ წაწევა, თითქმის შეუძლებელია...

ალექსი ჭინჭარაული, პირობითი თუ პირდაპირი მნიშვნელობით, გაორებული, „გახლეჩილი“ გახლდათ ორ საარსებო სივრცეს, გარკვეული გაგებით, პოლარულად საპირისპირო ორ მატერიალურ სამყაროს შორის: მუდამდღიური სამსახური და საგონ-საწუხარი დედაქალაქში უწყვეტ ყოფნას ავალებდა და აიძულებდა, ხოლო ფიქრი და გულისწინადილი იმ სოფელ-ქვეყანაში „ანეკდა“ (ეპატიუებოდა, აწვევდა), სადაც კვლავ დაიარებოდნენ ბაბლიათ ჩუას და მის საკვირველ წინამორბედთა თუ თანამედროვეთა ბრგე, ახოვანი, ზავთიანი აზრდილები.

და როცა მამაც შატლიონთა ღირსეული შუღლისა თუ საფერ მტრებთან მათი უთანაბრო ბრძოლების საარაკო ამბებს თხრობდა, თვალებს, არცთუ იშვიათად, ცრემლი უსველებდა, ულიბრავდა და არც არასდროს უცდია



ალექსი ჭინჭარაული

გარეგან უწინარი განცდისა თუ ემოციის დამალვა და დაოკება...

განსწავლის წლებში გრიგოლ კიკნაძის თავკაცობით მთაში მოგზაურობის დაუფინყარი ეპიზოდებისა და ფოლკლორული ნიაღვრების შთამბეჭდავი ნაკრებია სულუქცევრად საკითხავი მისი წიგნი „მთას ვიყავ“, გამოცდილი გიდის უტყუარი გუმანით რომ მოგვატარებს და მოგვახილვინებს ფშავ-ხევსურეთისა და თუშეთის უმშვენიერეს სულიერ სანახებს, გეოგრაფიულ პუნქტებს, სოფლებს, ისტორიულ ადგილებს... მოგვატარებს, მოგვახილვინებს და ძალზე საინტერესო ნარატივის ფინალთან მისულებს კიდევ ერთხელ შეგვახსენებს ერისიონიდან ჭირიანი ცხოვრების ჭაობში დასაბრუნებლად განწირული ვაჟას ღირიკული გმირის ტკივილიან მონოლოგს:

მალლიდამ დაბლა ჩამოსვლა, ვაჰმე, რა მეტად ძნელია!..

ალექსი ჭინჭარაული, მთელი თავისი შნოიანი და შინაარსიანი ცხოვრების განმავლობაში, ზნეობრივი სინმიწდისა და უკომპრომისობის ნისლიან მწვერვალზე იდგა; მედროვეთა უდღეურ ვნებებსა და ცხოვრების წესს განრიდებული ურიოშო სახატეში წირავდა, ლოცულობდა და „შეუნონარი სიბრიყვის“ ყოველ კონკრეტულ გამოვლინებას თავისი მოქალაქეობრივი პოზიციის სიმკვრივით, სიმართლით, სიდარბაისლით პასუხობდა.

და რალაცით ღვთის მადლით აღვსილ სავანეებში მოღვაწე მუუდაბნოე ბერებსაც ემსგავსებოდა...

მქონდა პატივი, მეუფე ზენონსა (იარაჯული) და ეთერ თათარაიძესთან ერთად, ეკლესიურად მომენათლა ძნელი სიბერის („სიბერეო, სიძნელეო...“) სამანთან მოთმინებით მდგარი ალექსი ჭინჭარაული და მისი უმცროსი დედამამიშვილი — უნიკალური მუსიკალური ხმისა და სმენის მქონე დეიდა მარიამი...

გამახსენდება და ნათელდებული „ლექსო პაპის“ იმდღევანდელი გუნება-განწყობა სულეთის საუკუნო ბინადრებთან მისი პირსწორი შეხვედრის შეგნებულ სამზადისად წარმომესახება ხოლმე...

12 თებერვალს წელიწადი შესრულდა ალექსი ჭინჭარაულის გარდაცვალებიდან.

ღრმა დაღად აჩნია უმისობა ოჯახს, საჩვენინანოს, საახლოლოს, ენათმეცნიერების სახელოვან ინსტიტუტს.

და საწუგემოდ ისლა დაგვრჩენია, მის უნაყოფიერეს ნამუშავევთან (მარტო „ხევსურული ლექსიკონი“ რად ღირს!), აპრობირებულ თუ ჯერაც უცნობ ნაწერებთან შეხვედრების შესაძლებლობა რომ გვაქვს.

ამირან არაბული

ალექსი ჭინჭარაული

ქრონიკები

**ჯღუნათ გამიხარდი — ამლიონი,
გიორგით მიხიელი — ნინვადული,
და ალავერდით აბიკა — გლოელი**

არ ვიცი, მტერობა რაზე ჩამოუვარდათ. გამიხარდებ შე-
მოუთვალა მიხიელს: „სულარი უბეში ჩაიდევ, სადაც შეგხვ-
დები, მოგკლავო“. მიხიელმა შეუთვალა: „აქ ფართალი არ
იშოვება, თბილისამდე შორია. ამლიდან ძაუგამდე ახლოა, სუ-
დარა შენ გედვას უბეში, როსაც შავიყრებით — ან შენ გამო-
გადგება, ან — მეო“. მგონი, არ შეხვედრიან ერთმანეთს. გა-
მიხარდი უხიავი, აუტანელი კაცი ყოფილა და თავის ძმას
ჯღუნათ მიხიელს შემოაკვდა. მიხიელიც (ჩემი დეიდაშვილის,
უდროოდ ნასული უნიჭიერესი პოეტის — „უბედურის“, გი-
ორგი ჭოლიკაურის მამა) უმამაცესი კაცი იყო — ბაჩალ გო-
გოჭურის ნაუბარი მახსოვს (ამლიონთა სიძე ბრძანდებოდა):
„ამლას, ამლიონთ სალოცავში საბეკურის კარ ლუდს ვსვამ-
დით. ძმისმკვლეელი მიხიელი სოფელთან შერიგებამდე მათს
თავყრილობაზე არ უნდა მოსულიყო. მოვიდა და ვილაცამ
ლუდიანი რვლის (= სპილენძის, ა. ჭ.) თასი მიანოდა. ჯღუნათ
მიხიელმა დაილოცა და მოიყუდა სასმისი. მეორე ამლიონმა
იმიშვლა ხანჯარი: „შენ აქ არ უნდა მოსულიყავიო“, მოუქნია
და თასს მოხვდა მოქნეული. მიხიელმა თასი მეტოქეს მიაგ-
დო. მაივლა ხანჯარს ჳელი და შეუტია მეტოქეს: „მე ერთი ჳე-
ლით მეორე ჳელი მოვიჭერი, შე ფურო, შენ ვინ გკითხავს ჩემ-
სა და ჩემი ძმის ამბავსო?!“ — გაგაშველეთო.

მიხიელის და გამიხარდის მამა ჯღუნა განთქმული მო-
ნადირე ყოფილა:

**ჯღუნაი ჭოლიკაური ჯიჯვებს ფეჭდაფეჭ ხყევებისა.
ჯღუნამ ჩაწოცა ჯიჯვები, ჯღრე მაიტანა რქებისა.
მაგოდენს სიარულშია ლილღველ სად შემოგხვდებისა,
თუ გაგაცდინა ნასრევი, მემრ სადალ გაგიძვრებისა?!**

ჯღუნას ჯიხვთა ერთ ჯელგაში ყველაზე დიდი და დიდი
რქების მქონე ჯიხვი შეუნიშნავს და ამოუჩემებია მისი მოკ-
ვლა, მარტოკა მიდიოდა საჯიხვეში, ის ჯელგაც რამდენ-
ჯერმე იპოვა, მაგრამ სათოფე მანძილზე ვერასდროს მიუ-
ახლოვდა — პირველად სწორედ ის ჯიხვი „იკრავდა ნიავს“
და გადახვენავდა ჯელგას. ერთხელაც ამხანაგთან ერთად
ნასულა საჯიხვეში. მიუგნიათ ამ ხროვისთვის. წილი უყრი-
ათ და ზედ მისვლა ჯღუნას პრგებია, სავარაუდო გასაქცე-
ვი ბილიკის შეკვრა კი — მის ამხანაგს. ფარა ჯღუნას ამხა-
ნაგის სათოფე მანძილზე გარბოდა სწორედ ჯღუნასკენ,
უკვე დაბერებული დიდრქა ჯელგას უკან მოჰყვებოდა.
ჯღუნა აყვირდა: „დახკარი, აი, ეგ არის დიდრქა, დახკარი!“
მისი ამხანაგი მშვიდად მიაცილებდა ჯელგას. მან დიდრქას
დაჰკრა თოფი. „გაუმარჯოს“ —ო დაიძახა, ჯღუნას ხელი და-
უქნია („ნამოდი, გვატყაოთო“). ჯღუნამ მიაძახა: „შენი დე-
დაც და მანდ მომსვლელისაც!“ —ო და სხვა მხარეს გაემართა
შინისაკენ... იმ ჯიხვის რქები ალბათ ახლაც არის.

დავუბრუნდეთ გიორგით მიხიელს. იგი თემ-სოფელში
მამასახლისად იყო არჩეული. ერთხელ დედასთან ერთად
სადლაც მიდიოდა, გზაზე მისი მტერი ალავერდათ აბიკა
შეხვდა, იშულღეს, ხანჯრებით დაჭრეს ერთმანეთი; მიხი-
ელის დედა, მარტოკა ქალი რას გააშველებდა? შუაში მან-
დილი ჩაუგდო, რაც ხევსურეთის ადათით, მაშულღართა
უეჭველ დაზავებას იწვევდა. მიხიელმა დედის მანდილს
წიხლი ამოჰკრა და გადაავდო. აბიკამ გაიაზრა: „დედაჩე-
მის მანდილსაც ხომ ეგრე მოექცეოდაო“, და ნავიდა ჩეხ-
ვა. მიხიელმა მაშინ ცალი თვალი დაკარგა.

გვიან გამახსენდა მამაჩემის ნაუბარი: რალაც არეუ-
ლობის დროს ქვენაურმა ჩეჩნებმა შატილში მოლაღეს სა-
მოცი ხარი. „ნაიყვანეთ საქართველოში, დაყიდეთ და
ჩვენც თუ წილს დაგვიდებთ, კარგს იზამთ“ —ო. დიდი ხა-
რები იყო. ერთ-ერთმა მათგანმა დათვისჯვარზე ნაქარი
(„ნამქერი“) რქებით და მკერდით გაარღვიაო. კორშაში
გიორგით მიხიელი შეგვხვდა და აგვიშარდა: „შატილიონ-
ნო, ეს ხარები ან ნაქურდალი გყავთ ან გატაცებული“ —ო.
ზოგ-ზოგები აჯაგრულან, მაგრამ ერთმანეთი დაუშოში-
ნებითა: „კარგ ვაჟს ამბობენ, ძალიან მთვრალია, რომ ვი-
შულღათ, ხალხი იფიქრებს: მიხიელს შატილიონნი დას-
ცემიან და დაუჭრიათ“ —ო. გაშველებულან. ის კი უთქვამთ
შატილიონებს: „ამის შემდეგ სადაც ვინ შეხვდებით,
ვჭრათ“ —ო.

ბარში ეს უსაბუთო საქონელი ნაწილი პოლიციას ნა-
ურთმევიან, ნაწილი იაფად გაუყიდათ და ამით ნაშოვნნი
ფულიც სმა-ჭამაში შემოხარჯვითა, დაბოლმილნი და და-
ტილიანებულნი ნამოსულან უკან.

ხევსურეთში, იმავე კორშაში, ისევე ის გიორგით მიხიე-
ლი შეხვედრია დაბარებულებით, ვილაცას უთქვამს:
„თქვენ გაიარეთ, გაგვცილდით, მე მაგას ანგარიშს გა-
ვუსწორებ და დაგვენვით“ —ო. გიორგით მიხიელი გადმომ-
ხტარა ცხენიდან, გამარჯვება უთქვამს, ქუდი მოუხდია,
ცალ მუხლზე დაუწოქია: „თქვენი ჭირიმ, შატილიონებო,
დამთვრალს, უგონთგასულს რა ჩამიდენავ ძოლან! უკა-
ცობო კაცის მეტ მაგას ვინ იქმოდ?! აი, ქუდ-მუჭლით გეხ-
ვენებით, მაპატიეთ, ვაჟებო!“ — და ქუდი მათ წინ დაუგ-
დია. აუღია რომელიღაცას ქუდი, გაუბერტყვია, დაუხუ-
რავს პატრონისთვის და უთქვამს: „არაი ეგ საბოდიშოი-დ
ქუდ-სამუჭლე, სიმთვრალეწი მახვდების ეგეთურა“.

ხევსურეთში ნათესავებთან არაყი მიაქვთ, ჩვეულებ-
რივ ორი ტიკით: ერთი დიღია, მეორე მომცრო — „სამგ-
ზავრო“. არაყს წესიერი კაცი შემხვედრ მგზავრს ვერ გა-
აცილებს. დაგინებასავითაც არის: „სამისა არ დამსხმე-
ლისა, სამისა არ შამსმელისა!“ მიხიელი საარავგოს რომე-
ლილაც სოფელში (გველეთი, მოწმაო, დათვისი) მოკეთეს-
თან მიდიოდა არყით („არაყით მისვლა“). გზად იმავე შა-
ტილიონებს გადახყრია. მიხიელმა შატილიონების დაჟინ-
ბული თხოვნის მიუხედავად, მოხსნა ცხენს ხურჯინი და
ორივე ქინთი („ტიკი“) იქვე დაცალა, როგორც იტყვიან
„თავზე დააბერტყა“ ახალ ნაცნობებს. გულითადად დაემ-
შვიდობნენ ერთმანეთს. შეჯდა გიორგით მიხიელი ცხენ-
ზე, ჰკრა მათრახი და ჭენებით ნავიდა უკან, წინვადუსკენ.

რალაც შინგანმა უკურნებელმა ავადმყოფობამ გი-
ორგით მიხიელი საწოლს მიაჯაჭვა. იქვე იწვა სიბერით და
სნეულებით დაუძღურებული, ლოგინად ჩავარდნილი მი-

ხიელის დედა თუ მამიდა. ერთ დღეს ტკივილით გაბოროტებული მიხიელი ადგა და სადღაც გადამალულ ხანჯალს მიაგნო, მაგრამ ისე იყო დასუსტებული, რომ იგი მკერდში ვერ შეიყვანა. ხანჯალი ტარით ქვის ყორის ლიობში შესწარა და მკერდით მიანვა. ხანჯალი კი შევიდა სხეულში, მაგრამ საშველი არც ეს გამოდგა. გამოაძრო ხანჯალი კედლიდან და ყელში გამოისვა, მაშინლა გადააგდო ხანჯალი და ნაიქცა: მოხუცი ქალი ამას ყველაფერს ხედავდა, ხაოდა, მაგრამ მისი „გვიშველეთ!“ არავის ესმოდა.

სახლის ქვემოთ ბოსტანში ფეხშიშველი მიხიელის მეულლე საქმეს მორჩა და შინ შესულმა იკვილა: „რაი-ხქენ, შე ჩემი ცოდვით სავსევე?!“ — „ამანდ შიშველ ხანჯარ ღვდავ, ფეკ არ დააჭრ!“ — თქვა მიხიელმა და გათავდა...

P. S. რამდენიმე წიგნის ავტორი, ტანმორჩილი, სათნო, მშვიდი და კეთილი ბუნების მქონე პოეტი ირაკლი არაბული გიორგით მიხიელის შვილი ბრძანდებოდა.

აპარეკათ ხთისო

გვარად გოგოჭური იყო, კანათათ (კანათა-ნ-ი) მამამ-ვილობისა. კანათ ვაინახურად (ჩენჩურ-ინგუშურად) ნიშნავს „კაიყმა, რაინდი“, ხოლო კანთალა „კაიყმობა რაინდობა“, ხოლო ხევსურულად — „ქურდ-ბაცაცა“ შდრ. ვაჟა: ერთ ქურდ-კანტალა ღილღველსა ცუდი დაუდგა დარიო. ეს ალუდას მიერ მოკლული ძმაა მუცალისა, თორემ თვითონ მუცალი ვეფხვურად შეება ალუდას; რაც ვაინახებისთვის „რაინდობა“ იყო, ის ხევსურებისთვის — „ქურდბაცაცობა“.

გურო-გიორნმინდაში სამი მამაშვილობა იყო ვაინახური წარმომავლობისა — ქერხოსანანი, სუიკანი და კანათანი. ეს ალბათ მამაკაცის საკუთარი სახელებიდან გაკეთებული ფორმებია. შდრ. ქისტური ააფონც (რუს. Япония), ბურცაც (რუს. Бурсак...).

კანათათ აპარეკა დაუჭერინებიათ ქისტებს, ციხეში გარდაცვლილა და ობლად დარჩენილი ხთისო, მათი წეს-რჯულისამებრ, თვითონვე წაუყვანიათ და შეუყვანიათ გროზნოს სამხედრო სკოლაში.

საჭირო წიაღსვლა: ჩვენთან არღუნის მეორე ხეობაში (მუცო, არდოტი, ხახაბო) ნამოენი წვრილფეხი (ცხვარვერძი, თხა-ვაცი...) მორეკეს მოხევეებმა, ჩვენთან გაათენეს ღამე და მეორე დღეს გალაღეს ყაზბეგისაკენ. ხთისოს ჰყავდა ბიძაშვილი ტუჩათ ნიკო, ვინც მამა-ბიძების დაჭერინებისათვის სისხლს უშრობდა სახანოელ ქისტებს, რის გამოც ყაჩაღის სტატუსი მიიღო. მაშინ გავრცელდა ნიკოს თანასოფლელი ომათ ხთისოს მიერ ნათქვამი ლექსი:

**ნიკა ყაჩაღად გავიდა, რო გადაშრა მთაო,
ლაგანი და ლეურელი ორივ აიღაო.
გზაზე მილიცია დახვდა, არ ედარდებაო, —
გადაბრუნებულ ზატორი გამააბრუნაო.
ეხვენება ცხვედაძეი: „დამანებე გზაო,
თუ მოწმობა დაგჭირდება, ბეჭედს დაგიკრაო...“
სახანოში დაუბარა: „ძეცათ მაჰამაო.
დამაცადე ცოტახანი, მურთაზს მოგიკლაო,
ცალი ფეხი მოგიტეხე, ცალი ფეხით გყაო“...**

ნიკო მამაჩემისაგან გასტუმრებულ მოხევეებს დაუხვდა შატილ-გიორნმინდის სასაზღვრო ხიდზე და მთელი ეს წვრილფეხი ოცამდე სული წაართვა. მოხევეებმა სტუმარ-მასპინძლობის რჯულის თანახმად, მამაჩემს მოაკითხეს. მამაჩემმა შეუშვა ფარეხში: „ვისაც რა წაგართვათ, აქედან აიყვანეთო. ტუჩათ ნიკოს კი „მტერობა უბარა“, გზაზე მწყრილები ერთმანეთს უშულლარად ვერ გავსცილდებით, მზად იყავიო.

ტუჩათ ნიკო მიხვდა, რომ ნიათ ლეკოს, მათი, გოგოჭურების სიძის სტუმრები გაუძარცვავს და ნაძარცვი დედამის ნათიას გამოატანა.

ჩვენსას სტუმრიანობა, ქეიფი იყო და სტუმრებს შორის იყვნენ ტუჩათ ნიკო და კაპიტანი აპარეკათ ხთისო. ალბათ ეს შერიგების პროცედურა იყო.

ისიც მახსოვს, რომ ხთისო იჯდა კერიის უკან, ყველაზე უფრო საკვამლე ადგილზე. ნიკო გადმოვიდა და ქაზდარზე მიდ-მოდიოდა, ხან ფეხებსაც გაუსვ-გამოუსვამდა, ვითომ ცეკვავდა, გაჩერდა და დაიწყო მღერა:

**დაგძინებოყვა, მოყმეო,
ვერხოვან ვრილსა ქვაზედა,
ყელს გველი გადმაგზვევიყვა,
თავი დაედვა თავზედა.
კიდევ კი გეშველებოდი,
რო გავსულიყავ ხანზედა...**

და რევოლვერი ამოიღო ჭერში სასროლად. აპარეკათ ხთისო გადმოველო ყვერფ-კერას და მარჯვენა ხელი დაუჭირა: „მეზობლად თიყათ თოთიას სძინავს და მოხუცს ძილს ნუ გავუფრთხობთ!“-ო. ახარხარდა ნიკო, ჩააგო რევოლვერი და დაუბრუნდა თავის სკამს. კაპიტანმა უკეთ იცოდა, რომ ცეცხლსასროლ იარაღს ფრთხილად უნდა მოჰყრობა.

ომის დროს ბარისახოს სკოლა-ინტერნატი სამხედროებმა დაიკავეს და რამდენიმე მონაფე მალაროსკარის საშუალო სკოლაში გადმოვედით. იქ ერთ ჩემ ნაცნობ ოჯახში ვილაც ზესიძედ მისული ნაჯარალი მარტიაშვილი ჰყვებოდა თავის ამბავს.

„— ნამიყვანეს, კაცო, ჯარშია და გროზნოში მოვხვდი. რუსულის ინჩი-ბინჩ არ ვიცოდი, გამიჭირდა, შავლონდი, გამოვე, დავჯე ქუჩაშია და ვტირი თავჩაქინდრული. უცებ ვილაცამ მიყვირა: „ესტატ სალდატ!“-ო და ავდეგ. დამიწყო რუსულად საუბარი. „მენ რუსულ არ ვიცი“-ო, უთხარ. „ბიჭო, ქართველი ხარ?“-ო მითხრა ქართულად. „ჰო, ქართველი ვარ-მეთქი“, „შენ ვინა ხარ?“-ო ვჰკითხე. „მე ხევსური ვარ, ხთისო გოგოჭური“-ო მითხრა. ნამიყვანა ჩემს ნაწილში და იქ ჩემს უფროსებსაც ელაპარაკა. ომის დროსა, კაცო, დნეპრზე გადავდიოდით ნავებითა. ნემცები გვბომბავდნენ. ჩვენი ნავი აქეთ ნაპირზევე ამოტრიალდა და არც ახლა ვიცი. ვირჩობოდი. ვილაცამ ხელი მომიკდა და ნაპირზე გამამათრია. შევხედენ და კინალამ ვიყვირე, — გოგოჭური ხთისო იყო! მაიორის პაგონები ეკეთა...“

რაც აქ თქვენ გიამბეთ, ის მალაროსკარშიაც მოვუყევი მაშინდელ ჩემს მეინახეებს. ამ ამბების გახსენებამ კი ისევ რუსთველთან მიმიყვანა:

ვაე, სოფელო რას შიგან ხარ, რას გვაბრუნებ,
რა ზნე გჭირსა!
ყოვლი შენი მონდობილი ნიადაგმცა ჩემებრ ტირსა!
სად წაიყვან სადაურსა, სად აუფეხვრი სადათ ძირსა!
მაგრა ღმერთი არ გასწირავს კაცსა, შენგან განანირსა!
(948; 952/951)

ნარჩიტათ ხთისო

ნარჩიტა (<ნართ ჩიტა) თიკუნია ხთისოს დედისა (ნამ-
დვილი სახელი აღარავის ახსოვს), რომელიც ადრე დაქე-
რივებულა და ცოდვაჭირით ზრდიდა სამ ობოლ ბიჭს —
ხთისოს, გამახელას და კოკოშიას (ესეც თიკუნია). ამის
შემდეგ ამ ოჯახს ნარჩიტანი ერქვა: ნარჩიტათ ხთისო,
ნარჩიტათ გამახელა და ნარჩიტათ კოკოშია.

ერთ მთვარიან ღამეს ნარჩი-
ტათ ბინას საკომურიდან ია-
ტაკს მთვარის შუქი ადგა. ეს შუ-
ქი ერთხელ ჩაქრა, მეორედ... მე-
სამედაც რომ ჩაქრა, ხთისომ
თოფი ესროლა საკომურს და
იქიდან გაუფეხვარი ადამიანური
ხმა ჩამოსმა და საეჭვო სიჩუმე
გამეფდა.

დილით დედა-შვილებმა ბან-
ზე და მოსასვლელ გზაზეც სის-
ხლი ნახეს... იმ დილით შატილის
ზემოთ, შატილ-გიორნმინდის
გზაზე სულთმობრძავი ქისტის
ნახეს, რომელიც ჩიოდა:

„— ჩემ ქურდ არა, მე რად
მახკალ“? (...მე ქურდი არა ვარ,
მე რად მომკლეს-ო). ნარჩიტათ
ქისტის „თავი შამაებარა“ (სისხ-
ლი დაეკისრა), სიფრთხილე
ჰმართებდათ:

ერთ ღამეს ხთისო კარის
ჭრილობა გააღვიძა. გაიხედა და კარებში ვილაც ყარნიკა-
მოხურული (ლაბადამოსხმული) შემოდიოდა. „რომენი
ხარ?!“ — იკითხა ხთისომ და პასუხი რომ ვერ მიიღო,
„თოფი დახკრა“, „ხთისო, რაად მამკალ?!“ — დაიკვნესა
ნარჩიტამ და ჩაიკეცა.

სოფელი შეძრა ხთისოს ყვირილით: „უუ, დედო, გამახე-
ლავ! უუ, დედო, გამახელავ!“ სოფელებმა იფიქრეს, ნარ-
ჩიტათ ქისტები დაეცნენო, და მთელი გიორნმინდა ნარჩი-
ტათ ბან-კარზე გაჩნდა. ხთისო ჩიოდა თურმე: „ჰმა რო არ
გამც, ქისტ მეგონ, ე თოფ-ოქერიც გვერდზე მედვ...“

გამახელა და კოკოშიაც ნამოიზარდნენ. ერთ უბედურ
დღეს ისინი დენილას (გიორნმინდის ერთ-ერთი უბანია)
ხევს გალმა, ზემოთ ისხდნენ და თოფით ერთობოდნენ —
ხან რას უმიზნებდნენ და ხან რას, ხევს გალმა, ქვემოთ მა-
თი მამაშვილობის (ფრატრიის) გოგო თათიკათ იმედას და
ჴენცალავდა (<ჴელცელავდა, ნამგალით თიბდა ბალახს).
როგორც ჩანს, გამახელამ ამ გოგოსთვის დამიზნებული
თოფის სასხლეტს გამოჰკრა ხელი და ტყვია ამ გოგოს
(სამწუხაროდ, სახელი არ მახსოვს) მოხვდა, იგი სასიკვ-

დილოდ დაიჭრა. თვითონ იმ გოგოს უთქვამს: გამახელამ
და კოკოშიამ მომკლეს, იქ სხვა არავინ ყოფილაო. ეს თა-
თიკას იმედას და შატილიონ ნიათ ჴევსურის (საკუთარი
სახელია) დანიშნული ყოფილა, ვილაცამ რომ თქვა: ნიათ
სამუქა (ამ გოგოს მამა) მოდისო, გოგოს მანდილი მოუ-
კითხავს (ქმრის ძმას უმანდილო ვერ შეხვედებოდა!).

ნარჩიტათ ხთისო ბარისახოში წასულა ნამლების მო-
სატანად. უკან მომავალს კეოს ჩდილში, ტარტიკაულთ,
ნამენყრალ ვინრო ბილიკზე ეს ვილაცისგან ნათხოვარი
ჯორი გადასჩეხია, ხოლო უკან დაბრუნებულს გოგოც
მკვდარი დახვედრია და თავისი ძმა გამახელაც თათიკათ
იმედასგან მოკლული...

დედაჩემის ნაუბარი მახსოვს (გიორგინმიდელი ქალი
იყო): ბატკანი დაგვეკარგა, იმის მოსაძებნად გამგზავნეს.
თოფი გავარდა და თათიკათ იმედა ამოჩნდა, სარეკებელთ
(მთაა) ასცქეროდა, ფეხებს
ძლივს მოათრევდა; ამბობენ,
მამკლავს მაკლულის სისხლნ მი-
ენევიან და მუხლს მოსჭრიანო...

ხევსურეთის ადათით მდედ-
რის თავ-სისხლი მამრის თავ-
სისხლის ნახევარი, — ოცდაათი
ძროხა ღირს, მაგრამ შურისძიე-
ბის ნიადაგზე ქალს არავინ
კლავდა.

ნარჩიტათ ხთისო ძალიან
გამწარდა, დაუნყო დევნა ძმის
მამკლავ მოსისხლე ბიძაშვი-
ლებს, რომელთა შორის ყველა-
ზე კარგი ვაჟკაცი იყო სოსანთ
ხახონი, სწორედ ის თოფა ნარჩი-
ტათ ხთისომ გორის აქეთა მხა-
რეს ბილიკზე აღმა მიმავალი, სა-
მი თუ ოთხი ტყვია დაახალა. შემ-
დეგ ამბობდა თურმე: „მაგ ძალ-
ლიშვილს ბიჯი ვერ ავაჩქარე-
ბი!“-ო.

ამის შემდეგ სხვა მამაშვილობის კაცმა უთურგამ რომ
უთხრა: „ხთისო, ძმა-სახლიკაცებ ერცხვას რაად ხჯოცთ,
სირცხვილი, შარიგდით“-ო, მან უპასუხა: „რაჯლა შავდ-
რიგდ, უთურგავ, წყრულზე მარილს მაყრიან!“-ო.
„წყლულზე მარილის დაყრა“ ალბათ ხახონის ასე კაცუ-
რად დახვედრა იყო, თორემ ხთისოს არასაკადრისს არა-
ვინ ჰკადრებდა...

დედაჩემის ნაუბრიდან: „ჩვენ ორწყალჩი ვიყვენით.
დენილას თოფებ გაიყარ. იქ ვინამ თქვა: ნარჩიტათ ხთისო
შავარდავ შინავ. დავიქცენით, „კარ მღერკლედ იყვ დამ-
ჩალი-დ“ ზღუბლსთან მტვრიან სისხლის გუბ იდგ. შავე-
დით. თოფის ჩახმან იყვ გადამაბრუნებულ, აბონინა ქაზ-
დარზე ეგდ“.

ხევსგალმა ზევიტკენ მიმავალმა ქალმა გაიგონა:
მკვლელთაგან ერთ-ერთმა თქვა: „გზაჩი შაყრილს ნუვის
ავსძრახდებით, — სირცხვილიანებ მივდით“.

ნარჩიტათ ბანზე ნადგომმა თაველექათ ბიძურამ ჩას-
ძახა თავქვე მიმდინრებს: „ნარჩიტათ ხთისო მაგიკლავთ,
„სახელიანებ“ მიზლით! ანიდგე ნულარავისგან გემინისო!“



მხატვარი მალხაზ თავაძე

გაიათ გაგუა

შატლის თემის სოფ. ლებაისკარში ცხოვრობდა. უმამაცესი ვაჟ-კაცი და ნიჭიერი მელექსე გახლდათ. მომადლებული ჰქონდა იუმორის ნიჭიც. არც აბრეკობაზე ამბობდა უარს. გაიათ ბაბუა ბარიდან მთაში ბრუნდება. ფშავში, სოფ. ჯომისძირს მთის კვალობაზე საკმაოდ ფართო მინდვრის გვერდზე დუქანი ყოფილა, სადაც აუარებელი მგზავრი იყრიდა თავს. ამ მინდორზე მთვრალი ხევსურები დარევიან ერთმანეთს. ისმის ბაქ-მუქარიანი გადაძახილები. ერთმა მგზავრმა დაიძახა: „საჭინჭარაულო არავინ ხართა? ჯერ მამკლა (ე. ი. ჩემი თავ-სისხლი ემართა), ეხლა ისევ მე მჭრაო“. ბაბუამ ჯორი ხეს მიაბა, ჩაიარა, ვისაც სისხლჩამდინარი ემუქრებოდა, იმას დაჰკრა თავში ხანჯალი და უთხრა: „თქვენგან მაკლული ჭინჭარაულის უმცროსიმც იქნები!“ ე. ი. საიქიოში იმისი მონა-მორჩილი იქნებო. შეჯდა თოკის უზანგებით გამართულ ჯორზე და გზა განაგრძო.

ქისტეთში, სოფ. მიზუში ცხოვრობდა ერთი სახელგანთქმული ქისტე ცოთეში. ბაბუამ მაინცდამაინც იმას დაჰპარა ყოჩები:

ყინვართ ბოლოზე შავლალე,
ცოთეშო, შენებ ვერძები.
მე თავშალმისკე მიმიდის,
შენ თავგალმოსკე ექებდი.
ძაუგში ნურას გვიჩვილებთ, —
ავგიტირდების დედები...

მეორე ლექსით სულ აიგდო ცოთეში:

გაიათ დაბლაი-ორ,
ვერვინ მანახვევს ციხესა!
ბევრ მახე გამიკილავის,
ბევრას გავხვილავ კიდეცა.
სადაც ყინვარზე შავვარდი,
გავიარე და ვკიბეცა!
ქალს არ მამცემა, ცოთეშო,
არ გამიხდია სიძესა? —
იქნება მოვიმატებდი
სიმაღლესა და სისქესა...

თბილისის სახელმწიფო უნივერსიტეტის პროფესორმა გრიგოლ კიკნაძემ სამეცნიერო ექსპედიციაში წაგვიყვანა ხევსურეთში. კისტან-ლებაისკრის ქალებზე მდინარე წამდაუნუმ იცვლის კალაპოტს. გვახლდნენ გოგოებიც. მთის მდინარე მაინც ცივია. ან განსვენებული ჯუმბერ თითმერია, ჯანიანი და გამრჯე ვაჟკაცი, ხელეზე გადაინვენდა ხოლმე მათ და ისე გადაჰყავდა. ლებაისკარიდან გაიათ ბაბუას 16-17 წლის შვილიშვილი გავიყოლეთ და ზურგნანთები ცხენზე დაგვიკირთეთ. როცა ჯუმბერმა ერთ-ერთი გოგო გადაიყვანა, ლებაისკრელი ეკითხება:

- რაი ეგ გოგო შენი?
- ამხანაგი.
- ამხანიგ, მამ! — უგემური ღიმილით ჩაილაპარაკა ბიჭმა.



დავიბადე 1968 წლის 12 აპრილს, პარასკევ დღეს, ქუთაისში.

ჩემს ოჯახში მესამე, ნაბოლარა, დედმამიშვილი ვიყავი.

მამაჩემი თავის დედმამიშვილებში იყო ნაბოლარა.

ბაბუაჩემი — თავისებში.

ასე რომ, ბაბუაჩემის მამა — ბესარიონი — თერგდალეულების თაობის იყო.

ბაბუაჩემი ილარიონი კი — ცისფერყანწილების თაობის...

გვარში, მე არ მსმენია, ვინმე მეორედ გათხოვილიყოს, ან ვინმეს მეორე ცოლი მოეყვანოს, ბაბუა აპრეხილი ულვაშებით დადიოდა, პენი ჰქონდა. ჩოხა-ახალუხი, თავისი ვერცხლის ქამარ-ხანჯლით, 85 წლის ასაკშიც უხდებოდა.

რკინის ნრთობა უყვარდა, მჭედლების საამქროს მეთაურობდა...

მამისგან დარდიმანდული პოეზიის სიყვარული დამყვა.

დედისგან — ხალხური ზეპირსიტყვიერებისა.

ორივესგან — მათემატიკის ვნება, მათემატიკის ამოცანების ნრთვნა, იქამდე, რომ ახლაც სიამოვნებას მანიჭებს — მათემატიკის პედაგოგი ვარ.

ამბობენ, ლექსებსაც მათემატიკური გათვლით წერსო, მე კი მგონია, მათემატიკაში გაცილებით მეტია პოეზიის წილი.

ლექსების წერა გვიან დავიწყე, სტუდენტობის მიწურულს, თუკი ჰქვიათ ამათ ლექსები, უფრო განწყობილებებით, რომლებსაც ხელმეორედ იშვიათად მოვუბრუნდები ხოლმე...

მომწონს ქართული ნატიფი კალიგრაფიის ცქერა...

თუ სიტყვაც ისეთივე ჩანსულია, მითუმეტეს...

მყავს მეუღლე და სამი შვილი — ანი, გვანცა, მათე. მათე ნაბოლარაა...

რედაქციის მინანარი

პოეზიის მათემატიკა და მათემატიკის პოეზია.

კარგად დავიწყებული ძველი!

საინტერესო თემა შეგვახსენა გენადი მარგველაშვილმა. მართლაც, თუ რაიმე ემსგავსება და ენათესავება ამქვეყნად ერთმანეთს, ერთ-ერთი პირველი მათემატიკა და პოეზიაც არის. საერთოდ, ლიტერატურაში ბევრი რამ არის მათემატიკური.

სხვათა შორის, ისიც საინტერესოა, მათემატიკოსის ლექსები მათემატიკური პოეზიაა თუ პოეტური მათემატიკა?

არის ამ ლექსებში უცნაურად სიღრმისეული, რაღაც რიცხობრივისა და სივრცობრივის სინთეზის მსგავსი. ავტორი თითქოს „ციფრული კამერით“ იღებს პოეტურ სურათებს და შემდეგ მოტივებად და განწყობილებებად ალაგებს მუსიკის ფონზე.

ასე და ამგვარად: პოეზია ქმნის, მათემატიკა შეიმეცნებს.

გენადი მარგველაშვილი

მურა

როცა გგონია, რომ აწეწილ ცხოვრებას
 კრიალოსანის მარცვლებად ალაგებ,
 შემოდგომის ბოლოს ქარნაცემ ტყეში
 სახლიდან გაგდებულ ბებერ ქოფაკზე
 თუ გიფიქრია?
 ...სადღაც დამალეს ოდესღაც ასე ნაცნობი
 ნესტოებით აღქმული სამყარო...
 და ამ სხვა გარემოში არცერთი სუნი
 წარსულს არ აგონებს.
 თითქოს საშიში არაფერია, თუმცა
 ყოველივე რა უცხოა, ჯერ აღუწერელი
 თვალთათვის და გაუგონარი ყურთათვის...
 იქამდე უცხო, რომ არცერთ ხის ძირში
 მოშარდვის სურვილიც არ გასჩენია.
 არც კი წამოწვია... დიდრონ თვალეზე
 ჩამოწოლილი მძიმე წარბები ოდნავ შეერხა
 და იდგა დიდხანს როგორც ქანდაკი.
 ...როცა გგონია, რომ ცხოვრებას,
 როგორც უცხო ლაბირინთს,
 უკვე შეაბი შენი ეფუანი...
 ამ ბებერ მურას თუ სცემ მაშინ
 საკადრის პასუხს?...
 რა ქნას საბრალომ, ნუთუ მგელივით
 მოჰყვეს უსაგნო, შიშნარევ ყმუილს
 მარტოობაზე?

სონეტი *** 3

ვენახის სარზე „ჩიტუნელა“ იჯდა მარტოკა,
 დროებით მოწყდა კეთილ საქმეს — ბუდის შენებას...
 გუბის ტალახი ასახელად აღარ ვარგოდა...
 ჩიტი „ფიქრობდა“ — „თუ არ მოწვიმს — რა მეშველება?“
 ვენახის გვერდით თაგვი სოროს თხრიდა მალულად,
 მინისპირს ხშირად აკითხავდა გულის ხუთვებით,
 წვიმის მოსვლამდე გამართული ჰქონდა მარულა,
 რადგან „ფიქრობდა“ — „რომ მოწვიმოს — დავიღუპები“...

ქორი დაჰქროდა, გულმოდგინედ ჰკრავდა ირაოს,
 ჩუმად „ფიქრობდა“ — „ეჰ ნეტავი წვიმის მოსვლამდის
 თაგვი თუ არა ჩიტი მაინც მაპოვნინა, რომ
 სულ ოდნავ მაინც დავანაყრო ჩემი ოჯახი...“

წვიმა „ფიქრობდა“ — მოსულიყო, არ მოსულიყო...
 ზღაპარიც იყო, არა იყო — განა სულ იყო...

* * *

დილიდან გამოყოლილი ნისლის სინოტივე
 წვეთობით ააშრო მზემ...
 აი რას ჰქვია ობოლი სიზმარი და
 ლოდინით გულმა საით გაგინია?

...აგურ-აგურ აშენებდი სახლებს,
 შიგ კი მაგიდებზე გადაშლილ,
 ნახატებიან წიგნებს ალაგებდი...
 ...ტივი მიდიოდა მდორე მდინარეში...
 წინ ლოცმანივით იდგა კაფანდარა,
 შავებით მოსილი ქალი...
 ნაადრევად ჭალარაშერეული...
 ...ყველა სახლი იყო დამწვარი და
 მიწასთან გასწორებული...
 თანდათან ჩემი აგურებიც მიჰქონდათ,
 ისე ცივად და საქმიანად,
 ისე გაგულისებით...
 ჭალარა ქალი შვილს ეძებდა
 ორივე ნაპირის დანგრეული სახლებიდან...
 რა იცოდა, რომ შვილის სული იქვე იყო,
 იმ სათამაშოში...
 ლოყანივით მასხარაში...
 თოჯინაში, რომელიც
 სათამაშო აშენებ ჩამოეხრჩოთ და
 დედის ყოველ დაძახილზე უმწეოდ
 კონწიალებდა...

სონეტი *** 4

მხოლოდ ერთხელ თქვა „მიშველეთო“ სულის გაკმენდით,
 ჩაებლაუჭა თითქოს ფეხებს მწვანე ხავსისას,
 სისხამდილით კი უკვე მღვდელი საკმევს აკმევდა...
 ხოლო შუადღეზე ძველებურად ისევ გასიცხდა...

ისე იცხოვრა ქვეყანაზე ასშვიდი წელი,
 ერთხელ წელიც კი სამადლოდ არ ასტიკივებია...
 ყველას აჯობა, იყო „მძიმედ“ გრაალის მცველი,
 იყო, იცოდა, რომ ცოცხლები ბოლოს კვდებიან...

ენატრებოდა მუდამ სუნი აგვისტოს ოფლის
 ასვეტილ ზვინის, დეკულის, სავსე ტაროსი,
 კეცის მჭადების, ბუხრისპირის, ზოგადად სოფლის,
 და შეითვისა ყოველივე სააქაოსი...

და ველარ შეძლო კარიბჭედან უკან წამოსვლა,
 მხოლოდ ერთხელ თქვა — „მიშველეთო“, მაინც წამოცდა...

* * *

დაგვიანებულ ქვეტექსტს,
 როგორც მჩხიბავი შარბათს,
 ჩემს ჩამომხრჩობს თუ მხვრეტელს
 დავენაფები შაბათს...
 ...მგონია თავი როსი —
 ნანტი, თუ სულაც ბუცე —
 ფალი და უფლით მოსილს
 გამელვძებდა უცებ...
 რას დაიბრუნებ სიზმარს...
 თუნდაც ირიბად, ბეცად...
 იმ სიმწვანეთა მიღმა
 ვის რა სურნელი ეცვა?

დამეკარგება ხვალი
 რაშიც მერანი მიქრის...
 ოჰ, ეს დღეს, ხოლო ხვალ კი...
 ვის მოუნდება ფიქრი?

**MEMORIA HOSTIS UNIUS
 DIEI PRAETEREUNTIS ***

ეიფორია...
 გაჭიმულ არფის სიმს მტვერი დაეფინა
 და უცდის ღვთის თითებს,
 რომ სევდა გაფანტოს.
 ნაცნობი უნისონის ლაბირინთებში...
 მამაჩემს პურმარილი გაუნყვია
 ბრჭყვიალა რესტორანში...
 გამოპრანჭულა, თეთრი მანუეტებით
 ნეკაპრეხილი სვამს შამპანურს
 ვარდისფერ ბაკლიდან...
 ზის მარტო, გაშლილ მაგიდასთან
 და უცდის ღვთის სტუმარს...
 ეჰჰეჰეჰე... რა ღირს ბილეთი
 სააქაოდან საიქიოში?
 თუ სულაც უფასოა...
 ყელმოღერილი ნაცნობი ქალი
 მღერის ღვთის მუსიკას...
 ძალიან ნაცნობს, მაგრამ ისეთს, რომ
 ვერაფრით იხსენებ...
 რძისფერ სუფრაზე მწყობრად დაუნყვიათ
 ოცდაათი შავი ვარდი
 თუ დააკვირდები დაღლილი თვალებით,
 უფრო ჰგავს მანუსკრიპტს
 ან ვეება ჩინურ იეროგლიფს,
 რომელშიც ნათქვამია ყველაფერი,
 და გრძნობ, რომ იცი ყველაფერი ყოველივეზე,
 მაგრამ გელვიძება და ყველაფერი
 გავიწყდება...

სიზარა

გაჩერებული საათის ხიბლი —
 ძველი სერვისის აქსესუარი...
 ვკითხულობ მხოლოდ ნაკითხულ წიგნებს
 (თითქოს მეგობრებს ვაცოცხლებდე ლაზარესავით)
 და მწუხრისპირის ლაბირინთებს — ნაცნობ სტრიქონებს —
 მოვეფერები, თითქოს ყრმობის წლებს ვიპარავდე...
 ჩამოენაცრისფრდი,
 გამოვხუნდი, როგორც ფურცლები უძველეს ტექსტის...
 ძლივძლივობით რომ იკითხებიან...
 (შეგილიტინებს ნესტოებში ძველი სურნელი და
 შენც პიკანტურ წვრილმანებამდე გაგახსენდება
 პირველი ტრფობის იდუმალი შინაარსები...
 ...ხომ ეთანხმები, რომ ყველა წიგნს თავის სუნი აქვს,
 როგორც ყველა ქალს და სუნამოს
 და შემოდგომას...)

* ერთი დღით წვეული სტუმრის ხსოვნა...

თუმცა მათ ახლა ვინღა კითხულობს...
 და გადამენდნენ ახალი მტვრისგან
 ახალ ადგილას გადაიტანენ, ვით რელიკვიას...
 შეაფასებენ კალიგრაფის ნამოღვაწარს...
 თუ რა რთულია წერო გამუდმებით ლამაზი და
 კოხტა ასოებით...
 აღფრთოვანდებიან და წაფლენ,
 რომ საკუთარი ხვაშიადიც შეამზადონ დაძველებისთვის...
 ოჰ, დრო კი მიდის, ადამის ძის გამონაგონი...
 ისევე თენდება და ისევე უწევთ გასწორება
 გაჩერებული საათის ისრებს...

* * *

სურვილებს ვატან — დღეებს უწინდელს —
 სული გარდასულ ვენებას იურვეს...
 ვკითხულობ მხოლოდ ნაკითხულ წიგნებს,
 როგორც ნაფერებ ჰერბარიუმებს...

სევდარდი

ნკვიმატი ამინდი ფარდების გადაღმა,
 ნვიმარტი, თვალებში შიში და სევდარდი...
 დუმილიონები, ვარდების ქადაგმა
 მწუხარე ნაპირით მატარა შენამდე...

აპრილი მოვიდა ჩარეცხილ სტრიქონით...
 ცისფერიცვალება ...ცრუნაფორები...
 ქარაფში ჩაიქცა ცხრა ქორონიკონი,
 მაისის მიღმიდან არ გემახსოვრები...

სტუმარიონეტი იენისის სიმწვანით
 გაიბნა დანამულ ბაბუა წვერებში,
 ანდაზაფრულები მღეროდნენ წინწყაროს...
 ამ ერთს მეც გიმღერებ, მერე კი — შემეშვი...

...იმ დროთა სიღრმიდან მოდენილ სურვილებს
 ვფანტავ თუ ვაგროვებ, ვერ ვხვდები, არ ვიცი...
 იმ მზისფერ კბოდედმდე მეც მიმატურვინე,
 აი რას ვნატრობ და აი რას განვიცდი...

მოლოდინი

მთელი სიცოცხლე ელოდა გოდოს,
 ცრემლებით სვრიდა სარკმლის კიდეებს,
 როგორც პანია, უმწეო გოგოს
 არ პატიობდნენ უცხო იდეებს.

როგორ უნდოდა სამყაროს შეცვლა,
 როგორ ცდილობდა მისთვის ესმინათ,
 მაგრამ რასაც კი ვითომდა შესწვდა,
 ამ მოლოდინის ნამებს შესწირა.

და როცა გოდო გამოჩნდა რიხით...
 (თუ ის, ვინც გოდოდ თავად იწამა)
 გადაივიწყა ყველა თარიღი...
 და ჩუმად, უხმოდ გარდაიცვალა...

* * *

ძილია შვება და ქვადქცევა რჩეული ხვედრი
ვიდრე ბობოქრობს ლაფდასხმული ეს საუკუნე...
მიქელანჯელო

აქ...
ამ განზომილებაში ქანდაკებები
უფრო დიდხანს „ცოცხლობენ, ვიდრე ადამიანები“...
...ღვთიური სული ნეტა მათაც აამეტყველებს?
ანდა — ვინ იცის, ეგებ იდუმალი ულტრაბგერებით
მასლაათობენ კიდევ?

და
რომელიდაც აპოლონმა, მძიმე ქვის გული
გადაუშალა მშვენიერ დაფნას...
...უბადრუკი სახიერება, შეგრძნებათა სიმარტივე
და სასრულობა, არ გვაძლევს იმის საშუალებას,
რომ დავიჯეროთ...

არა...
„არ შეუძლიათ აზროვნება ქვის ნაკეთობებს“...
აი რა გვჯერა... უტყუარი დასაბუთებით
მთელი ჩვენი სასრული ცხოვრება...
ფარდობითობის თეორია კი ყველგან მუშაობს.
არსებითი კატაკლიზმები, რომელსაც ჩვენი გონება
ჯერ ვერ მინვდება...
მოსალოდნელი რეინკარნაცია...
სამყაროს ალქმა, შავი ხვრელები...
სადაც სამუდამოდ დამალეს ჩვენთვის
სამოთხე...
ანუ მეოთხე განზომილება...
სულთა სამყარო...

განსახილველი

საინტერესოა...
რომელი თვალებით ხედავ სამოთხეს,
თუგინდ ჯოჯოხეთს?..
იმ თვალებით ხომ არა, გულმოდგინედ რომ დაგიხუჭეს
და სამარეში ჩაგაყოლეს?..
— მაგათ რომ რამის ცქერა შეძლებოდათ,
ეგებ სააქოს გამოგდგომოდნენ...
რა ცინიზმია, სისასტიკე გაუგონარი...
საინტერესოა...
სუნს როგორ აღიქვამ, რომელი ნესტოებით?
თუ ეგებ საერთოდ არ გჭირდება სუნის ალქმა იქ,
სადაც ლომებიც ბალახს გეახლებიან?
(საწყალი ბალახი, თუ ეგებ საწყალი ლომები)...
ამპარტავნობა დიდი სენია...
დაუდგრომელი სულის თანმდევი...
საინტერესოა...
საკვების გემოს როგორ გებულობ?
რომელი ენის რეცეპტორებით?
ან თუ გიხსნიან, სხვაგვარად როგორ აღიქმება
მაგ თვალთა სიტკბო, თაფლისადარი...
ოჰ, ერთხელ მაინც დამასწრო
იქაურ ბიოლოგიის გაკვეთილებს...
საინტერესოა...

როგორ გესმის, რომ შენით ყველა უკმაყოფილოა?
რომ ათას ცოდვათა ჩამდენს
აღარ აგცდება კუპრის აბაზანები?
რომელი ყურის ნიჟარებით, ან ეგებ გულისყურით,
ეჰ, ნეტავ როგორია ჩვენი აბსტრაქტული სხეული —
არაამქვეყნიური, უკიდევანო, ყოვლისმომცველი,
ან როგორ ტირის ეს დალოცვილი?
ან როგორ სტკივა, ან როგორ უყვარს, რომელი გულით?
საინტერესოა...

ცანზურა

...ნეტა რა ენერა საბრალო ფურცელზე,
სანამ გულმოდგინედ ყველაფერს ნაშლიდნენ.
ალბათ დაუმალეს გრძნობები ცენზორებს —
სიკვდილის ნაცრისფერ თვალებს...

გულიდან წვეთავენ წითელი ცრემლები,
მინდა რომ დაწყნარდე, მინდა რომ დამშვიდედე,
ვარდისფერ სპილოზე შემსხდარი ორბები
ჩონჩხებით ღამეებს რთავენ...

გაღმისკენ მდინარის სათავეს ყინულად
მოჰყვება დამდნარი ზურმუხტის წვეთები,
ფირუზის წვიმები ორბებად აქცევენ
სპილოზე ანონილ სვავებს...

და ჩემი სამშობლო გადაჰყვა ამ წვიმას
როგორც პაპაჩემი, ჯერ კიდევ ყმანვილი...
მეც მისი თითებით გათლილი ყანნი ვარ
ღვინით მავსებენ და მსვამენ...

სონეტი * 5**

გარეთ წვიმაა, სარკმლის მიღმა სივრცე სველდება
უფლის ცრემლებით, მოჭარბებულ სინოტივიდან...
შენი ღიმილი სიზმარშიდაც არ მახსენდება...
შენი სიმღერა დავინყების ზღვარზე მივიდა...

და ჩაძინებულ მოგონებებს — სავანძურიდან,
ობმოდებული დღეებიდან — ვძერწავ ხელახლა...
ამდენ სინანულს ნეტა ვინმე თუ მოუვლიდა...
როგორ ძნელდება გულისთქმათა სუფთად შენახვა...

აი მე უკვე გაგიტოლდი თითქმის ასაკით,
ახლა მე უკვე მიხარია მოვლა ვენახის,
ახლა მე უკვე გავმრავლდი და მკვიდრად დავსახლდი
და თავს ვინწონებ შენებური „რაშო ჩელათი“.

მე შენი სულით, მონატრებულ სულით ვსველდები...
„შენ ხარ ვენახის“ ვიმღერებ და გამახსენდები...

* * *

დაბერდნენ ჩემი ლექსები, აღარ ვარგიან არაფრად...
როგორც დაღლილი მერცხლები აღრიალებულ ქარაფთან
სხედან, იტანენ მოლოდინს გაუმხელელი დარდისას,
გული თუ მოგყვა ბოლომდის, სული თუ ამოვარდისფრდა?..

წალკოტის თეთრი წვიმები მხრებს ეფინება ფარდებად,
ერთხელაც შევეწირები, ერთხელაც წავალ თავდებად...
და გახუნებულ ოთხთავებს ვისრუტავ განახლები,
როცა სამშობლოს მორთავენ ღვთისგან ნაბოძი ფერებით...

ჩემი ლექსები დაბერდნენ, არაფრად აღარ ვარგიან,
სულ მალე სულის საბედო ფიფქებად ჩამობარდნიან,
შენს ლანჯზეც დასკუბდებიან ცრემლებად დილაადრიან,
მერე კი აორთქლდებიან, შენიც ნაჰყვებათ დარდია...

რალა ვქნა, რით შეგენიო, ჩემიც ვერ მითქვამს სურვილი
ზურმუხტად გადალენილო მამულო, ოქროცურვილო?
გაქრა ქარაფთა თამადა ბავშვობის ანცი სიცხადით...
ლექსებს არ ვდარდობ თავადაც ამოვშრი
მზით ნასიცხარი.

სონეტი * 6**

უცხო სიზმარში რეკვიემი ისმოდა სრული,
თანმიმდევრობით მიიცვალნენ... იყო მსვლელობა...
ჯერ ბოროტება, ანგარება, ბოღმა და შური,
მერე უვიცთა ტირანია, ფარისევლობა...

მერე ლიქნი და დაბეზლება, მოძმეთ ლალატი,
ამპარტავნობა, სიძუნწე და სიძვის ვნებები.
მერე კაცთა კვლა... და გაივსო უცებ ქალაქი
ცოდვის წყებების უბადრუკი გასვენებებით...

სხვა ცოდვებს მიჰყვა თავხედობა, ლანძღვა-გინება,
სულის წარწყმედა, ეგოიზმი და სიძულვილი...
ქვეყანა დარჩა (რადგან ღმერთმა ასე ინება)
სოდომ-გომორას გადარჩენილ კაცთა სურვილებს...

ყველა დაკრძალვას გზად სიკეთე ახლდა — მეგობრად
და ვერ ვხვდებოდი მწყენოდა თუ გამხარებოდა?!

* * *

ამეკვიათა
თეთრი ფონი, მწვანე შლაპები,
მწვანე თვალეები, მწვანე ზღვა და ღრუბლის ქულები
და ამ ზღვის იქით კუნძულები,
საგანძურები,
შავი მერცხლები, შევერცხლილი მერსედესები,
მძიმე დესერტი, შავი ღვინო,
შავი რუტინა,
ულტიმატუმი — „დღეის მერე წვეთსაც არ დავლევ“.
მორცხვი ღადავი, და სათავე
ანეკდოტების,
წვიმის ნოტები, მწვანე ზღვაზე აშხეფებული,
მოძველებული სერენადა — „ისევ მჩატდები?“
სომბეროების მაგივრად კი
მწვანე შლაპები...
ფარული ვნების მოტივები, მძიმე ტრიადა
ამეკვიათა...

* * *

დღე დამთავრდება სულ უბრალო თავგადასავლით...
ძვირფასო სავლე, დღეის მერე წვეთსაც არ დავლევ,
და აღარ მოვწევ მე სიგარეტს,
ძვირფასო მოსე,
მზის ასორმოცჯერ მობრუნებას უნდა მოვესწრო...
ოჰ, სადმე მენდეს მისიელი მაპოვინა და
თავისუფლებას თუ მასწავლის, იგი მასწავლის,
თვარა გულისთქმა ულმობელი
აფორიაქდა,
აფორიაქდა...


სონეტი * 7**

სალამი წყვიწყვი,
აჰა დადგა დრო სანეტარო...
ხიდს ვინ დაეძებს, წყვილ-წყვილობით გავჭრით გვირაბებს...
რადგან ასრულდა ეს ოცნება, ძველს გავეყარო
უნდა სასწრაფოდ, თორემ გვირგვინს ვინ გვინილადებს?

ოჰ, რაც რომ ტანჯვა გამივლია მე აქამომდე...
რაც კი ბუხართან მიქექია თბილი ნაცარი.
თუ კაცი მქვია, აი ახლა უნდა გამოვდგე
სანამ ვირები დაინყებენ კუდის ცანცარით

უბადლო ყროყინს ზეახლებლურ დემოკრატიზმზე...
...მე ჩემი თავი თეთრ ნაბადში ისევ მეგულვის...
(ეჰ, ვის უთქვია, მეგობარო, უარი პატივზე).
ხალხთა მოდგმისთვის თეთრ რაშზე ვარ ამხედრებული...

ლაპარაკს ვსწავლობ, საძირკველიც უკვე ჩავყარე...
შენ არ იდარდო, არ შეგარცხვენს
შენი ყვარყვარე...



შემოქმედებითი ჯგუფი „ზღვარი“ შეიქმნა 1999 წელს, თბილისში. მისი შემადგენლობა ასეთია: კახა ბაციკაძე, გიორგი ზუხბაია, სერგი ლომაძე, ვასო ლომაძე (ხანდახან მათთან ერთად კახა ლომაძესაც მოიაზრებენ, — სერგის ვაჟს, თუმცა იგი ჯერ მცირეწლოვანია). ჯგუფის ძირითადი „სამოქმედო სივრცეა“ პოეზია, პროზა, მუსიკა, ფილოსოფია. „ზღვარის“ წევრებს ხელოვნების უამრავი საღამო გაუმართავთ საქართველოს სხვადასხვა ქალაქში, ასევე — შექმნილი აქვთ პოეტური წიგნები და მუსიკალური ალბომები. თანამშრომლობენ ორ აკადემიასთან: ფაზისისა და ლეჟავასი. ზღვარელთა პოეტური გამოცემა ძირითადად ქართულ კლასიკურ ლიტერატურას ეფუძნება — რუსთველი, ბარათაშვილი, გრანელი და სხვანი, რომელნიც ასევე კლასიკოსთა სივრცეში მოიაზრებიან. მიუხედავად ამისა, ზღვარელები ყოველთვის ემხრობიან ხელოვნებაში ახალი გზების ძიების ტენდენციებს, რაც ასე გახშირდა საქართველოში, ოთხმოცდაათიანი წლების თაობის გამოჩენის შემდეგ...



გიორგი ზუხბაია



კახა ბაციკაძე



კახა ლომაძე



სერგი ლომაძე



ვასო ლომაძე

კახა ბაციკაძე

პოეტის ვნებანი

გარდასულ გრძნობებს გულის ფსკერი ჩუმად ინახავს, აზრის ბუდეებს მშვიდად ქსოვენ ფიქრის მერცხლები, მგონი, რაიმე მიზანს, უკვე, აღარც ვისახავ, და, გინდა მიზნით, გინდ უმიზნოდ, ჩემთვის ვეგნები. ვამბობ, — არასდროს არ მესმოდა კაცთა ცხოვრების, მე მნამდა მხოლოდ პოეტური შუქის ციალის, და სულ ვხვდებოდი, (ჩემი გრძნობით, რთული გონებით), რომ განწირული იყო, ქვეყნად, ადამიანი. დიდი ხანია, რაც შევეშვი, კითხვების დასმას, — პასუხები ხომ სასტიკია და უღმობელი, ან რა აზრი აქვს თუნდ კოსმიურ სივრცეში გასვლას, თუკი უფალი მაინც რჩება შეუცნობელი...

უდიდეს გრძნობებს გულის ფსკერი ჩუმად ინახავს.

ოცნებების ფიროსმანი

მწუხარეა ეს ღამე, მეც მწუხარე ღვინოს ვსვამ. სიყვარული მაჩუქე, ოცნებების ფიროსმანს. ცხოვრებას ვერ გავეუგებ, ალავერდს ვარ სიკვდილთან, ყვითელ ვარდებს გაჩუქებ, დავკრეფ გულის ტკივილთან. ღამის ნაზი ნიავი სახეს მოეფერება, თითქოს შენი სუნთქვაა, — ასე მომეჩვენება. სხვა შენში რას დაეძებს, რა სურს ღიმილის გარდა... მე ხომ, შენი, ძვირფასო, ჩუმი სევდაც მიყვარდა. გული კვდება უშენოდ, იმედები გაქრება, და ჩემთან სამუდამოდ პოეზია დარჩება. მწუხარეა ეს ღამე, მეც მწუხარე ღვინოს ვსვამ. სიყვარული მაჩუქე ოცნებების ფიროსმანს.

გიორგი ზუხბაია

ბანცდა — ნამიერი

თითქოს მესმოდა ღრუბლების ენა; მოგმართავ, ქრისტეს თვალების ფერო, და ვფიქრობ, — ღმერთმა სამყარო შექმნა მხოლოდ იმისთვის, რომ ლექსი ვწერო. დაღუპვაც აღარ დაიგვიანებს, — მშთანთქავს სიბნელე, როგორც მორევი; დავავიწყდები ადამიანებს, მე მხოლოდ ქრისტეს ვემახსოვრები. თითქოს მესმოდა ვარსკვლავთა ლოცვა, ღამეს სინათლის ცრემლი შეეფრქვა; უფალი მხოლოდ იმისთვის მოცდა, რომ ქვეყნად ჩემი სევდა შეექმნა. მე გულს მივსებდა ვარსკვლავთა ლოცვა...

სერგი ლომაძე

იდეალისტი

(მარადიული მებრძოლი)

ედღენება პოეტ კახა ბაციკაძეს, — ადამიანს, რომელმაც უფრო ადრე თვითონ მომიძღვნა შეუდარებელი როკ-სიმღერა, სახელწოდებით — „უღიადესი...“

ეს სივრცეები უთვალავ წლის შთანთქავენ განცდებს, აქ ვის დაეძებს, რას დაეძებს, აქ რას იპოვი! ეს სივრცეები უსასრულო მანძილზე გასდეს ზღვის ტიტანებმა,

დაახურეს ზედ ცა — მინორის.
 უნდა გაბრუნდე;
 გაეცალე ამ ფერად ველებს;
 მიხვდები მერე,
 უსათუოდ მიხვდები მერე,
 რომ ამ შუქებში და ჩრდილებში,
 სიკვდილის მეტი,
 შენ არ გიცდიდა არაფერი! —
 გთხოვ, დამიჯერე...
 მაინც წინ გასცქერ, —
 სიფერადეს თვალს არ აშორებ,
 შენ უმზერ სიკვდილს,
 როგორც ბავშვი — სათამაშოებს...
 და ახლა ვხვდები, —
 რომ იპოვო ის, რასაც ეძებ,
 უფრო უმეტეს სევდიანი
 დარჩები ველზე:
 შენ ხომ დაეძებ არმინიერს, —
 დარწმუნდე უნდა, —
 არსად არსებობს ის, მინაზე,
 არის ცის გულთან,
 მხოლოდ ცის გულთან,
 და ძებნაში
 და ფიქრში გადის
 ჯვარცმული წლები!..
 ხო, მიგიხვდი...
 მაშ, კვლავ წინ წადი...

თოვლის რეკვიამი

რაინდი თოვლში მიდის და, ქრება;
 ქრება რაინდიც, და მისი ცხენიც;
 აღარასოდეს არ დაბრუნდება
 კაცი, რომელსაც სიკვდილიც შეგნის.
 თეთრ სამყაროში, მკრთალ ჩრდილთა თვლემა,
 წყალში ჩაძირულ მუსიკას მოჰგავს;
 თეთრი რაინდი მიდის და, ქრება...
 ცას კი ფიფქების სამყარო მოჰყავს...
 მას გადუხდია ბრძოლათა დელგმა
 და არასოდეს დამარცხებულა,
 მას ქრილობები ამშვენებს ეხლა,
 არის ჩუმი და არის ვნებული,
 ფიფქთა თვალები უყურებს რაინდს,
 და მისდევს თოვლი გაკვირვებული;
 იგი კი სადღაც მიდის და... ქრება...

ვასო ლომაძე

რომანტიზმის გახსენება

მე სამხრეთის ღამე მიყვარს,
 ამური რომ ისარს ისვრის,
 ქალწულ მთვარეს, ოქროსთმიანს,
 გულს გაუპობს წვერი ისრის.

სიყვარულის ნექტრით მთვრალი
 მთვარე იხსნის წისლის რიდეს,
 ვერცხლის ქნარზე სიმებს დაჰკრეფს
 და ჰანგს მოჰფენს კილით-კიდეს.
 ცის სიღრმეში აინთება
 მოციმციმე მელნის ხაზი
 და წვებიან რძის ღრუბლები
 განაბულნი ღამის მკლავზე.
 ღრმა წყვდიადში, შორით, მაღლა,
 დაიღვრება წყალი წმინდა,
 პირდაბანილ ლურჯ ვარსკვლავებს
 მთვარე იბნევს თმაში მშვიდად...
 მთვარე სანთლად იწვის ცაზე,
 გრძნობის ძაფზე მძივებს აგებს,
 დიდ სიყვარულს, ზეცის გვირგვინს —
 მზეს უმღერის მისი ბაგე.
 მთვარე ყვება, — როგორ ანთებს
 განთიადი ვარდის ხაზებს,
 რომ ვერავინ შეედრება
 მზის თვალწარმტაც სილამაზეს...
 ...მე სამხრეთის დილაც მიყვარს,
 როცა ქრება ღამის ვერცხლი,
 როცა აღებს ოქროს ჭიშკარს
 განთიადის წმინდა ცეცხლი,
 როცა ღამე, განწირული,
 დაეგება შუქის მახვილს,
 როდესაც მზე — უფლისწული
 უპასუხებს მთვარის ძახილს!..

კახა ლომაძე

ჰოეზიაში გადაკარგული

მე დავიკარგე ფიქრებში, მარტო,
 მე ჩემი ლექსის სტრიქონებში გადავიკარგე,
 და მე არ ვნატრობ, მართლა არ ვნატრობ,
 რომ გამოვიდე და რომ გადავრჩე;
 პირიქით, — მინდა უფრო შევიგრძნო,
 სიტყვათა შორის უფრო გავჩაღდე...
 მე დავიკარგე ფიქრებში, მარტო,
 მე ჩემი ლექსის სტრიქონებში გადავიკარგე....

ოცნების მთავი

ნეტა რა ხდება იმ ლურჯ მთებს იქით,
 რომლებიც ბინდში გახვეულია;
 ნეტა რას ამბობს ქარი იმ მთებში,
 რომლებზეც წისლი დახვეულია;
 ნეტა რად სდუმან თვითონ ის მთები,
 მთები, რომლებიც მე მელანდებან...
 პატარა ბიძგიც, და დაიმლება
 ოცნების მთები ცისფერ ლანდებად...
 რა საიდუმლო ცხოვრობს მთებს იქით? —
 არავინ იცის, იქით რა ხდება...

მაია იანტბელიძე

თვალში — გონებაზე შორსმხედველი

ამ ნაწარმოებზე საუბარი დავიწყით იმით, რაც მას სხვათაგან გამოარჩევს და ორიგინალურს ხდის. ესაა ავტორის წერის მანერა. მკითხველის ინტერესს იწვევს ის საოცარი კავშირი, რომელიც მას და რომანის გმირებს შორის მყარდება კითხვის დაწყებისთანავე. სიუჟეტი ცხრა დღის განმავლობაში ვითარდება ისე, რომ ყოველი პერსონაჟი, თუნდაც უსულო (ერთგვარი ფანტასმაგორია), საუბრობს საკუთარ თავზე.

„...არ ვიცი, რომელი გვერდიდან ჩამოვვარდი, ვთხოვთ, შემომხედოთ და მითხრათ: იქნებ ის ხე ვიყავი, რომელიც მეჯუნუს უჩრდილავდა, როცა იგი, მწყემსად გადაცმული, ლეილის კარავში შევიდა? ან იქნებ სულში ჩალვრილი უიმედობა ვიყავი და ლამის სიბნელეს უნდა შევრეოდი?... მინდოდა, უკანასკნელად მომეჩრდილებინა ალექსანდრე მაკედონელისთვის, რომელსაც ინდოთა ქვეყანაზე ლაშქრობის დროს მზემ დაჰკრა და ცხვირიდან სისხლი წასკდა. რამდენიმე დღე სდიოდა და მოკვდა, ან იქნებ, იმ მამას გამოვდგომოდი, შვილს სიყვარულსა და ცხოვრებას რომ ასწავლის? ვინ იცის, რომელ ამბავს რა აზრსა და სილამაზეს შევმატებდი?!... არა, მხოლოდ ის მინდა, ხე კი არ ვიყო, არამედ — მისი იდეა!“ — ამას ყვება არა ჩვეულებრივი ხე, არამედ ნახატი, გარემოებათა გამო წიგნიდან ამოვარდნილი და დაკარგული.

შეიძლება გავიხსენოთ, ასევე, ამეტყველებული ფულის გაცოცხლებული „ურთიერთობა“ მკითხველთან: „...დაუნდობელი, ბრმა, ანგარებიანი ვარ. საუბედუროდ, სამყარო ჩემზე დგას; ...ნიგნის ყდებშიც მიპოვია თავშესაფარი და ვარდის სუნით გაჟღენთილი ფეხსაცმლის ქუსლშიც ...მოსაწვეი ადგილების, სანთლის ჩამოსასხმელი სახელოსნოების, შებოლილი სკუმბრიისა და მთელი სტამბოლის ოფლის სუნი ზედა მაქვს. ამოდენა წანწალისა და გულისხმეთქვის გამომვლელი ერთხელაც ყაჩაღის ქისაში მოვხვდი. იმ ნაძირალამ მსხვერპლს ყელი გამოსჭრა, მე კი თავის ქისაში მიკრა თავი. შინ მისულმა გულიანად დამაფურთხა: „ფუჰ! შენი! ყველაფერი შენ გამო ხდებაო!“ ისე მენყინა, გაქრობა ვინატრე. მაგრამ მე რომ გავქრე, როგორ გინდათ, ერთმანეთისაგან გააჩიოთ კარგი და ცუდი მხატვარი? მე რომ დავიკარგო, მხატვრები ერთმანეთს დახოცავენ. ამიტომ მე არ დავიკარგე და ახლა ყველაზე ნიჭიერი მხატვრის ქისიდან თქვენთან მოვედი. თუ უკეთესი მხატვარი ბრძანდებით, დამეპატრონეთ“.

სიუჟეტის გადმოცემის ეს ხერხი ნაწარმოების ბოლომდე შენარჩუნებულია. საინტერესოა ისიც, რომ რომანში შემოდიან ახალ-ახალი პერსონაჟები, რომელთაგან არცერთი არ იმეორებს მეორის მონათხრობს, ამბობს რაღაც ახალს და ამბავიც ასე ოსტატურად განივრცობა და ვითარდება. თხრობის ეს მანერა (მთხრობელი თუნდაც უცნაური გმირი და მკითხველი) გვხვდება სხვა მწერლებთანაც (უილიამ ფოლკნერის ბენჯი რომ გავიხსენოთ, მაგალითისთვის, „ხმაური და მძინვარეები-



დან“), მაგრამ ფამუქთან დამაინტრიგებელია საოცარი ინტიმი მკითხველთან, რომელიც ემოციის აღმძვრელია თავისი გულწრფელობით.

მაგალითად: „ჩემი ცნობისმოყვარეობა სათაკილოდ, სიმდაბლედ მიგაჩნიათ, თითქოს თავად, სულ ცოტა, დალაქივით ცნობისმოყვარე არ იყოთ“ — ეს წვრილმანებით მოვაჭრე, ბოღრით ხელთათმანების, ჩადრების, პორტუგალიური გემით ჩამოტანილი ფერად-ფერადი საპერანგეების, ყელსაბამების, ძვირფასი ქვების, მძივებისა და სამიჯნურო წერილების, ჭორების დამტარებელი ცბიერი, საკმაოდ ჭკვიანი ესთერია;

„განა მართო მე მაქვს წიგნში მოხვედრის სურვილი? ფადიშაჰები, ვეზირები ოქროთი სასვე ქისებს ამისთვის არ იძლევიან?! მე იმ ლამაზი ქალებით მინდა ვიყო, ერთი თვალთ იმ ცხოვრებას რომ უყურებენ, რომელიც წიგნშია და მეორე — წიგნის გარეთა ცხოვრებაზე უჭირავთ ... ამიტომაც, მინდა, დაგე-ლაპარაკოთ: ლამაზი ვარ, ჭკვიანიც და მომწონს, როცა მიყურებთ. შიგადაშიგ თითო-ოროლა ტყუილსაც გამოვურევ, მაგრამ, იმედია, ჩემს აუგს გულში არ გაივლებთ“ — ეს კი მშვენიერი შექურეა.

ამგვარად, ყველა პერსონაჟი „ზედმეტად გულახდილია“ მკითხველთან, მეტიც, ზოგიერთი ისე მოგვემართავს, როგორც სიუჟეტში მიმდინარე ამბების თანამონაწილეს („თქვენ ჩუმად და მშვიდად მისმენთ. ამით ვხვდები, რომ უკვე იცით, რაც ამ ოთახში მოხდა“), მაგრამ რომანის ერთ-ერთი გმირი- მთხრობელის, მკვლელის, ვინაობას მწერალი არ გვიმჟღავნებს და ბოლომდე უცნობი რჩება. ავტორისავე დამსახურებაა ისიც, რომ კვანძი, რომელიც ნაწარმოების პირველსავე თავში იკვრება, ბოლო თავამდე გაუხსნელია. ასე რომ, მკითხველის ინტერესი არ დუნდება.

ამბავი 1591 წლის ზამთარს, სტამბოლში ხდება. ეს არის ხანების, შაჰების, ფადიშაჰების, უფლისწულების, ხელოსანთა ამქრების, ნაყაშხანების წიგნის შემოსვლელ-შემამკობელ მხატვართა, მოხეტიალე, თმაგადაპარსულ, ნახევრადმიშველ დერვიშთა ეპოქა ისტორიული და გამოგონილი გმირებით. თვალისმომჭრელია ამ დროის აღმოსავლური სამყაროს ეგზოტიკა და ბრჭყვიანება, სიმდიდრე და ბრწყინვალეობა, რაც კარგად ჩანს რომანში აღწერილ ერთ-ერთ ნახატზე: „ეს იყო ეგვიპტის ბეგლარბეგის მიერ წინადაცვეთილი უფლისწულისთვის მირთმეული საჩუქრები. აი, ისინი: წითელ ხავერდზე დასვენებული იაგუნდით, ზურმუხტითა და ფირუზით მოოჭვილი ხმალი — ნატიფი ნამუშევარი; გემი; ვერცხლისფერი, შუბლზე თეთრიწინიანი, ფიცხი, ამაყი, ელვაზე უსწრაფესი არაბული ცხენი ოქროს სადავით, მარგალიტებითა და ქრიზოლითით შემკული უზანგებით, ოქრომკედითა და სირმით ნაქარგი ხავერდის უნაგირით“. ყველაფერი ეს: ნალკოტში მოსეირნე ფარშევანგები, მოჩუხჩუხე

წყაროებზე ჯაჭვით მიბმული ოქროს ჭიქები, აბრეშუმის სამოსში გამოწყობილი ჩაუშები, ისეთი მიხვრა-მოხვრით, თითქოს მინაზე ფეხს არ ადგამენო, ალტაცებას იწვევს გმირშიც, მკითხველშიც. გავისხენოთ ერთ-ერთი გმირის აღფრთოვანებაცა და შიშით ძრწოლაც „დედამინაზე ალაჰის ჩრდილის“ ფადიშაჰის დიდებულებით გამოწვეული: „ოთახში სამყაროს საფუძველი, მისი აღმატებულება, ჩვენი ფადიშაჰი შემობრძანდა — სხივმა ტყვიისფერი დილა გაანათა“.

შემოქმედის, ხელისუფლის, დროის კავშირი ნაწარმოების ერთ-ერთი მთავარი პრობლემაა, რომელსაც რელიგიური ელფერი ადევს და ამ ჭრილში განიხილება ავტორის მიერ. „ყველამ იცის, რომ მხატვრობა — ღმერთმა შემინდოს — ალაჰის გამოწვევა“ — ამბობს რომანის გმირი, შემოქმედი — ოსტატი ოსმანი.

რა არის მხატვრობა, შემოქმედება საერთოდ? „ყველა ზღაპარი ყველას ზღაპარია, პატრონი არ ჰყავს ზღაპარს“, მაგრამ ის, რაც „პატრონის“, ინდივიდის შექმნილია, რით განსხვავდება ზღაპრისაგან? რა არის შემოქმედის მისია? „ნახატი ზეიმი უნდა იყოს და მან უნდა უჩვენოს ყველას, ვისაც დანახვა შეუძლია: სამყარო ერთი და გაბმული ზეიმი“ — ამგვარად, შემოქმედი მშვენიერებას უნდა ქმნიდეს, სიცოცხლით ალგვავრთოვანებდეს. მაგრამ მარტო ზეიმი და ნათელი ტონების ასახვა უკმარისობის განცდას გამოიწვევს, რადგან, დღესასწაულისა და სიხარულის გარდა, მანკიერის, ბოროტის წარმოჩენა და მასთან ბრძოლა ქმნის სიღრმეს ცხოვრებისა, რომლის საკუთარ მოდელსაც ყოველი შემოქმედი გვთავაზობს, სამყაროს თავისი ურთიერთდაპირისპირებულობათა ორსახოვნებით, სისავით: „თვალწინ ჩავგვიარა ცრემლისმომგვრელმა, დახვენილმა სურათებმა — ვარსკვლავიან ლამეში მიჯნურთა თავშეყრის ადგილმა — უკაცრიელმა და იდუმალმა ბალებმა, გაზაფხულის ხეებმა, ზღაპრულმა ფრინველებმა, გაჩერებულმა დრომ, ასეთმა ახლობელმა და ასეთმა შემზარავმა, სისხლიანი ბრძოლის სურათებმა, ორად გაჩეხილმა მეომრებმა, ხანჯლით აკუნულმა ლამაზმა ადამიანებმა, სისხლში მოცურავე ცხენებმა და ლამაზმა, პატარაპირიანმა, წვრილთვალემა ქალებმა, თავდახრილები ფანჯრის დარაბებს შორის ღრმადან რომ უყურებდნენ, რაც ხდებოდა; გავისხენოთ, როგორ ვხატავდით ქედმაღალ, ლამაზ ქაბუკებს, მოხდენილ შაჰებს და ხანებს, მათი იავარქმინილი სახელმწიფოებისა და სასახლეების ამბებს...“

შემოქმედს უნდა შეეძლოს, შეაჩეროს დრო, აჩვენოს ნუთის მშვენიერება, თავისი უმცირესი წვრილმანებთაც კი და, ამავე დროს, ოდნავ შორიდან უყუროს მომხდარს, აღწერილს „ღიმილორულმა“, როგორც ამბობს ლეილეკი, ნაწარმოების გმირი, მხატვარი. ესაა ნიჭიერება ავტორისა, რომელიც ჭკმზარიტებასთან აზიარებს მის მკითხველს, მნახველს, მსმენელს: „სხვების მიერ ჩვენთვის დაკვეთილი თემები როდი ვართ — ეს თემები ყოველთვის ერთნაირია. ჩვენ ამ თემასთან მიახლოებისას გაჩენილი გრძობები ვართ, სურათიდან რომ გამოსჭვივის, ის სხივი, ჩვენი სულის სიფაქიზეა. ისა ვართ, რასაც განიცდიდით ადამიანების, ცხენების, ხეების ყურებისას, ის სევდა ვართ, ცაში ასული კვიპაროსის დანახვაზე რომ გეუფლებათ“.

ამგვარად, არა რ ა, არამედ რ ო გ ო რ... ეს არის ის, რაც ერთ შემოქმედს განასხვავებს მეორისაგან და ამისგან გამონეული „მხატვართა ოდინდელი თვისება — შური“, რადგან ხშირად ნიჭი და ოსტატობა ამქვეყნიურ დიდებასა და პატივს განაპირობებს. „ფული და სახელი ნიჭიერი მხატვრის უფლებაა“, ეს კი ძლიერთა ამა ქვეყნისათა წყალობაა. რომანში ნაყაშხანის დაოსტატებული მხატვრები ქმნიან გასაოცარ,

ოქროთი მოვარაყებულ სურათებს წიგნებში ფადიშაჰის წიგნსაცავისათვის. მათი მძიმე შრომაც და ოქროს ვარაყის სიუხვეც მზრუნველი ფადიშაჰების, შაჰების, ფაშების სიმდიდრის მაჩვენებელია და ეს უკანასკნელნი მათ მიერ შეკვეთილი წიგნებით თავიანთ ძლიერებასა და გავლენას ამტკიცებენ. „ლამაზი ნახატი იმით არის მნიშვნელოვანი, რომ იგი ადასტურებს მხატვრის ნიჭიერებას, რაც ისევე იშვიათი და ძვირფასია, როგორც ის ოქრო, რომელიც სურათზე გამოყენებული“ — ასეთია შუა საუკუნეთა აღმოსავლელ ხელისუფალთა დამოკიდებულება შემოქმედისადმი. თუმცა ზოგჯერ მხატვრისადმი მიდგომა ამგვარიცაა: „სურათი ადამიანს სიცოცხლეს ულამაზებს, ალაჰის მიერ შექმნილი სამყაროს მრავალფეროვნებისადმი პატივისცემას, სიყვარულს ასწავლის. ეს არის მთავარი და არა მხატვრის ვინაობა“.

უფრო მეტიც, მხატვრობა დანყველილია ამქვეყნად, რადგან მუჰამედი ამბობს: „განკითხვის დღეს ალაჰი ყველაზე სასტიკად მხატვრებს დასჯის“, რადგან ყველაზე დიდი შემოქმედი მხოლოდ ალაჰია, მას არავინ უნდა შეეჯიბროს.

სწორედ ამ რელიგიური რადიკალიზმით დამძიმებული აზროვნების შედეგია ჰერათელი პოეტის, ჰათიფის, სტრიქონის: „ყველა სურათი ალაჰის ნახატი“, და ისიც, რომ ჰერათელი და თავრიზელი მხატვრები არა მხოლოდ თავიანთი ოსტატებისა და დამკვიდრებული წესების პატივისცემის გამო ასაიდუმლოებდნენ საკუთარ ხელმოწერას.

უფლისადმი შემოქმედის ამგვარი დამოკიდებულების გამოვლენა რომანში აღწერილი უცნაური, ერთგვარად შემზარავი ჩვეულება: დიდი ოსტატი, მხატვრები თავს იბრძავენ ქინძისთავებით, თუ მეილი ცხოვრება დაძაბულია, მძიმე შრომის შედეგად, თავისდა საამაყოდ, ბუნებრივად არ დაბრმავდნენ, რაც ალაჰის წყალობაა. ეს იმიტომ, რომ „ალაჰი, რომ მოგიახლოოს, თავის დიდებულ წყვილადს გიბოძებს. მაშინ ამ უბადრუკ დუნიას კი არა — იმ საოცარ სანახაობებს იხილავ, რასაც ალაჰი ხედავს“. ყველა დიდი მხატვრის ნახატიც, მწერლის აზრით, ამ დროის მიღმა არსებული წყვილადის ფერებით წვედობაა.

ნაწარმოებში განვითარებული კიდევ ერთი პრობლემური თემა — აღმოსავლურ და დასავლურ ცივილიზაციათა ურთიერთმიმართებაა, რაც ისევე რელიგიურ ასპექტშია გააზრებული. რა განაპირობებს აღმოსავლური და დასავლური მხატვრობის ერთმანეთისაგან განსხვავებულობას, რაც ასე თვალშისაცემია? ეს არის პერსპექტივა, პორტრეტი და სტილი, რომლებიც ევროპელი მხატვრებისთვისაა დამახასიათებელი. პერსპექტივის ხერხი („თითქოს ნახატი კი არა, სამყაროს უყურებდე გაღებული ფანჯრიდან“), ანუ მნახველისაგან დაშორებულობის მიხედვით ფიგურების სხვადასხვა სიდიდით ხატვა, მიუღებელია ისლამური მხატვრობისათვის, რადგან ის, რაც მათ შემოქმედებას კერძოთაყვანისმცემლებსა და ქრისტიანების ნახატებისაგან გამოარჩევს, არის სამყაროს ხედვა სიმაღლიდან, ისე, როგორც ალაჰი ხედავს მას.

„ამ სურათზე საგნები ალაჰის გონში არსებული მნიშვნელობის მიხედვით კი არა, არამედ — ევროპელების მსგავსად — როგორც ჩვენს თვალს ეჩვენება, ისეა დახატული. სურათზე ისლამის ხალიფა, ჩვენი ფადიშაჰი და ძალი ერთი სიდიდისანი არიან... იმავე ზომისაა, თურმე, სატანა და თანაც — საკმაოდ მიმზიდველი“. ასეთივე ცოდვაა აღმოსავლეთისთვის პორტრეტი, რომელზეც ლამაზმანები მიწას კი არ ჩასჩერებიათ ან რაიმე ნივთს კი არ უყურებენ სიყვარულით, არამედ პირდაპირ მნახველს უყრიან თვალს თვალში. ამით, შეიძ-

ლება, ბოლო მოეღოს მუსლიმანურ მხატვრობას, რადგან ეს არის საშინელი ამპარტავნება, ღვთის გატოლების, საკუთარი თავის სამყაროს ცენტრად, რადაც ალაჰი მოიაზრება, წარმოდგენის ცოდვა. „ეს ევროპული სურათები თითქოს ჩვენ დასაშინებლად იხატება... პორტრეტთა დამკვეთნი მარტო თავიანთი ძალით და სიმდიდრით როდი გვთრგუნავენ, უნდათ, იმაშიც დაგვარწმუნონ, რომ ამქვეყნად ყოფნა განსაკუთრებული სასწაულია“ — ამბობს მხატვართუხუცესი ენიშეთე. ევროპელი მხატვრები ხატავენ კარდინალებს, კანდელებს, ხიდებს, ქუჩაში დანახულ ჩვეულებრივ, ტვირთის მზიდავ ჯაგლაგებს, ეკლესიასა და ბოსელს ისე კი არა, როგორც სურათს, არამედ - როგორც ცხოვრებას, თუნდაც თავისი მახინჯი მხარეებით, რასაც არაფერი აქვს საერთო სამყაროს საზრისთან, ალაჰის შექმნილ სილამაზესთან.

არის კიდევ ერთი რამ — სტილი, რომელიც ევროპელ მხატვართათვის გამორჩეულობისა და ნიჭის დამადასტურებელია, აღმოსავლეთში კი ფარულ ზადად, სისუსტედ ითვლება, რომლის საქვეყნოდ გამოტანა სათაკილოა, ამიტომ პერსიული მხატვრები მალავენ ამ ნაკლს და ცდილობენ არ გამოიჩინონ ძველი ოსტატებისაგან. თუმცა: „ვიცი, სტილის ქონა სამარცხვინო, უგვანო რამ არის. ამავე დროს, პატივმოყვარეობის ჭია მღრღნის, სატანა მაცდუნებს და მინდა ჩემი სტილი მქონდეს“ — ამბობს ერთ-ერთი ნიჭიერი მხატვარი ნანარმოებში და ეს ბუნებრივიცაა... ასე სტანჯავთ მუსლიმურ ქალაქში საშიში, აკრძალული საქმის მიმდევართ — მხატვრებს დანაშაულის მარადიულობის განცდა, რაც, ერთი მხრივ, თრგუნავს მათს ფანტაზიას, მეორე მხრივ — ასაზრდოებს მას. ამგვარად, სპარსელი მხატვრების სურათები, პერსიული და თავრიზელი ოსტატების საოცრებები მხოლოდ წიგნის გვერდების, ქალაქებში სივრცის შევსებად უნდა ჩაითვალოს. მათ რომ ევროპელი ოსტატებით ხატონ, მაშინ მათი ნახატები უბრალო სამკაული როდი იქნება, სურათად იქცევა, რასაც დიდი ყურანი კრძალავს და წინასწარმეტყველ მუჰამედსაც არ მოსწონს.

ეს ორი სამყარო, აღმოსავლური და დასავლური, მიუხედავად შემოქმედთა ქიშპისა, ურთიერთდაპირისპირებულობისა, ყოველთვის განიცდის ურთიერთგავლენას, ურთიერთსიმაპთიას, რაც ნანარმოებშიც კარგად ჩანს. მათ განსხვავებულთა ერთად საერთოც აქვთ. ეს არის ოსტატობა. თუ ევროპელ მხატვართა სურათებზე ტანსაცმლის ყველა ნაოჭი, ჩრდილი საოცარი სიზუსტითაა გადმოცემული, რის დაუფლებასაც საუკუნეები სჭირდება, ლეგენდადა ქცეული აღმოსავლელი მხატვრების ოსტატობაც: „ჰუნერნამესათვის დახატულ სასახლის სურათზე ოქროს წყლით დაფერილ გუმბათებს, კომკებსა და კვიპაროსებს შორის მოქცეული ცა ქვეყნის აღსასრულის მოახლოებას განგვაცდევინებს... როცა ჩვენი წინასწარმეტყველი მუჰამედი ზეცად მალღებოდა, მხრებში ანგელოზები ედგნენ, იმათ ეჭირათ. ეს ისეთი ცოცხალი ფრთებით იყო დახატული, მისი შემხედვარე ბავშვები ჯერ კი ფრთხებოდნენ, მაგრამ მერე გულიანად იცინოდნენ“.

როგორც რომანის ავტორი გვეუბნება: „აღმოსავლეთიც ალაჰისა და დასავლეთიც“ და ყველგან მხატვარი ისე უნდა ხატავდეს, როგორც გულიდან მოდის. ეს ორივე სამყაროს მხატვართა გამაერთიანებელია, და კიდევ ესეც: „პერსიული ოსტატები დროს კი გააჩერებენ, მაგრამ როგორც ხარ, ისეთს ვერ დაგხატავენ. ევროპელი მხატვრები, განუწყვეტლივ ხატავენ ლამაზ დედას გულში ჩაკრული ჩვილით, მაგრამ მათ დროის გაჩერება არ შეუძლიათ... ადამიანი სურათზე ღიმილს კი არ

ექებს, არამედ — სიხარულსა და ბედნიერებას ცხოვრებაში. მხატვრებმა ეს იციან, მაგრამ ვერ ხატავენ, ამიტომ ცხოვრებისეულ ბედნიერებას, სანახაობითი ბედნიერებით ცვლიან“.

რაც შეეხება ნანარმოების მხატვრულ მხარეს, ამბების მრავალფეროვნება, ხატოვანი სტილი, ნახატისებური ფერწერულობა აღწერილ თემებთან ოსტატურადაა შერწყმული. წიგნით მონიჭებული ესთეტიკური სიამოვნება უდავოდ მთარგმნელის, ლია ჩლაიძის, დამსახურებაცაა.

შთამბეჭდავია ღრმა ფსიქოლოგიზმი, რომლის ცოდნასაც მწერალი ადამიანთა ხასიათების, საკუთარი ამბის მთხრობელ არსებობა, გასულიერებული საგნების, ცნებების ხატვისას ამჟღავნებს. დამაჯერებელი სიზუსტითაა გადმოცემული ბავშვის, მკვლელის, ჰომოსექსუალი, ქალის ტანსაცმელში გამოწყობილი ბერიკაცის განცდებიც კი. „რა მატრებდა? — თავად არ ვიცი. გეტყოდით, მათმა გულისხმიერებამ გული მომიღო-მეთქი, მაგრამ ასე არ იყო. იქნებ იმიტომ ვტიროდი, რომ ისევ გავიგონე, როგორც დაცა ჭის ფსკერზე მისი სხეული? არც ეს. თუ იმიტომ, რომ გამახსენდა, რა ბედნიერი ვიყავი, სანამ მკვლელი გავხდებოდი“.

ტროპის სახეებიდან რომანი საინტერესო, ორიგინალური შედარებებით გამოირჩევა („ძლიერი მკლავის პატრონი მძინარე ბავშვივით უწყინარი და ჩუმი იყო“; „აჰა!“ — თქვა ბოლოს და გაჩუმდა, როგორც ბავშვობაში მოსმენილ სირიულ ზღაპარშია, მოხუცი სიკვდილს რომ გადაეყრება“; „როგორც უადგილო, უსამშობლო კაცი, ცდილობს ყველა ყალიბს მოერგოს“; „ისეთი კაცის ნივთებია, რომელმაც არ იცის, როგორ იყოს ბედნიერი“ და ა.შ.)

საოცრად გვამახსოვრებენ თავს მთავარი გმირები: ყარა და შექურე. ამ უკანასკნელთან დაკავშირებით, რომლის ღირსება არამარტო გარეგნობა, გონიერებაცაა, ორჰან ფამუქი თამამად არღვევს აღმოსავლურ სამყაროში გაბატონებულ სტერეოტიპს მამაკაცის პრინციპისა, და ქალს სრულფასოვანს, მასთან თანასწორს გვიხატავს. ეს, რა თქმა უნდა, კიდევ ერთი დამსახურებაა მწერლისა.

ნანარმოებში არის ისტორიული დეტალები: გამოგონილთა ერთად გვხვდებიან რეალურად არსებული პირები, ლიტერატურული ნანარმოებები, სამეფოები (შეიხანთან სახელმწიფო (1500-1598წწ), ქართული წარმომობის ირანელი მხატვარი სიაუში (XVI ს), ფირდოუსის „შაჰნამე“, ნიზამის „ხოსროვშირინიანი“, „იოსებზილიხანიანი“ და ა.შ.)

დასასრულ ვიტყვოდი, რომ „მე წითელი მქვია“, როგორც ყველა გამორჩეული ნანარმოები, ჩაგვაფიქრებს ცხოვრების არსზე. „როცა თავს დააღწევ დროისა და ადგილის საპყრობილეს, მაშინ მიხვდები, რა ვინრო პერანგია ცხოვრება“ — ყველა გარდაცვლილი, განსაწმენდელში მოხვედრილი ენიშეთე. კი, გვევინროება, მაგრამ, მტკივნეულია, წუთისოფლთან განშორება მისი იდუმალი წარმომობის გამო. „ერთბაშად მთელი სამყარო წარმოიშობა სასახლედ, სადაც ერთმანეთში გამავალი ურიცხვი ოთახია. ერთი ოთახიდან მეორეში მოგონებებითა და ოცნებებით შესვლა შეგიძლია, მაგრამ უმეტესობას ეზარება და მთელი სიცოცხლე ერთსა და იმავე ოთახში ზის, რადაცას ელოდება“ — ეს შექურეს სიტყვებია. ერთსა და იმავე ოთახში მოწყენილი ჯდომის მოლოდინი რომ არ მივუსაჯოთ თავს, ვიცხოვროთ მოგონებებით, ოცნებებით და ყური მივუვადოთ იმ საოცარ, ზოგჯერ სირუშის მქოლავს, რომელსაც ხელოვნება, ასეთი მშვენიერი ლიტერატურა გვთავაზობს.

კარგად ამბობს ორჰან ფამუქი: შემოქმედება, „ნახატი

ნათელა ნათლიაშვილი-კვინიკაძე

„გამოიღვიძე, ქნარო, გამოვალვიძებ ცისკარს...“

აღესრულება დანიის კეთილშობილი პრინცი ჰამლეტი... „ჩაქრა ლამპარი დიდებული!“ — მსუხარებთი წარმოთქვამს მისი ერთგული, უახლოესი მეგობარი ჰორაციო.

ამ სამზუგოს უდროოდ განშორდა სიტყვის ჯადოქარი ჯემალ აჯიაშვილი და ჩვენც შეგვიძლია ასევე მსუხარებთი წარმოთქვათ: „ჩაქრა ლამპარი დიდებული!“

ჯემალ აჯიაშვილი! — ღირსეული, წარმატებული პიროვნება, საპატიო რეგალიებით დახუნძლული და დამპყვენიელი; ცნობილი პოეტი, მთარგმნელი, მეცნიერი, ჭეშმარიტად ქართული მწერალი; ყოფილი სახელმწიფო საბჭოს წევრი; საქართველოს პარლამენტის სამი მოწვევის დეპუტატი (1992-2004 წ.წ.); სულხან-საბა ორბელიანის სახელობის სახელმწიფო პედაგოგიური უნივერსიტეტის აღმოსავლური ენების კათედრის გამგე, პროფესორი; ებრაული სახალხო უნივერსიტეტის რექტორი; თსუ-ს იუდაიკის კაბინეტის უფროსი მეცნიერ-თანამშრომელი, თანათავმჯდომარე; საქართველოს ებრაელთა მსოფლიო კონგრესის გენერალური დირექტორი; რამდენიმე საერთაშორისო ორგანიზაციის წევრი, საქართველოს სახელმწიფო პრემიის ლაურეატი, პარიზის ქართულ-ევროპული ინსტიტუტის ილია ჭავჭავაძისა და ივანე მაჩაბლის სახელობის პრემიების ლაურეატი; საბას პრემიის ლაურეატი; ისრაელის პრეზიდენტის ჯილდოს მფლობელი; ღირსების ორდენის კავალერი, თბილისის საპატიო მოქალაქე.

მრავალმხრივი მოღვაწე, პოეტი, მთარგმნელი, მეცნიერი, პოლიტიკოსი, ერთ-ერთი საუკეთესო დილოზატი — ჯემალ აჯიაშვილი საოცრად მომხიბვლელი ადამიანი, დიდებული, საამაყო შემოქმედი და კეთილშობილი, მაღალზნეობრივი, მაღალი სულიერების მატარებელი, თავმდაბალი პიროვნება იყო. მან უმდიდრესი ლიტერატურული მემკვიდრეობა დაგვიტოვა თავისი უნიკალური პოეზიის, თარგმანების სახით, რომლებიც თითქოს ქართულ ენაზე დაწერილი ლექსებია, ორიგინალივით უღერს და ყველა ასაკის ადამიანს ხიბლავს, ეძვირფასება და უყვარს. პოეტმა და მთარგმნელმა გივი შაჰნაზარმა ლამაზად აღნიშნა, რომ „ჯემალ აჯიაშვილის თარგმანები ქართული მზის ნატეხებითაა გაჯერებული“. ჯემალ აჯიაშვილი წერდა თითქოს პოეზიისთვის საგანგებოდ შექმნილ მოქნილ, ლამაზ, ძლიერ, ღრმა ქართულ ენაზე, ლადო ასათიანის სიტყვებით „ხმათა ხავერდების და ღმერთების ენაზე“ და გვაჯადოებდა.

„შუა საუკუნეების ებრაული პოეზია“ სწორუპოვარი პოეტური ძეგლია. მკითხველი ეზიარება X-XII საუკუნეთა უდიდესი ებრაული პოეტების — შემუელ ჰანაგაიდი, შელომო იბნ გებიროლი, მოშე იბნ ეზრა, იეჰუდა ჰალევი, აბრაჰამ იბნ ეზრა, იეჰუდა ალხარაზი და სხვანი — მშვენიერი ლექსების ჯემალ აჯიაშვილისეულ უბრწყინვალეს თარგმანებს, რომლებიც გამორჩეულია მელოდიურობით, ნაჩუქურთმები სიტყვებით, უძველესი და უმდიდრესი, ულამაზესი ქართული ენის ნიალიდან ამოკრეფილი მარგალიტებით...

ლექსების ფერთა პალიტრა მრავალფეროვანია, პოეტი-პროფესიონალის ქმნილებანი უმაღლესი პოეტური ტექნიკითაა აღბეჭდილი, დახვეწილია და ნათელი, გვხიბლავს ლექ-

სის აზრობრივი დამუშავების სიღრმე, აზრის ძლიერება, სიხვედრე...

ჯემალ აჯიაშვილის ენა შოთა რუსთაველის, დავით გურამიშვილის, ნიკოლოზ ბარათაშვილის მსგავსად გატყვევებს და ალტაცებას გვგვრის... აი, მოვუსმინოთ იეჰუდა ჰალევის „შამ-გადასული სიყვარულის საგალობელს“: „...როგორ ვგალობდი, როგორ ვხარობდი შენი მინდვრით და შენი წყაროთი და სიყვარულის საბალნარომდი რა სასოებით მოვიჩქაროდი!“ „... გახსოვს? — მღეროდა შენი ვარდეთი, მთების გადაღმა ფშვენდა მინდორი და საღამეულ სილაჟვარდეთი კრთოდა ლალი და იაკინთონი...“ „შენ მზე ხარ, მზე ხარ, ცეცხლად ნაქები, ცის ბალებიდან გეზამბახები...“ (აბრაჰამ იბნ ეზრას „აღამ, სადა ხარ?“); „ასე რად მეღვტვი, ჩემო მიჯნურო, მარქვი, რად არჩევ კიდევანობას?...“ „მზეს დავუცალეთ ოქროს ბარძიმი, ცას — ვარსკვლავები მიმოვუბნით...“ (მოშე იბნ ეზრას „შამთა საგალობელი“); „... მაშ, განემზადე! უკვე მინელდა შენი კანდე-ღანდისაო ჩემო!...“ (იეჰუდა ჰალევის „სიმღერა სულამითისა“); „ისევ შორად ხარ, შორით მინათებ, შუქმოიფე ქარში შუქდები და სასოების უდაბნოდან ზღვის ციაგვივით მეზურ-მუხტები“... „...მტერმან ვერარაი მოიმეცნისაო, მძლეობს კი-პარისის ლერო, ფრთეო ნათლისაო, ფრთეო მაღლისაო, შარავანდისაო ჩემო!“ (შემუელ ჰანაგაიდის „იოსებისადმი“); „... ასე ჩაეშვა მსუხრეული სხივის ნათება, მზის ბრწყინვალეობა ჩაესვენა შარავანდით...“ (იეჰუდა ალხარაზის „გამოცხადება“) ... ჭეშმარიტად ღვთაებრივი, მშვენიერი, სულისშემძვრელი სტრიქონები, რომელი ერთი გავისხენოთ, სიტყვები თითქოს გალობენ, მღერიან, მკითხველს, მართლაც „საღმობანი საღმობიერთა კვლავ სასოებად რომ ესაღბუნება...“

შუა საუკუნეთა ებრაული პოეზიის მიხედვით ქ-ნმა მანანა ბერიკაშვილმა განახორციელა სპექტაკლი „სება“, რომელიც დაიდგა აკაკი ხორავას სახელობის მსახიობის სახლსა და მარჯანიშვილის სახელობის თეატრში. სპექტაკლს დიდი წარმატება ხვდა წილად.

... „გამოიღვიძე, ქნარო!“ - ჯემალ აჯიაშვილის ღირსშესანიშნავი, ორიგინალური ესეი... ამ ნაწარმოებში მწერალმა გადაცოცხლა ორი უძველესი და უკვდავი ერის — ქართველებისა და ებრაელების ისტორიის, კულტურის სულიერება, ამ ერთა 26-საუკუნოვანი მეგობრული ურთიერთობის უნიკალური ფენომენი. ბ-ნი ჯემალის აზრით, „ქართველთა და ებრაელთა ურთიერთობა ზეცაშია გადაწყვეტილი, მათი გზა ღმერთისგანაა შექმნილი. ისრაელში წარმოდგენილ პიესას აკი „სიყვარული გზად და ხილად“ ეწოდა კიდევ. ცნობილმა მსახიობმა კოტე მახარაძემ „გამოიღვიძე, ქნარო!“ — ერთი მსახიობის თეატრში შესანიშნავად აამეტყველა, ისრაელის მაცურებელსაც წარმოუდგინა და დიდი სიხარული აჩუქა.

უილიამ შექსპირის „ლუკრეციას“ აჯიაშვილისეული თარგმანი დედნიეული, ბუნებრივი ქართული ლექსია. მის მიერ თარგმნილი შექსპირი — ნამდვილი შექსპირია. ბ-ნი ჯემალი ბრწყინვალედ გადმოსცემს დიდი მოაზროვნისა და ჰუმანისტის შეხედულებებს ბუნებისა და ყოფიერების, ხელოვნებისა და მშვენიერების შესახებ; მოვიხმობთ რამდენიმე ლამაზი სტრიქონი ამ პოემიდან: „მიცრიცება შუალამე — მორბედი ხვალის და ტყვიის თვლემა ეძალება სიცოცხლის ხალისს...“ „მარქვი, უტკბესო, ვინ რა გიმტრო, ვინ რა გაუტრვა, რა უღმერთობის აუხსნელმა დანაშაულმა?“

„ლუკრეციას“ ბრწყინვალე თარგმანისათვის 1991 წ. პარიზის ქართულ-ევროპული ინსტიტუტის ილია ჭავჭავაძის პრემია მიენიჭა. ასევე, ბრწყინვალე თარგმანი აჩუქა ბ-ნმა ჯემალმა მკითხველს იაპონური ლიტერატურის უდიდესი წარმომადგენლის — მოძაემონ ჩიკამაცუს დრამატული პოემის „შეყვარებულთა თვითმკვლელობა ციურ ბადეთა კუნძულზე“ — სახით; ნაწარმოები მოგვითხრობს სასიკვდილოდ განწირუ-

ლი წყვილის — ჯიჰვისა და კოჰარუს სევდიანი სიყვარულის ამბავს; იგი მუსიკალურადაა გადანყვეტილი; პიესა დიდი წარმატებით იდგმებოდა კოტე მარჯანიშვილის თეატრში, წარმოდგენილი იქნა ტოკიოშიც — 1991 წ.

„ვარსკვლავთა ჩრდილში მალალთა თანა...“ ესაიას ეს სტრიქონი წაუმძღვარა ჯემალ აჯიაშვილმა თავის ბრწყინვალე წიგნს, რომელშიც 12 ავტორია გაერთიანებული (იტალიური სონეტი — დანტე ალიგიერი, ფრანჩესკო პეტრარკა, მიქელანჯელო ბუონაროტი, ანტონიო ვივალდი, უილიამ შექსპირის „ლუკრეცია“, მონძაემონ ჩიკამაცუს „შეყვარებულთა თვითმკვლელობა ციურ ბადეთა კუნძულზე“, XX საუკუნის გერმანულენოვანი პოეტები — რაინერ მარია რილკე, ნელი ზაქსი, პეტერ ჰუხელი; XX საუკუნის რუსი პოეტები — ვლადიმერ მაიაკოვსკი, ოსიპ მანდელშტამი, ბორის პასტერნაკი). წინასიტყვაობაში — „დრო — უამთა წიაღში“ მთარგმნელი წერს: „წიგნში სხვადასხვა დროისა და ქვეყნის თორმეტი ავტორია წარმოდგენილი. მიუხედავად იმისა, რომ თითოეულ მათგანს მსოფლიო პოეზიის იერარქიაში თავისი ადგილი აქვს დამკვიდრებული, ყველას აერთიანებს ერთიანი პოეტური სივრცე, რომლისთვისაც არავითარი მიჯნა და საზღვარი არ არსებობს. კაცობრიობის დიდი პოეტები ხომ, რაფაელის ფრესკისა არ იყოს, ერთ დიდ სულიერ ტრაპეზს შემოსხდომიან და კაცთა მოდგმის საფიქრალს დასტრიალებენ — სიყვარული იქნება ეს თუ ბოროტება, სიცოცხლე თუ სიკვდილი...“

დროისა და სივრცის ჩვეულებრივი გაგება აქ თითქოს დაცულია (აკი ჩიკამაცუს „იაპონელ შექსპირად“ მოიხსენიებენ და პირუკუ — ევროპული ცივილიზაციის გაცნობის შემდეგ, შექსპირი „ინგლისელი ჩიკამაცუს“ ტიტულით შევიდა იაპონელთა ცნობიერებაში; ორივე მათგანის პოეტურ თვალსაწიერზე აღორძინების — დასავლურისა თუ აღმოსავლურის — ერთიანი სული ტრიალებს“).

ჯემალ აჯიაშვილის ღრმად შინაარსიანი, საინტერესო და აქტუალური წერილები კულტურის, ლიტერატურის, განათლებისა და მეცნიერების საკითხებზე ხშირად იბეჭდებოდა რესპუბლიკურ პრესაში.

ბატონი ჯემალის ისრაელში გამგზავრებამდე ჩვენი შეხვედრა შედგა. მისი თავმდაბლობა ისეთივე ლამაზი იყო, როგორც თავად მისი პიროვნება. დაკვირვებული ვარ, ყველა დიდი პიროვნება სადა და თავმდაბალია; ბრძენკაცს ისე უჭირავს თავი, თითქოს თვითონ კი არ ასწავლის, არამედ სხვისგან თვითონ სწავლობს. ეს ხომ გასაოცარი თვისებაა?!

...ბლიც-ინტერვიუთი ჩემთვის ცნობილი გახდა, რომ ბ-ნი ჯემალი დაბადებულია 23 მარტს. იღბალი სწყალობს, ამაზე გალაკტიონის ლექსით მპასუხობს: „სინამდვილეს არ ვემდური, არც ყოფილა თითქმის, არყოფილზე საყვედური არასდროს არ ითქმის“—ო. მთელი ცხოვრების მანძილზე ცდილობს საკუთარი თავის შეცნობას (სოკრატეს ანდერძის „შეიცან თავი შენი“ თანახმად); გარკვეულწილად წარმატებულად ადამიანად მიიჩნევს თავს; პირველ სოლიდურ თანამდებობად პოეტობას ასახელებს (რაც ერთობ ორიგინალური პასუხია); ცხოვრებაში ღმერთის იმედი აქვს; ადამიანს ვერ აპატიებს

სულმდაბლობას; აღიზიანებს ტრაბახი; ქალში ყველაზე მეტად მოსწონს — ქალი; ქალის მიმართ სიმპათიის გამოხატვა მრავალგვარად ძალუძს; მიმტვევებელია; ზედმინეწით ტრადიციული; მისთვის სიყვარული — სიყვარულია, ძალა, ნიჭი და უნარი — სამივე ერთად; სწამს იმპეყენიური ცხოვრება; ჰყავს ბევრი საყვარელი მწერალი, აქვს ბევრი საყვარელი წიგნი; კინო, თეატრი, მუსიკა — მისი თანამდევნი სულიერებაა; მისი შეხედულებით, ადამიანისათვის მთავარი ადამიანობაა; მეოცნებეა, რადგან ოცნებაში ყველაფერი ბევრად უფრო სრულყოფილია (გახსოვთ, ძველად მეოცნებეთ „მუცლით მეზღაპრეებს“ რომ უწოდებდნენ?); ისევე, როგორც სხვებს, ცხოვრებაში მასაც მოსდის შეცდომები; მისი ცხოვრების დევიზია — ცხოვრება!

ბატონი ჯემალის აზრით, „პოეზია არის იმ დაკარგულის ძიება, რომელმაც ჰარმონია უნდა აღადგინოს“, ეთანხმება ბიუფონის გამონათქვამს, რომ „გენიოსობა არის ნიჭი მოთმინებასთან შეერთებული“, აგრეთვე, ვოლტერს, რომელიც პოეზიას „სულის მუსიკას“ უწოდებდა.

დიდი ადამიანის პორტრეტი, პიროვნული თვისებები, მისი შეხედულებები საზოგადოებრივ, პოლიტიკურ, ეკონომიკურ, კულტურულ და ა.შ. ცხოვრებაზე, მიმდინარე პროცესებზე, ასევე, ყოველთვის საინტერესოა მკითხველისათვის, ამიტომ, ვისარგებლე რა ბ-ნი ჯემალის კეთილგანწყობითა და უსაზღვრო თავაზიანობით, რამდენიმე შეკითხვით მივმართე:

— შოპენჰაუერს თუ ვერნჰენებით, ყოველი ბავშვი მცირეოდნად მაინც გენიოსია, ყოველი გენიოსი კი — მცირეოდნად მაინც ბავშვი. თქვენი აზრით?

— რაც მეტხანს რჩება ადამიანი ბავშვად, უკეთესია, მაგრამ ვინ როგორ ახერხებს ამას... ცხოვრება, როგორც ყველაზე დიდი „პროზაიკოსი“ (ამ სიტყვის ნეგატიური გაგებით), ყოველთვის ცდილობს ჩაკლას ჩვენში ბავშვი, ამიტომ ბავშვად დარჩენის ხელოვნება — უდიდესი ხელოვნებაა, ეს ნიშნავს, შენს სულსაც, შენი ცნობიერების ინტერიერებსაც მიაგო მისაგებელი და ცხოვრებასაც შეძლებისდაგვარად ანგარიში გაუსწორო.

— დრო და ხანი — დიდი მასწავლებელია. რას ნიშნავს თქვენთვის დრო? ვისაც დრო არაფრად უღირს, მიაღწევს განა ოდესმე დიდებას?

— რთული, ფილოსოფიური შეკითხვაა. ყოველი ინდივიდის, მეტადრე შემოქმედის უპირველესი მცდელობა იქით უნდა იყოს მიმართული, რომ ამ მყიფე და სწრაფმავალ დროს გამოსტაცო ისეთი რამ, რაც მარადიულობასთან იქნება ნილნაყარი.

— როგორ იბადება თქვენი ესა თუ ის ლექსი, თარგმანი? თუ დავით კლდიაშვილისა არ იყოს, კალამი თავისთავად გასრილდება ხოლმე, როცა სათქმელი ველარ ითმენს?

— გააჩნია, ხან ისე, ხან ასე.



ჯემალ აჯიაშვილი

— როგორც ჰიუგო ამბობდა, ერის სიდიადის საწყაო ლიტერატურაა, მსოფლიო მხატვრული ლიტერატურის შედეგები (რუსთაველი, დანტე, გოეთე, ჰომეროსი, შექსპირი, შილერი, ევრიპიდე, სოფოკლე...) შეიქმნა პოეზიაში. ეს ყველასათვის ცნობილია. კაცობრიობას ჰყავს უდიდესი პროზაიკოსები ბალზაკის, ჰიუგოს, ჰემინგუეის, ტოლსტოის, სტენდალის, დოსტოევსკის, ფლობერის და სხვათა სახით. რომელი მხატვრული პროზაული ნაწარმოებები მიგაჩნიათ მსოფლიო მხატვრული პროზის გვირგვინად?

— ბევრი მწვერვალი არსებობს. ადამიანის ცხოვრება არაერთნაირადია, სულიც... ასაკსა და დროსთან მიმართებით ყოველთვის განიცდის ტრანსფორმირებას. სხვადასხვა დროს სხვადასხვა ნაწარმოები მოგენატრება ადამიანს, ეს კაცობრიობის სულიერი მწვერვალებიც მრავლადაა მიმოფენილი მსოფლიო ლიტერატურის ისტორიულ გზებზე, ამიტომ მათი შესხენებით თავს არ შეგანყენთ. ისე კი არსებობს წიგნები, რომლებსაც ხშირად ვუბრუნდები.

— რა არის თქვენთვის ალტემული ქვეყანა — ერეც ისრაელი, იერუსალიმი, — მოსეს ენა — ებრაული ენა?

— ალტემული მინა არის ალტემული მინა. ამით ყველაფერია ნათქვამი.

— როგორ დონეზე დგას თანამედროვე ისრაელის კულტურა, მწერლობა, თეატრი, კინო, მუსიკა, ფერწერა? თუ შეიძლება, მოკლედ ამის შესახებ.

— ისრაელს საკმაოდ მაღალი კულტურა აქვს. ჩემი აზრით, ისრაელს თავისი არსებობის მანძილზე დიდი წარმატებები, მიღწევები აქვს უამრავ სფეროში (ეკონომიკა, სოფლის მეურნეობა, მედიცინა...). ალბათ, არც კულტურაა ამ მხრივ გამონაკლისი. თუმცა, დიდი, გრანდიოზული კულტურის შექმნა, დროის თვალსაზრისით, უფრო ხანგრძლივი პროცესია, ვიდრე სხვა სფეროებისა. ისრაელი არის კონგლომერატი მსოფლიოს ასამდე ქვეყნიდან „ამოსული“ ებრაელებისა მათი მენტალიტეტით, ისტორიით, ტრადიციით, ჩვევებით... ყველაფერი ეს ერთ ქვაბში იხარშება და ეს სხვადასხვა კულტურა, ჩვევა, ტრადიციითა გადაძახილი, მათი ყოველდღიური დიალოგი, ამ პატარა ტერიტორიაზე ადრე თუ გვიან შექმნის ერთ დიდ, გრანდიოზულ კულტურას, რომლის ანალოგი მსოფლიოს ისტორიაში არც მოიძებნება.

— თქვენ ძალზე აქტიური სახელმწიფო და საზოგადო მოღვაწე ბრძანდებით. როგორ გესახებათ საქართველო-ისრაელს შორის თანამშრომლობის პერსპექტივები?

— პერსპექტივები ძალზე დიდია, რეზერვები — უამრავი; როგორც იტყვიან, „სამკალი ფრიად არს“; ახლა მომკვლხება საქმე.

— გაზეთ „ახალ თაობაში“ დაიბეჭდა ინფორმაცია, რომ ისრაელის რაბინებმა ვატიკანს სთხოვეს მის სარდაფებში ჩაშვების ნებართვა. მათი ვარაუდით, იქ შეიძლება აღმოჩნდეს რომაელთა მიერ იერუსალიმის მეორე ტაძრის დანგრევისას წამოღებული განძეული, თუ ეს ვარაუდი გამართლდა, მაშინ რაბინები, ალბათ, შეეცდებიან ისტორიული შვიდსანთლიანი მენორის გამოსყიდვას, რომელიც რომაელებმა იერუსალიმის გაძარცვის დროს ჩვ. წელთაღრიცხვის 70 წელს გაიტანეს.

— მენორასთან დაკავშირებით უამრავი ვერსია არსებობს. ზოგი ვარაუდობს, რომ ის იუსტინიანეს კარზეც კი მოხვდა, ზოგი კი ვესპასიანეს უკავშირებს და რომში ვესპასიანეს ტრიუმფალურ თაღთან მოიძიებს. ზოგის ვარაუდით, თითქოს მისი კვალი სოლომონის ტაძრის მიდამოებშია საძიებელი. ასე რომ, ბევრი არაერთნაირი ვარაუდის შესახებ გავივიცა.

— ისრაელში ტერაქტებს ბოლო არ უჩანს. ებრაელებს საკუთარ სამშობლოში მშვიდობიან ცხოვრებას არ ანებებენ. დამცავი კედლის მშენებლობასაც ბევრი მოწინააღმდეგე ჰყავს. როგორ გესახებათ ახლო აღმოსავლეთში მშვიდობის დამყარების პერსპექტივები?

— იმედი უნდა ვიქონიოთ, რომ ადამიანთა კეთილი ნება ადრე თუ გვიან მაინც იტყვის თავის სათქმელს და ეს გაბოროტებული, ათასგვარი ცოდვით დაღლილი კაცობრიობა ბოლოს და ბოლოს მოეგება გონს. წმინდა მიწაც ხომ კაცობრიობის ნაწილია და, მე ვიტყვოდი, ერთი სისხლხორცეული და უმთავრესი ნაწილი.

— ბოლო ხანებში შეინიშნება ანტისემიტიზმის გაღვივება ევროპის მთელ რიგ ქვეყნებში. რას უნდა მივანეროთ ეს?

— ანტისემიტიზმის გაღვივება მთელ მსოფლიოში შეინიშნება. ამას წინათ ვაშინგტონში გახლდით. იქ აღნიშნეს ანტისემიტიზმის საგანგაშო სიმპტომების შესახებ, რაც ხდება ევროპაში, სადაც მაღალგანვითარებულ ქვეყნებს კულტურისა და ცივილიზაციის ბაირახტრად მიიჩნევენ. გარკვეული ნიშნით ანტისემიტიზმის ეს გამოვლინებანი წააგავს მეორე მსოფლიო ომის წინახანს წარმოშობილ ანტისემიტიზმს, მხოლოდ ერთი არსებითი განსხვავებით — მაშინ არ არსებობდა ისრაელის სახელმწიფო, ახლა კი არსებობს ისრაელის ძლიერი სახელმწიფო, როგორც ებრაელთა თავდაცვისა და თვითშენახვის საიმედო გარანტი.

— ლეგენდისა თუ სარწმუნო წყაროების თანახმად, შოთა რუსთაველის ნეშტი წმინდა მიწაზე, იერუსალიმში განისვენებს. რამდენად რეალურად მიგაჩნიათ ეს ვარაუდი?

— როგორც ლეგენდა, ეს ვერსია ძალიან პოეტურია და ემოციური. სხვა საქმეა, სადღეისოდ როგორ ხერხდება ამ ვერსიის მეცნიერული არგუმენტირება.

— შოთა რუსთაველის ფრესკის დაზიანების — ვანდალური აქტის — პასუხად არ წყდება საპროტესტო აქციები დევიზით: „არ არის კულტურა, არ არის მომავალი!“ როგორ ფიქრობთ, საერთო ძალისხმევით შესაძლებელია, რომ 150 წლის წინათ დაკარგული იერუსალიმის ჯვრის მონასტერი საქართველოს ეკლესიის იურისდიქციაში გადავიდეს?

— უადრესად სასურველია, მაგრამ ამ პროცესს ძალიან დიდი, შრომატევადი სამუშაოები უძღვის წინ; საამისოდ კომპეტენტური მიდგომაა საჭირო, სადაც თავის წონად სიტყვას იტყვის პოლიტიკოსთა, მეცნიერთა, იურისპრუდენციის წარმომადგენელთა და ეკლესიის მესვეურთა ნება.

— ემუქრება თუ არა საქართველოს გლობალიზაცია და რა უარყოფითი შედეგები შეიძლება მოჰყვეს მას

ეროვნებებისათვის, ეროვნული კულტურისათვის, მეცნიერებისათვის?

— გლობალიზაცია და ინტეგრაცია გარდაუვალი პროცესია, დღევანდელი მსოფლიოს ტენდენციაა ასეთი. საქმე ისაა, ამ საყოველთაო ინტეგრაციის პროცესში ისეთი „ოქროს კვეთი“ გამოიხატოს, რომ არც შენი თავი დაკარგო და დღევანდელ მსოფლიოს მოთხოვნებსაც შესაფერისად აუბა მხარი. ზოგიერთმა ქვეყანამ ეს კარგად მოახერხა (იაპონია, ისრაელი და სხვ.)

— რას იტყვობდი თანამედროვე ახალგაზრდობაზე?

— ახალგაზრდობა — ცხოვრების სარკეა. როგორი ცხოვრებაცაა, ახალგაზრდობაც ისეთია; მე ვიტყვოდი, სარკეცაა და ლაკმუსიც.

— ქალი წარმადგენს თქვენი შთაგონების წყაროს?

— უამისოდ ღმერთმა ნუ ქნას! (ილიმება).

— რა თვისებებს აფასებთ ყველაზე მეტად ადამიანში და, სახელდობრ, ებრაელ კაცში?

— საერთოდ, ადამიანში ვაფასებ სამართლიანობის, თავმდაბლობის, მუდმივი ძიების წყურვილს. მასხენდება ერთი ხასიღური ნათქვამი: ღმერთი იმქვეყნიურ სამსჯავროში იმას კი არ მოჰკითხავს ადამიანს, რატომ მაინცდამაინც მოსე არ იყავიო, იყავი ის, რაც ხარო, დარჩე შენ საკუთარ თავად — დიდი ვაჟკაცობაა. ისრაელში ყველაზე პოპულარული სიტყვაა „სავლანუთ“, რაც ქართულად მოთმინებას ნიშნავს. მოთმინების უნარი ებრაელის ცხოვრების თანამდევია. ეს განაპირობა მისმა ისტორიამაც.

— რა არის თქვენი ნაკლი? თუ გაგაჩნიათ, რასაკვირველია.

— ამის თქმა მიჭირს, ნაკლი ბევრი მაქვს, როგორც ყველა ადამიანს, და მათ გამოსწორებას ვცდილობ. ადამიანური ცხოვრება მუდმივი სრულყოფისა და სრულქმნის პროცესია.

— თქვენი განვლილი ცხოვრებიდან რომელი დღე დაგამახსოვრდათ?

— ბევრი დღეა ღირსსახსოვარი, რაც პირად ცხოვრებას უკავშირდება და, ცხადია, შემოქმედებასაც.

— თქვენი ბავშვობის ყველაზე ტკბილი მოგონება როგორია?

— ყველაზე ტკბილი არის ის, რაც ბავშვობაში დედასთან ურთიერთობას და დედასთან სიახლოვეს უკავშირდება. ახლა, როდესაც დედა არა მყავს, ეს განცდა ყველაზე უფრო მძაფრი და მტკივნეულია.

— თქვენი აუსრულებელი ოცნება და რა არის თქვენი ყველაზე დიდი ოცნება ამჟამად?

— ადამიანის, მეტადრე შემოქმედის ყოველდღიური ცხოვრება ოცნებათა უსასრულო ჯაჭვია. ღმერთმა ნუ ქნას სანუკვარი ოცნების საბოლოო აღსრულება, ადამიანის სულიერი გამყინვარება მაშინ იწყება.

— უშრეტი სიმხვევისათვის რაიმე განსაკუთრებული რეცეპტი თუ გაქვთ?

— მთავარი რეცეპტი არის ის, რომ არ დაიბოლო, სიკეთით იცხოვრო, კეთილი და მიმტევებელი თვალით უყურო მთელ სამყაროს.

— რა არის თქვენი ჰობი?

— მოგზაურობა, მუსიკა, წიგნები...

— მეგობრებთან დროსტარება გიყვართ, თუ ამის საშუალება მოგეცათ?

— მეგობრებთან დაჯდომა და მათთან დიალოგი დიდი ბედნიერებაა და, მე ვიტყვოდი, ფუფუნებაც.

— გაქვთ იმედი, რომ საქართველო გაბრწყინდება? რამდენ წელიწადში?

— უსათუოდ გაბრწყინდება, რა უფლება აქვს, რომ არ გაბრწყინდეს? (ღიმილი უცისკროვნებს სახეს).

ყოველი შეხვედრა ამ ბრწყინვალე შემოქმედთან მკითხველისთვის დღესასწაულის, ზეიმის ტოლფასი იყო.

გასული წლის 18 იანვარს სამების საკათედრო ტაძართან არსებული ახალგაზრდობის სულიერი და ინტელექტუალური განვითარების ცენტრში სასიქადულო პიროვნების შემოქმედებითი საღამო გაიმართა. დარბაზი ჯემალ აჯიაშვილის თაყვანისმცემლებს ვერ იტევდა. შეხვედრას დიდი სიბოთით და სიყვარულით პოეტი ერეკლე საღლიანი უძღვებოდა. მხატვრული კითხვის ოსტატები კითხულობდნენ შუა საუკუნეთა ებრაული პოეზიის შედევრებს, — ღვთაებრივად ამტყველებულს. თავად ჯემალ აჯიაშვილმა მსმენელი შუა საუკუნეთა პოეტების ლექსებით, აგრეთვე, მიქელანჯელოს სონეტებით და საკუთარი ლექსების ტკბილხმოვანებით დაატკბო; იყო მისალმებები, ჟღერდა ლამაზი მუსიკა, სიმღერა... კიდევ ერთხელ მოვეფერეთ უსაყვარლეს პოეტს... აღტაცებულმა თაყვანისმცემლებმა მხურვალე აპლოდისმენტებით დააჯილდოვეს პოეტი.

და აი, ნამდვილად ამაღლებული, დიდებული წუთები... დარბაზში თავისი მხლებლებითურთ სრულიად საქართველოს კათოლიკოს-პატრიარქი, უწმინდესი და უნეტარესი ილია მეორე შემობრძანდა.

პატრიარქმა ღირსეულად შეაფასა ბატონი ჯემალის შემოქმედება, დალოცა უძველესი კულტურისა და ტრადიციების მქონე რჩეული ებრაელი ერი და მისი საამაყო შვილი — ჯემალ აჯიაშვილი, რომელიც, მისი სიტყვებით, ორ ქვეყანას — საქართველოსა და ისრაელს, ორ ერს — ქართველ და ებრაელ ერს ეკუთვნის. შთამბეჭდავი იყო ერის სულიერი მამის მიერ გამოჩენილი ყურადღება, სიყვარული და პატივისცემა ებრაელი ხალხისა და მისი ერთ-ერთი გამორჩეული წარმომადგენლისადმი. ილია მეორემ ჯემალ აჯიაშვილს თავისი სულიერი შვილი უწოდა და „საუკუნის ლეგენდად“ შეარაცხა.

საზოგადოების თვალსაჩინო წარმომადგენლებმა ღრმა პატივისცემა, აღიარება, მადლიერება გამოხატეს მსოფლიო მასშტაბის შემოქმედის მიმართ და შესანიშნავ მეგობარს, არაჩვეულებრივ ადამიანს გზა დაულოცეს ამ სამზეოში.

მაგრამ... ერთი წლის შემდეგ უკურნებელმა სენმა შეინირა დიდი ადამიანი... მწერალთა კავშირში გახსნილ ხსოვნის წიგნში ძვირფასი ადამიანის გარდაცვალებით გამოწვეულმა საყოველთაო სევდამ, ტკივილმა, სამძიმარმა დაივანა...

დიდი იმედით, გასხვივსნებული თვალებით შეჰყურებდა ჯემალ აჯიაშვილი საქართველოს მომავალს, თვითონ კი — თავის მისაგებელს მიაგებდა ერს და ქვეყანას, სანთელივით ინვოდა (სანთელი ხომ ადამიანის სულია); ხალხის განსაკუთრებული, წრფელი სიყვარული იყო მისი ცხოვრებისა და შემოქმედების მარადი მეგზური, ჩვენ კი — მის მიერ დათესილ მარგალიტებს სასოებით ვკრფთ და გულში ვიხუტებთ...

დიდი, თავდაუზოგავი შრომა უწევდა, — აკი სულს ნეტარება შრომით ეძლევა კიდევც...

როგორც XI საუკუნის უდიდესმა პოეტმა, სახელმწიფო და საზოგადო მოღვაწემ ჰანაგიდმა, ჯემალ აჯიაშვილმა სიცოცხლეშივე აიგო ხელთუქმნელი ძეგლი და მოიხვეჭა უმთავრესი — კაცურკაცობის გვირგვინი!

გემშვიდობებით ფრანჩესკო პეტრარკას სიტყვებით: „ო, სიცოცხლეო, ო, სიკვდილო, ვარსკვლავის სხივო!“

მეათედ — საგურამოში

□

ილია ჭავჭავაძის დაბადების 175-ე წლისთავისათვის

2012 წლის 8 ნოემბერს საგურამოში აღინიშნა ილია ჭავჭავაძის დაბადების 175 წლისთავი. გაიმართა საიუბილეო ღონისძიებები, რომელშიც მონაწილეობდნენ სტუმრები საქართველოს სხვადასხვა კუთხიდან, მწერლები, კულტურისა და მეცნიერების წარმომადგენლები, საეკლესიო და საზოგადო მოღვაწეები. საზეიმო მიტინგზე სიტყვით გამოვიდნენ საქართველოს რესპუბლიკის პრემიერ-მინისტრი **ბიძინა ივანიშვილი** და სრულიად საქართველოს კათოლიკოს-პატრიარქი, უწმიდესი და უნეტარესი **ილია მეორე**.

გაიმართა საგურამოს ლიტერატურული პრემიის ლაურეატების მეათე, საიუბილეო დაჯილდოება.

საგურამოს 2012 წლის პრემიის ლაურეატები გახდნენ **ეთერ თათარაიძე (პოეზია), ირაკლი სამოსონაძე (პროზა), თამაზ ვასაძე (კრიტიკა), გივი შაჰნაზარი (თარგმანი), გოგი ხარაბაძე (ხელოვნება), გიორგი გოგოლაშვილი (მეცნიერება)**. ილიას მედალი ქართულ კულტურაში შეტანილი განსაკუთრებული ღვაწლისთვის გადაეცა **ვახტანგ ჯავახიძეს**.

ლაურეატებმა ჯილდოს მიღებისას ტრადიციული საპრემიო სიტყვებით მამართეს საზოგადოებას.

ეთერ თათარაიძე:

იაკობ გოგებაშვილი წერდა: „იქნება არც ერთს მსოფლიო გენიოსს არ ჰქონდეს იმოდენა მნიშვნელობა თავისი ერისათვის, რამდენიც აქვს ილია ჭავჭავაძეს საქართველოსთვის...“

ჩემზე კარგად მოგეხსენებათ, რომ ილია იყო და რჩება საქართველოს თანამდევ სულად...

ილიას არა, საქართველოს ესროლეს ტყვია. ყველა სალად მოაზროვნე ადამიანი გაოგნდა და ზიზღის გრძნობა გაუჩნდა იმ შავბნელი არაადამიანების მიმართ, ვინც ეს დაგეგმა და ჩაიდინა...

მოგეხსენებათ, წლებია, რაც უძველეს ქართულ საფლავის ქვებს ვაფიქსირებთ. და აი, მე და ამირანი სოფელ წვერში შევჩერდით ადგილობრივ მოხუც მოსახლესთან... საფლავის ქვაზე ამოკვეთილია გადაშლილი გარმონი.

— რა საინტერესო საფლავია, — ვთქვი მე, — აუცილებლად მეგარმონე წევს ამ ქვის ქვეშ-მეთქი, და სანამ



სრულიად საქართველოს
კათოლიკოს-პატრიარქი ილია II

წარწერის ამოკითხვას დავინწყებდით, ამ მოხუცმა სევდიანად გვითხრა, რომ თურმე ეს ქალი მართლა არაჩვეულებრივი მეგარმონე ყოფილა, ამ სოფელში დაბადებული. ბერბიჭაშვილს, ილიას მკვლელს, დაუდგამს თვალი და ცოლად წაუყვანია. ბერბიჭაშვილზე რომ შავბნელი ამბავი გახმაურდა, ამ ქალის ძმებმა პროტესტის ნიშნად თავისი დის ძვლები იქ აღარ დატოვეს და წვერში გადმოასვენეს...

პირადი დამოკიდებულება მაქვს ილიასადმი, მისი სამწერლო ენისადმი, რომელიც ასე თბილია, ასე ღრმაა, ასე ხალხურია, ვერაფერს რომ ვერ მოისაკლისებ, მის ფრაზას არათუ სიტყვას, ბგერასაც რომ ვერ შეუცვლი.

არ შეიძლება ეს გამორჩენილად უდიდესი ინტელექტისა და დიპლომატიის მეცნიერს ვახტანგ კოტეტიშვილს. აი, რას გვეუბნება ილიას სამწერლო ენის შესახებ ქართული ფოლკლორისტიკის ფუძის ჩამყრელი: „სულ ახლო მისვლა ხალხის გენოსთან ი. ჭავჭავაძემ ისეთი ოსტატობით შესძლო, ისეთი შემოქმედებითი სასწაულები გვიჩვენა, რომ ხშირად ძნელდება გამოცნობა თვით ილიას კუთვნილებას წარმოადგენს ესა თუ ის ფრაზა, და ზოგჯერ მთელი კომპოზიციაც კი, თუ ხალხური სიბრძნე არის, საუკუნეთა ტევრში გამოვლილი და განმტკიცებული“...

არა, ვერ აპატიებდნენ საქართველოს მიწაზე „ზეპირ“ (ხილულად) მავალ სულს საქართველოსას“... და სულით მახინჯი გარენრები მოხუც ადამიანს მზაკვრულად, დაუნდობლად გაუსწორდნენ. მათ ჩათვალეს, რომ ილია მოკლეს, არ იცოდნენ საცოდავებმა, რომ ამ სიკვდილით ის გააუკვდავეს.

ბევრ საინტერესოს იგონებს არტურ ლაისტი. მათ შორისაა საგურამოში გატარებული დღეები. გვიამბობს მეზაღზე, ვინც ხეხილს ამყნობდა ამ ბაღში და ილიას კომენტარებზე, გვიამბობს ილიაზე, გულდანყვეტილი მოხუცი როგორ შემპარავად ნატრობს ამ მიდამოებში ორასწლიან სიცოცხლეზე...

გვიამბობს ილიას ტრაგიკული აღსასრულის მოსვლასა და ამ „მწვანე სამოთხის“ მივიწყებაზე და იქვე დარწმუნებით იცის, რომ საგურამო „ქართული ლიტერატურის ისტორიაში მაინც დაიჭერს ღირსსახსოვარ ადგილს“.

დღეს ჩვენ ილიას „მწვანე სამოთხეში“ თავშეყრილნი, მოწინებთ ვიხრით თავს მისი უკვდავების წინაშე და თუ ჩემი პოეზია ღირსად ჩათვალა ჩემმა ქვეყანამ, რომ მისი სახელის ახლოს ეხსენებინა, მაღლობა უფალს. მე სიტყვით ვცოცხლობ და ამაზე მეტი რაღა უნდა ვინატრო? უღრმესი მაღლობა ამისთვის...

იმავე ფრაზით დავამთავრებ რითაც დავიწყე: „ილია ჩვენთვის წარსული არაა, ის მომავალია. ქართველი კაცი ისეთი იქნება, როგორც იქნება მისი დამოკიდებულება ილიასადმი...“

ირაკლი სამსონაძე:

მამული, ენა, სარწმუნოება! — ხანგრძლივი მოგზაურობის მათგან გონგს ჰგავს, თითქოს მიზანია, საითაც სვლა გემართებს, ან ყიფინაა, რითაც ბრძოლაში ამხნევენს ჯარს მთავარსარდალი, თითქოსდა მოწოდებაა, რათა თავი დაეინარჩუნოთ; ასეთ თუ ისე, სწორედაც ამ სამმა სიტყვამ მოიპოვა მაგიური ძალა, თაობიდან თაობაში გამოგვყვა ქართველობას და აქ, საგურამოში, ილია ჭავჭავაძისა და ოლა გურამიშვილის მამულში, ჩვენი დიდი წინაპრის დაბადებიდან 175-ე წლისთავზეც არ დაუკარგავს მნიშვნელობა, კვლავაც გვაფრთხილებს, ალბათ გვახსენებს კიდევ, რომ ჯერ კიდევ გზაში ვართ, საკუთარი თავის, საკუთარი სამშობლოს ძიებაში. ახტიალეზულთ არაერთხელ შეგვიცოდავს, არაერთხელ გვიქცევია მხარი, გზიდან გადაგვიხვევია და უიმედობაც დაგვუფლებია, — ნაცვლად მიახლოებისა მეტად დავშორებულვართ მიზანს, მაგრამ სასონარკვეთილებსა და მხრებჩამოყრილებს ისევ და ისევ გავგხსენებია, რაღაც ძალიან ძვირფასი რომ მოგვეპოვება, ამით ძალამოცემულებს შვებად, ალმად, გზამკვლევად დაგვისახავს ეს სიტყვები და ისე გავყოლილვართ მათ, როგორც ებრაელი ერი მიჰყვებოდა სინაის უდაბნოში უფალს, — დღისით ღრუბელში დავანებულს, ღამით ცეცხლის სვეტად მანათობელს მათ ხანგრძლივ ხეტიალში ნამდვილი თავისუფლებისკენ.

გზა, რომელიც ყვარლიდან წინამურამდე განვლო ილია ჭავჭავაძემ, ამ სიტყვების ამოთქმის უფლებაცაა, ხალხამდე მოტანის მადლიც და უანგარო მსახურების მაგალითიც, რაც ბუნებრივად, ძალდაუტანებლად გვაფიქრებს შუამავალზე, — უფლისგან ხელდასხმულ ფიქალზე, უფლისგან ბოძებული ცხოვრების წესსა და რიგს რომ ამცნობს თავის ერს და ამით არგადაშენების, არნაშლის, ღირსეული არსებობის გასაღებსაც აძლევს სხვა, ღირსეულ ერთა გვერდით, მათ ტოლად და სწორად, არამარტო მომხმარებლად, არამედ, უწინარეს ყოვლისა, შემოქმედად და გამლებად, რაც ჭეშმარიტი თავისუფლების ნიშანთვისებაცაა, უფლებაცაა და მოვალეობაც.

მომიტყვეთ ბიბლიური ალუზიებისთვის, მაგრამ ჩემი მოკრძალებული შრომა, რომელიც ყურადღების ღირსად სცანით, ყველასთვის ნაცნობი ეპიზოდითაა შთავგონებული, უდაბნოში ხეტიალის ძველისძველ ისტორიაზე გვიამბობს, „მონობის სახლიდან“ გამოსულთა და ალთქმულ მიწამდე ვერმიღწეულთა მისტერიული პანოს შექმნის მცდელობაა, ამასთან ერთად კი, ალბათ, იმ უცნაური, გათანგული მდგომარეობის გადმოცემის მცდელობაც. დამოუკიდებლობამოპოვებულებს რომ გავვიჩნდა, — თითქოს ვეღირსეთ ნანატრ თავისუფლებას, თითქოს დაგვერქვა სა-

ხელმწიფო, მაგრამ რაღაც ძალიან მნიშვნელოვანი, უმთავრესი მოვისაკლისეთ და... გავგახსენდა... სამშობლო! ჰო, სამშობლოს შეგრძნება გავგისხლტა ხელიდან დამოუკიდებლობამოპოვებულ სახელმწიფოში; ესე იგი, ვერ მიგვიღწევია მიზნისთვის, ესე იგი, ვერ გვეთქმის თავისუფალი მოქალაქენი, ესე იგი, ჯერ კიდევ გზაზე ვართ გახიზულნი და აი, ამის შემცნობთ, უკვე მერამდენედ გავვიზრო სული იმედგაცრუების მწვავე სუსხმა, მაგრამ, ამასთან ერთად, თითქოს გამოვფხიზლდით კიდევც, კვლავ და კვლავ, უკვე მერამდენედ, შვებად, ალმად, გზამკვლევად დავიგულეთ დიდი ილიას დანაბარები, — მამული, ენა, სარწმუნოება! — იმასაც მივხვდით, რომ სასონარკვეთის უფლებაც არა გვაქვს, იმასაც, რომ ჩვენი გასანევი მძიმე უღელი თავადვე უნდა გავნიოთ და დღისით ღრუბელში დავანებულ, ღამით ცეცხლის სვეტად მანათობელ ამ საკრალურ სიტყვებს მივყვეთ ჩვენს ხანგრძლივ ხეტიალში ნამდვილი თავისუფლებისკენ.

ასე თუ მივალწვეთ ალთქმულ მიწამდე.

თამაზ ვასაძე:

ქართველებს შორის ილია ჭავჭავაძემ ყველაზე ცხადად დაინახა, რომ მხოლოდ ზნეობრივად ძლიერი, სრულფასოვანი საზოგადოება შეიძლება იყოს დამოუკიდებელი და თავისუფალი არსებობის შემძლე; ზნეობრივ გამოფიტვას საზოგადოება გარდაუვლად მიყავს მონობასთან, უპირველესად იგია საზოგადოებისთვის თავისუფლების აღმკვეთი. ილიას თვალთახედვის ლოგიკის მიხედვით, პოლიტიკური თავისუფლება მკვიდრია მაშინ, თუ ის საზოგადოების მომნიშვნელებული ზნეობრივი, ჰუმანური გრძნობებიდან და მოთხოვნილებებიდან ბუნებრივად წარმოიშობა.

ილია საქართველოში სინდისის გაღვიძლებას ესწრაფოდა, ისევე, როგორც გონების გაღვიძლებას. მისმა მიზანსწრაფვამ ეს ორი ფენომენი — სინდისი და გონება — ორგანულად დაუწყვილა ერთმანეთს, რადგან ადამიანში ყველაზე გონიერი, ალბათ, სწორედ სინდისია.

საბოლოოდ მოხდა უცნაური რამ: ერთი ადამიანი, თავისი სიცოცხლით და სიკვდილით გამორჩეული კაცი — ილია ჭავჭავაძე — იქცა ჩვენი კოლექტიური, საერთოეროვნული ზნეობრივი გონის, სინდისის განსახიერებად. მისი ჩაკვლა თუ მისი ხმის ჩახშობა ბევრჯერ ვცადეთ, მაგრამ ის მაინც ჯიუტად გვახსენებს თავს და გვანუხებს ქართველებს იმის გამო, რომ ღირსეული საქართველო ჯერაც ვერ შექმენით. და ჩვენ ვხვდებით, რომ ილია — საერთოეროვნული სინდისის ხორცშესხმა — მანამდე არ მოგვასვენებს, ვიდრე საქართველოს რეალობას მის ადგილს არ მივუახლოვებთ.



ვანტანგ ჯავახაძე

გივი შაჰნაზარი:

თითქმის ორი კვირით ადრე დამირეკა ანდრო ბედუკაძემ და ჩემთვის სასიხარულო ეს ამბავი შემატყობინა.

ავად ვიყავი, უქეიფოდ, და ვერც კი წარმომედგინა, კარგ ხასიათზე თუკი რამე დამაყენებდა და ამ დროს...

ღმერთო მაღალო, არ ვიცი, ვის როგორ გაახარებდა ილია ჭავჭავაძით სახელდებული ეს ჯილდო, მაგრამ...

გავიხარე, დიდ პატივად მივიჩინე.

შეტყობინებისთანავე კალენდარს ჩავხედე, ხუთშაბათი... დიდი ხუთშაბათი... უკანასკნელი საიდუმლო სერობა... ქრისტიანთათვის დამოძღვრილი ზიარების სასწაული... ფიქრი ფიქრს მისდევს.

რალა თქმა უნდა, ადრეც ხშირად ვყოფილვარ ილია ჭავჭავაძის მამულის, მისი სახლ-მუზეუმის სტუმარი, მაგრამ მას მერე, რაც აქ, ილია მართლის სახელზე, ეს ეკლესია აიგო, როცა მისმა დაბადების დღემ ასეთი საყოველთაოდ სადღესასწაულო სახე მიიღო, საზოგადოების ინტერესმაც იმატა, ხოლო მწერლობისადმი ასეთმა ყურადღებამ განსაკუთრებული მნიშვნელობა შეიძინა.

გოგი ხარაბაძე:

ჯილდოს შეფასების რამდენიმე ერთეული არსებობს.

პირველი — ხალხის ხმაა, შეკითხვა არ უნდა გაჩნდეს: რატომ ამკობენ მავანს დაფნის გვირგვინით, რით დაიმსახურა ან რა გააკეთა...

მეორე — ვინაობა და საქმენი, ვისი სახელობის ჯილდოც რიგდება...

მესამე — თავად მომნიჭებელია, ისაა, ვინც ჯილდოს განიჭებს...

მე პატივს ვცემ, ჩემი დაჯილდოების იდეის ავტორებს, სხვაგვარად, დღეს თქვენს წინაშე არ ვიდგებოდი, რადგან თავგამოდებული ერთგული ვარ სულხან-საბას შეგონებისა „გლახაკისაგან ჩუქება ნუ გინდა“...

საქართველო მოაზროვნე მეფე-პოეტთა ქვეყანაა. გენიოსთა ამ თანავარსკვლავედში ზოგი მეტად ფილოსოფოსია, ზოგი მეტად — ლირიკოსი, ზოგი — სიტყვის, სიმბოლოთა და სახეთა ოსტატია მეტად...

„ერის მამად“ და წმინდანად შერაცხული კი მათგან, მხოლოდ ერთია!

ილია!

1907 წლიდან, საქართველოს არ ჰყოლია ხელისუფლება, რომელიც ხორცს შეასხამდა დამოუკიდებლობის, თავისუფლების, ჰუმანიზმის უაღრესად პროგრესულ, ილიასეულ იდეებს. ისინი, წინამურთან გასროლილმა ტყვიამ იმსხვერპლა „ბედნიერი ერის“ ავტორთან ერთად...

ილიას საზრისი, მხოლოდ ხალხმა, ეკლესიამ და კულტურამ შემოინახა.



ეთერ თათარაიძე

1976 წელს, გაგანია საბჭოთა ეპოქაში, დაიდგა რუსთაველის თეატრში „მგზავრის წერილები“, სადაც ილიას ვთამაშობდი. ვერ გუობდა სცენიდან „ლელთ ღუნას“ მონოდებას „ჩვენი თავი ჩვენვე გვეყუდნესო“, ის რეჟიმი. მოგვიანებით, სწორედ ამ სპექტაკლით გაიხსნა ქართული თეატრი დმანისში, მაშინაც და დღესაც რთულ და „ქართველად მოსაქცევ“ რეგიონში.

გასული საუკუნის 80-იან წლებში, ტელესპექტაკლში „ოთარაანთ ქვრივი“, ორი გმირი განვასახიერე — გიორგი და სოსია.

მათ შორის ილიას, ტელეპორტრეტებზე. სწორედ ამ მონოსპექტაკლებისთვის მომანიჭეს ეროვნული პრემია, რუსთაველის სახელობისა.

ახლახან ჩავწერე „კაცია-ადამიანის“ აუდიო-ვერსია, რომლითაც დასრულდა 32 დისკისაგან შემდგარი ქართული სასულიერო და საერო ლიტერატურის საგანძური, „სიტყვა X“. მასში „კაცია-ადამიანის“ გარდა შესულია ილიას პროზა, პოეზია, პუბლიცისტიკა, წერილები.

ყოველი მიახლოება ილიასთან, დიდ პატივთან ერთად, დიდი სიმძიმეც არის, სიმძიმეა იმიტომ, რომ ბევრ ეჭვსა და კითხვას ბადებს.

რატომ ვერ გავიღეთ რის გაღებასაც ილია ითხოვდა ჩვენგან? რამდენი წუთი იცხოვრა საქართველომ მისი იდეებით წინამურის შემდეგ?

რატომ გავწირეთ ოღლა გურამიშვილი გაჭირვებისა და სიმარტოვისათვის?

რამდენ ხანს დავრჩებით „ბედნიერ ერად“?

მე ბოლო ათი წელია შინაგან ემიგრაციაში ვარ და ისევ ილიას შეძახილი მაძღვეს ძალას, მიჩვენებს გზას: რომ ან-მყო თუ არა გვწყალობს, მომავალი ჩვენი იქნება...

გიორგი გოგოლაშვილი:

მარადიულმა თანამედროვემ, ილია ჭავჭავაძემ, საუკუნე-ნახევრის წინათ განაცხადა: „სამი ღვთაებრივი საუნჯე დავგრჩა ჩვენ მამაპაპათაგან — მამული, ენა და სარწმუნოება“. და ჩვენ ლოზუნგად გავიხადეთ „მამული, ენა, სარწმუნოება“; მაგრამ აღარ ვაქცევთ ყურადღებას, როგორ გრძელდება დაწყებული მსჯელობა, რა კითხვა დასვა მარადიულმა თანამედროვემ: „თუ ამათაც არ უპატრონეთ, რალა კაცები ვიქნებით, რა პასუხს გავცემთ შთამომავლობასო?“ ამ კითხვას შეუფოთებაც ახლავს: „თუ ამათაც არ უპატრონეთ“, იმას გულისხმობს, ბევრ რამეს ვერ ვუპატრონეთ, ბევრი რამ დავკარგეთ და ეს ბედი არ ერგოთ ამათაცო... ცოტა მოგვიანებით მეორე მარადიულმა თანამედროვემ, იაკობ გოგებაშვილმა, მამულს, ენასა და სარწმუნოებას ეროვნული სკოლა დაუმატა, ბურჯნი ეროვნებისანი უწოდა მათ და დააზუსტა დიდი ილიას აზ-

რი: ჩვენი ეროვნულობა, ჩვენი ქართველობა ამ ოთხ ბურჯს ემყარებაო.

და შევეცადოთ, დღეს აქ, საგურამოში, მოვახსენოთ მარადიულ თანამედროვეს, ვპატრონობთ კი ჩვენს ღვთაებრივ საუნჯეებს, ვართ კი პირნათელი შთამომავლობის წინაშე?..

ვერ ვუპატრონეთ მამულს, ილიას დანატოვარ მამულს და ლამის ნახევარი დავთმეთ: გასული საუკუნის დასაწყისში დავკარგეთ ტაო-კლარჯეთი და შავშეთ-ერუშეთი, იმერხევი... საინგილო, ალავერდისა და ლორეს მხარე და სხვა... საუკუნის ბოლოს ხელიდან გავგვექცა აფხაზეთი და სამაჩაბლო... და XXI საუკუნის დასაწყისში მდგომარეობა გაუარესდა... ვერ ვუპატრონეთ მამულს...

ვსაუბრობთ ქართულად; ვასწავლით ქართულს; ვიკვლევთ ქართულს... მაგრამ სრულდება კი ანდერძი დიდი წინაპრისა — ვპატრონობთ ქართულ ენას ისე, როგორც დედაენას ეკადრება? ვპატრონობთ ისე, რომ პირნათელი ვიყოთ შთამომავლობის წინაშე? მძიმე პასუხი აქვს ამ კითხვებს: ქართული ენა ასეთი გლობალური საფრთხის წინაშე მაშინაც არ მდგარა, როცა დიდმა ილიამ განგამის ზარი შემოჰკრა.

დღეს უკანა პლანზე გადაინია დედაენაზე ფიქრმა; დაკნინდა ქართული უნივერსიტეტი... ქართული ენის კუთვნილ სივრცეს უცხო ენა იჭერს; დავივინყეთ, რომ „ენა საღვთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს“ და განსაცდელში აღმოჩნდა ქართული ენა...

და დღეს აქ, საგურამოში, ამ უწმინდეს ადგილას, აქ, სადაც მარადიული თანამედროვის უკვდავი სული დაგვნათის, ჩემი ხელობის კაცისთვის დიდი ილიას სახელთან დაკავშირებული პრემიის მონიჭება უდიდესი ჯილდოა და ეს არის უდიდესი ვალდებულება... დიახ, ვალდებულება იმისა, რომ დედაენას კვლავაც ვემსახურო იმ შეგნებით, რომ „მშობლიური ენის სინმინდისათვის ბრძოლა ისეთივე საპატიო საქმეა, როგორც ხმლით დაცვა საკუთარი სამშობლოსა“.

ვახტანგ ჯავახიძე:

ილია ჭავჭავაძის მედალი განსაკუთრებული ჯილდოა ჩემთვის, ვინაიდან იგი ატარებს სახელს ყველაზე დიდი ქართველისა, რომელიც ქვეყნის სიმბოლოს წარმოადგენს.

გალაკტიონ ტაბიძემ რამდენჯერმე შეადგინა ქართული პოეზიის თანავარსკვლავედის შვიდეული და მეოთხე ვარსკვლავად ყოველთვის ილიას მოიაზრებდა.

გალაკტიონის სტრიქონებსა და ჩანაწერებში ისე ხშირად და თავისებურადაა წარმოდგენილი ილია ჭავჭავაძის პიროვნება, რომ მეტად საინტერესო წიგნი უნდა დაინეროს.

მე დღეს ერთ დეტალს მივაპყრობ ყურადღებას:

1958 წელს გალაკტიონს გაახსენდა და ჩაინერა:

— დედაჩემმა ილიას ჩემი ლექსები გამოუგზავნა.

როგორც ჩანს ილიამ წაიკითხა ჭყვიშელი ყმანვილის ლექსები. უნდა ვივარაუდოთ, ეს იქნებოდა აკაკისა და ილიას გავლენით შთაგონებული ლექსები, რომლებიც ვერ დაინტერესებდნენ ადრესატს.



გოგი ხარაბაძე

ილია გახლდათ უტყუარი გემოვნების მკითხველი — პოეზიის ჭეშმარიტი ჭაშნავირი.

ილიამ აღმოაჩინა ნიკოლოზ ბარათაშვილი.

ილიამ აღმოაჩინა ვაჟა, მიუხედავად იმისა, რომ ოპონირებას უწევდა ისეთი ავტორიტეტი, როგორიც იყო აკაკი წერეთელი.

აკაკის აღმოსაჩენი არაფერი სჭირდა, მაგრამ ილიამ აღიარა, რომ აკაკი „სხვა იყო“ და ის ფაქტი, რომ ილია უკანასკნელი ცამეტი წლის განმავლობაში ლექსებს აღარ წერდა, მისი მაღალი გემოვნებით უნდა აიხსნას: აკაკისა და ვაჟას ტრიუმფის წლებში მან თავი შეიკავა.

1916 წელს გალაკტიონ ტაბიძემ აბესალომ ტაბიძეს მოსკოვიდან შეატყობინა:

— მე უკვე მზად მაქვს მეორე წიგნი, რომლითაც ყალყზე დავეყენებ მთელ საქართველოს.

1919 წელს გალაკტიონმა გამოსცა მეორე წიგნი და მას „არტისტული ყვავილები“ დაარქვა.

„არტისტულმა ყვავილებმა“ მართლაც ყალყზე დააყენა მთელი მეოცე საუკუნის ქართული პოეზია, მაგრამ ეს იცოდა და დაიჯერა მხოლოდ გალაკტიონ ტაბიძემ და ამის აღიარებას ორმოცი წელიწადი და გალაკტიონის თვითმკვლელობა დასჭირდა.

და მე ვოცნებობ: 1907 წელს რომ არ მოეკლათ და 82 წლის ილია ჭავჭავაძეს 1919 წელს „არტისტული ყვავილები“ წაეკითხა, ალბათ ორმოცი წლის შემდეგ გალაკტიონი თავს აღარ მოიკლავდა.

თამამი ოცნებაა, მაგრამ, როგორც იტყვიან, ოცნებას კაცი არ მოუკლავს არასოდეს, მითუმეტეს ახლა — როცა ოცნებამ გაიმარჯვა.

**ფოტოები
ბაბუა ალუდაურისა**

როსტომ ჩხეიძე

ჩემი გალაკტიონიც

— გალაკტიონზე ბიოგრაფიული რომანი, იცოდეთ, შენი დასანერია!..

თეიმურაზ დოიაშვილს ეს რედაქტორული უნარიც არ აკლია — შეგირჩიოს შენთვის შესაფერისი თემა, შეგაგაუ-ლიანოს და არც რჩევის გაზიარებასა თუ მასალების მოწოდებას დაგზარდეს.

— ეგ მეც მიფიქრია, მაგრამ...

— მაგრამ რა?

— ფორმა ვერ გამოვძებნე.

— გამოძებნე მერე, რაღას უცდი!..

„ეჰ, გამოძებნე კარგია...“

„გალაკტიონოლოგიის“ ახალი კრებულისათვის ერთ-თაბახიან ნაშრომს რომ წარვუდგენდი — „თვალთა საფ-ლავები“ — მეტყოდა: ისეა დაწერილი, ან უშუალოდ ამ სა-ხითვე, ან ოდნავ გადაშუშავებული, ბიოგრაფიული რომა-ნის ერთ თავად გამოდგება და მოდი ასეც მივანეროთ: ფრაგმენტი რომანიდანო.

ასეთი მინაწერი, ცხადია, დამავალდებულებდა, რომ ცალკეულ ნარკვევებზე კი აღარ მეფიქრა, არამედ სწორე-დაც მხატვრულ-დოკუმენტურ წიგნს ჩავჯდომოდი.

ეს ვალდებულება შემაკრთობდა და... ვიუარებდი.

— ენეროს, რას ჰკარგავ, რა აუცილებელია ახლავე და-ასრულო, იგულისხმება, რომ რომანი გაქვს განზრახული და ადრე თუ გვიან კიდევ მოათავებ.

„გვიან“ შელავათია, მაგრამ თუ ფორმას ვერც ვერასო-დეს მოძებნი?! ტყუილი ქადილი კი რა საკადრისია.

ასეც გავუმეორებდი.

ისიც თავისას დამიბეჯითებდა:

— გამოძებნე მერე, რაღას უცდი!..

მამაჩემის ხსოვნისადმი მიძღვნილ სამეცნიერო კონფერენ-ციაზე, ქართული ლიტერატურის ინსტიტუტში რომ გაიმარ-თებოდა, თეიმურაზ დოიაშვილი ნაიკითხავდა მოხსენებას „ოთარ ჩხეიძის გალაკტიონი“ და იმ სიტყვებს რომ გაიხსენებ-და: გალაკტიონის ბედისწერა იყო კომიკოსის როლი დიდ ეროვნულ ტრაგედიაშიო, — უეცრად მომიბრუნდებოდა:

— მზამზარეული ქარგაა, კომპოზიცია შეკრულია, სტი-ლისტიკა განსაზღვრული, ადექი და დაწერე, რაღას ელოდები!

— დაწერილი თუ არა აქვს უკვე, — გაიცინებდა ირმა რატიანი, ინსტიტუტის დირექტორი და იმ კონფერენციის თავმჯდომარე.

მე ავინურებოდი.

— ფორმა ვერ გამოვძებნე.

— გამოძებნე მერე, რაღას უცდი!..

არ იძებნებოდა და...

„გალაკტიონოლოგიის“ ახალი ნომრისათვის შემომთა-ვაზებდა: ეგებ 30-იან წლებში გალაკტიონის ყოფა დაგეშუ-შავებინაო.

ეს ხომ ის დროა, ბოლშევიკური რეჟიმი ბოლომდე რომ მოუჭერდა მარნუხებს მწერლობასაც და ამოსუნთქვის სა-

შუალებას აღარ მისცემდა და გალაკტიონიც იძულებული შეიქნებოდა დაყაბულდებოდა ტრაგიკულ ხვედრს — ახალი ეპოქის მეხოტბეობას.

არადა... ჯერ „ორი მდინარის შესაყარზე“ დაინერებო-და, ვარიაციები „ჩემი სავანის“ თემებზე და „აგვისტოს შეი-ლების“ ერთგვარი გაგრძელება, თან დამოუკიდებელი ქმნილებაც რომ გახლდათ.

შემდეგ — ალექსანდრე ბატონიშვილის ცხოვრების ქრონიკა „მზის რაინდი“.

ესეებსა და სხვადასხვა ყაიდის სტატიებსა თუ გამოკვ-ლევეებს ნულა ჩამომათვლევინებთ.

ამასობაში კი მოანვედა წლის უკანასკნელი თვე და საჩ-ქარო გახდებოდა შეპირებული მასალის ჩაბარება: ინსტი-ტუტს თავისი გეგმა ჰქონდა.

30-იანი წლების ხანა, რომელიც საერთოდ ძალიან მაინ-ტერესებს და არაერთხელ მომიხშია მასალები ამ ათწლეუ-ლიდან (აკი ამიტომაც შემომთავაზეს, გალაკტიონიც შემო-მეყვანა ამ წრეში!), ამჯერად როგორღაც გამოიუცხოვდებო-და. ვიგრძნობდი, რომ ველარ მიზიდავდა და გადაწყვეტ-დი, სახელდახელოდ სხვა რაიმე შემერჩია, რასაკვირველია, უფრო ბიოგრაფიული ყაიდის. მაგრამ რა?

ვატრიალებ ხელში გალაკტიონის ტომებს — უფრო მა-ინც დღიურებს, ეპისტოლეებს, ჩანაწერებს, წიგნებს გა-ლაკტიონზე, „გალაკტიონოლოგიის“ ნომრებს...

არანაირი იდეა.

რა ხდება — შეიდი-რვა გვერდი მაინც როგორ ვერ უნ-და დაწერო გალაკტიონზე?

თუ ვინმეს ცხოვრებასა და შემოქმედებაში ვარ ჩახედუ-ლი, მათ შორის თითქოს გალაკტიონისაც და... ვერ ამეხსნა, რა მემართებოდა.

მაგრამ როდესაც იდეა არა კრთის, ნახევარ გვერდსაც ვერ დაწერ, არამცთუ მცირე ნარკვევს.

და უკვე ხელს რომ ჩავიქნევდი, გულმტკიცვინულად და-ვასკენიდი, რომ ის დრო იყო, თემურს შევხშიანებოდი და მეუწყებინა, რომ სტრიქონის დამწერიც აღარ ვიყავი ამ თემაზე და სჯობდა საერთოდ ჩამოვცილებოდი გალაკტი-ონის შემსწავლელ ცენტრს.

ბოლოსდაბოლოს, გალაკტიონოლოგია უჩემოდაც კარ-გად გააგრძელებდა თავის გზას საუკუნიდან საუკუნეში.

თან... ძალიან მერიდებოდა.

ეგებ ეს ერთი ნარკვევი როგორმე „მომეხრჩო“, ამდენი ხნის დანაპირები როგორღაც შემესრულებინა და მაშინდა ამელო ხელი გალაკტიონზე, ვიდრე ოდესმე რაიმე სტატიის იდეა გამიჩნდებოდა.

რა თემასაც შევპირებოდი, იმას ხომ არ ვასრულებდი და არა, და ახლა მთლად არც არაფერი მიმეტანა?!.

გალაკტიონის ჩანაწერების ფურცვლა-ფურცვლაში, ლამის მთლიანად რომ შემომაზებინებოდა, თითქოს რა-ღაცას ჩავავლებდი.

დეკადის შემდეგ განზრახვა ავტობიოგრაფიის დაწერა — მოგონებათა საღამოების ციკლისა, ოღონდ ეს უნდა ყო-ფილიყო მოგონებანი არა იმ ხალხზე, ვინც მწერალთა კავ-შირში თარეშობდნენ, არამედ იმ მწერალთა და მწერლებ-თან ახლო მყოფი ადამიანებისა, რომელთაც გამხსენებე-ლიც აღარავინ დარჩენოდათ. საკმაოდ ვრცელ სიასაც ჩა-მონერდა თავისი მომავალი პერსონაჟებისა და... აქ მოთავ-დებოდა კიდევ მისი ჩანაფიქრი.

მოგონებათა სალამოები დაუნერელი დარჩებოდა.

ჰა, ეგებ ეს ჩანანერი გამომდგომოდა ზოგად ქარგად?

ნუ იქნებოდა პირნმინდად სამეცნიერო გამოკვლევა და ლირიკულ ჩანახატს უფრო დამგვანებოდა. მაინც საგულისხმოდ იქნებოდა წამოწევა გალაკტიონის აღუსრულებელი განზრახვისა, ასერიგად რომ ანუხებდა და ემზადებოდა საგულდაგულოდ ჩასაჯდომად.

დეკადის შემდგომ მაშინვე ვერ მოუხერხებოდა და... ამასობაში კიდევ გამოიკეტავდა წუთისოფლის კარს.

თუ რაიმე რიალებდა მის გონებაში ზეცისაკენ იმ საბედისწერო ვაფრენის ხანაში, ამ ადამიანთა ლანდებიც, რომელთაგან ყველა თუ არა, ზოგიერთი კი გაეხსენებინა გაკვრით დღიურში, ბარათსა თუ უბის წიგნაკის რომელიმე ჩანანერში, ზოგიერთზე დამოუკიდებელი მოგონების შექმნასაც აპირებდა და გეგმაც კი ჩამოეწერა... და ეს ყოველივე ხომ შეიძლება „მოგონებათა სალამოების“ სიუჟეტურ ქარგაშიც გაეხსნა? მას შეიძლებოდა ამ თვალთ გადახედვა მისი ზღვა ჩანანერებისათვის თავმოყრა ფრაგმენტებისა და ვარაუდი, ზოგიერთ პიროვნებათაგან ვინ როგორ მოხვდებოდა მემუარების ამ ორიგინალური წიგნის ფურცლებზე.

თანდათან მოიკრიბებოდა და მოიკრიბებოდა მასალა.

ათ გვერდს რომ ავცდებოდი და კიდევ რამდენიმე გვერდსაც ვაპირებდი, უკვე შევბოთ ამოვისუნთქავდი. დანაპირები ასე თუ ისე შესრულებულია... გალაკტიონთან გამომშვიდობებას კი ყოველთვის მოვასწრებდი.

ამასობაში კი ერთიერთმანეთზე საგულისხმოდ რეალიები და დეტალები გამოიკვეთებოდა, კოლორიტული სილუეტები ამოჩნდებოდა იმ თითქოსდა გაკვრითი ჩანანერებიდან და... თვალწინ გადაიშლებოდა გალაკტიონის ბელეტრისტული უნარიც — ორიოდ შტრიხით კანთიელი სურათი მოეხაზა, პიროვნული ხასიათის სიღრმეს ჩანვდომოდა... იმისთანა დეტალები თვალსაჩინოვდებოდა და ცოცხლებოდა, საგანგებო ჩაკვირვებას მოითხოვდა, მასალის რაოდენობაც სულ უფრო იზრდებოდა და ერთბაშად ისეთი განცდა გამიჩნდებოდა, თითქოს გალაკტიონის დაუნერეული მემუარების დანერა მე დამვალებოდა.

ასეთი განცდა აქამდეც გამჩენოდა, განა არა:

თითქოს მე გადმომცემოდა აღსასრულებლად მიხეილ ჯავახიშვილის ორი ჩანაფიქრი — ეპიკურ თხზულებათა შექმნა ალექსანდრე ბატონიშვილსა და ქაქუცა ჩოლოყაშვილზე.

ოლონდ მაშინ ეს განცდა შთაგონება და ბიძგი გამოდგებოდა, ამჯერად კი... ამჯერად ბიოგრაფიული რომანის იმ ფორმას დაემგვანებოდა ნება-უნებლიეთ, ამდენი ხანი ასე უიმედოდ რომ ვეძებდი და უკვე ხელიც ჩამექნია.

გალაკტიონის ორი ბიოგრაფია — ოფიციალური და არაოფიციალური — მარჯვე კონტრასტად გამოჰყვებოდა ერთიმეორეს და მათ ჭიდილში გამოიკვეთებოდა რელიეფური სახე დიდი ეროვნული ტრაგედიის შუაგულში მოქცეული ხელოვანისა, კომიკოსის ნიღაბი რომ მოერგო და ასე ცდილობდა თავდალწევას ლუციფერული ეპოქისაგან.



მზამზარეული კომპოზიციური ჩარჩო და ქარგა.

აგერ უკვე გამოკვეთილი ფორმაც.

დანერალა რჩებოდა.

თითქოს რალაც მაინც აკლდა ჩანაფიქრის ხორცშესხმას, რალაც აკლდა გადამწყვეტი ნაბიჯის გადადგმას რომანთან შესაბამელად და „გალაკტიონოლოგიისათვის“ გამიზნული ეს თხზულება ლამის ორ თაბახს რომ მიატანდა და ახლად დავიწყებდი ფიქრს მისი სათაურის შერჩევაზე, სახელწოდებას გალაკტიონისავე სტრიქონი მიკარნახებდა, ლექსიდან „სროლის ხმა მთაში“: სალამო ინვა ხავერდის ყდაში, ვით წიგნი ლურჯი და ძველის ძველიო.

იქ შემოღამება იგულისხმებოდა, მაგრამ არაფერი დაშავდებოდა, თუკი კალენდარული მონაკვეთი დღისა მეტაფორულად ლიტერატურულ სალამოებსაც დაუკავშირდებოდა და მოგონებათა სურათებზეც განზოგადდებოდა. დაშავდებოდა კი არა, უფრო ზუსტად ალბათ ვერც ვერაფერი გამოხატავდა იმ ნოსტალგიას, იმ სევდასა და სიფაქიზეს, ვიდრე ამ სამი სიტყვის თანხმირება — შინაარსობრივი და გარეგნული ჰარმონია:

„სალამოები ხავერდის ყდაში“.

ესეც ის „რალაც“, რომელიც სისრულეს აკლდა, ახლა კი შეეძლო მთელი წიგნის მუსიკალური დინებაც განესაზღვრა, როგორც ბედნიერად ნაპოვნ კამერტონს.

თეიმურაზ დოიაშვილი გაეცნობოდა თუ არა ამ მოზრდილ ნარკვევს, ჩამთავრებისთანავე შემეხმინებოდა ტელეფონით:

— ფორმა გიპოვნია და ეგაა, ახლა გაჩერება აღარ შეიძლება — ფორმა გაქვს, კომპოზიციური ქარგა გაქვს, მეტი რალა გინდა... მე მიმსახურე, რაც კი დაგჭირდეს.

— მეც ვფიქრობ, რომ ფორმა უკვე გამოიკვეთა.

— აღარ გადადო, იცოდე, ისე ხარ შესული სიღრმეში და ისე ტრიალებ ამ უზღვავე მასალაში, ასე ძლიერ დაშორიშორებულ ფრაგმენტებში... ისეა ეს ყოველივე გამთლიანებული, წინასწარ ვერაფერ ნარმოიდგენდა, ეს მასალა ხელთ რომ ჰქონოდა, მათი ერთ ძარღვზე ასხმა თუ შეიძლებოდა, ერთ ფარგალში მოქცევა... ეს კი ნიშნავს, რომ მისი ბოლომდე მიმყვანიც შენ ხარ... ყველა ეს ფრაგმენტი, ყველა ეს ფრაზა ჩემთვის ისეთი ნაცნობია, ყოველი სასვენი ნიშანიც კი ზეპირად ვიცი, და მაინც დიდი ინტერესით წავიკითხე, თითქოს პირველად ახლა ვეცნობოდი ამ ჩანანერებს: აი, რა იცის ფორმისა და სიუჟეტური ქარგის ზუსტად მოძებნამ.

— ძალიან მიხარია, ასეთი შთაბეჭდილება თუ დავგრჩა.

— ისიც მომეწონა, თავყვანებასთან ერთად ირონიაც რომ ჩნდებოდა, ოდნავი, მაგრამ მაინც — ამ სტილისტიკით სრულად გამოიხატება გალაკტიონის პიროვნული ხასიათი, მისი რეალისტური, შეულამაზებელი პორტრეტი. რატომ დავფაროთ რაიმე — დაე ღირსებითა და ნაკლით ერთნაირად წამოდგეს. გალაკტიონი ინვეს ასეთ დამოკიდებულებასაც. ბოლოსდაბოლოს, ეს შენი გალაკტიონი იქნება — უკვე მკაფიოდ ჩანს, რომ შენია, შენეული, და მთავარია, რომ ძალიან საინტერესოა.

— საერთოდაც ვერიდები გაიდებას.

— ეს ვიცი, და ამ შემთხვევაშიც შენს მანერას ინარჩუნებ. სათაური ხომ მართლაც ბრწყინვალე გამოვიდა.

— გალაკტიონის სტრიქონს დავეყრდენი.

— ეგ სტრიქონიც ვიცი და ეგ ლექსიც ზეპირად მახსოვს, მაგრამ ასე თუ მოუხდებოდა სახელწოდებად, ვინ იფიქრებდა... აქ სულ სხვანაირად აღვიქვი. ბედნიერი მიგნება გამოვიდა.

და უეცრად ხმის კილო გაუმკაცრდება.

— აღარ გადადებ, არაფრისდიდებით აღარ გადადებ, თორემ მე ვიცოდლე და შენ!..

მუქარასაც რომ გამოუჩვენა!..

თუმც ამისთანა მუქარებს რა სჯობს...

რომანის სათაურზე ბევრიც აღარ მიყოყმანია, მისი სულის გამომხატველი ის ფრაზა დაინურებოდა სახელწოდებად, ეგ იყო და ეგ:

„კომიკოსი ტრაგედიაში“.

სულ ველოდებოდი, რომ გალაკტიონის დაიმონი გამომეცხადებოდა და მისი ჩურჩულიც გამინალდავდა გზას ფინალისაკენ. ასეთი არაფერი მომხდარა, რაც მართალია, მართალია, ისე კი, ცხადია, ყველაზე ძნელი დასაწერი აღმოჩნდა... და ისე გულდასმით მოვემზადებოდი ამ საჯილდო ქვის ასანევად, რა ძალ-ღონესაც დანარჩენ ნაწილს ჩავახარჯავდი, იმდენივეს, თუ მეტს არა, ამ ერთ თავს, რომლის შინაგან მუხტსაც — გარეგნულად თავშეკავებულ მგზნებარებას — წინასიტყვა განსაზღვრავდა, სულ ორიოდ ფურცელი, რომელსაც სადღაც რომანის შუაწელს მიღწეული შევადგენდი და კიდევ დავიმედდებოდი: მე მგონი ვარ ფინალური თავის ისე დაწერილი, გალაკტიონის ცხოვრების დაგვირგვინებას რომ შეჰფერის-მეთქი.

რა უცნაურად აენწყობა ხოლმე ზოგჯერ საქმე.

ჩემთვის ეს „ზოგჯერ“ ძალიან გახშირდა და ვეღარც დამითვლია, ასე შემთხვევით რამდენი წიგნი მაქვს შექმნილი.

ეს შემთხვევითობა კი უკვე იმ კანონზომიერებად ქცეულა, რაც ასე გამოსდევს თუნდაც ჩემს ბიოგრაფიულ რომანისტიკას.

თუმც ეს უკვე სხვა სასაუბროა, ამჯერად ხომ მარტოდენ იმ განცდის გაზიარებას ვაპირებდი, თუ რარიც ჩამსხდარან საღამოები ხავერდის ყდაში... მოგონებათა საღამოები... და ეს იმ ადამიანების, რომელთაც გამხსენებელიც აღარავინ დარჩენოდათ...

ენანებოდა, ძალიან ენანებოდა გალაკტიონს გასაქრობად ლიტერატურული კულუარები და ავანსცენაზე მოუწოდებდა აზიდვას...

აი, დეკადა ჩამთავრებულიყო და...

და თუ თვითონ აჩქარდებოდა უსაზღვროებასთან შესაერთებლად, ანდერძად ხომ მაინც დაგვიტოვებდა მიკარგული ლანდების გამოხმობას...

გაეხვეოდა საღამო ხავერდის ყდაში, ლურჯი, ძველისძველი წიგნივით.

ხოლო სროლის ხმა რომ გაისმოდა მთაში, ამას იმ ტრაგიზმის სუნთქვა მოჰქონდა, მონადირეს რომ დაეკოდა შველი. და დაედევნებოდა ბავშვებს სიზმარში მოგონების ლანდი, სანთელი.

და ეს იმ კაცისა, ვინც იისთვის ეძებდა იისფერ სიტყვებს და ცისფერ სიტყვით ეძებდა ციაგებს.

ლელა ჯიყაშვილი

„ცა მიწიდან იწყება“


„ჩვენ მათი სახლი ვიცოდით ბარნოვის ქუჩის კუთხეში, ყოველდღე, ქუჩას რომ გავივლიდით, ვუყურებდით მათ ფანჯრებს, ახლაც მახსოვს როგორი ფერის ფარდები ეკიდათ — ყვითელი, რგოლებიანი... მთელმა ქალაქმა იცოდა, რომ აქ ძმები ჭილაძეები ცხოვრობდნენ — პოეტი ძმები“ — ეს სიტყვები სოლიდური ასაკის ქალბატონისგან მაქვს მოსმენილი, ვინც ჯერ კიდევ სრულიად ახალგაზრდა თავის მეგობრებთან ერთად აღფრთოვანებული კითხულობდა ოთარ და თამაზ ჭილაძეების ყოველ ახალ სტრიქონს. ვინ იცის, მათი რამდენი ლექსი უსწავლია ზეპირად ახალგაზრდობაში, რამდენი გადაუწერია და ჩანთით უტარებია... რამდენი უნახავს ჭილაძეებზე შეყვარებული თანატოლი გოგონა, თხელ ჩითის, კრეპუორჟეტის, შიფონის და მარკიზეტის კაბებს შრიალით რომ ჩაატარებდნენ ბარნოვზე. ის კაბები ფერადი სიზმრებით გაქრნენ, გაიცრიცნენ და დადნენ... მისი შემოქმედება კი, ვის გამოც ასე კაბების შარიშურით მიარღვევდნენ ქუჩებს ლამაზი გოგონები, მარადისობაში გადავიდა. ის გოგონებიც და ჩვენც ძალიან ხშირად „ჭილაძეებს“ ვახსენებთ და ორივე ძმაზე ერთდროულად ვლაპარაკობთ, ეს იმიტომ, რომ მართლაც არსებობს უხილავი და ძლიერი ჯაჭვი, მათ ცხოვრებასა რომ აერთებს... არის ძლიერი ერთობა — ერთ ოჯახად ყოფნის ბედნიერება, ერთსულ და ერთხორც განცდილი ტკივილისა და სიხარულის გამოცდილება...

ოთარ ჭილაძე 20 მარტს 80 წლისა გახდებოდა... ვფიქრობ ჩვენი ლიტერატურის კლასიკოსზე და ისევ მათი ოჯახი მიდგას თვალწინ, მათი მოკრძალებული სახლი და სადა, წიგნებით სავსე გარემო...

როცა ოთარ ჭილაძეს პირველად შეეხვედი პირისპირ, ვიფიქრე, ალბათ ღამით სულ არ სძინებია-მეთქი... მისი გამხდარი სხეული, რომელიც თითქოს წლებს საგანგებოდ გაეთავისუფლებინა ხორცისაგან და სულიერ კატეგორიაში გადაეყვანა, დიდი შრომის შემდეგ დაღლილი მომეჩვენა. გამომეტყველება საკმაოდ მკაცრი ჰქონდა და ცოტა შევიწინდებოდი კიდევ, მალევე რომ არ მივმხვდარიყავი — რაღაცაზე ფიქრობდა და გონების თვალთ ჩემკენ კი არა, სადღაც შორს იყურებოდა. სამაგიეროდ, მესამე ჭილაძემ — ქალბატონმა თინამ თავისი სათნო ლიმილით გამიქარწყლა შიში... ძმები ჭილაძეების ამბავი რამდენიც გნებავთ იმდენი მქონდა მოსმენილი და წარმოსახულიც კი, მაგრამ მათ დაზე აქამდე არავის არაფერი ეთქვა ჩემთვის. თვალს ვადევნებდი მის დინჯ მოძრაობას ოთახში, დედობრივი სიყვარულით და მზრუნველობით გაშლილ სუფრას, მერე სიფრთხილით დასმულ კითხვას: ოთარ, ნამალი დალიე? — პირველად მაშინ მომიწინა, დავმჯდარიყავი და თინა ჭილაძეზე ვრცელი წერილი დამენწერა, მაგრამ რა სითამამე იყო საჭირო, რომ ამის შესახებ

ხმამალა მეთქვა და თან იქვე მჯდომი კლასიკოსისთვის თვალი გამესწორებინა. პირველი შეხვედრისას, ცხადია, ვერ ვთქვი, ვერც მეორე და მესამე შეხვედრებისას... და ერთხელ, როცა გავბედე და ამოვიღულულულე, იქნებ თქვენს დაზე დავწერო-მეთქი, ბატონმა ოთარმა გაიცინა: თინაზე? თინას ვკითხოთო... ოთახში მოფუსფუსე, დაულლელ ქალბატონ თინას შეხედა... მან თავისი სათნო გამომეტყველებით: ჩემზე რაა დასაწერიო, — შორს დაიჭირა სიტყვა... ბატონმა ოთარმა ვერდიქტი გამოიტანა: — ჯერ ადრეაო, — ისევ გაიცინა... მეერ კი გულდანყვეტილი რომ არ დავეტოვებინე, ერთი პატარა სურათი დამიხატა სიტყვით: თინას ყველა ჩვენი წიგნი სასთუმალთან უდევს, ხომ წარმოგიდგენია, ასეთი ძმების დას რამხელა ბიბლიოთეკა აქვს სასთუმალთანო... დაუყოვნებლივ წარმოვიდგინე უნაკეცოდ გასწორებული სანოლი — ძველები ხომ ასე ამბობდნენ, სანოლი უნაკეცოდ უნდა გასწორდესო, გადასაფარებელს ნაოჭი არ უნდა დაეტყოსო... ამ სანოლთან პატარა ტუმბო და ზედ ამ ტუმბოზე გაცილებით დიდი, წიგნებით აშენებული პირამიდა... ცხადია, მარტო ეს არაა, ოთარ და თამაზ ჭილაძეების წიგნები ტუმბოზე ხომ ვერ დაეტეოდა. იქვე ახლოს წიგნის თარო... ამ წიგნის თაროზეც ძმების წიგნები... წარმოვიდგინე და ღამის სიჩუმეში ფურცლის შრიალიც კი გავიგონე — ქალბატონი თინა კითხულობს, უკვე მერამდენედ და მაინც პირველად წაკითხულის სიყვარულით და ნეტარებით.

დიდი ძმების მშვენიერი დის საძინებელში ასე წარმოსახვით შევიხედე, მაგრამ ერთ დღეს წარმოსახვით კი არა, ნამდვილად შევედი ბატონი ოთარის ოთახში, იქ, სადაც კლასიკოსი იძინებდა და მუშაობდა, ფიქრობდა და წერდა... კედელზე დედის სურათი ეკიდა, კარადაში კი ძმის — თამაზის სურათი იდო. მაგიდაზე — ძველებური საბეჭდი მანქანა... აი თურმე სად ინერებოდა „გოდორი“ — გავიფიქრე... ადრე სხვაგან და სხვა ოთახში თუკი იქმნებოდა ოთარ ჭილაძის შედეგები, „გოდორი“ მაინც ზუსტად აქ რომ იყო დაბადებული, ნამდვილად ვიცოდი. ამ სადა, ერთი შეხედვით სრულიად „მოუხერხებელ“ პატარა ოთახში, სადაც არც დიდი მწერლის შესაფერისი „კარგი პირობები“ ჩანდა სადმე და არც მისთვის შესაფერისი დასასვენებელი, ან სამუშაო სივრცე. თუმცა შედეგისი შექმნას ეს „მოხერხებული სივრცეები“ სულაც არ სჭირდება და ეს ქართველმა მკითხველმა იცის! მითუმეტეს ოთარ ჭილაძე არ დაუშვებდა ამ გადაპრანჭულ „დიდებულებას“ თავის სამყაროში. წერისას, ვინ იცის, სული ყელში ებჯინებოდა, სათქმელი ისეთივე სისხლიან ნაკანრებს უტოვებდა შიგნით, როგორც ჭლექით სწეულს ძლიერი ხველა. ის მარტო კი არ წერდა, მართლა ძირისძირობამდე განიცდიდა ყველაფერს:



ოთარ ჭილაძე

„მიმიფურთხებია ასეთი სიცოცხლისათვის... როგორც მამაჩემი ამბობს, იყო დრო, როცა ღირსების შესანარჩუნებლად ჩვენი კეთილშობილი დედოფლები ძუძუებს აგლეჯინებდნენ ჯალათს, ჩვენი მეფეები კი თავისი ნებით დებდნენ კუნძზე თავს. ჩვენ კი პირიქით, ღირსებისგან გასათავისუფლებლად დავიგლიჯეთ ძუძუები და მოვიჭერით თავი საქვეყნოდ, სამარცხვინოდ“...

„გულზე ხელი დავიდოთ და ვალიაროთ, ჩვენ ხომ წესიერად არც ვიცით, რა მოხდა და როგორ მოხდა სინამდვილეში... მართლა მოხდა, თუ ერთმანეთის ჯიბრით, ერთმანეთზე განრისხებულებმა, ერთმანეთის დაკარგვის შიშით, სიძულვილამდე მისული სიყვარულის ზემოქმედებით წარმოვიდგინეთ ყველაფერი, ერთმანეთს მოუფენეთ, მოვალანდეთ, დავასიზმრეთ, რათა გზამოჭრილებს, კუთხეში მიმწყვედეულებს, კედელთან მიყენებულებს, ბენვის ხიდზე შემდგრებს, ბოლოს და ბოლოს, გაგვებედა და რაღაცა მაინც შეგვეცვალა, თუნდაც უარესობისაკენ. დაახლოებით ასეც მოხდა“...

„სხვების ბინძური საცვლების ქექვასა და პათოლოგიურ მიდრეკილებათა კვლევა-ძიებას არ აჯობებდა, ერთი პატიოსანი შვილი მაინც გაგვეზარდა?“

„ვაჟს ბაბუის სახელი დაარქვეს და გოდრიდან ამოსულმა მოდგმამ კიდევ ერთი ნაბიჯი გადადგა წინ გაურკვეველი მომავლისაკენ, კიდევ ერთი თაობით განიხანგრძლივა დაუოკებელი ფინი სიცოცხლისა, გოდრიდან რომ

ამოიყოლა მისმა პატრიარქმა, რომელიც უკვე ბიუსტად გარდაქმნილი იდგა მშობლიურ სოფელში, სკოლის წინ და სულერთი იყო მისთვის, ესალმებოდნენ თუ ეჭყანებოდნენ ადგილობრივი პიონერები“...

და რაკი ეს ყველაფერი ნანახიც ჰქონდა და სულისშემკვრამდე გააზრებულიც, ვერაფრით დაუშვებდა, რომ ერთი მისხლით მაინც გაესწრო თავისი სამშობლოსათვის, იმისი დატანჯული, წართმეულ-განიალებული, ბედის ანაბარად მიტოვებული მინისთვის, ერთი მისხლით უკეთ ეგრძნო თავი და საკუთარ სამყაროში შემოეშვა სიმშვიდე, სახელად — უზრუნველყოფა! უზრუნველად ყოფნა, რომელიც განამებულ საქართველოში კაცად ყოფნას ებრძოდა და ძალიან ხშირად სძლევდა ხოლმე.

სწორედ მინა არ აძლევდა საშუალებას, დამშვიდებულიყო და თუნდაც ის სიამოვნება მიეღო ცხოვრებისგან, რასაც მისი რომანების ავტორი ნამდვილად იმსახურებდა.

როცა ოთარ ჭილაძის ახალგაზრდობაზე მიამბობდნენ, ხშირად გიორგი შენგელაიას შესანიშნავი „ალავერდობა“ დამიდგებოდა ხოლმე თვალწინ, ცხენზე ამხედრებული გეიდარ ფალავანდიშვილი და ცხენის თავანყვეტილი ჭენება... რამდენიმე ძველი ფოტო კიდევ უფრო მიმაგ-

რება ამ განწყობას. ოთარ ჭილაძე ჩემთვის ქართული მინიდან ამოზრდილი მხედარი იყო, რომელიც პეგასივით აიჭრა სივრცეში. და, მიუხედავად იმისა, რომ ძალიან, ძალიან შორს წავიდა, ერთი წამით არ მიუტოვებია ქართული მიწა. ფეხი ვერ მოაცვლევინეს! თავის ერთი ციდა სა-მუშაო ოთახში იჯდა, ხშირად გაყინულიც... შუქი არ იყო და გაზი — ეს დროც ხომ გვახსოვს. და რაც უფრო მეტად არ იყო არაფერი, მით მეტად ბლუჯავდა ქართულ მიწას ხელისგულეში, მით მეტად გაჯიუტებული ნაბიჯს არ დგამდა არსაით... „უსინათლობა პლუს უწყლობა, რასაც ზამთარში სიცივეც ემატება, დამეთანხმებით, დიდი ძალა ნებისმიერი ჯიუტი არსების დასაჩოქებლად“, — წერდა „გოდორში“. თუმცა ეს ყველაფერი მასავით ჯიუტებს არ ეხებოდა... მასავით ჯიუტები კიდევ უფრო მეტსაც აიტანდნენ... და იცით როგორ? — ისინი მიწაზე იდგნენ და იცოდნენ, რომ ეს არ იყო უბრალოდ „ბიომასა“, სახელად ნიადაგი. იცოდნენ, რომ ეს სულიერი კატეგორია იყო, რომლის შეგრძნებამაც იმ ძუძუებდაგლეჯილი დედოფლებისა და კუნძუზე თავდადებულ მეფეთა ჩამომავლები დღემდე მოიყვანა... იცოდნენ, რომ „ცა მინიდან იწყებოდა“... ქართული მიწის გარეშე ცის სილაჟვარდევ არ არსებობდა...

სულ ბოლოს, როცა დიდ კლასიკოსს ვემშვიდობებოდი, ქალბატონი თინას სიტყვები მომხვდა ყურში და დღემდე მახსოვს: ოცდაოთხი დღე იწვა საავადმყოფოში, ბოლო ოთხი დღე რეანიმაციისაში, — ქვეითინებდა გულმოკლული და, — ხმის ამოღება უჭირდა, ჰაერი არ ყოფნიდა, როგორღაც დამიძახა და გამაგებინა: ცოდოა, ცოდოა საქართველო... მოუარეთო.

შემთხვევითი არ იყო, რომ ბოლო დროს თითქოს ხორცი აღარც ჰქონდა, რალაცნაირად სულიერ პლასტში არსებობდა და ეს გარეგნობაზეც ეტყობოდა... კლასიკოსის ძველი ჩანაწერი: „ დღეს დედამ ნასადილევეს, მე და თამაზის ჩვეულებრივი, თითქმის დაკანონებული კამათის შემდეგ თქვა: ცოდოა ოთარი, სამშობლო უყვარსო. „რა ქნას, კარგი აღამიანია“, — დაამატა ცოტა ხნის მერე. ყველაფერი თქვა ამ ორი სიტყვით — ჩვენი კამათის უაზრობაც, ჩვენი უმწეობაც, ჩვენი გამოუყვანი მდგომარეობაც“...

და მაინც სულ ბოლო წერილით, ბექდურ მედიასი რომ გამოქვეყნდა, ოთარ ჭილაძემ გვითხრა — წინ მარადისობააო...

„ ხუთი წლის წინაც ისევე იწვოდა ჩემთვის ჩვენი სამშობლო, როგორც დღეს იწვის. დიდი ხანია იწვის. იწვის ჩვენს თვალწინ, ჩვენს ფეხქვეშ, ჩვენს გარშემო, ჩვენს სულში! ცოტაც და, კვამლით გავიგუდებით ყველანი, სამარცხვინოდ დავამთავრებთ, ღმერთმა იცის, ამდენ საუკუნოვან არსებობას. ღმერთსაც გაეუწილებთ მოლოდინს და კაცსაც, რადგან ღმერთიც მეტს ელოდა ჩვენგან და კაციც. უფრო სწორად, არც ღმერთს დაუკლია ჩვენთვის ხელი და არც კაცს. მაგრამ, იმის ნაცვლად, კიდევ უფრო ჯიუტად, კიდევ უფრო მტკიცედ დავმდგარიყავით სამზეოზე, თანდათან რული მოგვერია და ისიც ვერ გავიგეთ, ვინ ან როდის შეგვიცვალა მხედრის ულუფა მონის სალაფავით... და აი, მას შემდეგ გვეწვის ფეხქვეშ სამშობლო. ჩვენ კი, მოურჩენელი სიბნელის ბინადარნი, ერთმანეთს ვუსისხლიანებთ თავ-პირს და ერთმანეთზე ვიყრით ჯავრს საერთო უმწეობისა და უმაქნისობის გამო. ანუ, შე-

გინებულ სიცოცხლეს ვებლაუჭებით მაინც, წყალობად ვუთვლით შემგინებელს და გახსენებაც აღარ გვინდა, სახელოვანი სიკვდილი რომ სჯობს ნაძრახ სიცოცხლეს... აღარ გვეჯერა, სამშობლოსათვის თავდადებული ვაჟკაცის საფლავიც რომ აუღებელი ციხესიმაგრეა მტრისთვის... არადა, თუ ჩვენს სამშობლოს მართლა დალუპვა უნერია, გვერჩიოს გულზე გვეყაროს და არა ფეხქვეშ მისი ქვები... ერთი დღეც ნუ გვეცოცხლოს უსამშობლოდ! ეს არც წყევლაა და არც ლოცვა. გნებავთ, ლოცვაც ესაა და წყევლაც ერთსა და იმავე დროს, რადგან უსამშობლობა, ყველა უბედურებასთან ერთად, სამარცხვინოცაა და განსაკუთრებით დღეს, როცა ისიც კი იკონინებს სამშობლოს, თანაც სხვათა მინების ხარჯზე, ვისაც არასოდეს ჰქონია, არც სახნისი სჭერია ხელში, არც სასხლავი და არც კალამი... ჩვენ კი «მონობაში გადიდკაცებულთა» ამაზრუნემა სიხარბემ შვილივით ნაფერები ვაზი აგვაჩენინა, ომებში გაბასრებული ხმალი ქარქაშში ჩაგვიყანგა, ნიგნი გადაგვაგდებინა და უთვისტომო მანანალეზად გვაქცია... ეტყობა, ჩვენმა «გაიძვერა მოყვარემ» უკვე მიაღწია სანადელს: ის აღარა ვართ, ვინც უნდა ვიყოთ, ვინც ვერ კიდევ გუშინ ვიყავით, როგორც შეგვექმნა თავიდანვე ღმერთმა თუ ბუნებამ... მაგრამ ის მაინც ხომ უნდა გავარკვიოთ, რა მოხდა, რა უბედურება ტრიალებს ჩვენს თავს, ვისი სისხლი გვიდგას, ბოლოს და ბოლოს, ძარღვებში: «ვეფხისტყაოსნის» დაწერისა თუ ქართველთა შეთქმულების გამცემისა, სვეტიცხოვლის ამშენებლისა თუ ილიას მკვლელისა, მტრის რისხვისა თუ მტრის მსახურისა... და მაინც, დიდი უსამართლობა იქნება ღმერთისგანაც და კაცისგანაც ჩვენი განირვა, მხოლოდ იმიტომ, კვლავაც იქ რომ ვდგავართ, სადაც გაჩენის დღიდან ვმდგარვართ და სადაც უნდა ვიდგეთ უკანასკნელ ამოსუნთქვამდე. კვლავაც ის რომ გვწამს, რაც თვალისგახელისთანავე ვინამეთ და დღესაც სანახევროდ თითქმის უკვე დამწვარ, გულსაკლავად დამახინჯებულ-დაპატარავებულ სამშობლოს ამარა დარჩენილებსაც გვწამს: სამშობლო ერთადერთია და განუუმერებელი! მას ვერ გამოიგონებ, ვერც სურვილისამებრ აირჩევ — ღმერთის საჩუქარია — და ჩვენ მხოლოდ ის შეგვიძლია, გვევალება კიდევც, გაეუფრთხილდეთ, არ დაეკარგოთ, რაკი სიცოცხლესთან ერთად გვეძლევა და სისხლივით, სულივით გადაეცემა ჩვენს შთამომავალს... ჩვენ ამირანის გამჩენი ხალხი ვართ და ჩვენი ხსნა მხოლოდ ბრძოლაა, ანუ, ჩვენთვის ყველაფერი ბრძოლაა: ლხინიც, გლოვაც... ყველაფერი, რითაც საკუთარ ვინაობას ადასტურებს და საკუთარ მეობას წარმოაჩენს აღამიანი. ჩვენც სამშობლოსთან ერთად ვინვით ცოცხლად, მარადიულ ცეცხლში, მაგრამ ფერფლივით კი არ უნდა გავგვანტოს ქარმა, არამედ ისევ მშობლიურ ცასა და მიწას უნდა მიგვამატოს ცად და მიწად. ამიტომ, როგორც არ უნდა გავგიჭიროდეს, ყოველთვის გვახსოვდეს — წინ მარადისობაა!“

მიუხედავად ჩვენი უმწეობისა და გამოუყვანი მდგომარეობისა, წინ მარადისობა აქვს საქართველოს და სწორეზბაც ამაზე უნდა გვექონდეს...

ვიდგეთ ქართულ მიწაზე... მხოლოდ აქედან იწყება ცა, — ოთარ ჭილაძის ყველაზე ტევადი გამონათქვამი — „ცა მინიდან იწყება“ შთამომავლობისთვის ანდერძად გამოდგება...

მურმან ჯგუბურია

ოცდაექვსისა და თორმეტის სიმბოლიკა

(ერთი შაკითხვა ბატონ გურამ გოგიაშვილს)

ძვირფასო გურამ, ნავიკითხე შენი შესანიშნავი ესეი, რაც აქვს ნამძღვარებული მიხეილ შოლოხოვის „რჩეულს“.

ამ ესეიში მრავალი რამეა ახალი და საინტერესო ჩვენებური მკითხველისთვის, რასაც აქ არ გავიმეორებ, მაგრამ არ შემძლია აქვე არ მოვიტანო ამ ესეის ბოლო პასაჟი, სადაც შენ წერ:

„და, დასასრულ, განსხვავებით ძველი ბერძენი ჰერაკლიტი ეფესელისგან, რომლის აზრითაც, შეუძლებელია ერთ მდინარეში ორჯერ შესვლა, შოლოხოვის „წყნარ დონთან“ დაკავშირებით სხვანაირად დგას ეს საკითხი. ამ უსაზღვროდ მაღალმხატვრულ, მარად მედინ „დონში“ კარგი წიგნის ფასის მცოდნე მკითხველს იმდენჯერ შეუძლია „შესვლა“, რამდენჯერაც „ყოველგვარ ნაპირებს გადასული სიყვარულის“ თავისად განცდა მოგვენატრება“...

ახლახან ნავიკითხე შენი კიდევ ერთი არაჩვეულებრივი ესეი „ლამაზი პოეტი“, რაც გამოაქვეყნა ჩვენმა საუკეთესო ჟურნალმა „ჩვენმა მწერლობამ“, და ეძღვნება ცხოვრულ თამაზ ჩხენკელს.

შენ ისეთი მოქართულე ხარ, რაც მთელმა ქვეყანამ იცის. ერთხელ უკვე აღვნიშნე, „გარგანტუა და პანტაგრუელი“ რომ ფრანგებს დაეკარგოთ, კვლავაც აღმოაჩენენ. რადგან არსებობს ამ გენიალური ნაწარმოების კონგენიალური თარგმანი.

რა მალაპარაკებს?

ჩემი ძვირფასი ავადმყოფობის გამო მე საკმაოდ დიდი ხანი მომიწია რუსეთში (პერედელკინოში) ყოფნა-ცხოვრება (თითქმის 5 წელიწადი). პერედელკინო, როგორც მოეხსენება მკითხველს, მწერალთა სკაა, რაც სტალინმა აუშენა „ფუტკრებს“. ვინ იცის, მიფიქრია, იმიტომაც გამოუყო მათ მაინცდამაინც ამ სახელწოდების ალავი (პერედელკინო), რათა მწერლების გარდაქმნაზეც (პერედელკინო-პერედელატი) ეზრუნა.

პერედელკინოში, სადღეისოდ, ოთხი მუზეუმი გაიმართულია: კ. ჩუკოვსკის, ბ. პასტერნაკის, ბ. ოკუჯავასა და ე. ევტუშენკოსი. ამათგან ჩვენთვის ყველაზე საინტერესოა ბორის პასტერნაკის პიროვნება, საყოველთაოდ ცნობილია პასტერნაკისეული ღვანტი ქართველი მწერლებისა და მათი ოჯახებისადმი. მისი თარგმანები, მისი ადამიანური, პიროვნული დამოკიდებულება, რაც, ჩემი გაგებით, თითქმის თვალმუდგამ მასშტაბშიც გადაიზარდა. ერთმა ცნობილმა რუსმა ლიტერატორმა ისიც კი თქვა, გალაკტიონმა თავი იმიტომ მოიკლა, რომ პასტერნაკი მწერალთა კავშირიდან გარიცხესო. ზომა-წონა, როგორც ჩვენ, არც რუსებმა იცინან, ესე იგი. საიდან სადაო, წმინდაო საბაო, სად გალაკტიონი და სად პასტერნაკი! მე არა მგონია, რომ გალაკტიონს, საქართველოს გარდა, სხვა მიზეზით მოეკლა თავი. „აი, მიზეზთა მიზეზი და კიდევ მიზეზი“. პასტერნაკზე კი რა უნდა ითქვას? პასტერნაკი ქართველებმა ცაში დავასახლეთ და ცაშივე დავუდგით ძეგლი. რაც, რა გინდა მიუღებლად მოგ-

ვეჩვენოს, ცხოვრებული ოთარ ჭელიძის მიერ ნანატრ ძეგლს ემსგავსება დროთა განმავლობაში („ერთი დღით თოვლის ძეგლი დამიდგით, ჩემი სამშობლოს დედა-ქალაქში“), მაგრამ მოვუსმინოთ რას გვეუბნება ამ საკითხზე დასახელებული ესეის მთავარი გმირი, ანუ მეოცე საუკუნის უდიდესი რუსი მწერალი მიხეილ შოლოხოვი.

მიხეილ შოლოხოვის ეკითხება ფრანგი ჟურნალისტი, პროზაიკოს პასტერნაკზე რა აზრი გაგაჩნიათო. შოლოხოვი პასუხობს: ასეთ პროზაიკოსს მე არ ვიცნობო. პოეტ პასტერნაკზე რას მეტყვითო? არც ასეთი პოეტი გამიგონიაო. მაგრამო, ვიცნობო შესანიშნავ მთარგმნელს — პასტერნაკსო.

იქნება ის, რაც აქ მოვიტანე, არც იყო მოსატანი, მაგრამ სიმართლე ხომ წუთიერი არ არის. მსგავსი აზრი გამაჩნია მეც, სამაგალითოდ ვამბობ, რუს პოეტსა და პროზაიკოსზე ბულატი ოკუჯავაზე, რომელიც სინამდვილეში არ არის რუსი პოეტი და პროზაიკოსი. ქართველი რომ არ არის, ცხადია, რასაც ადასტურებენ რჩეული რუსი მესიტყვეები: გენიოსად აღიარებული, ახლახან გარდაცვლილი პოეტი ი. კუზნეცოვი, გამორჩეული ლიტერატორი ვ. კოჟინოვი, თანამედროვე რუსეთის უპირველესი პროზაიკოსი ვ. რასპუტინი, წმინდა რუსულ-ენოვანი ჟურნალის რედაქტორი, პოეტი ს. კუნიავევი... მაგრამ ეს იმდენად დიდი და საკამათო თემაა, რასაც აქ ვერ გავშლით და ვერ მოვრიგდებით, ვერ ამოვწურავთ. თანაც, მე ჩემი წერილის მიზნად სულ სხვა რამე ჩავიფიქრე იმთავითვე.

კერძოდ კი, აი, რა:

ცნობილმა ლიტერატორმა (აკადემიკოსმა) ფელიქს კუზნეცოვმა მისახსოვრა თავისი წიგნი, რაც ეძღვნება მიხეილ შოლოხოვს და თითქმის 700 გვერდს მოიცავს. ვიკითხე ნელა-ნელა ვ. კუზნეცოვის წიგნი, რამაც კიდევ ერთხელ მომანდომა წამეკითხა „წყნარი დონი“. გავედი ბოლოში.

რომანის მთავარი გმირი, გრიგორი მელეხოვი დაბრუნდა მშობლიურ ხუტორში, რაც მკითხველებს ალბათ ოდისევის დაბრუნებასაც მოაგონებს. მიადგა მშობლიურ დონს, ჩამოიღო საჭურველ-იარაღი და მდინარეში გადაყარა. მაგრამ, ვიდრე გადაყრიდა, წერს შოლოხოვი, რ ა ტ ო მ დ ა ც ერთხელ კიდევ გადაითვალაო. პატრონტაჟში ჩამჯდარი ვაზნები. 26 ტყვია უკვე გაესროლა. 12 ტყვია ჯერ კიდევ ნკიპზე იყო შემართული. და, აი, ეს რომ ნავიკითხე, რა გავიფიქრე: „26“ სერგეი ესენინის პოემის სახელწოდებაა. „12“ — ალექსანდრ ბლოკის პოემის. 26 უკვე მიიზარა მამაზეციერმა. 12 კი ცოცხალია, მწყობრშია. გრიგორი მელეხოვს არ ჰქონდა ალბათ ნაკითხული ესენინისა და ბლოკის პოემები. შოლოხოვი კი, რომ იცნობდა, უეჭველია. იცნობდა და კიდევაც მოიხმო ეპოპეის ბოლოში, რითაც მიგვანიშნა, რომ ომი და ჯგლეთა ჯერ კიდევ წინ იყო...

ეს რომ ფ. კუზნეცოვს გავაცანი, შეცბა. კაი ხანი ხმა არ ამოუღია.

შენ რას მეტყობი, ძვირფასო გურამ?

ერთი პოეტი ორი ასპექტით

მანანა ჩიტიშვილი

ხელისგულზე ამოსული პარსკვლავები

(თამარ შაიშმელაშვილის პოეზია)

არიან შემოქმედნი, რომლებიც პირველივე ნაწარმოებებით (ამ შემთხვევაში ვგულისხმობ პოეზიას) მეტეორისებური სიკაშკაშით გაიღვებენ და მკითხველს სამუდამოდ ამახსოვრებენ თავს. ისიც საგულისხმოა, რომ არცთუ იშვიათად მათი პოეტური ენერჯია შედარებით მოკლე დროში ინურება ან ძნელად აღწევს პირვანდელ ბრწყინვალეობას. როგორც ჩანს, ზეგარდმო ძალის მიერ ადამიანს შემოქმედებით უნართან ერთად მისი ხანგრძლივობაც განესაზღვრება.

არსებობენ სხვა ტიპის შემოქმედნიც, რომლებიც ნელ-ნელა იმაღლებენ კაბადონზე, თანდათან იკრებენ ძალას, რომ ერთ დღეს მკითხველისთვის მოულოდნელი სიციხოვლით აკაიფდნენ. მათი შემოქმედებითი პოტენციალი დროში შედარებით ხანგრძლივია და სტაბილური, თუმცა რომელი რომელს სჯობს, ამაზე ვერაფერს გეტყვით, რადგანაც მოწონება-არმოწონება მეტისმეტად ინდივიდუალურია.

ვინც თვალს ადევნებს თამარ შაიშმელაშვილის შემოქმედებას და გასულ წელს ჟურნალებში — „ჩვენი მწერლობა“ და „ხელეური“ — დაბეჭდილი მის ახალ ლექსებსაც გაცნობ, დამერწმუნება, რომ ესაა ავტორი, რომელსაც თავისი შემოქმედებითი შესაძლებლობანი ჯერ არ ამოუწურავს. ყველაზე მეტად მისასალმებელი და ხაზგასასმელია ის გარემოება, რომ იგი გამუდმებით ზრუნავს თავისი ლექსების როგორც შინაარსობრივ, ისე მხატვრული ფორმის სრულყოფასა და მრავალფეროვნებაზე, რაც შემოქმედის უდავო ღირსებად მიმაჩნია.

თამარ შაიშმელაშვილი ჩვენმა მკითხველმა კარგა ხნის წინათ გაიცნო, როგორც ჟურნალისტი. საქართველოს არაერთ ჟურნალსა და გაზეთში იბეჭდებოდა და დღესაც ქვეყნდება მისი თემატურად მდიდარი და უაღრესად საინტერესო ნერილები ქართული კულტურის მოღვაწეებზე, ჩვენი ლიტერატურისა და ხელოვნების აქტუალურ პრობლემებზე.

არაერთ მკითხველს ალბათ ახსოვს ტელეკომპანია „იბერიის“ საეთერო არხზე თამარ შაიშმელაშვილის საავტორო გადაცემა „ნათელი სახეები“, სადაც ჩვენი კულტურის თვალსაჩინო წარმომადგენელთა თუ საზოგადო მოღვაწეთა შემოქმედებითი პორტრეტები ორიგინალურად და საინტერესოდ იყო წარმოჩენილი.

თამარი დღეს „საქართველოს რესპუბლიკის“ ერთ-ერთი წამყვანი ჟურნალისტი და მის მიერვე დაარსებული ლიტერატურული ჟურნალის „ხელეური“ მთავარი რედაქტორი

გახლავთ. ეს ჟურნალი მხოლოდ რედაქტორის დიდი ძალისხმევითა და ქართული მწერლობის სიყვარულით გულსასვლელად ამიანების შემონირობადაა წყალობით არსებობს. მათ მამულიშვილოდ სიქველეს ეფუძნება აგრეთვე რევაზ ინანიშვილის სახელობის ყოველწლიური კონკურსი პროზაში, რომელსაც თამარი და მისი ჟურნალი უდგანან სათავეში.

თამარ შაიშმელაშვილს ოთხი პოეტური კრებული აქვს გამოცემული. წიგნიდან წიგნამდე თვალნათლივ შეიმჩნევა, როგორ იზრდება ავტორის ოსტატობა, როგორ იხვეწება სათქმელი და მდიდრდება ლექსიკა.

ლიტერატურით დაინტერესებულ ადამიანთა იმ კატეგორიას არ მივკუთვნებ, ვისთვისაც ლექსის მხოლოდ ერთი რომელიმე ფორმაა მისაღები, დანარჩენები კი უარსაყოფი და მიუღებელი. ჩემი აზრით, სათქმელი თვითონ გვეკარნახობს ფორმას, ოღონდ ავტორმა ზედმინევიტ მართებულად უნდა გაიგოს ეს კარნახი. რა თქმა უნდა, შესანიშნავია, როცა ნაწარმოების ფორმა და შინაარსი სრულ შესაბამისობაშია ერთმანეთთან. ეს ფაქტი უდავოდ ავტორის ოსტატობასა და მაღალ პროფესიონალიზმზე, მისი ნიჭიერებაზე მეტყველებს.

შესაძლებელია ზოგიერთი არ დამეთანხმოს, მაგრამ ჩემთვის უპირატესი მაინც სათქმელია, ის განცდა, ის ემოციური მუხტი, რამაც შემოქმედს ხელში კალამი ააღებინა. ალბათ ჯერ უნდა გკონდეს ოქრო, რომ შემდეგ ყალიბში ჩამოასხა.

ჩვენს ლიტერატურაში უკანასკნელ ხანს შეინიშნება მთელ რიგ ავტორთა ზედმეტი გატაცება ლექსის გარეგნული მახასიათებლებით - ბგერნერით, ალიტერაციით, სახესიმბოლოებით. ეს ე.წ. „მიგნებანი“ ქართულ მწერლობაში ჯერ კიდევ გასული საუკუნის დასაწყისში განვლილი ეტაპებია, თანაც ძალზე ნიჭიერი ავტორების - სიმბოლისტების, ფუტურისტების და სხვათა - მიერ. ლიტერატურის სპეცილისტებმა კარგად იციან ამ „სიახლეთა“ წარმომავლობა და ჭეშმარიტი არის და გაუთავებელი მსჯელობა მათ ორიგინლობაზე მხოლოდ ღიმილს იწვევს.

თამარ შაიშმელაშვილის პოეზია არის ის სასიამოვნო შემთხვევა, როდესაც ავტორი ერთნაირი წარმატებით ფლობს როგორც რითმიან, ისე თავისუფალ ლექსს. ზოგიერთ შემოქმედს ჰგონია, რომ რითმისგან გათავისუფლება ლექსს ყველანაირი კანონზომიერებისგანაც ათავისუფლებს და რომ ქაოტური აზრების პირდაპირ ქალაღზე გადატანა და სტრიქონებად დალაგება, მათ უკვე პოეზიად აქცევს. მაგალითების მოტანას არ ვაპირებ, რადგან ჩვენს ლიტერატურულ პრესასა და ვირტუალურ ქსელში ამის ნიმუშები ყოველდღიურად მრავლად გვხვდება.

ერთ-ერთ პირად საუბარში პოეზიის არაჩულებრივმა მცოდნემ და ჭეშმარიტმა დამფასებელმა ბატონმა ვახუშტი კოტეტიშვილმა ბრძანა: პოეტმა ჯერ დამანახოს, რომ სრულყოფილად ფლობს რითმიანი ლექსის კანონზომიერებებს - რითმას, რიტმს, წარმატებით შეუძლია სხვადასხვა სალექსო ზომების გამოყენება და მერე გინდა თეთრი ლექსისკენ გაუტეოს და გინდა კავთისხვევის მინდვრებისკენ. ვისაც რითმიანი ლექსი კარგად გამოსდის, მისი თავისუფალი ლექსიც სხვანაირია, უფრო მონესრიგებული, რიტმული, დახვეწილი. ახლა ზოგიერთი ამ ყბადაღებულ „თავი-

სუფალ ლექსს” იმიტომ ეტანება, რომ რითმინი ლექსის სიძნელეებს თავი ვერ გაართვა, ალლო ვერ აულო და ვითომ უფრო იოლად საკვალ გზას დაადგა, თუმცა ამგვარი ლექსის შექმნასაც თავისი კანონზომიერებები აქვს და ადვილი სულაც არ გახლავთ.

ლექსის ფორმის ჩამოყალიბებასა და მის მელოდიურ უღერადობაში დიდ როლს თამაშობს ავტორის გემოვნება, მისი მუსიკალური სმენის ხარისხი. იგი შეუმცდარად უნდა გრძნობდეს თითოეული სიტყვის ბგერით თანწყობას სტრიქონის მთლიანობასთან. სმენას ხიჭვივით არ უნდა ჩხვლევდეს რომელიმე მათგანი და საერთო ფონთან დისონანს არ უნდა ქმნიდეს.

ცუდ ლექსს ვერც რითმა უშველის და ვერც რითმისგან გათავისუფლება. რა თქმა უნდა, ლექსის გარეგნულ მახასიათებლებს ყოველთვის ჰქონდა და აქვს დიდი მნიშვნელობა, მაგრამ ფორმა, ჩემი აზრით, შემოქმედის თვითმიზნად არ უნდა იქცეს, არ უნდა წარმოადგენდეს ალიტერაციული ბგერების თუ მელოდიურად თანმხვედრი სიტყვების ხელოვნურ თავმოყრას, საიდანაც ხშირად აზრის გამოტანაჭირს.



მკითხველს თამარ შაიშვილაშვილის ორ მცირე ზომის პოეტურ ნიმუშს წარვუდგენ, რომელთაგან ერთი ხალხური პოეტური საზომით არის შექმნილი, მეორე კი თავისუფალი ლექსია, მაგრამ მათგან უპირატესის გამორჩევა ალბათ გაჭირდება, იმდენად პოეტური და მრავლისმთქმელია ორივე:

**გამოჩნდა სვეტიცხოველი,
როგორც რიყრაყი დილისა,
ნისლია წუთისოფელი,
გზებზე უმწყემსოდ ივლისა.
სულს გუმბათები სწყურია
და მთის ვარსკვლავებს უმღერის
დარდია ჩემი სამშობლო,
მთვარით ნაშალი ღრუბელი.**

და მეორე ლექსი — „პოეტი“:

**მე ბორანი ვარ —
თეთრი ღამეების
უტყვი მოდარაჯე
და ალღევებულ მდინარეზე
გადამყავს ახლა
მარტოსულები.**

ამგვარი ლირიზმი, ფორმისა და სათქმელის მოზომილი შეთანასწორება საერთოდ დამახასიათებელია თამარ შაიშვი-

ლაშვილის პოეზიისათვის. იგი ქართული კლასიკური მწერლობის ტრადიციულ ხაზს მიჰყვება, რაც სრულიადაც არ ნიშნავს სიახლეებისადმი უარყოფით დამოკიდებულებას ან ბრმა მიმბაძველობას წარსულისადმი. თამარის ლექსებში ბევრ საინტერესო სიახლეს ნახავს ჩვენი მკითხველი, როგორც ფორმისა და შინაარსის, ისე მხატვრულობის თვალსაზრისით.

თამარ შაიშვილაშვილს პიროვნულადაც და პოეტურ შემოქმედებაშიც უაღრესად გამახვილებული აქვს ეროვნული ღირსების გრძნობა. იგი არ მიეკუთვნება იმ ავტორთა რიცხვს, რომლებიც მკითხველის ყურადღების მისაქცევად და საკუთარი პოპულარობისთვის არაფერს ერიდებიან, მათ შორის, არც ეროვნულ, სარწმუნოებრივ თუ ოჯახურ სინმინდეთა შეურაცხყოფას.

თამარ შაიშვილაშვილის პოეზიაში სათქმელი მკაფიოდ არის ჩამოყალიბებული და ქართული სულიერებით გამსჭვალული, მაგრამ არა - პათეტიკური და იოგებდაჭიმული. მის ლექსებს თითქოს შემოდგომის მზის მჭვირვალი სევდა ახლავს. მათში საყდრის სურნელი და სასიამოვნო სითბო ტრიალებს.

ამ ლექსებიდან ის ემოციურობა და გულწრფელობა იღვრება, რაც პოეტის სულის ანარეკლია. ამ ნიშნებით ხასიათდება თამარის როგორც პატრიოტული, ისე სატრფიალო ლირიკა — სიყვარული მამულის, უფლისა და ადამიანებისადმი. მისი, როგორც შემოქმედის, უდავო ღირსებად მიმაჩნია სათქმელთან მშვენივრად მორგებული ორიგინალური მხატვრული სახეების შექმნა, რომლებიც ლექსებს განსხვავებული

ზემოქმედების ძალას მატებენ და უფრო დასამახსოვრებელს ხდიან.

ჩვენი მკითხველი, უმდიდრეს ხალხურ პოეზიაზე თუ გენიალურ „ვეფხისტყაოსანზე“ აღზრდილი და გემოვნება-განაფული, მშვენივრად გრძნობს მხატვრულ სახეთა მშვენიერებას და იცის ამგვარი ფრთიანი პოეტური გამონათქვამების ზემოქმედების ძალა. ჩვენს მესსიერებაში დიდი სიცხოვლით, თითქმის წარუშლელად აღიბეჭდება ხოლმე თამამი და განსხვავებული მონასმი პოეტური კალმისა.

ქართველი მკითხველის სმენა საუკუნეთა მანძილზე იმდენად გაიწვრთნა უაღრესად ღირებული პოეზიით, რომ პირველივე ნაკითხვიდან, ზოგჯერ ლექსის ბოლომდე გაუაზრებლადაც კი გვეუფლება ორიგინალური მხატვრული სახით თუ ფრთიანი პოეტური გამონათქვამით მოგვირილი ალტაცების განცდა. შეუნიშნავი ალბათ არც თამარ შაიშვილაშვილის მოხდენილი შედარებები დარჩება:

**„საყდრის ჩიტივით გალობს სიკვდილი,
ამღერებული მეკვლე.“**

„და ცახცახებენ ქარში ჭინჭრები,

**როგორც უდროოდ წასული ძმები.“
„ქარის სულივით ეული
ენთო სამყარო მზისხელა...“**

**„ფრთამოტეხილი მოლადურივით
ჩარდახში ქარი მიმჯდარა ობლად...“**

და კიდეც სხვა და სხვა.

თამარს აქვს პატარა ლექსი „კვირაცხოველი“, რომელიც შთამბეჭდავად წარმოგვიდგენს ავტორის მხატვრული აზროვნების თავისებურებებს და შემოქმედებით უნარს. ერთ ლექსში რამდენიმე პოეტური სახის თავმოყრა ხშირად მკითხველის ერთგვარ გაღიზიანებას იწვევს, რადგან იგი გაცილებით იოლად აღიქვამს და ადვილად იმასსოვრებს ერთ უცხო შედარებას ან უჩვეულო პარალელს. რამდენიმე პოეტური სახის თავმოყრისას კი მკითხველი იღლება, ზედმეტობის განცდა უჩნდება. საბედნიეროდ, „კვირაცხოველი“ ამ მხრივაც გამონაკლისია:

**ათოვს კაკლის ხეს — დაღვრემილ პაპას
და გულთამხილავ ჟამთაღმწერელს,
ბრონეულის ხე სამრეკლოს ხატავს,
ცრემლი ეზრდება ლამაზ ლანჯებზე.
ვფურცლავ სანუთროს — პირქუშს და ელამს,
ტკივილებს სხეპენ ფიჭვის ნამგლები...
მთვარის კვართივით ღამეში ელავს
კვირაცხოველის ძველი ნანგრევი.**

ამ პატარა ლექსში რამდენიმე მხატვრული სახეა თავმოყრილი და ყველა ერთ მიზანს ემსახურება — უკეთესად გამოკვეთოს დანგრეული ტაძრის სურათი თუ დროის მიერ დაქცეული სალოცავის ხილვით გულშეძრული პოეტის სევდა. ეს მხატვრული შედარებანი მკითხველში მოჭარბების გრძნობას არ იწვევენ, მშვენივრად იგრძნობა, სტრიქონიდან სტრიქონში როგორ იზრდება ლექსის ემოციური მუხტი, ფინალში ასე დასამახსოვრებელი და ორიგინალური მხატვრული სახით რომ მთავრდება — „მთვარის კვართივით ღამეში ელავს კვირაცხოველის ძველი ნანგრევი.“

თამარ შაიშმელაშვილის ლექსი მსუბუქია, არაფრისმთქმელი სიტყვების გარეშე. მასთან თითოეულ ფრაზას და სიტყვას სათქმელიდან გამომდინარე ზუსტი დატვირთვა გააჩნია. პოეტი სიტყვების გაუგებარ გროვებს არ ქმნის, ერთ ლირიკულ ნაწარმოებს სხვადასხვა განწყობილებათა თავმოყრის პოლიგონად არ აქცევს. ეს ის სიმსუბუქეა, რომელიც ავტორის ხანგრძლივი და მძიმე შრომით მიიღწევა და პოეტური ოსტატობის მაღალი დონის უტყუარი მაჩვენებელია.

**დარდებს რა ჰქონდათ სადაო,
წყურვილი მკლავდა წვიმისა,
გულში ვარსკვლავებს ვითვლიდი,
მწვავდა სიზმარი კვირისა.
მშველოდა შინდის ყვაილი,
როგორც საგზალი მწირისა,
პეშვებით სული მომქონდა
იდუმალი მზის სხივისა.**

მიუხედავად საქართველოს ამჟამინდელი ტერიტორიული მდგომარეობისა, ზოგიერთს ჰგონია, რომ მამულის სიყ-

ვარული ერთგვარი მოდური ცნებაა, დღესდღეობით უკვე ყავლგასული და დრომოჭმული. ჩვენ, ქართველებს, ამ იდეოლოგიით რომ გვეცხოვრა, კარგა ხნის ალგვილი ვიქნებოდით პირისაგან მიწისა, მაგრამ საუკუნეთა მანძილზე ჩვენს ისტორიაში მამული, ენა და სარწმუნოება იყო ის უწმინდესი ცნებები, რომელთა გულისთვისაც მუდამ ღირდა და ღირს სიკვდილი. ამგვარი ნიჰილიზმი ჩვენი იდეოლოგია არ არის. იგი მტრისა და ავის მოსურნის ხელით ჩაითესა ჩვენს შორის და მის ავ ნაყოფს ჯერ კიდევ დრო ამწიფებს.

თამარ შაიშმელაშვილის პოეზიაში მამულის სიყვარული ყოველი ადამიანის საღვთო ვალდებულებაა. ეს გრძნობა ტუჩებჩაკვეტილი გმინვაა უფრო და არა — როყო როხროხი ან პათეტიკური გულზე მუშტის ბრაგუნი. მას უნდა გრძნობდე, როგორც დედის მკერდს — თბილს, სათნოს, შენი არსებობის მასაზრდოებელს და როგორც ყველაზე უფრო მოსაფრთხილებელ საუფლო განძს.

თამარის ლექსებში ახალი სინათლით გაბრწყინდენ შატბერდი და ხირსა, მცხეთა და ასპინძა, შატილი და უფლისციხე და განსაკუთრებით მისი მშობლიური კუთხე — კახეთი. ამ დიდი განცდითა და მოკრძალებით აღსავსე ლექსებში ხმაც და სათქმელიც მოზომილია, მაგრამ სიყვარულია ნრფელი და მოუზომავი:

**ჩემო სამშობლო,
უსამართლობის ზარ-ზეიმში
შენ ისეთი ნათელი ხარ,
როგორც ტაძრის ეზოში
ბრონეულის წითელი ყვავილი,
თავისით, ჩუმად რომ ამოსულა
და შენდობის ზარებს რომ რეკავს.**

ან კიდეც:

**ჩემი ნუხილი —
მზე იდუმალი,
ჩაემწუხრება შენს სიჩუმეში...
და გულზე ლოცვად ამოეზრდება
ცრემლის ყაყაჩოები —
„სამშობლო!“**

ანდა:

**მე აქ მოვედი, იდუმალეა
შენი სულივით ფხვდაფხვ მდევდა...
შორს ალაზანზე ცის მდუმარება
დილის ხასხასა იებში თვლემდა...
ქარმა აქ ჩვენთვის გაიქორბუდა,
შენთვის რეკავდნენ ზარებიც ხირსის...
და სამრეკლოსთან, მზის ქონგურებზე
მწიფს ბრონეული — წარსულის სისხლი!**

მთელი თავისი ისტორიის მანძილზე ქართული მწერლობა ლაკონიური, დანურული ფრაზით მოდის. შუშანიკის, აბოს, გრიგოლ ხანძთელის ცხოვრებანი, „ვეფხისტყაოსანი“ თუ ქართლის ცხოვრების ქრონიკები დიდი სალიტერატურო სკოლის არსებობის უტყუარი ნიმუშებია.

ამ გზით ვიდოდა მრავალსაუკუნოვანი ქართული მწერლო-

ბა, ამ გზაზე მრავალნი მიდიან დღესაც და ერთ-ერთი კრძალ-ვით მავალი მათ შორის თამარ შაიშმელაშვილიცაა. მისი ლექსიკა მდიდარია და მრავალფეროვანი, ამავე დროს, ნათელი და სადა, როგორც ყველაფერი, რაც წრფელია და ნამდვილი:

**განყდა ქედნების მარაო,
ტყისპირს ირემმა ილოცა,
მგზავრივით შევესვენები
შენი თვალების გრილოსა...
ჩამოვიფარებ ბელურებს,
დავყვები ქარის მღერასა
და ისევ შევატრიალებ
დანყველილ ბედისწერასა.**

ანდა:

**მზენაშვილები თოვლივით
ლაჟვარდში მოგიბინადრე
და სიყვარულის სანთელი
მიმიძღვის იდუმიადმდე...
არც იფქლის ხორბალს ვთესავდი,
არც უშენობა ვინაღვლე...
გაფრენილ სამოთხესავით
სულში მიმოდის მდინარე...**

თამარ შაიშმელაშვილის პოეზიაში ერთი ტენდენცია შეინიშნება — ავტორი არაერთ სიტყვასა და კომპოზიციას ქმნის:

„მოგენამდვილე“, „შემოგეფოთლები“, „ჩუმსედიანი“, „მწუხრმშვენიერი“, „მოგეშემოდგომე“, „სულალუბლები“, „ქარნათლია“ და სხვა. მე თუ მკითხავთ, უმჯობესია მწერალმა თავისი ენის უმდიდრეს საგანძურში დაძებნოს საჭირო სიტყვები, მაგრამ ალბათ ამ მიმართებით გარკვეული სიახლეც აუცილებელია, ამასთან, ენას თავისი მკაცრი კანონები აქვს და მან ყველაზე უკეთ იცის, რომელი სიტყვა მიიღოს და გაითავისოს.

თამარ შაიშმელაშვილს აქვს თავისი განსხვავებული სათქმელი და მისი მიტანა მკითხველამდე საკმაოდ ოსტატურად და ორიგინალურად შეუძლია. მისი ბოლო კრებული „ჩამოთოვლილი ზარები“ და უკანასკნელ ხანს ლიტერატურულ პერიოდიკაში გამოქვეყნებული ლექსები გვაძლევენ იმედს, რომ თამარისგან კიდევ არაერთ საინტერესო ქმნილებას უნდა ველოდეთ. მკითხველიც და ამ სტრიქონების ავტორიც მხოლოდ მიესალმებიან ამგვარი ლექსებით მოგვრილ სიხარულს.

**გადანულ ფარდაში,
როგორც მარიაშის რიდეში,
მზის სხივები შემოდიოდნენ,
სევდის ნათელს ტოვებდნენ
სარკეზე, ნახატებზე, კაქტუს-ყვავილებზე.
თითები ჩურჩულით
ახალ ალექსანს კითხულობდნენ,
გამალებით გალობდა შაშვი...
ხელისგულზე ვარსკვლავები ამოდიოდნენ...**

ლექსიც ხომ ვარსკვლავით ამოდის პოეზიის ცარგ-

ელგუჯა თავბერიძე

ჩარდახში ობლად მიმჯდარი ქარი

დღეს ბევრი ლექსი იწერება. წერს ყველა, ვისაც არ ეზარება. წერს ისე, რომ ერთი შეხედვით ნაკლსაც ძნელად მოუძებნი, ტექნიკურად (არ მიყვარს ეს სიტყვა, მაგრამ რა ვქნა?!) გამართულია, უფრო მეტიც, გამოცდილ შემოქმედსაც შეშურდება ნაოსტატევი, მაგრამ ლექსში გამჟღავნებული განცდა-განწყობილება არაა იდუმალი, არაა ფიქრში გაცრილი ანუ ისე განცდილი, რომ შენადაც იქცეს შემქმნელის განწყობილება. ასეთი ლექსები მკითხველში კი არ იწყებენ სიცოცხლეს, პირიქით, ნაკითხვისთანავე კვდებიან. მოკლედ, იმის თქმა მიხდა, უგულო ლექსები მომრავლდა, ისეთ პოეტურ ნიმუშებს ნაიკითხავ, რომლებშიც განივთებული განცდის სიღრმე არ შეგძრავს, არ ავკვიდება და დამახსოვრებთაც ძნელად ან სულაც არ დაგამახსოვრდება. არადა, კაი ლექსი ჩემთვის ისაა, რომ ჩაგითრევს, ჩაგიყოლებს, მისეულს შენად ჩაგიკირავს გულსა და გონებაში.

თამარ შაიშმელაშვილის ლექსები დაიბეჭდა ამასწინათ ჟურნალში “ჩვენი მწერლობა”, და არა მგონია, ვცდებოდე, მართლაც სასიამოვნო მოულოდნელობაა ჩემთვის და ალბათ იმ მკითხველისთვისაც, ვისაც ლექსი აზრისა და

გრძნობის სინთეზად მიაჩნია, ვინც გარეგნულ ბრჭყვიალებას, ნაძალადეგ რებუსულობას, ზედმეტ ტვინის ჭყლეტას კი არ ეტრფის, გულიდან ამოხეთქილი სტრიქონი ხიბლავს და იტაცებს.

პირველივე ლექსი ვნახოთ:

**მე აქ მოვედი, იდუმალეა
შენი სულივით ფეხდაფეხ მდედა...
ცის მდუმარება
დილის ხასხასა
იებში თვლემდა...
ქარმა აქ ჩემთვის გაიქორბუდა,
შენთვის რეკავდნენ ზარებიც ხირსის...
და სამრეკლოსთან, მზის ქონგურებზე
მნიფს ბრონეული — წარსულის სისხლი.**

ხომ მშვენიერია, ცის მდუმარება დილის ხასხასა იებში რომ თვლემდა, ქარმაც რომ მათთვის გაიქორბუდა და სამრეკლოსთან ბრონეული — წარსულის სისხლი რომ მნიფს. და ყველაფერი ეს ერთს უკავშირდება, ის ერთი კიდევ სამშობლოც და სხვა ვინმეც შეიძლება იყოს. ბარემ ვიტყვი, ლექსში აზრიც, გრძნობაც ისე ფაქიზადაა შერწყმული და მკითხველამდე მოტანილი, რომ არ შეიძლება გულგრილი დაგტოვოს. და კიდევ, რაა საერთო ნიშან-თვისება თამარ შაიშმელაშვილის ლექსებისა — სიმარტივე, ოღონდ სრულყოფილებასთან მიახლოებული, სიმარტივე, როცა ნაფიქრ-განცდილი წრფელად, ძალდაუტანებლადაა გადმოცემული.

ასეთ დროს შეიძლება ხელებიც მტრედებად წარმოიდგინო:

**ჩემი ხელები მტრედებია
მონატრება მასწავლეს შენზე...
შენს სარკმელთან მოფრინავენ
და ზეთისხილის რტოსავით
მოაქვთ შენთვის მარტოობა —
სამყაროს ელვა...**

მარტოობა — სამყაროს ელვა, იდუმალიცაა, მომწუსხველიც, ისეთი, რომ შეგძრავს და თავს არ დაგავიწყებს. მერე კიდევ ეს მარტოობა ღვთიურ ფრინველებს — მტრედებს — მოაქვთ სარკმელთან და ასე, ამ განცდით განილევა წუთისოფელი:

**დავილენები ყვავილი ნუშის
ამაოების ქარს მინდობილი,
და ელვასავით გამივლის გულში
ზღვა-საიქიოს შესანდობარი.**

თითქოს კი არა, მართლაც ბევრ რაიმეს აქვს ამ სტროფში სახელი დარქმეული, მაღალპოეტური ნიჭიერებითაა ნათქვამი ჩვეულებრივი აზრი და პოეზია ამას ჰქვია, ის, რაც ტრივიალურია ანუ აზრის ენაზე გაცვეთილი და გახუნებული, პოეტურად გამჟღავნებული სულ სხვა ელფერს იძენს.

მზერაუძირო ნუხილი, უსამანო სევდა, დაუსაზღვრავი დარდი ეუფლება პოეტს იმიტომ, რომ რაღაც იყო, თითქოს აღარ არის, თუმცა ის რაღაც წყაროზე მიმავალ პაპის სიმღერასავით მარადიულად ხმიანებს, ქვევრის მათრობელა მოძახილში გაიბუყბუყებს და მონატრების სურვილს ჩაგისახლებს სულ-სხეულში, ჩარდახში ობლად მიმჯდარი ქარის მეტაფორით რომ განსხეულდება:

**როცა მზეს სძინავს ბროწეულებში
და ორლობში გაკრთება ბინდი,
შენი ნუხილი მზერაუძირო
წყაროზე პაპის სიმღერით ივლის...
ვერ შეველევი ამ მონატრებას
ქვევრის მათრობელ მოძახილს სოფლად...
ფრთამოტეხილი მოლალურივით
ჩარდახში ქარი მიმჯდარა ობლად!**

ჩარდახში ობლად მიმჯდარი ქარი მიუსაფრობას უჩენს მკითხველს, დაცლილი, ქარის ანაბარა მიტოვებული მატერიალური სამყარო გულს უღონებს და იმედად ისღა რჩება, რომ წყაროსავით მარადიულად მდინარეა ეს საფიქრალი, მიწყევ მოძრავია მარტოობისა და მონატრების განცდა.

ხანდახან მზერაუძირო სევდა მზენაშვილები თოვლივით ლაჟვარდში დაბინავდება:

**მზენაშვილები თოვლივით
ლაჟვარდში მოგიბინადრე
და სიყვარულის სანთელი
მიმიძღვის იდუმიადმდე...
არც იფქლის ხორბალს ვთესავდი,
არც უშენობა ვიმაძღვე...
გაფრენილ სამოთხესავით
სულში მიმოდის მდინარე...**

ჭეშმარიტი ლექსის მცნობელნი (კადნიერებაში ნუ ჩამომართმევთ!) არა მგონია, გულგრილი დატოვოს მზენაშვილებმა თოვლმა და იმან, რომ სულში მდინარე გაფრენილ

სამოთხესავით მიმოდის. ბევრი რამ შეიძლება იგუმანო ამ ფრაზაში, ბევრიც წარმოისახოს, მაგრამ როგორც უნდა გაეკიდო ფიქრს, თამარ შაიშმელაშვილის დიდი პოეტური ფიქრ-განცდით შეთხზული აგევეგეტება წინ.

ალავერდზეც ხომ ბევრი წაგვიკითხავს, ხსოვნაში ჩაგვრჩენია, აღფრთოვანებულვართ კიდევ, თამარ შაიშმელაშვილის პოეტური ხატ-სურათი კი საუკუნეთა წიაღიდან მოლალადე ხმას ითავსებს, თითქოს ფუნჯის ერთი მოსმით ქმნის მოლაპარაკე ქვის ჰარმონიას:

**შენ მოგაბარე ჩემი წარსული —
სისხლით მომკილი ხირსის ქედები...
ბოდბის მირონი სევდანაჟური...
კახეთს ცრემლივით ვერ შეველევი...
დაეთრიმლება მთებს ნავალები,
გასხივოსნდება ქარსატევეარი...
და ცისკარივით დგას ალავერდი —
მზედანურული ქრისტეს მტევანი.**

ხომ იშვიათია, ასეთი უწრფელესი განცდით გამჟღავნებული მამულის სიყვარული...

თამარ შაიშმელაშვილს იტაცებს და მშვენივრადაც ახერხებს პოეტურად დაარქვას სახელი ყოფითსა და მტვერნაყრილ აზრებს:

**ვერ აიტანა
სულმა ლალატი —
თითები გადამიტყდა —
მარტის კელაპტრები.**

გადამიტყდარი თითები — მარტის კელაპტრები ვინმეს შეიძლება უხერხულ შედარებად მოეჩვენოს, მაგრამ, მერნმუნეთ, სულისაგან ლალატის აუტანლობასთან დანყვილებული, ნაღვლი და მშვენიერი.

ან კიდევ:

**ქარში ვარ,
სამყაროს კიდზე —
გიბედებ.**

რითიც დავიწყეთ, იმით დავასრულოთ. უგულო ლექსები მომრავლდა.

თამარ შაიშმელაშვილისნაირი ღრმა პოეტური იდუმალებითა და გადამდები პოეტური განწყობილებით შეთხზული ლექსები იშვიათად იბადება. ამიტომაც არ შემეძლო რაღაც არ მეთქვა მათზე.



ბანოჯა

მიელ როგოვაძე

თათია ჯგუშია

საკუთარ თავში პირქვე ჩამხოვილი

(ჩემი მაია სარიშვილი)

ხანდახან ხდება, კანი იწყებს სკდომას და ნაპრალებს შუა ისმის შიშინი. ბგერებმაც შეიძლება ეკლები მოისხან და ნაჭრილობებში იწყონ ჩაბრუნება. ხმა წვდება მხოლოდ მას, ვინც „მკვდრებისთვის არსებობს“, რადგან ისინი, ვინც მკვდრებისკენ მომზირალთა რიგებში დგანან, დაგეშილები არიან გოგირდისა და ნიშადურის სუნზე, მთელი ცხოვრება სველ ქვეშაგებში წვანან და მხარსაც კი ვერ იბრუნებენ, რადგან დაბეჭილ ზურგზე ხავსი აქვთ მოკიდებული და ჩაბრუნებულ თმასავით სტკივათ.

ხანდახან ვფიქრობ, მის ყველა ლექსს „სასტიკი პასუხი“ უნდა ერქვას, პირზე რომ მოგასრესს წლობით ნაგროვებ სიმწარეს და უყურებ, როგორ ზამბარებივით ამოსტყორცნია შუბლიდან ნერვები, როგორ დახეთქვია ხელისგულები სხვებისგან გულმოდგინედ ნათესი ამბროზიების ამოძირკვით, მაინც რომ ვერ მორევია და იმ დამსკდარ ხელისგულებზე, წერილი, წითელი რუებიდან შხამიან, ყვითელ ყვავილებს დაუფრენიათ ხახა.

თითქოს მე და ჩემისთანები ვაიძულებდით, რომ ოთხი ბავშვიდან ორი მაინც უნდა ჩაეძალებინა, თითქოს ჩვენ ავკიდეთ სასკოლო ჩანთასავით ზურგზე ცოცხალი მგელი, ავბურდეთ გზები, გადავხარეთ სამყარო მარცხნივ, მოვუკალით დედა და ცამეტი წლის არკადი გვასალია. ჩვენ გადავუმალეთ მეგობრები, რომლებსაც სახეები მდინარეებზე ვუქციეთ და სხვა ზღვებს შევურეთ, ჩვენ ამოვაცალეთ მისი ბავშვობის პიანინოს ყველა თეთრი კლავიში, მისი მუსიკის მასწავლებელს, ნათელა მარკოზიას ჩავუღაგეთ ლაბადის ჯიბეში და გავუშვით ნისლში. ყოველ შემთხვევაში, წავიკითხო თუნდაც ერთი ბნკარი მისი ლექსიდან, საკმარისია, რომ ვიგრძნო, როგორ მაქვს მთელ სხეულზე შემოჭერილი შალის ძაფები, რომლებიც ერთდროულად მწხვეტენ და მიკაგებენ სისხლს, და თუ კიდევ რამდენიმე ლექსს გავუძელი, მერე მინდება მთელი ტანი ნემსით დავიჩხვლიტო.

ხატვა რომ შემეძლოს, დავხატავდი ფერმკრთალსა და გამხდარს ებრაელი ქალივით, რომელსაც სახეზე თეთრი დოლბანდი აქვს გადაკრული, მთელი ძალით ჩაფრენილია

მის ოთხ შვილს, რომლებსაც სამყაროს ოთხივე მხარე თავისკენ უხმობს, როგორმე უნდა მოიგერიოს ის მძლავრი მაგნიტები, ან ოთხ თანაბარ ნაწილად დაიყოს და თითოეულს მკერდზე აეკრას...

ბავშვების სიყვარულს ყოველთვის ზანზალაკებივით აქვს გამობმული პატარ-პატარა შიშები, რომლებიც მუდმივ მზადყოფნაში გამყოფებენ, მზვერავს და ჩასაფრებულს გხდიან და თუნდაც, სულ ცოტა, მუხლი გადაიტყავონ, მზადაა მძვინვარე პანიკა, ვაითუ სისხლი არ შედედდეს, ვაითუ ყველა სიავე იმ ერთი უმნიშვნელო ნაკანრისკენ გაემართოს და მთელი სხეული მოიცვას, დაუავადოს. ბავშვების სიყვარული დიდ, ნათელ სხივთან ერთად, ნიშნავს, ყველა უფრედზე თითო ქვა გქონდეს დაკიდებული და შფოთავდე, თავს არაფერი აუტეხონ, აივანზე თავდაღმა არ დაეკიდონ, ჩიტების დამპურებლები ყვავების სანისკარტედ არ იქცნენ.

არიან ბავშვები და კიდევ — არიან „მაიას ბავშვები“, რომლებსაც რალაც საერთო საბანი აქვთ ნაფარებული, მუდამ მის ფიქრში მყოფებს, თითქოს არც არაფერი უნდა დაუშავდეთ, არაფერში გაისვარონ.

ის კი, ალბათ, ცხოვრობს ისე ჩუმად, საკუთარ თავში პირქვე ჩამხოვილი, დამძიმებული კეფით და ჩაშავებული უპეებით, შიშით, რომ რასაც შეეხება, შეიძლება გატყედეს, ათასი საქმით, ბასრი პირით გვერდებს რომ ათლიან, და

შიგადაშიგ დღეებით, უთვალავი ფერი ერთად რომ უბრდღვიალებს, კანს რომ უშპარავს და ძველს უფშვინის, შავ-თეთრ კინოში კი უფრო იოლად გადის ფონს, ადგილები იბრუნებენ თავიანთ ნივთებს, ნივთები — კონტურებს, ჰაერი — სიკამკამეს... და ომიც ისეთია, ბავშვები დაჭმულ ქალაღებს ისვრიან ცარციტ შემოხაზული ერთი წრიდან მეორეში, ერთი ველიდან მეორეზე.

მისი ცუდად ყოფნები რალაც დომინოს პრინციპით გადანანილებულია მთელ ცხოვრებაზე, თითქოს ყიფლიბანდიდან ამოეზარდა მთელი ეს წყება და ბოლომდე გაიყოლებს, რადგან ხანდახან ხდება ისე, იმ დახეთქილი კანის შიშინიც და სველ ლეიბებზე ნოლაც მშობლიურია, უკვე შეგუებული, და პირიქით, ეს მკვიანა წითელი რომ მოაცილო მის ცხოვრებას, ეს რკინის ბასრი ხრახნები რომ ამოართვა სხეულიდან, მოკვდება.

დაბოლოს, ალბათ, სადღაც, შიშველი ფეხებით რომ გაივლი ჯერ შაქრის ნატეხებზე, მერე დამტკვრული ჭიქების ყუნწებზე, სხვადასხვა ზომის ფერად აბებზე და ბავშვების სათამაშო ნიჩბებსაც რომ გასცდები, როგორც მიტოვებული ომის ველს, გამოჩნდება ვეება გვირაბი, რომელსაც არ ექნება არც შესასვლელი, არც ბოლო და იმ უკაცრიელ სიმყუდროვეში იქნება დაუსრულებელი ბარდნა.



ნინო ვახანია

* * *

სიზლი თამაშისა

□

ირაკლი ლომოურის „პარიზელი ქალი“

ყველაფერი იმით დაიწყო, რომ კოკა ლეფვერმა (გვარი ფრანგისა აქვს, ისე ქართველია) შემთხვევით შეიტყო სვანეთში ნაპოვნი უნიკალური ნივთის შესახებ და გადაწყვიტა, გადაეღო ფილმი, რომლისთვისაც სცენარის დანერგა მეგობარს სთხოვა. აღმოჩენილი კი გახლდათ მედალიონი, რომელიც აამკარავებდა და ადასტურებდა აია-კოლხეთის სამეფოს კულტურულ თუ ნათესაურ კავშირებს კრეტის სამეფოსთან.

ეს ამბავი ირაკლი ლომოურის მოთხრობაში ხდება. „პარიზელი ქალი“ ჟურნალ „ლიტერატურული პალიტიკის“ 2013 წლის პირველ ნომერში დაიბეჭდა.

ირაკლი ლომოურს მკითხველი იცნობს, როგორც დიდ მისტიფიკატორს, სრულიად აბსურდული, ალოგიკური მოვლენების რეალისტური მანერით წარმომჩენს. საზოგადოებას კარგად ახსოვს, თუ რა გაუგებრობა (რბილად რომ ვთქვათ) გამოიწვია მისმა „შემთხვევამ“. ეს ნოველა ახლა, სავსებით ლოგიკურად, სასწავლო პროგრამაშია შეტანილი და მას სკოლაშივე ეცნობიან მოზარდები.

მისტიფიკაციის გარეშე ირაკლი ლომოური ირაკლი ლომოური არ იქნება. ეს მისი ხელწერაა, მისი ტვიფარი, გნებავთ — საფირმო ნიშანი თუ სავიზიტო ბარათი.

ამ ახალი მოთხრობისგანაც მკითხველი, ბუნებრივია, კვლავ რაფინირებულ, ხელოვნების დარგში აყვანილ მისტიფიკაციას ელის და, უნდა მოგახსენოთ, რომ მოლოდინი არც გაუცრუვდება, ოღონდ... ოღონდ ის, რომ მოთხრობის ძირითადი ამბავი, ასე ვთქვათ, ძარღვი სულაც არაა გამოგონილი. არა, ესაა რეალობა, ჩვენი ყოფის ამრეკლავი სინამდვილე, თავმოსანონებლადაც რომ ეყოფა ქართველს, საქელიკოდაც და სამცხონაროდაც.

საქმე ისაა, რომ სვანეთში, მესტიაში იპოვეს მედალიონი, რომელზეც აღბეჭდილია კრეტაზე, მინოსის სასახლეში აღმოჩენილი ფრესკის — „პარიზელი ქალი“ — ანალოგი. არადა, ეს სენსაციური აღმოჩენა ისე ჩაიკარგა, გაქრა, გაითქვიფა სხვა ათასი საზრუნავ-საფიქრალით სავსე, მიწყვიტებული მხრისოფელში, რომ დღეს მის შესახებ ძალიან ცოტამ თუ იცის. ახალგაზრდებს იქნებ ავტორის ჩვეული მისტიფიკაციაც ეგონოს.

ცხოვრებულ გურამ გაბიძაშვილს სჯეროდა ამისთანებისო, — ამბობს ერთ-ერთი პერსონაჟი. ეს ხომ ის ცნობილი მეცნიერია, არქეოლოგი, ხვამლის მთაზე ექსპედიციის დროს ოქროს რომ წააწყდა და მალე ამის შემდეგ მოულოდნელად გარდაიცვალა (ოფიციალური ვერსიით, გულმა უღალატა). ერიპა! რაჭაში არქეოლოგებმა რომ ეგვიპტური ცივილიზაციის კვალი დაიდასტურეს, ამ დასკვნის სანდოობაც ერთეულებს თუ სჯერათ, ალბათ.

საყოველთაოდ მიღებული და გაზიარებულია შეხედულება, რომ მითები მარტო გარდასულ და მკვდარ დროს კი არ ასახავენ, არამედ მარადიულად ცოცხლობენ და ყოველ ხანას თავის გავლენას აჩვენებენ. მითის გასაცოცხლებლად და თანამედროვე ცხოვრებაში აქტიურად ჩასართავად ყველაზე მოქნილი და შეუმცდარი საშუალება კი სიტყვაა, მხატვრული ნაწარმოები. არ არის შემთხვევითი XX-XXI საუკუნეთა მწერლების განსაკუთრებული ინტერესი მითების მიმართ. თეორიის სახელმძღვანელოებში არაერთი მაგალითი, ნიმუშია მონოდებული მწერალთა მიერ მითების განსხვავებულ ჭრილში აღქმისა, განსხვავებული რაკურსით ხედვისა, სხვადასხვა მიზნით გამოყენებისა.

ირაკლი ლომოურმაც მითი შემოიყვანა თხრობაში, ჩვენთვის ძალზე ახლობელი, ასე ვთქვათ, „მინაური“ მითი აქცია ნაწარმოების ხერხემლად. მედეა გადმოასახლა ჩვენს დროში და ისე როგორ იქნებოდა, თვითონვე არ შეჭრილიყო მითად-ქცეულ წარსულში და მხოლოდ დავარცხინილსა და დაპტირებულს მიჰყოლოდა კვალში! რა სათქმელია! მრავალგზის დამუშავებული (ქართველი და უცხოელი მწერლების მიერ) თქმულება თითქოს ხელახლა შეთხზა, თანაც ისე, რომ მკითხველს კიდევ სჯერა და არც სჯერა ამ ახალი ვერსიისა.

მოთხრობაში მედეა მარიშაა (თუ მარიშა მედეაა) და საკუთარ თავგადასავალს თვითონვე ჰყვება... ოქროს საწმისი ავანტიურისტიკა და ყაჩაღმა იაზონმა კი არა, თურმე თვითონვე გაიტაცა, რათა მამიდაშვილისთვის — მინოტავრისთვის — ეშველა როგორმე. დიახ, ამ მოთხრობის მიხედვით, ძლევამოსილი მინოსის მეუღლე, პასიფა, რომელმაც ხარისგან ურჩხული (მინოტავრი) შვა, აიეტის დაა. ურწმუნოთათვის უპრიანი იქნება იმის შესხსენება, რომ გავრცელებული და მიღებული ვერსიით, ამ მინოსის პირველი მეუღლე მართლა აიეტის და გახლდათ, ოღონდ, რა თქმა უნდა, ჩვენთვის ნაცნობი კირკე. ესეც ძველი და ახალი მითი. გადმოცემის თანახმად, მინოსი დასავლეთში ამყარებდა წესრიგს, ხოლო აიეტი — აღმოსავლეთში.

ვერ უშველა მედეამ მინოტავრს. მოკლა იმ უღმერთო თეზევსმა (ბერძნული მითის მიხედვით, იგი ხომ მედეას გერია, ეგეოსის შვილი).

მარიშამ, იმავე მედეამ, მკურნალობა იცის. ლოგინად ჩავარდნილ მამასა და მის მეგობარს რალაც შინაურ ნაყენს ასმევს, რათა მათ ძალა მიეცეთ და ძილქუშიდან გამოვიდნენ. ხარისთავას ნაყენი მართლაც სასიკეთოდ მოქმედებს.

მედეა ხომ მედიცინის ფუძემდებელია მსოფლიოში. სამკურნალო ზეთის დამზადების ცოდნა მიენერებათ შუმერ ეას და კოლხ მედეას. შუმერთა ქალღმერთი სახელს ანიჭებს კოლხეთს... საეჭვო კი არა, დღეს უდავოა შუმერული მითის, კულტურის, სამედიცინო და სხვა ტერმინთა კავშირი კოლხურ-იბერიულ კულტურასთან და, კერძოდ, მედიცინასთან... ესეც ხომ ჩვენი მოგონილი არ არის, მსოფლიო აღიარებს. ამიტომ ირაკლი ლომოურის „პარიზელ ქალში“ ნათქვამი: ყველა ქართველი ხომ ისედაც შუმერიო, — სულაც არ აღიქმება ირონიულად (კონტექსტის მიუხედავად).

მედეამ (მარიშამ) ოქროს საწმისის მეშვეობით უნდა აქციოს მინოტავრი ადამიანად. სიკეთეს, სინმინდეს, „გაადამიანებას“ ემსახურება მედეას საიდუმლო ცოდნა. საინტერესოა, რომ მოთხრობაში თვით ოქროს საწმისი გა-

აზრებულა, როგორც სინმინდის, სინათლის, ბედნიერების, წარღვნამდელი მსოფლიო ჰარმონიის სიმბოლო. საქართველოდან მისი გატაცება კი მედეას ნამოქმედარია, მაგრამ თვით ეს ქმედება ახალი წესრიგის — სიყვარულისა და თანადგომის — საფუძვლად უნდა ქცეულიყო.

თხრობაში არაიშვიათად ჩაერთვის ერთ-ერთი მოქმედი პირის, გედის, პირადი შეგრძნებანი. მთელი ამბავი გედის მიერაა გადმოცემული პირველი პირით. ნაწარმოები სულაც მისი სიზმრით იწყება. გაუქვაცრიელებულ პარიზში, ღია კაფეში ზის და კოქტეილს წრუპავს ლამაზი, ფუმფულატურებიანი, ნამდვილი პარიზელი ქალი. გამოფხიზლებული გედი თანდათან აცნობიერებს, რომ სიზმრად ნანახი ქალი იგივე კრეტაზე აღმოჩენილი ფრესკის ქალია, იგივე სვანეთში ნაპოვნი მედალიონის გამოსახულება, იგივე მარიშა ანუ მედეა.

მსოფლიო ცივილიზაციის სათავეებთან უჭკველად ქართველთა წინაპრები დგანან. არაა შემთხვევითი, მარიშას მოსმენისას, გედის თუშეთი, შენაქო რომ აგონდება, ახალმოთიბული ბალახის სურნელში თვალნათლივ ხედავს... მიწოტავს, ხარისთავიან ადამიანს. იყო დრო, როცა ჩვენი, ქართველთა, საცხოვრებელი ტერიტორია გაცილებით უფრო დიდი და ვრცელი იყო, ვიდრე დღესაა, ბევრად მეტიც, ვიდრე „ორ ზღვას შუა საომარი ლელო“ გულისხმობს. იმ შორეულ, თვალუნვდენელ წარსულს მწერალი ხელშეასხებად შეგვაგრძნობინებს თუნდაც ზემოთ მოხმობილი და სხვა მსგავსი პასაჟებით.

კრეტა მსოფლიო კულტურისა და ცივილიზაციის ცენტრი იყო; მაშინ კრეტაზე ცხოვრება იმას ნიშნავდა, რასაც XIX საუკუნეში — პარიზში ცხოვრება (გაგახსენდათ ილიას ფრანსიელი, რომელიც „მეზავრის წერილებში“ სწორედ ევროპული ცივილიზაციის, განათლებისა და განვითარების სიმბოლოა?).

მედეა კრეტაზე, მედეა კოლხეთში, მედეა პარიზში... მოთხრობის ერთ ეპიზოდში მარიშა იაპონური ტანსაცმლით გამოგვეცხადება. მთელი მსოფლიოს, მთელი აღმოსავლეთ-დასავლეთის, ევროპა-ამერიკის, უკვე გამქრალი, არსებული თუ ჯერ არგაჩენილი კულტურების ძირთაძირი, საფუძველი, მკვიდრი საძირკველი საქართველო და ქართველია! — ამის თქმა თუ უნდა მწერალს.

ასეთი ვააზრებანი გვეხმარება ჩვენი მოქალაქეობრივი ღირსების შეგრძნებაში, ზოგჯერ უსაშველოდ მონოლილი სკეფსისის დაძლევაში. აი, ასეთ ნუთებში გვაიწყნებება, უფრო სწორად, არსებით მნიშვნელობას კარგავს ყოველმხრივ შევიწროებულ-შემოზღუდული ჩვენი მინა-წყალი და თავს ვგრძნობთ მსოფლიო მოქალაქეებად. მხოლოდ ასეთ შეგრძნებათა წყალობით ვხდებით ჭეშმარიტი ინტერნაცი-

ონალისტები ვაჟასეული გაგებით. ჩვენი წინაპრების ფასდაუდებელი ღვანლი კაცობრიობის წინაშე კვებავს ჩვენს სიამაყეს — უძლეველობისა და მარადიულობის რწმენას.

მედეა მზის ღმერთის, ჰელიოსის შვილიშვილია, მზიური სანყისია დედამინაზე, მარადიულია, უკვდავი... „თუ არ მოკვდი, ვერ დაიბადები“, — ამბობს მარიშა. ჯურღმულში თუ არ ჩახვედი, მზის გულზე ვერ ამოაღწევ. დროდადრო უნდა ჩაქრეს, რათა მერე ახალი ძალით გამოზრწყინდეს... (დაცემულთა და ჩაგრულთა ნუგეში).

მედეას შესახებ უამრავი გამოკვლევა თუ მხატვრული ნაწარმოები — მოთხრობა, პიესა, ლექსი, პოემა... — არსებობს. მათი ნაწილიც კი, რომელიც ირაკლი ლომოურის მოთხრობაშია ჩამოთვლილი, შთამბეჭდავია. აბა, გადავხედოთ: აპოლონიოს როდოსელის „არგონავტიკა“, ოთარ ჭილაძის „გზაზე ერთი კაცი მიდიოდა“, ევრიპიდეს „მედეა“, სენეკას „მედეა“, აკაკი წერეთლის „მედეა“, რასინის „მედეა“, გრილპარცერის „მედეა“... ამ სიის შევსება კიდევ შეიძლება თუნდაც ჟან ანუის სახელით. ისიც საყურადღებოა, რომ მედეას შესახებ თქმულება უთუოდ იცოდა დანტემაც. დანტე და ვერგილიუსი ჯოჯოხეთში ხედავენ იაზონსაც, რომელიც მედეას მოტყუებისა და მუხტოლობის გამო ისჯება...

ეს ყველაფერი კარგი, მაგრამ ცოცხალი მედეა გინახავთ? ზემოდასახელებულ ან სხვა თხზულებათა მიხედვით სცენაზე წარმოდგენილი ან ფილმში გადაღებული კი არა, აი ისე, რეალური — მაღალი, გამხდარი, ჯინსებში ჩაცმული, შავი, გრძელი, გაშლილი თმით, დიფონი, მეტყველი, შვავად შეღებილი თვალებითა და ფუმფულა, ნითე-

ლი ტუჩებით... სწორედ ასეთ მედეას ხედავს და უსმენს „პარიზელი ქალის“ გედი გედევანიშვილი, ძია გედი. და ცხად სიზმართან სასაცილოდ და ირონიულადაც კი ჟღერს გრილპარცერის — ავსტრიელი პოეტისა და დრამატურგის — გვარი. მე მარიშას მოვუსმენ, შენ გრილპარცერი ნაიკითხეო, — რამდენჯერმე ხაზგასმულად და ამკარად დაცინვით ეუბნება გედი მეგობარს.

ამ დიდებული, დიადი წარსულის ფონზე ერთობ დაკნინებულ-დამცრობილად გამოიყურება თანამედროვე ქართველი, რომლისთვისაც ახალგაზსნილ დუქანში ხინკლაობაზე უფრო მნიშვნელოვანი საქმე არ არსებობს; „ზაურაურას“ სასადილოში აურზაურის ატეხვაზეც არ იტყვის უარს (ირაკლი ლომოურის სიტყვათა თამაში). თან ისე როგორ იქნება, საკუთარ და ერის უკვდავებაზეც არ იფიქროს და იზრუნოს. კოკა ევანსის აღმოჩენას რატომღაც რუსულად — „პარიჟანკად“ — მოიხსენიებს, თუმცა ფილმის გადაღებას ქართველთა უნიკალურ და განუმეორებელ ისტორიაზე აპირებს.



კარლო ფაჩულია — ირაკლი ლომოურის „პარიზელი ქალის“ ილუსტრაცია

* * *

მეცნიერთა შორის დღესაც კამათია იმის თაობაზე, თუ რას წარმოადგენდა სინამდვილეში ოქროს საწმისი? ეს იყო ცხვრის ტყავი, რომლითაც ოქროს მოიპოვებდნენ, საზღვაო რუკები, ანბანი, ხმოვნები ანბანში თუ კიდევ რაიმე სხვა? ირაკლი ლომოურის მოთხრობაში ოქროს ვერძი ცხოველია, რომელსაც ბენვი ოქროსფერი კი არა, მართლა ოქროსი ჰქონდა. წმინდა ცხოველი იყო, ედემიდან გამოჰყვა ადამსა და ევას ოქროს ცხვართან ერთად... ოქროს ცხვარმა ნოეს კიდობანში შესვლა და გადარჩენა არ ინდობა... სამაგიეროდ, გადარჩა ოქროს ვერძი, რათა წარღვნის შემდეგ იგი გამხდარიყო უპირველესი მსხვერპლი, რომელიც პირველქმნილი სინმინდისა და ელვარების კვალსა და ანარეკლს ახალ სამყაროში შეიტანდა... ოქროს ვერძის ტყავი, ოქროს საწმისი ნოეს უმცროსმა ვაჟმა, იაფეტმა ირგუნა. მისი შთამომავლები ფლობდნენ ოქროს საწმისს, როგორც უდიდეს სინმინდეს, სასიცოცხლო ძალისა და სიბრძნის მომნიჭებელს... თაობიდან თაობას გადაეცემოდა იგი და ასე მოაღწია აიეტამდე. შემდეგ კი მედემ გაიტაცა...

მკითხველისთვის სასიამოვნოდ გამოაგნებელი აღმოჩნდება მარიშას (მედეას) დაბეჯითებული მტკიცება: ოქროს საწმისი დაბრუნდა და ახლაც აქაა, ჩვენთან! გინდ დაიჯერეთ, გინდ — არა, სიცოცხლის, სიბრძნის, სინმინდის, მომავალი სამყაროს (თუ სამყაროების) საფუძველი, დვრიტა, დაუშრეტელი საწყისი აქაა, ხვამლის მთაში!

მარიშას თქმით, გედი სვონია (ე. ი. — კოლხი, ე. ი. — სვანი) იმიტომ, რომ „გედს“ ინგლისურად „სვონ“ ჰქვია. ინგლისური რა შუაშია? როგორ თუ რა შუაშია? ინგლისი და ინგლისურიც ხომ სამყაროს ნაწილია. სამყაროს, კაცობრიობის განვითარება-ცივილიზაციას კი საფუძველი ჩვენ დავუდეთ, ამიტომ ჩვენი კვალი ყველგანაა და ყველა ქვეყნის ენა და კულტურა ჩვენში პოულობს გამოძახილს.

დამთავრდა ეს ამბავი იმით, რომ გრძნეული მედეა-მარიშა საფრანგეთში გათხოვდა და სიზმრიდან მოსული ისევ სიზმარში გადასახლდა, გედი (სვონი) ისევ საკუთარ ოჯახს დაუბრუნდა, ფილმი... სავარაუდოდ, არ გადაულაიათ.

* * *

ისე, არ იქნება ურიგო თუნდ ამ მოთხრობის მიხედვით ფილმის გადაღება. ეს იქნება, ალბათ, ფილმი ფილმში... სურათი უთუოდ იმით დაიწყება, რითაც მოთხრობა მთავრდება — გედის სიზმრით: პარიზში, ლათინურ კვარტალში, მაგიდასთან ახალგაზრდა, კეკლუცი, მომხიბვლელი ქალი ზის — ნამდვილი პარიზელი ქალი...

აი, ასე — შეიძლება ირაკლი ლომოურის აბსურდული მისტიფიკაციები, იუმორი, თამაში, სილაღე, ლაზღანდარობა სავსებით სერიოზული, ღრმად ფილოსოფიური, ისტორიულ-დოკუმენტური ფილმის საფუძვლად იქცეს.

საქართველოს საპატრიარქოს წმინდა ანდრია პირველწოდებულის სახელობის ქართულ უნივერსიტეტში გაიხსნა პავლე ინგოროყვას სახელობის კაბინეტი, თიანეთისა და ფშავ-ხევსურეთის მთავარეპისკოპოსის თადეოზის მიერ გადახდილ იქნა ამ დიდებული მეცნიერისა და საზოგადო მოღვაწის სულის მოსახსენიებელი პანაშვიდი და გაიმართა მისი ხსოვნის საღამოც, რომელიც შესავალი სიტყვით გახსნა ქარ-თული უნივერსიტეტის პროფესორმა სერგო ვარდოსანიძემ. მანვე ისაუბრა ეროვნული თავისუფლების იდეალებზე, რამაც მთლიანად განმსჭვალა პავლე ინგოროყვას 90 წლიანი ამქვეყნიური სიცოცხლე. მეცნიერის მრავალმხრივ ღვაწლზე ისაუბრეს: გიორგი ანდრიაძემ, გიორგი ალიბეგაშვილმა და როსტომ ჩხეიძემ. გთავაზობთ სერგო ვარდოსანიძისა და გიორგი ალიბეგაშვილის გამოსვლების ლიტერატურულ ვერსიებს.



სერგო ვარდოსანიძე

თავისუფლების რაინდი

ვინც პავლე ინგოროყვას ცხოვრების მატთანეს თვალს მიადევნებს, აუცილებლად დარწმუნდება იმ ჭეშმარიტებაში, რომ პიროვნების თავისუფლება მეტწილად მასზეა დამოკიდებული.

პავლე ინგოროყვას ბავშვობა და ყმაწვილკაცობა რუსეთის იმპერიის განაპირა გუბერნიად ქცეულ საქართველოში დაიწყო იმ დროს, როდესაც პატრიოტიზმსა და კოსმოპოლიტიზმს შორის სამკედრო-სასიცოცხლო ბრძოლა იყო გაჩაღებული, იმ დროს, როდესაც კოსმოპოლიტიზმმა იმძლავრა და პატრიოტიზმის საყრდენი — ილია ჭავჭავაძე — სიცოცხლეს გამოასალმა... „წინამურთან რომ მოჰკლეს ილია, მაშინ ეპოქა გათავდა დიდი“ — ასე გამოეხმაურა გალაკტიონი ამ შემზარავ ტრაგედიას, „ილიას მკვლელებს რომ შეეძლოთ საქართველოსაც მოჰკლავდნენ“ (ვაჟა), მაგრამ თუ საქართველო ვერ მოჰკლეს, თუ ილია ჭავჭავაძის დათესილი კეთილი მარცვალი გალივდა, ეს პავლე ინგოროყვას მსგავსი ადამიანების დამსახურება იყო.

XX საუკუნის საქართველოს ტრაგიკულ, მაგრამ ამაღლებულ ისტორიაში პავლე ინგოროყვას როლი განსაკუთრებულია. მან პირველი მეცნიერული ნაშრომი — „ძველი ქართული სასულიერო პოეზია“ — ოცი წლისამ გამოქვეყნდა — ამას მოჰყვა თამარ მეფის „გალობანი ვარძისანი“...

პავლე ინგოროყვა იყო საქართველოს მართლმადიდებელი სამოციქულო ეკლესიის ავტოკეფალიის აღდგენის აქტიური მონაწილე, საკათალიკოსო საბჭოს წევრი, ჟურნალ „სვეტიცხოვლის“ რედაქტორი, საქართველოს ეკლესიის კანონიკური საზღე-

რების დამდგენი. საქართველო-რუსეთის საზავო კონფერენციაზე საქართველოს დელეგაციის მეთაურის მთავარი კონსულტანტი სასაზღვრო საკითხებში, საქართველოს ეროვნული საბჭოს, პარლამენტის წევრი, შოთა რუსთაველის „ვეფხისტყაოსნის“ აკადემიური გამოცემის რედაქტორი, „რუსთველიანას“ ავტორი.

ბოლშევიკური საოკუპაციო ხელისუფლების მმართველობის პირველ წლებში, როდესაც საქართველოს თავისუფლებაზე საუბარი აკრძალული იყო, ყოველ 25 თებერვალს კონსტანტინე გამსახურდიასთან, ალექსანდრე აბაშელსა და ვახტანგ კოტეტიშვილთან ერთად რუსთაველის გამზირზე შავი ჩოხით შემოსილმა დაიწყო სეირნობა, ესეც პროტესტის თავისებური ფორმა იყო...

იმ დროს გააფთრებული ბრძოლა იყო ქართული ლიტერატურის კლასიკოსების წინააღმდეგ. პავლე ინგოროყვამ გა-



სერგო ვარდოსანიძე

რია პირველწოდებულის სახელობის ქართულ ინივერსიტეტში პავლე ინგოროყვას სახელობის აუდიტორია იხსენება, ეს არის ამ დიდი ქართველის ღვაწლის დაფასება.

მოსცა ილია ჭავჭავაძის, აკაკი წერეთლის, ნიკოლოზ ბარათაშვილის ტომები. მისი ინიციატივით ნიკოლოზ ბარათაშვილის ნეშტი დიდუბიდან მთაწმინდაზე გადაასვენეს.

პავლე ინგოროყვას „გიორგი მერჩულე“ (გამოიცა 1954 წ.) სამაგიდო წიგნია თითოეული ქართველისათვის.

1983 წლის 20 ნოემბერს პავლე ინგოროყვა გავიდა ამ სოფლიდან, მაგრამ მის კაშკაშა სანთელს ჩაქრობა არ უწერია, იგი მანამ ჩათება, სანამ საქართველოში თუნდაც ერთი ქართველი იქნება ისეთივე ანთებული, სამშობლოზე ფანატიკურად შეყვარებული, როგორც პავლე ინგოროყვა იყო.

დღეს, 5 მარტს საქართველოს საპატრიარქოს წმიდა ანდრია პირველწოდებულის სახელობის ქართულ ინივერსიტეტში პავლე ინგოროყვას სახელობის აუდიტორია იხსენება, ეს არის ამ დიდი ქართველის ღვაწლის დაფასება.

გიორგი ალიბეგაშვილი

პავლე ინგოროყვა – პიროვნება და მეცნიერი

„ყოველთვის მიკვირდა იმათი, ვინც ვერ ხედავდა პავლე ინგოროყვას პიროვნების განსაკუთრებულ სხივმოსილებას, მის განსაკუთრებულ ადგილს ჩვენ სინამდვილეში, მისი გზისა და ხვედრის ერთადერთობას“, — წერს გურამ ასათიანი.

მართლაც, მთელი მისი მოღვაწეობა, როგორც პიროვნებისა და მეცნიერისა, იყო ნიმუში საკუთარი ღირსების შეგნებისა სამშობლოს, სიკეთის სამსახურად და არა განდიდებისათვის, გაბატონება პირადულზე და წვრილმანებზე ამაღლება, ძლიერება – მაგრამ დიდსულოვნებაც, სიამაყე და განცალკევება, მაგრამ უცვალებელი პატიოსნებით გამსჭვალული; ეს იყო ის მორალური პრინციპები, რომელთა „წვრთნა“ (შუა საუკუნეთა ტერმინით – ასკეზი), განმტკიცება და ერთგულება მის გარეგნობაში ჩვენს ძველ წინაპართა სახებას გააკრთობდა წამიერად.

XX საუკუნეში საქართველოს არაერთი დიდი შემოქმედი და სახელოვანი მეცნიერი მოველინა. მრავალჯერ თქმულა, რომ მათი ასე ერთად გამოჩენა ილიას ეპოქის მიერ იყო შემზადებული. სწორედ ილიას თავდაუზოგავმა მოღვაწეობამ განაპირობა მათი ასპარეზზე გამოსვლა, „რათა ძველ, დიდგზაგამოვლილ ქვეყანას ახალ დროში შეკრთომა ან სულიერი დაძაბუნება არ დასტყობოდა.“ ყოველივე ზემოთქმულს კი თანსდევდა ერთი არსებითი ნიშანსვეტი – ეროვნული მიზანდასახულობა, ქართველი ხალხის შემოქმედი გენიის შემდგომი აღმასვლა და აღორძინება.

გარდასული, ძველი საუკუნეებიდან გადმობრძანებულ ჩვენს წინაპარს უფრო ჰგავდა პავლე ინგოროყვა. მისი გარეგნობის ხილვისას პირველივე შთაბეჭდილება ასეთი იყო: მხრებში მოხრილი, სახედაღარული, თხელ ქუთუთოებში ღრმადჩამჯდარი, მაგრამ სხივიანი და ჭკვიანი თვალები, თითქოსდა გამომცდელად რომ შემოგვცქეროდნენ ყოველთვის; სამოსიც შესაფერისი ეცვა ხოლმე – უპრეტენზიო, ოდნავ გახუნებული, სადა და უბრალო. ასეთი გარეგნობა ფრესკულ „პორტრეტსაც“ მოგაგონებდათ, რაც ძალაუნებურად მოწინებთა და კრძალვით განაწყობდა ადამიანს. ვინც მას იცნობდა, ყველა შენიშნავს, რომ პავლე ინგოროყვა იშვიათი ტაქტის, შინაგანი სიმტკიცისა და სულიერი სიმაღლის პიროვნება იყო. მისი ხილვისას გარკვეული წარმოდგენა გექმნებოდა, თუ როგორნი იყვნენ ჩვენი დიდი წინაპრები, წმიდა მამები, ჭრაქის ან სანთლის შუქზე რომ უსხდნენ ჭილებსა და ეტრატებს, თარგმნიდნენ წმიდა წერილს ან დიდ ღვთისმეტყველთა წიგნებს, ქმნიდნენ ორიგინალურ სასულიერო ლიტერატურას... ერთგულებით, ჩუმად, თავიანთი უმნიშვნელოვანესი მისიის ზუსტი გაცნობიერებით, სამშობლოზე ზრუნვითა და სამშობლოსთვის ლოცვით, დაუმაძღვრებლად.

აქ დროული იქნებოდა პაოლო იაშვილის ლექსად თქმული შეფასებაც, თუ როგორ ხედავს პოეტი თავის მეგობარს საქართველოში საბჭოთა ტერორის დამყარების პირველსავე წლებში და ამ ახალ ვითარებაში ჭეშმარიტი მამულიშვილის ადგილს:

გადამეტებით, ტანჯულ დღეებით
წარსული ჰკივის უკულმართული,
ჩვენ კი უტკბილეს სამოთხეებით
გვინდა გავმართოთ მხარე ქართული...

საუკუნენი ცხელ დავანებით
ჩვენი სამშობლოს მხეში დნებიან,
მაგრამ ჯერ კიდევ ქარავანები
სცლიან ოქროებს ძველ მადნებიდან.

მინა მსუქანი სისხლის დაღვეით
შენ შეგვათვისე იმედიანი,
და გულში გივლის მკივან ალივით
შენ რუსთაველის მერიდიანი.

ძმავ ინგოროყუ! ჩვენება არი
და ტკბილის ტანჯვით მოსაგონები
მწველ ინდუსტანში ქართული ჯარი
და ტრაპიზონში გარნიზონები.

დაგვიბრუნდება ეს ნეტარება
ამაყ დღეების გადაჩვეულებს?
თუ პოეზია შეეძარება
ჯვარზე გასალტულ წმინდა რჩეულებს?

ძმავ ინგოროყუ! პოეტო ადრე
და მერმე დარდო წარსულ დიდების:
გულს პოეზია იჭვებით ანგრევს
და სისხლს – დაპყრობა პირამიდების.

ჩემი თაობის სტუდენტებში, თანაკურსელთა შორის არაერთხელ გამოთქმულა აზრი (მათ შორის, ჩვენი უფროსი მეგობრების, ლექტორ-მასწავლებლების მიერ), რომ პავლე ინგოროყვას მრავალი მოსაზრება, ვარაუდი, გენეზით, მიგნება ხშირად ეჭვს აღძრავდა მეცნიერთა შორის, მაგრამ არასდროს არავის გულში არ გაუფლია, რომ პავლე ინგოროყვას ნებისმიერ კვლევას საფუძვლად უანგარო, თავგანწირული და ჭეშმარიტი შემოქმედების ძალისხმევა ედო.

თავის მშვენიერ ბიოგრაფიულ რომანში „ბედი პავლე ინგოროყვასი“ როსტომ ჩხეიძე შენიშნავს: „პავლე ინგოროყვას სიჭაბუკიდანვე თანსდევდა აღედგინა რუსთველის საიდუმლოებებით მოცული ბიოგრაფია და, აქედან გამომდინარე, „ვეფხისტყაოსნის“ მხატვრულ სამყაროშიც რეალობის არსებობის კვალს ამ თვალთახედვით ჩხრეკდა და იმდროინდელ მატრიანეთა ცნობებსაც ამ იმედით აანალიზებდა. რასაც დამაჯერებლად მიიჩნევდა, რუსთველის ბიოგრაფიის დეტალებად აღიარებდა და, თანდათან, ერთიანი ქარგის შევსებასა და ბუნებრივ გამთლიანებას ესწრაფოდა“.



მეუფე თადეოზი

1963 წელს გამოცემულ „რუსთველიანას“ წინათქმაში პავლე ინგოროყვა მიზნად სამი უმნიშვნელოვანესი საკითხის შესწავლას ისახავდა: „ვეფხისტყაოსნის“ ტექსტის ისტორიისას, პოემის დაწერის თარიღისას და შოთა რუსთველის ვინაობისას; უფრო არსებითი კი ის ამოცანა გახლდათ, რომ მომზადებულიყო საფუძველი ნაწარმოების პირველადელი დედნის აღსადგენად, რათა „შოთას პოემა ნათლობდეს თავისი ნამდვილი თავდაპირველი ბრწყინვალეობით, განწმენდილი შემდგომი ხანის სხვადასხვა შემატება — დამახინჯებისაგან“.

როგორც ცნობილია, პავლე ინგოროყვა შეპყრობილი იყო მძიმე სენით. აი, რას სწერს იგი აბასთუმნიდან თავის ერთ-ერთ კოლეგას: „...ძალზე მუხანათური ავადმყოფობა ყოფილა ეს ჭლექი. მე თავი მოკეთებული მეგონა და ასე მოულოდნელად და მუხთლად შემომიტია... ალბათ მეც არ ვიქნები ყოველთვის ასე უძლეურად და შევეცდები, სამაგიერო აგინაზლაურო. ამას გარდა, ალბათ გამოჩნდებიან ისეთებიც, რომლებიც ჩემი ავადმყოფობის და მუშაობის ასპარეზიდან დროებით ჩამომორების გამოყენებას მოინდომებენ, — იმედი მაქვს, დამიცავ და ღირსეულ პასუხს გასცემ. შენ განდობ ჩემს სრულუფლებიან წარმომადგენლობას აკადემიურ ფრონტზე“ ... (აბასთუმანი, 8.X 1936წ.).

წერილის ამ ფრაგმენტში ჩანს არა მხოლოდ პავლე ინგოროყვასადმი დამოკიდებულება მავანთა და მავანთა მხრივ, არამედ მისი დაუოკებელი სწრაფვა და ერთგულება არჩეული საქმისადმი.

საზღვარმიჩენილი სიამაყე და ბრძენის მყუდროება ახასიათებდა პავლე ინგოროყვას, შრომისმოყვარეობითა და ნაყოფიერებით გამორჩეული მოღვაწეობა, დახვეწილი ლიტერატურული გემოვნება და მსოფლიო პოეზიის, ქრისტიანული კულტურის სიღრმისეული ცოდნა, ამასთანავე, უცვლელი მოქალაქეობრივი პოზიცია და შემოქმედებითი პრინციპები.

ნამდვილი ადამიანური არსებობა ქვეყნისთვის, სიყვარულისთვის, სამართლიანობისა და სიკეთისთვის სამსახურის ნიჭია. ჩვენ ვალში ვართ ბატონი პავლეს წინაშე და დღევანდელი დღე მხოლოდ მცირე წვლილია მისი დაფასების გზაზე.

პაოლო იაშვილის ლექსად თქმული მოწოდება — „გვინდა გავმართოთ მხარე ქართული“ — ახლაც ინარჩუნებს აქტუალობას.



გიორგი ანდრიაძე, როსტომ ჩხეიძე, გიორგი ალიბეგაშვილი

ლევან ვასაძე

წერილი ქართველ მორაბგეებს

ვიდოდღია თუ შორის აჩრდილთა სიკვდილი-სათა, არა შემეშინოს მე ბოროტისაგან, რამეთუ შენ ჩემ თანა ხარ.

ფსალმუნნი, 22

დაეცნენ მარცხენით შენსა ათასეულნი და ბევრეულნი — მარჯვენით შენსა, ხოლო შენ არა მიგეახლნენ.

ფსალმუნნი, 90

ძნელია მეომართან ბრძოლამდე საუბარი. თუ თითო-ნაც მეომარი ხარ, გწყინს, რომ ძმას გვერდში ვერ უდგახარ. თანაც ფრთხილობ, საომრად გამზადებულ ვაჟკაცს რაიმე უადგილო არ უთხრა. ამავე დროს, თუ გულით გინდა ძმას შეენიო და თუ მართლა გსურს ბრძოლის ველზე მიმავალ ვაჟკაცს შენი გამოცდილება გაატანო, იქნებ მოვალეც ხარ ესაუბრო როგორც ძმა ძმას, უბრალოდ, ქარაგმების გარეშე.

ძმებო, ჩვენ უფალმა ისეთი ქვეყნის შვილებად გაგვარჩინა, რომელიც სულ გადასარჩენია და რომლის გადარჩენაშიც ჩვენ თითონვე გადავრჩებით სამუდამო სიცოცხლისათვის. და არასოდეს არა ჩანს თვალთ, თუ როგორ უნდა გადარჩეს ჩვენი სამშობლო და ჩვენც მასთან ერთად. და ყოველთვის უაზრობად ერჩვენება ეჭვიან თვალს ნებისმიერი ბრძოლა საქართველოსათვის. თუ კაცი მხოლოდ ლოგიკის თვალთ შეხედავ ნებისმიერ ჩვენს ბრძოლასა და ომს, რა აზრი აქვსო, იტყვი. რამდენია ასეთი მაგალითი.

არაბული ხალიფატებისა და საამიროების და თურქული სასულთნოების გაერთიანებული კოალიცია ხუთასწამოციათასიანი ლაშქრით რომ მოადგა დავით აღმაშენებლის საქართველოს, რა აზრი ჰქონდა წმინდა მეფისაგან მათს დახვედრას, თუნდაც სამოცდასამათასიანი ქართული ლაშქრით? მსოფლიო საომარი სტრატეგიის, ხომ არცერთ მატრიანეს არ ახსოვს ამისთანა მაგალითი, ძალთა ასეთი შეუსაბამობა, ასეთი უიმედო ბრძოლის დასაწყისი.

და რას აკეთებს ასეთ დროს დავითი? საკუთარი ხელით ახერგინებს ქართველთა ლაშქარს დიდგორის ველიდან უკან დასახევე გზას, რათა მეომრებმა თითონვე მოაწერონ ხელი გარდუვალ არჩევანს სიკვდილსა და გამარჯვებას შორის. როგორც დავითამდე ექვსასი წლით ადრე დიდი ვახტანგ გორგასალი თექვსმეტი წლის ასაკში სამშობლოს გასათავისუფლებლად განმზადებული ეტყოდა ერს, სიკვდილი გვიჯობს ამგვარ სიცოცხლესო, ასე აყენებს დავითი საკუთარ თავსა და ლაშქარს ამ მწარე სიმართლის წინაშე. და რამდენი ეჭვიანი და ვითომ ჭკვიანი მრჩეველი ეტყოდა დავითს, რას შერები, დიდო მეფეო, უკან დასახევე როგორ გვიხერგავ, თუ ბრძოლა გავგიტყედა, ამდენ ვაჟკაცს როგორ ღუპავ, გაიქცენ, თავს უშველონ, დაბა-სოფლებს დაუბრუნდნენ, ხელში გუთან

* სიტყვა თქმული ბორჯღალოსნებთან მათი ახალ ზეღან-დაში მსოფლიო თასზე გამგზავრების წინ (ისსუარ, კლერმონ ფერა, საფრანგეთი, 2011 წლის 10 აგვისტო)

აილონ, ცოლ-შვილს მიხედონ, ჯილაგი შეგვიწარჩუნონ, სამშობლო აალორძინონო.

და რა ვიცი თუ კიდევ რამდენ ასეთ, თითქოსდა სარწმუნო აზრს ეტყოდენ მრჩეველები მეფეს.

მაგრამ ღმრთივ განბრძნობილი დავითი თავად იყო უმაღლესი გონებით გასხივოსნებული მბრძანებელი, რადგან მისი აზროვნება მხოლოდ მისი ბრწყინვალე ტვინის ნაცოფი კი არა, მისი ცხელი გულით ჭვრეტის შედეგაც იყო. გულის გონების უხილავი თვალთ დავითმა დაინახა, რომ უკან დასახევე გზის ჩახერგვით ის ტკილად ამწარებდა ქართველი მეომრის სულს, უძმიძესი მორების, ლოდებისა და ურმების თრევისას საკუთარ ცოლ-შვილსა და დედ-მამას ახსენებდა, ნატვრაში აცრემლებდა, ბრძოლაზე ფიქრში ოფლს ადინებდა და ამგვარად მეომრის სხეულსა და სულში მისთვისვე ჯერ უცნობ და მანამდე არნახულ ძალის ნაკადებს აღვიძებდა, საშინელსა და დამანგრეველს მტრისათვის და სამაგალითოს თითოეული ჩვენთაგანისათვის.

ამიტომაც ხევის ჩახერგვით მოთელილი ჯარი დაღლილი კი არა, საკუთარი სიმხნევით გაცოცხლებული მოუბრუნდა გასუსულ მტერს, სიმშვიდის უხილავი ნიავეთ ატანილმა სიჩუმეში გასინჯა ხუთი თითივით ნაცნობი აბჯარი, სიყვარულით დაიჩოქა უფლისა და საყვარელი მეფის წინაშე და მაღლიერმა დაღო ფიცი — ან დაელენა მახინჯი მტერი, ან კი მისკენ სახით მდგომი დაცემულიყო.

საკუთარ რიცხობრივ უპირატესობაში დარწმუნებულმა მტერმა, სიამოვნებით რომ ისრესდა ხელეხს სისხლის სმისა და მერე უპატრონოდ დარჩენილი ქვეყნის გაუპატიურების ავხორც მოლოდინში, არც იცოდა, რომ მუხლიდან წამომდგარი ქართველთა ჯარი უკვე აღარ იყო სამოცი ათასიანი, ის იყო სამოცჯერ სამოცი ათასიანი და დიდგორის ბრძოლის ბედი უკვე გადანყვეტილი გახლდათ.

მაგრამ მხოლოდ გრძნობით აღტაცების იმედზე როდი იყო დავითი. რაც შეეხება ბრძოლისათვის წინასწარ სამზადისს, არ დარჩენილა არცერთი საბრძოლო წვრილმანი, სტრატეგიული თუ ტაქტიკური, არცერთი უმნიშვნელო საკითხიც, რომელიც დავითს და მის მხედართმავრებს წინასწარ არ გაეთვალათ.

იქ იყო ბრძოლის მოულოდნელი დასაწყისიც, რომელიც ვითომ მოლაღატე და ვითომ მტრის მხარეზე გადასულმა ჩვენმა ორასიოდე მეომარმა ააფეთქა კოალიციის შუაგულში შესვლისას, სულთნისა და მისი მხედართმავრების უმაღლვე ჩახოცვითა და მტრის ელდანაცემი ელიტარული შენაერთის ამოწყვეტით.

იქ იყო ჩვენი თავგანწირული გმირების ამოხოცვით (იმთავითვე, რომ დიდ სისხლად დაუჯდა მტერს) ვერ გამძღარი და გამწარებული მტრის მიერ შურისსაძიებლად ვინრომი დაუფიქრებლად შემოვარდნა, სადაც უმაღლვე შემცირდა მისი რიცხობრივი უპირატესობა.

იქ იყო — იმ ვინრომი აღმართში შემდგარ და დაბნეულ მტერზე ჩვენი მხედრობის გრიგალივით თავქვე იერიში, რომელმაც მენყერივით დამარხა კოალიციის ავანგარდი.

იქ იყო დიდგორის ველის ნიადაგისათვის საგანგებოდ ნავარჯიშები ქართველთა ცხენების უპირატესობა მოძრაობისას და ქართველი მხედრების უცნაური, ოდნავ მხარშექცეული ჯდომა უნაგირზე, რაც მათ უხერხულ სამიზნედ ხდიდა მტრის ხმლისა და ისრისათვის.

და იქ იყო არაბ-სელჩუკთა უმთავრესი ცბიერი ხრიკის ჩაშლა: ქართული ჯარის ზურგიდან შემოსავლელად გაგზავნილი მტრის კავალერიის ჩახერგილ ხევთან ხელოვნურ ქვათაცვენაში მოყოლა და მერე ჩვენი მთიელთა შენაერთის მიერ მათი ჩახოცვა.

რაც კი რამ ეფიქრა მტერს, ის დავითის ჯარს უკვე ნამოქმედარი ჰქონდა და, კაცმა რომ თქვას, სულთანს რომ წარმოედგინა, რამდენად უფრო ზედმიწევნითი იყო დავითის სამზადისი ბრძოლისათვის, ჭკუა რომ ჰქონოდა, ბრძოლამდე უნდა გაქცეულიყო საქართველოდან. ახლა კი გვიანლა იყო ყველაფერი, არამარტო ბრძოლამდე დაღუპული სულთნისათვის, არამედ მისი უზარმაზარი ჯარისათვისაც.

გატყდა ჯოჯოების ნახევარმილიონიანი ზღვა, შეტორტმანდა მახინჯი გოლიათი და დაიწყო დაცემა და ფრიად დიდი იყო დაცემა მისი. მიწას გაჰქონდა ზღართანი, საცოდავად დაიქსაქსა, „აღლა-აღლა“-ს ძახილით აყმუვლდა უკიდევანო ველი, დაიპნა ქვიშასავით ერთ დროს უძლეველი ლაშქარი, გაიქცა ვაი-ვუის ძახილით, მაგრამ სად გაიქცეოდა. არა მხეცური სისასტიკით, არამედ წინასწარ გაცნობიერებული მწარე აუცილებლობის გამო, დავითის რისხვა გაქცეულებსაც დაატყდათ თავს. ეს არ იყო არც ქრისტიანული სულგრძელობის ნაკლოვანება, არც უგონო ბრაზით ფლეტა. ეს იყო ცივი გონებით ბრძოლამდე მიღებული მძიმე ზნეობრივი გადაწყვეტილება, ნაკარნახევი აუცილებლობით და ცოდნით იმისა, რომ თუ მტრის ამოდენა ლაშქარს ცოცხალს გაუშვებდა დავითი, ის აუცილებლად დაბრუნდებოდა უფრო გაბოროტებული, უფრო გამოცდილი და ამიტომ უფრო საშიში ჩვენი სამშობლოსათვის. არა, ამის დაშვება როგორ შეიძლებოდა, ამით თვით დიდგორის ომს აზრი დაეკარგებოდა და ქვეყნისათვის საფრთხე კიდევ უფრო გაიზრდებოდა. არა, სინსილიანად უნდა ამოეძიკვა დავითს მტრისათვის საქართველოს ხელყოფის გაბედვის სურვილიც კი. ამიტომ დამარცხებული მტრის ბედიც წინასწარ გადაწყვეტილი ჰქონდა. ვინ იცის, რად დაუჯდა ქრისტიან მეფესა და ლომგულ მეომარს დამარცხებული მტრის არდანდობა, ან იქნებ ვიცით კიდევ, როგორ გალობდა შემდგომ ის სინანულით: „ჟამი რაი წულილთა და ხმელთა აღმოფშვინვათაი წარმოდგეს, ზარი მეფობისაი წარხდეს და დიდებაი დაშრტეს, შუებანი უქმ იქმნენ, ყუავილოვნებაი დაჭნეს, სხუამან მიიღოს სკიპტრიაი, სხუასა შეუდგენ სპანი, მაშინ შემინყალე, მსაჯულო ჩემო!“

ახლა კი ამის დრო არ იყო. ქართლ-კახეთის ჭაღლა-მინდვრებსა და შუკა-შარებზე, ტყვრებსა და ტაფობებში, ტყე-ღრეხა და ნათელ-ბნელში, კონსტანტინეს თქმისა არ იყოს, ჭყუკებივით იჭერდნენ დავითის მეომრები კოალიციის დარჩენილ შენაერთებს და მუსრს ავლებდნენ, რათა მომხდურებს, დამშუულთ და გაავებულთ, უკანა გზაზე, დიდგორის გამო დროებით უმამაკაცოდ დარჩენილი ჩვენი დაბა-სოფლები არ შეერყვნათ და ქალ-ბავშვი არ წაეხსათ.

აქაც ჩვენთვის საეულისხმოა არა დავითის ემოცია, რომელიც არც ყოფილა, არამედ მისი წვრილმანი დაგეგმვა-რება, წინასწარი ჭყრეტა და უზადო შესრულება გეგმისა.

დიდგორის ომში დავითის მხარეს მეტრძოლი იშვიათი ევროპელი ჯვაროსანთაგანი ნანახით გაოგნებული შემდგომ დაწერს: არავინ იცის, რა ბედი ეწოდა თანამედროვე ევროპას, რომ არა ერთ მილიონამდე დამპყრობელი ისმაილელი მეომრის დამარხვა ივერთა წმინდა მიწაში დავით მეფის მმართველობის დროსო.

დავითსა და მის სამზადისზე იმიტომ მოგვიყვით, რომ ჩვენ, მორაგბეები, ძალიან ზუსტი ხელობისა და ცხოვრების წესის ხალხი ვართ. დიახ, ხელობისა და ცხოვრების წესისა, რამეთუ ცხოვრების წესია რაგბი და არა სპორტი. წესი, რომელშიც კაცად იზრდები, მეომრის პატივისცემასა სწავლობ, თვითონაც მეომრობის საშუალება გეძლევა და უფლება გაქვს სამშობლოსა და მისი დროშისათვის ოფლის გარდა სისხლიც დაღვარო ძმებთან ერთად. და არის კი ქართველი ვაჟკაცისათვის მზის ქვეშ უფრო დიდი ბედნიერება, ვიდრე სამშობლოსათვის სისხლის დაღვრა? იქნებ ამიტომაც, რომ ქართველ მორაგბეებს — ყველაზე მცირეთ რიცხვითა და საშუალებით — მსოფლიოში ყველაზე მეტი წარმატება აქვთ მიღწეული ამ თავის რიცხვსა და საშუალებასთან შედარებით. რა არის ეს, თუ არა დასტური საუკუნოვანი ჭეშმარიტებისა, რომ თანაბარი საშუალების შემთხვევაში ვერავინ სჯობნის ქართველ მეომარს.

და იკამათონ ანი ისტორიკოსებმა მართლა წაიღეს თუ არა ბრეტანელმა მეზღვაურებმა მეცხრამეტე საუკუნის დასაწყისში, როდესაც ბრიტანეთის იმპერია ინდუსტრიალიზაციისა და გამოთავისუფლებული შრომის დროის წყალობით მსოფლიო სპორტის სავანედ იქცა, კოლხეთის დაბლობზე ნანახი ლელოს წესები და გადააკეთეს თუ არა რაგბის წესებად, როგორც თავის დროზე იასონმა მოიპარა ოქროს საწმისი კოლხეთიდან. რა მნიშვნელობა აქვს. ჩვენ ხომ ვიცით, რომ მარტო ქართულშია ზმნა „გატანის“ ასეთი ლამაზი მეტაფორული მნიშვნელობა, გამტანობა ვაჟკაცობისა და გუნდურობის სინონიმია, ერთმანეთის გატანა ლელოდან მოდის ქართულში. ჩვენ ხომ ვიცით, რომ ხალხურ ტრადიციაში ლელო მარტო ჩვენი თამაშია და რომ ნებისმიერ შემთხვევაში ჩვენ მხოლოდ უნდა ვუმადლოდეთ ბრიტანელებს რაგბის თანამედროვე სპორტად ჩამოყალიბებისა და მთელს მსოფლიოში გავრცელებისათვის. სწორედ ამის შედეგად მოგვეცა საშუალება ჩვენი ეროვნული სულისათვის ყველაზე ბუნებრივი და ორგანული სპორტის სახეობაში ბრძოლისა და დროშის ღირსების დაცვისათვის თავდადებისა და სისხლის ღვრისა.

მაგრამ სისხლის ღვრაცაა და სისხლის ღვრაც. თუ მეომარმა ბრძოლამდე წვრთნაში არა ღვარა ოფლიცა და სისხლიც, თუ აბჯარი და გული არ გაიმარგრა, რა აზრი აქვს ასეთ ბრძოლას? გულთგონიერი მეომარის ყოველ ვარჯიშსა და ყოველ წვრთნაზე სტოვებს სულსა და გულს, ბოლომდე ეძლევა თავგანწირვას, საკუთარ თავს ივიწყებს და ამ თავდავინყებაში იბადება მეომრად. ტკივილს არ გაურბის მეომარი, პირიქით, ტკივილს ეძებს, აქ მოდიო, ეუბნება, უნდა მიგეჩვიო, რომ აღარ მტკიოდე ბრძოლისასო. დაღლისა რცხვენია მეომარს, როგორც ცუდი სახელისა, დაღლას ებრძვის: ოღონდ შენ არ დამენახო და მთელი დღე ვივარჯიშებო.

წვრთნისას მეომარი ცდილობს ისე დაეუფლოს საკუთარ სხეულსა და საომარ ხელობას, რომ ბრძოლის დროს

ტკივილსა და დაღლას კი არ უსმენდეს, არამედ — საკუთარ გონებას, არეულ სუნთქვას კი არ აბინდებინებდეს თვალს, არამედ სიმშვიდით უცქერდეს ბრძოლის ველს და ხედავდეს იმას, რასაც ალელვებული მონინალმდეგე ვერ ხედავს. დრო მოკავშირეა მეომრისა. სასტიკი და დაულაღვი წვრთნით მეომარი იმას აღწევს, რომ მისი გულიცა და მაჯაც უფრო ნელა ძგერს, რაც ნიშნავს, რომ დრო ასეთი მეომრისათვის უფრო ნელა მიედინება, ანუ მეომარი დროის მონაკვეთში უფრო მეტს ასწრებს, ვიდრე მონინალმდეგე, ანუ ის უფრო სწრაფი და ამტანია მონინალმდეგეზე. ბრძოლის დროსთან კი მეომარს ერთი მიდგომა აქვს: უსმენს, მაგრამ არ ღელავს მასზე. ყოველ წამს მეომარი ბოლომდე თავის საქმეს აკეთებს და, ბოლოს რაც მოხდება, მოხდესო, — ფიქრობს.

როდესაც მეომარი ბრძოლის წინ სარდალს უსმენს, მას არაფერი გამოუპარება და არაფერი დაავიწყდება მისთვის ნათქვამიდან. ის მოსმენილს საკუთარ ნაზრევს ადარებსა და უთანხმებს, საკუთარ აზრს სარდალის ბრძანებას უმორჩილებს. მეომარმა იცის, რომ იგი წყობის ნაწილია, რომ „მე“-ზე ბევრია „ჩვენ“, რომ ის, თუ საქროა, უნდა დაეცეს, რათა დრომა წინ წავიდეს.

მეომარი მუდამ ბრძოლისათვის მზადებაშია, მაშინაც კი, როდესაც არ ვარჯიშობს. კვებაში ძუნწია მეომარი, გაძლომას სიმსუბუქე ურჩევნია. სიტყვაში ძუნწია მეომარი, მისი სათქმელი ბრძოლის ველზე ითქმის. ბრძოლის ველს გარეთ მეომარი დინჯია, ლაზღანდარას არ აყვება, შეურაცხყოფელს აპატიებს, თავდაუჯერებელს გაეცლება. ღვინო და სუფრის წესი უყვარს ქართველ მეომარს, მაგრამ ღრეობა, ხორხოცი და ზედმეტი თრობა — არა. მისი მრისხანე სახის მიღმა მისი თბილი გულია, რადგან ზრუნვა ჰქვია მის ხელობასა და ცხოვრების წესს. ბავშვთან თამაშისას თითონაც ბავშვად იქცევა მეომარი, ერთგულ ცოლს კი მასთან ყოფნას არაფერი ურჩევნია. მშობელი ამაცობს მეომარი შვილით, მამა ხარობს მისი ჯიშის მძლეობით, თუმცა შვილს არ უმხელს ამას ბოლომდე. დედა კი დარდობს მასზე, მაგრამ არც ის უნდა, რომ თავისი დაჰკავი დაჯაბნილი ნახოს.

ძილში მეომარი ფრინავს გადახდილ ბრძოლათა ხილვებში, ხარობს ვალმოხდილი, ზოგჯერ წუხს კიდევ ვერ შესრულებულ საბრძოლო ამოცანებზე, ესიზმრება, რომ სადღაც ვერ მიახრო, რაღაც გამორჩა. მაგრამ წუხილი და ეჭვი ძილს ვერ აურევს მეომარს, მეომარს მშვიდი ძილი სჭირდება, ცოტა მაინც.

ყველაზე უფრო მეომარს ძმის ნაქცევა სწყინს, მისი დაჩაგვრა, მისი ვერდაცვა, მისი დროშის ვერატაცება, მისი დროშის მტრის ხელში ჩავარდნა. მტრის იერიშის დროს

ბრდღვინავს მეომარი, სასტიკად ეძგერება მომხვედურს იქ, სადაც ბრძოლის ველი აბარია, რათა ბრძოლის დინება წაღმა მიაქციოს და მონინალმდეგე აოტოს.

ყველაზე უფრო მეომარს ძნელად მოსაგები ბრძოლა უყვარს. მისი მოხდისას მეომარი საკუთარ შესაძლებლობათა ზღვარს მიღმა იბრძვის, ბრძოლის ველს მესამე თვალთ სჭვრეტს, ძმისა უსიტყვოდ ესმის, წამების შიგნით ზომავს დროს, მილიმეტრების შიგნით ზომავს მანძილს, წინასწარმეტყველებს, წინასწარ ჭვრეტს, წინასწარ სუფევს, სიჩქარეს აჩქარებას ამჯობინებს, ცუდ შეტევას — კარგ დაცვას, დაყოლიებას — აყოლიებას. ძნელად მოსაგები ბრძოლისას მეომარი



საქართველოს მორაგბეთა ნაკრები

პოეტი ხდება, გულისთქმით მოქმედებს და მშვენიერებასა ჰქმნის. მშვენიერი ბრძოლისას დამსხვრეული მეომარი ტკივილს აღარ გრძნობს, სრულიად ვალმოხდილი ყუჩობს, განბანილი, ცოცხალი ან გარდაცვლილი სიმშვიდის ბაღში სუფევს, აუხსნელი სიხარული ჩაესმის იადონის გალობად, დათუთქული ქუთუთოების მიღმა უხლებ სივრცეში სჭვრეტს სიფაქიზეს აყვავილებულს ბრონეულეზად და მიმოფანტულს მშობლიური ქედების ქვეშ დაღვრილ ჭალებში. მშვენიერ ბრძოლამოხდილი მეომარი ბედნიერია, მრთელია ის თუ დამსხვრეული, რადგან იცის, რომ აღარაფერი მართებს

ძმისა და სამშობლოსა. და ეს განცდა სიმსუბუქისა, ვალმოხდისა, ათავისუფლებს მეომარს ნებისმიერი სიმძიმისა და ტვირთისაგან, ნებისმიერი ცუდი სიზმრისაგან.

ასეთი ბრძოლის მომხდელი მეომარი იმ თავის წინაპრებსა ჰგავს, რომელნიც სამშობლოსათვის ომში ნასულნი ვაზის ლერწიან გუდას იკიდებდნენ ზურგზე, რადგან იცოდნენ, რომ ბრძოლაში დაცემის შემთხვევაში თუ ძმები ვერ დაასაფლავებდნენ, მაშინ მათი სხეული დედა სამშობლოს შეეზრდებოდა და მისით განაყოფიერებულ ნიადაგზე ნაჭრის გუდიდან კეთილი ვაზი გაიზრდებოდა. მოოხრებულ და უპატრონო ბრძოლის ველზე კი მრავალრიცხოვნებისა და არა სიმამაცის გამო ცოცხლად დარჩენილი ობობების ნაწილი სასტიკი სიამოვნებით იფიქრებდა, რომ დაობლებული და დაქვრივებული ქალ-ბავშვის ამარაღა სტოვებს ბრძოლის ველს, და რომ ის ერთი მუჭა ხიზანის შვილები, რომელნიც სისხლისმსმელთა უნამუსობასა და მონობას სასწაულად გადაურჩნენ, ვერ აუვიდოდნენ ამდენი მეომრის დასაფლავებას. და ეს ასეც იყო. ოლონდ ვითომ გამარჯვებით ნასული ობობები ვერა ხვდებოდნენ, რომ ზურგს უკან სიკვდილის ველს კი არა, მშვენიერ ვენახსა ტოვებდნენ, რომელიც ქვრივებ-ობლებს სამი წლის მერე ნიშანს მისცემდა, აქა ვართო, არსად ნავსულვართო, ისევ ვბრუნდებითო. და კიდევ ერთი წლის მერე მოსავალს მისცემდა ვენახი ქვრივ-ობლებს.

იმ რთველში, უკვე მომაგრებული ბიჭი მუშაობისას მამის მარჯვენას გაიხსენებდა, ჩვილობისას პირდაღებული, რომ შესცქეროდა ქვევიდან, მისნაირად აღილინებოდა და გამზრდელ დედას მადლიერი ეტყოდა:

შენ ხარ ვენახი, ახლად აღყვავებული, მორჩი კეთილი, ედემში დანერგული, ალვა სულნელი, სამოთხით გამოსრული, ღმერთმან შეგამკონ, ვერვინა გჯობს ქებული და თავით თვისით მზე ხარ გაბრწყინებული.

ვენახიც კეთილად და მადლიერებით შეისმენდა თავისი ერთხორცი შვილის ამ გალობას და სიმშვიდეს აჩუქებდა მას, რომელი სიმშვიდითაც თავად შეჰყოლია ბრძოლაში მამას ზურგზე აკიდებული, რადგან იცოდა, რომ ლომგულის ზურგს ვერც მტერი ნახავდა და ვერც ჭრილობა, და რომ მისი დაცემის შემთხვევაში ვაზი უვნებელი დაუბრუნდებოდა მინას, რათა მეომრის სიკეთე გაეცოცხლებინა.

თუ უფალმა კაცი მეომრად აირჩია, აწი იმ კაცის ასარჩევია, როგორი მეომრობა სურს თავად მას. უდარდელი, დაუდევარი, უვარჯიშებული, ლაზღანდარა და ზომავზე მეტად ხუმარა და ამის შედეგად — სუსტი, არასანდო და ჯაბანი, თუ შეკრული, ბრვე, ერთდროულად კუშტი და ლალი, მამაცი და სანდო, მძლე და სულგრძელი, და ერთდროულადვე უღმობელი და მხიარული?

და როგორ სურს ბრძოლის ველზე გასვლა: მომზადებულს თუ მოუმზადებელს, საშიშს თუ მოშიშარს?

და როგორ სურს თავისი მეომრული ვალის მოხდა: უგულოდ და უხალისოდ თუ სიმღერითა და ნიავ ნაკრავი სიხარულით?

ამიტომ, ძმებო, ვიდრე მორიგ ბრძოლაზე გავიდოდეთ, თუნდაც თითქოს ჩვენზე ძლიერ მონინააღმდეგესთან, ერთი რამ ვკითხოთ საკუთარ თავს: როგორი მეომრობა გვსურს ჩვენ? და თუ ქართველური სისხლისანი ვართ, დავინახავთ, რომ უსულგულოდ და უსუსურად ბრძოლა შეურაცხმყოფელია ჩვენთვის. და რადგან ასეა, გავიხსენოთ ჩვენი წინაპარი მეომრები, რომლებიც ჩვენზე ბევრად დიდ გამირობას სჩადიდნენ ჩვენთვის, რადგანაც იცოდნენ, რომ მეომარი ერთხელ ცხოვრობს ამ ქვეყანაზე, ერთი სამშობლო აქვს, ერთი ღირსება და ერთი ოჯახი ჰყავს, რომელიც მან უნდა დაიცვას, გაახაროს და არ შეარცხვინოს და... მადლობა ღმერთს ამისათვისაც.

ხალიდ ალ ხამისი

ტაქსი



ღმერთო ჩემო!.. რამდენი წლის არის ეს მძლოლი, ან ეს მანქანა? თვალებს არ ვუჯერებდი, როცა მის გვერდით დავეჯექი... სახეზე იმდენი ნაოჭი ჰქონდა, რამდენი ვარსკვლავიცაა ცაში. ყოველი ნაოჭი მომდევნოს აწვევოდა და ეგვიპტურ სახეს ქმნიდა. მაჰმუდ მუხთარის! გამოქანდაკებული სჭავდა. ხელები, რომლებითაც საჭე ეჭირა, დაჭიმული ჰქონდა. გამობერილი ვენები შევნიშნე. ვენებმა არხები მომაგონა,

მშრალ მინას ნილოსის წყლით რომ ასაზრდოებს. მძლოლს ოდნავ გააფრუოლა, მაგრამ მანქანა არც მარჯვნივ გადახრილა, არც — მარცხნივ, პირდაპირ განაგრძობდა სვლას. თვალებიდან შინაგან სიმშვიდეს აფრქვევდა და საკუთარი თავის რწმენით გვავესებდა მე და მთელ სამყაროს.

მხოლოდ მის გვერდით ჯდომით, იმ საოცარი ძალის მეშვეობით, რომელსაც ასხივებდა, ვიგრძენი, რომ ცხოვრება მშვენიერია. ჩემი საყვარელი ბელგიელი პოეტი, ჟაკ ბრელი გამახსენდა. როგორ ცდებოდა, როცა ამბობდა, დაბერებას სიკვდილის ნებისმიერი ფორმა სჯობსო. მძლოლის გვერდით ჩემს ნაცვლად ბრელი რომ მჯდარიყო, ამ ლექსს საკუთარი ხელით წაშლიდა.

- ალბათ, დიდი ხანია მძლოლი ხარ. — ვუთხარი მე.
- 1948 წლიდან — მიპასუხა.

ესე იგი, ამ საქმეს თითქმის 60 წელია ემსახურება. ვერ გავბედე მეკითხა, რამდენი წლის იყო, მაგრამ მისი საქმიანობის შესახებ ვკითხე:

- რა გამოცდილება მიიღე ამ ხნის განმავლობაში, რაც შეგიძლია, სხვას გაუზიარო? აი, მაგალითად, მე რა შეიძლება ვისწავლო შენგან?
- შავი ჭიანჭველა, შავ კლდეზე, კუნაპეტ ღამეში, ღმერთს მინდობილი, — მიპასუხა.
- რას გულისხმობთ?
- მოგიყვები, ამ თვეში რა შემემთხვა და მიხვდები.
- გისმენთ.
- ათი დღე სერიოზულად ვიავადმყოფე, სანოლიდან ვერ ვდგებოდი.

ღარიბი ვარ, ძალიან ხელმოკლედ ვცხოვრობთ. ერთ კვირაში შინ ერთი კირშიც² აღარ გვექონდა. მე ეს ვიცოდი, მაგრამ ცოლი ცდილობდა ჩემთვის დაემალა. — რა უნდა ვქნათ? — ვკითხე ცოლს. — ყველაფერი კარგად არის, აბუ ჰუსეინ. — მიპასუხა მან, თუმცა მეზობლებთან დადიოდა საქმლის სათხოვნელად. ჩემს შვილებს საკუთარი პრობლემებიც ჰყოფნით, — ერთმა შვილების ნახევარი დააქორწინა და დანარჩენს ვერ აქორწინებს, მეორეს ავადმყოფი შვილიშვილი ჰყავს და საავადმყოფოდან საავადმყოფოში დარბის. იმიტომ გეუბნებით, რომ მათ ვერაფერს ვთხოვ. პირიქით, მე უნდა ვეხმარებოდე.

ათი დღის შემდეგ ცოლს ვუთხარი, სამუშაოდ უნდა წავიდე-მეთქი. დაიჟინა, შინ დარჩი, არ წახვიდე, მოკვდებიო. სიმართლე რომ გითხრათ, ძალიან დასუსტებული კი ვიყავი, მაგრამ სხვა გზა არ მქონდა. ცოლს უწყინარი ტყუილი ვუთხარი — სული მეხუთება, ერთი საათით ჰკერზე გავალ, ყავახანაში დავეჯდები-მეთქი. გავედი, მანქანა დავექოქე და ღმერთს წყალობა ვთხოვე... მანქანით ვიარე, ვიდრე ორმანის ბალებთან გაფუჭებულ პეჟო 504-ს გადავეყრებოდი. მძლოლმა ხელი დამიქნია. გაფუჭრე. მოვიდა და შემომთავაზა მისი მგზავრი აეროპორტში წამეყვანა, რადგან მანქანა გაუფუჭდა. ხედავ ღვთის განგებას? მას ახალთახალი პეჟო 504 ჰყავდა და გაუფუჭდა! ვუთხარი, წავიყვან-მეთქი.

ხალიდ ალ-ხამისი თანამედროვე ეგვიპტელი მწერალი, ჟურნალისტი და პროდიუსერია. დაამთავრა კაიროს უნივერსიტეტის პოლიტოლოგიის ფაკულტეტი. „ტაქსი“ მისი პირველი წიგნია, რომელიც 2006 წელს გამოიცა და მაშინვე პესტსელერად იქცა. ეს არის ეგვიპტურ დიალექტზე დაწერილი პირველი წიგნი, რომელმაც წარმატებას მიაღწია — ერთ წელიწადში 7-ჯერ გამოიცა და მხოლოდ ეგვიპტეში 75 ათასზე მეტი ეგზემპლარი გაიყიდა, და ეს იქ, სადაც 3 ათასის გაყიდვა უკვე წარმატებად ითვლება.

„ტაქსი“ 58 ამბის კრებულია, კაიროელ ტაქსის მძღოლთა საუბრის ჩანაწერები, რომლებიც მწერალმა ტაქსით მგზავრობის დროს შეკრიბა. ყველა მძღოლი ძირითადად ერთსა და იმავე, სოციალურ-პოლიტიკურ საკითხზე საუბრობს თავისი გადასახედინიდან: ბიუროკრატია, რომელსაც ყოველდღიურ ცხოვრებაში აწყდებიან, კორუფცია და უკიდურესი სიღარიბე... წიგნს, მკითხველის ინტერესის გარდა, არც კრიტიკის დადებითი შეფასება მოკლებია: „ახალი ლიტერატურული ვარსკვლავი არაბული სამყაროდან“, „წიგნი, რომელმაც ამბოხება იზინასწარმეტყველა“, „საზოგადოების და მთავრობის კრიტიკის გამაოგნებელი ნაზავი ყოველდღიურ ცხოვრებასთან“... „ტაქსი“ 10-ზე მეტ ენაზეა თარგმნილი.

მგზავრი ჩამიჯდა. ომანელი არაბი აღმოჩნდა, სულთან კაბუსის სასულთნოდან. მკითხა, რამდენად წამიყვანო, ვუთხარი, რამდენსაც გადამიხდი-მეთქი. რამდენსაც მოგცემ, ყაბულს ხარო? ვუთხარი, კი-მეთქი.

გზაში გავარკვიე, რომ სატვირთო დეპოში მიდიოდა საქონლის განსაბაჟებლად. ვუთხარი, იქ ჩემი შვილიშვილი მუშაობს და განბაჟებაში დაგეხმარება-მეთქი. მივედი და მართლაც ჩემი შვილიშვილი მორიგეობდა. წარმოიდგინე! ხომ შეიძლებოდა იმ დღეს მორიგე არ ყოფილიყო! განვაბაჟეთ, რის განბაჟებაც უნდოდა, და უკან, დოკიში წავიყვანე. — რამდენი გადავიხადო? — მკითხა.

ვუთხარი, ისე მოქცეულიყო, როგორც შევთანხმდით. 50 ფუნტი მომცა. გამოვართვი, მაღლობა გადავუხადე და მანქანა დავექოქე.

— კმაყოფილი ხარ? — მკითხა მან. ვუპასუხე, რომ კმაყოფილი ვიყავი.

შემდეგ მითხრა:

— მისმინე, მეგონა, ბაჟი 1400 ფუნტი იქნებოდა მე კი 600 გადავიხადე. ეს 800 ფუნტის განსხვავებას იძლევა, ალალი იყო შენზე! ამას დამატებული 200 ფუნტი, მგზავრობის საფასური. ეს — ათასი ფუნტი. და ორმოცდაათიც, ჩემგან, საჩუქრად!

— ხედავ, ბატონო? ერთი მგზავრის მომსახურებამ 1000 ფუნტი მაშოვნინა. შეიძლებოდა, ერთი თვე მემუშავა და ამდენი ვერ ამელო. ღმერთმა შინიდან გამომიყვანა, პე-ჟო 504 გააფუჭა და ყველაფერი ილონა, რათა დამხმარებოდა. ეს ფული მე არ მიშოვია, ღმერთმა მიწყალობა. ესაა ერთადერთი, რაც ცხოვრებაში ვისწავლე.

ტაქსიდან დანაწებით გადმოვედი. სიამოვნებით დავრჩებოდი მასთან ერთად, მაგრამ, სამწუხაროდ, შეხვედრა მქონდა. შეხვედრა — ასევე, არსებობისთვის ბრძოლის შემადგენელი ნაწილი.

* * *

ქიფაიას³ ოპოზიციური მოძრაობის პირდაპირი სოციალური „ეფექტი“ დემონსტრაციის დღეებში ეგვიპტის ქუჩებში მაზანდის მატებაა. მაზანდაში ტაქსით მგზავრობის საფასურს ვგულისხმობ. მრიცხველი დიდხანია გადმონაშთად იქცა, — მანქანას ალამაზებს და მძღოლის გვერდით მჯდომ მგზავრს შარვალს უხევეს.

იმ დღეს დოკიში ვიყავი, მონადირეთა კლუბის ქუჩაზე, ქალაქის ცენტრში უნდა წავსულიყავი, ტაქსი მჭირდებოდა. ხელს რომ ავნევი და „ცენტრს“ დავიძახებდი, მძღოლი ხელს აიქნევდა და გზას განაგრძობდა. უცნაური რეაქცია იყო. ავადმოსაგონარი 80-იანი წლები გამახსენდა, როცა ალი ბაბას განძს უფრო იოლად იპოვიდი, ვიდრე თავისუფალ ტაქსის. საკმარისია, იმდროინდელ კარიკატურებს

გადახედოთ, ნახავთ მრიცხველზე გადაფარებული „ყვითელი პირსახოცი“ დატანჯულ მგზავრებს. ღმერთო, ნუ დააბრუნებ იმ დღეებს! ახლა ერთი წუთიც არ არის საჭირო, რომ უამრავი მანქანიდან შენი მოსაწონი ტაქსი შეარჩიო. დღევანდელი დღე გამოწკლისია.

როგორც იქნა ტაქსის ერთმა მძღოლმა მოწყალეობა მოილო და გამიჩერა. შვიდი ფუნტი მომთხოვა.

— რატომ? — აღმომხდა მე.

— საპროტესტო გამოსვლაა. მთელი ქვეყანა თავდაყირა დგას. ერთი საათი დამჭირდება, ვიდრე ცენტრში მიგიყვან. შვიდი ფუნტიც არ კმარა, ათზე ნაკლებად არ წავიყვან! — დიდხანს რომ არ გავაგრძელო, ათი ფუნტის გადახდას დავთანხმდები იმაში, რაშიც, ჩვეულებრივ, სამ ფუნტს ვიხდი.

მოძრაობა მართლა შეუძლებელი იყო. მანქანები ერთმანეთთან ახლო-ახლოს იდგა. მთელი ქუჩა ისე გადაჭედლიყო, მოძრაობა ოდნავადაც ვერ მიინევდა წინ. თითქოს უზარმაზარ გარაჟში დაგვატყვევეს.

— რა ხდება? — ვიკითხე მე.

— საპროტესტო გამოსვლაა, წარმოდგენა არ მაქვს, რატომ? ორასამდე დემონსტრანტია შეკრებილი, ბანერებით. მათ გარშემო ორიათასი რიგითი პოლიციელი და ორასი ოფიცირია. ყველაფერი გადაკეტილი აქვთ სამხედრო მანქანებით. — ასეთი „ხალხმრავლობა“ მხოლოდ ორასი დემონსტრანტის გამოა?

— დემონსტრაციის? ეს რა დემონსტრაციაა? იყო დრო, ორმოცდაათი ათასი გამოვდიოდით, ასი ათასიც! როგორ ფიქრობთ, რამდენი ადამიანი გამოვა ქუჩაში იმის დასაცავად, რაც არ ესმის? მთავრობა შეშინებულია, მუხლები უკანკალებს, სულის ერთი შებერვა და, ღმერთმანი, დაეცემა. დაცემული მთავრობა... (ხმამალლა იცინის)

— მთავრობას ფეხები სჭირდება?

— მთავრობა რა შუაშია? უსაფუძვლო სიამაყით კი არის გაბერილი, მაგრამ პრობლემა მაინც ჩვენშია.

— ეს როგორ?

— იცით, როდის დაიწყო დასაწყისის დასასრული?

— როდის?

— 18 და 19 იანვარს.

პასუხმა ძალიან გამაოცა. ტრადიციულ პასუხს ველოდი. 18 და 19 იანვარი რალაც ახალია. ნეტა იცის ამ მძღოლმა, რომ ის დემონსტრაციები, რომლებსაც პრეზიდენტმა სადათმა⁴ „ქურდების აღზევა“ უწოდა, სწორედ 18 და 19 იანვარს მოენწყო, 1977 წელს? არ ვიცი, რატომ, მაგრამ ვკითხე:

— რომელ წელს?

— 70-იანებში, დაახლოებით 1979 წელს, — მიპასუხა მან.

— რატომ იყო ეს დასასრულის დასაწყისი?

— ბოლო სერიოზული დემონსტრაციები იყო ქუჩებში. 1960 წელს ბევრი საპროტესტო გამოსვლა მოვანწყევთ,

1970-იანებშიც. 1973 წლამდე დემონსტრაციები საკმაოდ ხშირი იყო. სადათის შემდეგ, ღმერთმა დანყველოს, სადაც უნდა იყოს, გამოიცა დეკრეტი, რომელმაც ყველაფერს ფასი დაადო. ქვეყანა თავდაყირა დადგა. ხალხს ესმის პოლიტიკა, ამიტომაც გამოვიდა ქუჩაში და აიძულა სადათი თავისი სიტყვები უკან წაეღო. სადათს შეეშინდა და ასუანში გაიქცა. თუ საბოლოოდ ჩამოაგდებდნენ, სუდანში გაქცევას აპირებდა, — მხდალი! ღმერთო ჩემო, იმ დღეს ნებისმიერს შეეძლო ძალაუფლების ხელში აღება, მაგრამ ეს ნებისმიერიც კი არ გამოჩნდა! მხოლოდ სანყალი ხალხი, რომელიც ფასების შემცირებას მოითხოვდა!

აბდ ელ-ნასერის^დ დროსაც მოვანყვეთ დემონსტრაციები, რომლებმაც ნამდვილად იქონია დადებითი გავლენა, მაგრამ მოულოდნელად იგი ჩვენს რიგებში აღმოვაჩინეთ, თაჰრირის მოედანზე, არც ასუანში გაქცეულა და არც შინ.

— მაინც ვერ ვხვდები, რატომ იყო 18 და 19 იანვარი დასასრულის დასაწყისი? — შევანყვეტინე მე.

— მთავრობა მიხვდა, რომ დემონსტრაციები მათთვის სერიოზული საფრთხეა. 18 და 19 იანვარი რევოლუციის დასაწყისი იყო, რომელიც ჯერ არ დასრულებულა. იქიდან მოყოლებული, მთავრობამ ჩვენში შიმშილის შიში დათესა. შიმშილის შიში აიძულებს ყველა ქალს, მაგრამ მოეჭიდოს ქმარს მკლავზე და სთხოვოს, — არ ნახვიდე, ბავშვები დაგვეხოცებინან! შიმშილის შიში დათესეს ყველა ეგვიპტელის გულში, ტერორი, რომელიც აიძულებს ადამიანებს, მხოლოდ საკუთარ თავზე იფიქრონ. სწორედ ამიტომ იყო 18 და 19 იანვარი დასასრულის დასაწყისი.

ნამდვილად დასასრულის დასაწყისი იყო 18 და 19 იანვარი? რა არის ის დასასრული, რაზეც მძლოლი ასე გულუბრყვილოდ და ასე გულწრფელად ლაპარაკობდა?

* * *

კინოთეატრ „გალაქსიდან“ გამოვედი. იუსრი ნასრ ალ-ლაჰის^ბ ბრწყინვალე ფილმი „მზის კარი“ ვნახე. ზედიზედ ორ სერიას ვუყურე. ამ არაჩვეულებრივი ნამუშევრით აღფრთოვანებული, ერთგვარი ეიფორიული ბედნიერების მდგომარეობაში ვიყავი. გული ამოვარდნას მქონდა. მეგონა, მიწიდან ხუთი სანტიმეტრის სიმაღლეზე დავდიოდი.

ალ-მანილის ქუჩაზე ტაქსი გავაჩერე და ჩაჯდომამდე ვუთხარი მძღოლს:

— ცენტრისკენ...

ყრუდ მიპასუხა:

— დაბრძანდით...

მანქანაში ჩავჯექი, კარი დავხურე, წინ გავიხედე და ტაქსის საქარე მინაზე ფილმის სცენა დავინახე. სული ჩემი მეგობრის, თამირ ქარავანის^ვ ლამაზი მუსიკით ამევსო. უცებ შევნიშნე, რომ მანქანა ადგილიდან არ იძვროდა, ჩვენ წინ კი გზა თავისუფალი იყო.

მძღოლს შევხედე. ღრმად ეძინა. არ ვიცოდი, როგორ მოექცეულიყავი — ჩავსულიყავი და მძინარე დამეტოვებინა? ცოტა ხნის ყოყმანის შემდეგ მხარზე ხელი მოვიკიდე. შეშინებულს გაეღვიძა. ხელები საჭეს წაავლო და მანქანა დაძრა.

— სად მიგიყვანოთ?

— ქალაქის ცენტრში.

მძღოლმა მომიბოდიშა, რომ ჩაეძინა. რამდენიმე წამის შემდეგ ვიგრძენი, მანქანა მარცხნივ უხვევდა. მძღოლს შევხედე. თვითონაც მარცხნივ გადახრილიყო. ისევ ეძინა.

შეშინებულმა შევყვირე. საჭეს ხელი წაავლე. მძღოლს გაეღვიძა და ხელმეორედ მომიხადა ბოლიში. მოვთხოვე, მანქანა გაეჩერებინა, რომ ჩავსულიყავი. დაიფიცა, აღარ ჩამეძინება, ცენტრში მშვიდობიანად მიგიყვანო.

იუსრის ფილმით აღფრთოვანება გაქრა. მღელვარება და ცუდმა წინათგრძობამ შემიპყრო. მართლაც არ გასულა რამდენიმე წამი, მანქანამ ისევ მარცხნივ დაიწყო გადახვევა, მძღოლის სხეული კი მარჯვნივ, ჩემკენ გადმოიხარა. მისი მხარი ჩემსას შეეხო.

კიდევ ერთხელ დავუყვირე. საჭე გაასწორა, ჩემი დარწმუნება სცადა, თითქოს არ ეძინა და ლაპარაკი წამოიწყო, რომ არ ჩასძინებოდა.

— სამი დღეა საჭესთან ვზივარ. მანქანიდან არ გადმოვსულვარ.

— ეს როგორ?

— დღეს ოცდაშვიდია. სამი დღე დამრჩა მანქანის განვადების გადახდამდე... 1200 ფუნტი თვეში. სამი დღის წინათ ცოლს ვუთხარი, სამჯერ გეტყვი „გაგეყარე“^გ, თუ განვადების თანხას სრულად ვერ გადავიხდი-მეთქი. მანქანაში რომ ჩავჯექი, მხოლოდ 200 ფუნტი მქონდა, მარტო ბუნებრივი მოთხოვნილებათა დასაკმაყოფილებლად გადავდივარ... მანქანაში ვჭამ, მანქანაში ვსვამ... ოღონდ არ მძინავს. განვადების ფული უნდა ვიშოვო და თვის ბოლომდე გადავიხადო.

— კი მაგრამ, რა ხეირია განვადების ფულის შოვნა, თუ მოკვდები? ხომ შეიძლება ავარია შეგემთხვეს, მოკვდე და მგზავრიც შემოგაკვდეს?

— არაფერი მოხდება! სიცოცხლე ღმერთის ხელშია... დარწმუნებული ვარ, საშველი გამოჩნდება. წინ კიდევ სამი დღე მაქვს, როგორმე ვიშოვი განვადების ფულს.

— არ სჯობს შინ ნახვიდე, რომ 2-3 საათით დაიძინო? რა დაგიშავდება, სამ დღეს სამი საათი მოაკლო?

— როგორ არ გესმით, პატივცემული? სამჯერ ვუთხარი ცოლს, გაგშორდები-მეთქი... ჩვენ საკვებს ლუკმა-ლუკმა მოვიპოვებთ, ყოველდღიურად... შინ რომ წავიდე, ათასი პრობლემა დამხვდება, მშვიერი ბავშვები, მათი სასონარკვეთილი დედა, რომელიც გამოსავალს ეძებს და ვერ პოულობს... არა, ბატონო! ამას ვერ ვიზამ! არ გადმოვალ ამ ტაქსიდან, სანამ ბატონ იბრაჰიმ ისას განვადების სრულ თანხას არ გადავუხდი, მხოლოდ ამის შემდეგ წავალ შინ...

დავტოვე მძღოლი და ნერვიულობამ ამიტანა. გავჩერდი, მანქანას მზერა გავაყოლე. ნელ-ნელა მშორდებოდა. ვშიშობდი, მძღოლს ჩაეძინებოდა და უბედურება მოხდებოდა, მაგრამ ვიდრე თვალს მიეფარებოდა, მანქანას სწორი გზისთვის არ გადაუხვევია.

* * *

ტაქსი ადგილიდან ვერ იძვრის მადინა ნასრში, აბას ალ-აკადის ქუჩაზე. საშინელი საცობია. საღამოს ცხრა საათია. ნეონის შუქით განათებული მაღაზიების ვიტრინები ისე ბრწყინავს, სინათლის ელვარებას თვალს ვარიდებ... ერთ-ერთი კაფედან თუ მაღაზიიდან ქაზიმ ას-საჰირის^ჰ ხმა ისმის, შეყვარებულს უმღერის.

მძღოლმა ტუჩები მოილოკა და ნალვლიანად წაიმღერა:

— „სანყალო ერაყო, ჩემი გული შენზე დარდობს“.

— ნამყოფი ხარ ერაყში? — ვკითხე მე.

— ცხოვრების საუკეთესო წლები მაქვს გატარებული იქ... ერაყელები ყველაზე მამაცი ხალხია... დღემდე ვერ ვიჯერებ, რაც ერაყს დაემართა, ამას როგორ წარმოვიდგენდი?... სანყალო ერაყო...

— რას ვერ წარმოიდგენდი?

— გულწრფელად რომ გითხრათ, მეგონა, სადამი გაიმარჯვებდა ამერიკელებზე, მაშინაც კი, როცა საკუთარი თვალით ვნახე, რომ ბაღდადის ქუჩებში ამერიკული ტანკები დადიოდა... მეგონა, სადამის ხრიკი იყო — ამერიკელებს ბაღდადში შემოიტყუებდა, შემდეგ ხაფანგში მომწყვდეულებს ყველა მხრიდან შეუტევედა და გაუშუჟავდა... დღემდე ვერ დამიჯერებია... მაგრამ ერაყელთა სიმამაცე... დღე არ გავა, ერთი ამერიკელი მაინც არ მოკლან... ასე სათითაოდ გაანადგურებენ, ინებებს ღმერთი!

— ღმერთმა გისმინოს... მაგრამ ვერ ხედავ, რომ სადამია პასუხისმგებელი ყველა ამ პრობლემაზე?

— გულწრფელად გეტყვით, მე მიყვარს სადამი... იგი დიდ პატივს სცემდა ეგვიპტელებს... არ დაგავინწყდეს, კაიროში სწავლობდა... 80-იან წლებში ერაყში ვიყავი, ცოტა დაძაბულობა იყო ეგვიპტელებსა და ერაყელებს შორის. სადამის გამოსვლა მოვისმინე, სადაც თქვა, ნებისმიერ ერაყელს, ვინც ეგვიპტელს ცუდად მოექცევა, 6 თვით ციხეში ჩავსვამო. აი, ასე! პირდაპირ ციხეში! ალაღად გეუბნები, არასოდეს დამავინწყდება. ამის მერე ბაღდადში თავანულები დავდიოდით. შემდეგ ეს ოკუპაცია მოხდა ერაყში, მზესავით ნათელია, რომ სადამთან არანაირი კავშირი არ აქვს ამ ამბავს... ამბობდნენ, საშუაში იარაღი აქვთო, მაგრამ ნახეს რამე? ერაყის ნავთობი სჭირდებათ. დაიპყრეს ერაყი, ზოგი ქურდია, ზოგი — რეკეტიორი, და ომი გააჩაღეს. ერაყი გაანადგურეს, მაგრამ როგორც უკვე გითხარი, მე ერაყელებს კარგად ვიცნობ, მათთან ერთად ათ წელზე მეტხანს ვიცხოვრე, მამაცი ხალხია. თვალებს დასთხრიან ამერიკელებს, რამდენიმე თვეც და კუდამოძუებული ძალღებვივით გაიქცევიან საკუთარი ტყავის გადასარჩენად, როგორც მანამდე, ვიეტნამში.

— როდის მიხვდი, რომ სადამის სტრატეგია არ ყოფილა და ბაღდადი მართლა დაეცა?

— ღმერთმანი, დიდი იმედი მქონდა, ვიდრე სადამს დააპატიმრებდნენ... ბევრი ვიტყვი იმ დღეს... მათთვის მწერები ვართ, რომლებიც შეგიძლია ერთი ხელის დაკვრით მოკლა ან ჭიანჭველასავით ფეხით გასრისო... თავი დამცირობულად ვიგრძენი... ჩემი ამხანაგები გამახსენდა, არ ვიცი, ცოცხლები არიან თუ დაიღუპნენ... მაგრამ გეტყვით, რასაც გამოუდგებით ვფიქრობ — ერაყი საბოლოოდ მაინც

გაიმარჯვებს. კარგად იცინის ის, ვინც ბოლოს იცინის და არა დასაწყისში.

ტაქსიდან ჩემი კორპუსის წინ ჩამოვედი. ოთხი ახალგაზრდა დავინახე, მარლბოროს ენოდნენ და კოკა-კოლას სვამდნენ, ერთს ნაიკის ფეხსაცმელი ეცვა, მეორეს — მაისური, რომლის მარცხენა სახელოზე ამერიკის დროშა იყო ამოქარგული. ოპტიმიზმი გაქრა. ჩემს ბინაში თავდახრილი ავედი.

* * *

კაიროს უნივერსიტეტს ჩავუარეთ. ტაქსის მძღოლს სტუდენტობის წლების ნოსტალგია გაუზიარე. ოცნება ეგვიპტის მომავალზე სწორედ ამ კედლებში დავინწყე და ახლაც კი შთამაგონებს, მიუხედავად იმისა, რომ უკვე ოცი წელია, რაც უნივერსიტეტი დავამთავრე. მძღოლს ვუთხარი, ვინც გაიყიდა, წარმატებას მიაღწია, ხოლო ვინც ოცნება არ შეწყვიტა, თავისი ამაღლებული ოცნებები მინაზე დანარცხებული იხილა-მეთქი.

— რომელი ფაკულტეტი დაამთავრეთ? — მკითხა მძღოლმა.

— ეკონომიკის და პოლიტიკურ მეცნიერებათა.

— ესე იგი, პოლიტიკას სწავლობდით?


— დიახ.

— ძალიან კარგია! არაჩვეულებრივია, რადგან დიდხანია კითხვა მაქვს, — თქვა მძღოლმა.

— რა კითხვა, იქნებ მე გიპასუხოთ?

— რა მოხდებოდა, ამერიკაში რომ ჩავსულიყავით და გვეთქვა, თქვენ გაქვთ ატომური და სხვა მასობრივი განადგურების იარაღი და თუ არ განიარაღდებით, თქვენთან ურთიერთობას გაწყვეტთ და ომს გამოგიცხადებთ. კუბის დასაცავადაც მოგვიწევს სამხედრო ძალის გამოყენება, პატარა ქვეყანა და უნდა მივხედოთ.

რა თქმა უნდა, ომს მართლა არ გამოვეცხადებდით, მაგრამ ჩვენი ასეთი ნაბიჯით მსოფლიოს ვაიძულებდით პოზიცია აერჩია. მსოფლიოს მოუწევდა ჩვენი მხარდაჭერა, ისე, როგორც ამერიკას დაუჭირეს მხარი ერაყის წინააღმდეგ და როგორც დღეს დგანან ირანის წინააღმდეგ. რა თქმა უნდა, ჩვენ არ შევებრძოლებოდით მათ. ხომ გვცმის, რისი თქმაც მინდა? ზუსტად იმავეს ვიტყვოდი, რასაც ისინი ეუბნებიან სხვა ქვეყნებს. მაგალითად, ამერიკის არჩევნებზე მონიტორინგს მოვითხოვდით, რადგან დარწმუნებულები არ ვიქნებოდით, რომ საარჩევნო პროცედურები სარწმუნოდ და ყველა წესის დაცვით ტარდებოდა, ჩვენ მოვითხოვდით საერთაშორისო დამკვირვებლები ყოფილიყვნენ საარჩევნო ყუთებთან, რადგან ამერიკასა და მთელ მსოფლიოში ყველა ამბობდა, საპრეზიდენტო არჩევნები



მხატვარი მალხაზ იაშვილი

გაყალბდა, მისმა ძმამ ტეხასის შტატში შედეგები შეცვალა, რომ ჯორჯ ბუშს გაემარჯვაო, ვიტყვით, რომ დემოკრატიის დაცვა ჩვენი ვალია და ამიტომ ეგვიპტელი მოსამართლეები უნდა გავგზავნოთ დასარწმუნებლად, რომ დემოკრატიული პროცესი სათანადოდ მიმდინარეობს.

ეს რომ გაგვეკეთებინა, მივახვედრებდით, როგორ ექცევიან ადამიანებს, თან, ჩვენში დაგროვებულ ბრანს გზას მივცემდით, სწორედ ისევე, როგორც კატასტროფის დროს ვერაფერს აკეთებ, გარდა ორთქლის გამოშვებისა, მაგრამ მშვიდდები, მიუხედავად იმისა, რომ კატასტროფა კატასტროფად რჩება.

კიდევ, საქმეს აღვძრავდით ამერიკის წინააღმდეგ საერთაშორისო ტერორიზმისა და არადემოკრატიული ქვეყნების მხარდაჭერისთვის, მტკიცებულებებს იოლად მოვიპოვებდით. როცა ასეთ ნაბიჯებს დგამ, დემოკრატიის მხარეს ხარ და ბევრი ქვეყანა ამოგვიდგებოდა მხარში ამერიკის წინააღმდეგ.

გარდა ამისა, ქვეყნებს მოვუწოდებდით, ამერიკისთვის ეკონომიკური სანქციები დაედოთ და, თუ ამ მოთხოვნას არ შეასრულებდნენ, ზუსტად იმავეს ვეცოდით, რასაც კონდოლიზა რაისი ეუბნებდა ლარიბ ქვეყნებს ყოველდღე.

ყველაზე მნიშვნელოვანი კი ის არის, ხმარებიდან ამოვიღებდით სიტყვას „ამერიკელი“. ვიტყვით: „თეთრკანიანი ირლანდიელი პროტესტანტი ამერიკელი“, „შავკანიანი მუსლიმი ამერიკელი“, „ესპანელი ამერიკელი“, „თეთრკანიანი კათოლიკე ამერიკელი“, „შავკანიანი პროტესტანტი ამერიკელი“, ისევე, როგორც ისინი ამბობენ ჩვენზე: „დაიღუპა ექვსი შიიტი და ორი სუნიტი ერაყელი“, ჩვენი ძალიშვილი ჟურნალისტები კი ამას იმეორებენ. ერთხელ გაგივიათ თუ ორჯერ „ქრისტიანი ეგვიპტელი“, „მუსლიმი ეგვიპტელი“? რაც შეიძლება თავგამოდებით უნდა მოვითხოვოთ შავკანიანთა უფლებების დაცვა ამერიკაში, საქმე აღვძრათ თუ თეთრკანიანი შოტლანდიელი ამერიკელი შავკანიან აფრიკელ ამერიკელს მოკლავს, ჩვენ რა თქმა უნდა დიდი სკანდალი უნდა ავტეხოთ, სულ მცირე, იმის გამო, რომ ის ჩვენსავით აფრიკელია და უფრო ახლობელია ჩვენთვის, ვიდრე ჭორფლიანი თეთრკანიანი იტალიელი ამერიკელი ეგვიპტელ ქრისტიანისათვის. შავკანიანი უმცირესობის უფლებათა დაცვა ჩვენი ვალია და ჩვენ ყველაფერში უნდა ჩავერიოთ, დიდშიც და მცირეშიც.

ბევრი ვლაპარაკობ და ერთსადამიჯვეს ვიმეორებ, მაგრამ ველოდები, როდის მიპასუხებ, შენ კი ენაზე კბილი დაგიჭერია და არაფერს ამბობ.

— იმაზე ვფიქრობ, რაც მითხარი, — ვუპასუხე მე.

— მთელი დღე ჩართული მაქვს რადიო. მაცოფებს, რასაც ამერიკელები ლაპარაკობენ. ეს საკმარისია, რომ ადამიანი ჭკუიდან გადავიდეს. ძალიან სახიფათო ვითარებაა, ადამიანებს მოთმინება დაეღვევათ და აფეთქდებიან. „ჩვენ გაჭმევთ, ჩვენ ქოთანზე გსვამთ, ეს გააკეთეთ, ის არ გააკეთეთ“ — მალე გავსკდებით და ყველაფერი დამთავრდება.

ამიტომ გამიჩნდა ეს იდეა, — იგივე გავუკეთოთ, რასაც თვითონ გვიკეთებენ. ადამიანებმა, რომლებიც შუშის სახლებში ცხოვრობენ, ქვეები არ უნდა ისროლონ. ეს ხალხი კი დაბზარულშუშის სახლებში ცხოვრობს...

— რატომ არ უგზავნი ამ შეთავაზებას... — დავინყე მე.

— ხომ გითხარი, მე, უბრალოდ, ორთქლს ვუშვებ, ვლაქლაქებ. ისინი მზად არიან ამერიკელებს უფლება მის-

ცენ, რაც უნდათ, ის გვიყონ. შეთავაზება, რაც მათ შეიძლება მოეწონოთ, ყველა ეგვიპტელის სახლში სათვალთვალო კამერის დაყენებაა, რომ მოსახლეობის აფეთქებაზე დაკვირვება შეძლონ.

* * *

— მე დიდი ოცნება მაქვს — თქვა მძლოლმა, — ოცნება, რაც მასულდგმულებს. ოცნების გარეშე ადამიანი ვერ იცოცხლებს, ყოველთვის ზანტი იქნება და საწოლიდან ადგომა დაეზარება, დეპრესიაში ჩავარდება და სიკვდილი მოუნდება. ვისაც ოცნება აქვს, მხიარული და ენერგიულია ციბრუტივით, მოგიზგიზე ცეცხლივით, რომელიც არასოდეს ჩაქრება. მეც ვიგიზგიზე და ვივლი, რომ ოთხ წელიწადში ფული შევაგროვო.

იცით, რაზე ვოცნებობ? ჩემი ტაქსით წავიდე და სამხრეთ აფრიკაში მსოფლიო ჩემპიონატი ვნახო. ოთხი წლის განმავლობაში კაპის კაპიკზე დავანებებ და ჩრდილოეთიდან, სადაც ახლა ვარ, სამხრეთისკენ გავუყვები. აფრიკის ყველა ქვეყანას გავივლი, ნილოსის გასწვრივ ვივლი, სათავემდე, ვიდრე ვიქტორიას ტბას მივალწევდე, გზადაგზა მანქანაში დავიძინებ, საკვებს იმდენს მოვიმარაგებ, ორ თვეს მეყოს, — ლობიოს, თევზის კონსერვს, პურს. პური ძალიან მიყვარს...

ჯუნგლებში ვეფხვებს, ლომებს, მაიმუნებსა და ქურციკებს ვნახავ. გავიცნობ ადამიანებს სუდანისა და სხვა ქვეყნებიდან. ჯერ ზუსტად არ ვიცი, რომელ ქვეყნებს გავივლი. წიგნის მაღაზიაში ატლასი ვიყიდე და გადავხედე კიდევაც, მაგრამ მარშრუტი ჯერ არ შემირჩევია.

როცა სამხრეთ აფრიკაში ჩავალ, აფრიკის კონტინენტის უკიდურეს სამხრეთ ნერტილამდე მივალ და შორიდან, მაგრამ საკუთარი თვალით ვნახავ სამხრეთ პოლუსს.

რა თქმა უნდა ყველა მატჩს დავესწრები. ფეხბურთის ფედერაციას უნდა მივმართო აქ, ზამალიქში, „აჰლის“ კლუბის გვერდით, ისინი მომცემენ ბილეთებს. ჩვენ, ყველანი, აფრიკელები ვართ და ისინი აუცილებლად დამეხმარებიან.

მთელი დღე ძირითადად საჭესთან ვზივარ, — დღეში დაახლოებით 15 საათი... მიჩვეული ვარ. ჩემთვის პრობლემა არ არის სამხრეთ აფრიკაში მანქანით წასვლა.

ეს ჩემი ოცნებაა და უნდა ავიხდინო.

არ მინდოდა მისთვის მეთქვა, რომ არ არსებობს მოასფალტებული გზა, რომელიც აბუ სიმბელიდან, ეგვიპტის ბოლო ქალაქიდან სუდანში ჩავიყვანს; ტოშკადან სუდანისკენ მიმავალი გზა დაკეტილია; ეგვიპტეს და სუდანს პირდაპირი სარკინიგზო ხაზიც კი არ აკავშირებს; იმ შემთხვევაშიც კი, თუ როგორმე მიაღწევს სუდანს, უფლებას არ მისცემენ სამხრეთ სუდანში უშუალოების სამსახურის უნებართვოდ წავიდეს, რომელსაც ხარტუმში გასცემენ და რომელსაც ის ვერ მიიღებს; რომ კაიროს ტაქსის არ აქვს ქვეყნის დატოვების უფლება.

არც ის მითქვამს მისთვის, რომ აფრიკის კონტინენტი დანანვერებული და დაშლილია, სრულიად კოლონიზებულია. ადამიანები, ვისაც იქ მოგზაურობა შეუძლიათ, ადგილობრივი აფრიკელები კი არა, მათი თეთრკანიანი ბატონები არიან. აფრიკის კარი მხოლოდ მათთვის არის ღია. დიდხანია წავიდა ალი ბაბას დრო, რომელიც კარს ჯადოსნური სიტყვებით ალბდა — „სეზამ, გაიღე“.

* * *

— გქონია ძველი, ჭუჭყიანი პერანგი, რომელიც ყარს და უკვე ძალიან დიდხანია დავიპატარავდა? — თქვა მძლოლმა — ამ პერანგით გიჩხუბია კიდევაც და სისხლითაც არის დალაქავებული. იგი მეორად მაღაზიაში გაქვს ნაყიდი. ვისაც შენამდე ჰქონდა, რეციდივისტი იყო, გაქცეულია და შარმ-შეიხში იმალედა... სამი ვარიანტი გაქვს: პირველი — შეგიძლია პერანგი დანვა, ნახვიდე და ახალი იყიდო, მეორე — შეგიძლია ახალი ნაჭერი ჩააკერო, რომ შენს ზომაზე გადააკეთო, სისხლის წვეთებისა და სიმყრალის სუნის მოცილება სცადო, ან მესამე — შეგიძლია გარეცხო, ძველებური ნახშირის უთოთი გააუთოო და საკუთარ თავს უთხრა, რომ ეს ყველაზე მარტივი გამოსავალია, თანაც შანსი გაქვს, წონაში დაიკლო, რომ ისევ მოგერვოს. სწორედ ამ მდგომარეობაშია პოლიტიკური სისტემა მუბარაქის შემდეგ, — რაც მოცოცხა და შარმ-შეიხში გაიქცა. ჩვენ გვინდა მთელს ძველ სისტემას ცეცხლი წავუკიდოთ, იმიტომ, რომ სიმყრალე უკვე აუტანელია. ჯარს, როგორც ჩანს, ძველი პერანგის კარგად გარეცხვა და გაუთოება უნდა, ჩასაცმელად რომ გამოდგეს. თუ ეს არ იმუშავებს, ისინი საკერებლის დადებას ფიქრობენ, — ახალი ხალხის შემოყვანას, რომ სახელოებად გამოდგენ და თუნდაც ძველ პერანგს ღილიკილოები არ ჰქონდეს, მაინც მოგვინებს მისი ჩაცმა.

მძლოლი სამოც ნელს იყო მიღწეული, ისეთი ზორბა, რომ ღილები აწყვეტის პირას ჰქონდა. მისი ღიბი საჭეს ისე მიბჯენოდა, მანქანის მართვაში ხელს უშლიდა. ყოველ დამუხრუჭებაზე მისი უზარმაზარი მუცელი ირხეოდა და ღილები აწყვეტას ლამობდა. პერანგს შევხედე, — ჭუჭყიანი იყო.

— თუ სისტემა შენს პერანგს ჰგავს, ბევრი ქსოვილი დასჭირდება ზომამზე მოსაყვანად — ვუთხარი მე.

მძლოლმა გაიცინა და მთელი მანქანა აზანზარდა.

— ეს პერანგი მუბარაქის ხელისუფლებაში მოსვლამდე ვიყიდე, — მიპასუხა მან. — ესეიგი, დაახლოებით 30 000 წლისაა. დიდი ხნის წინათ უნდა დამენვა, სწორედ ისევე, როგორც ახლა უნდა ვაძლევდეთ ცეცხლს მთელს ძველ სისტემას. მოვიდა დრო, როცა სუფთა ფურცლიდან უნდა დაეინყო. დღეს ჩემმა შეილმა მითხრა, დემონსტრაციები მთელს ეგვიპტეში გაგრძელდება, ჯარს რომ გააგებინონ, მართალია, დაგვებმარე და მადლიერები ვართ, მაგრამ არ დავთანხმდებით მხოლოდ გარეცხვას და დაუთოებას, რის გაკეთებასაც თქვენ ცდილობთ.

— რომელი პერანგი მოგნონს, — ვკითხე მე, — თეთრი, მწვანე, წითელი თუ ჭრელი?

— უკვე ყველა ფერი ნანახი გვაქვს და ვხედავთ, რა ხდება საზღვარგარეთ. დემოკრატია? რა მასხარაობა!!! დემოკრატია ამერიკაში ბუმი მოიყვანა, იტალიაში — ბერლუსკონი და კიდევ უამრავი მათი მსგავსი. ჩვენ ვხედავთ, როგორ მანიპულირებენ მილიარდერები პოლიტიკით, ადამიანებით და უარესს მოვსწრებავართ ქურდი პრეზიდენტებისგან. არავინ არის ბედნიერი პოლიტიკური მდგომარეობით. აქ, ეგვიპტეში, ადამიანთა უმრავლესობა რელიგიაზე დაფუძნებულ სახელმწიფოს არ მიიღებს, თუმცა არც რელიგიისადმი მტრულად განწყობილ სახელმწიფოს მიიღებენ. ჩვენ ისეთი პერანგი გვჭირდება, რომელიც ეგვიპტისთვის არის შეკერილი, ჩვენი საკუთარი პერანგი. პერანგი, რომელსაც უსამინის სურნელი აქვს და ეგვიპტური ბამბისგანაა დამზადებული. იდეალური პერანგი ნილოსის

ფერისა იქნებოდა, თავისუფლად ჩავიცვამდით და გვეცოდინებოდა, რომ ჩვენი ქვეყნისთვის ვიღვნი. დღეს ყველას უნდა მუშაობა. ადამიანებს უნდათ ქვეყანას სარგებელი მოუტანონ. უნდათ მთავრობა, რომელმაც იცის, როგორ მოაგვაროს ყველა ეგვიპტელის პრობლემები. შენს გარშემო მიმოიხედე. რამდენი ადამიანი გაგახსენდება, ვინც ოცნებებს და ელოდება, როდის გამოჩნდება ვინმე, ვინც ოცნებებს აუხდენს? ვინმეს რომ საყვირისთვის ჩაებერა, 90-ვე მილიონ ეგვიპტელს რიგში ჩამდგარს ნახავდი. არავითარ სისულელეს აღარ მოისმენდი, აღარც შიმის სუნი გეცემოდა მათი პირიდან. შენ აღარ მკითხავდი, რა ფერია პერანგი. ჩვენი ახალი პერანგი ფრთებს გამოისხამდა, გახდებოდა ისეთი, რომელიც ყველა ჩვენგანს მოერგებოდა, მსუქნებსაც და გამხდრებსაც.

— შენი აზრით, ვინ გაიმარჯვებს, მრეცხავები თუ გამომგონებლები?

— გამომგონებლები ვინ არიან?

— ადამიანები, რომლებიც უსამინის სურნელიან ეგვიპტურ პერანგს გამოიგონებენ.

— მრეცხავები, ძველებურ უთოს რომ იყენებდნენ, უკვე ნაიღვნი. შემოიძლია გითხრა, გადაშენდნენ. ახლა ჯარი ცდილობს, მრეცხავები ისევ უკან დააბრუნოს ძველი რეჟიმის დასაცავად, მაგრამ გამომგონებლები მომავალია. ჩემი შვილი მეუბნება, ყველა სამუშაო, რაც ახლა გვაქვს, აღარ გვექნება. ახალი სამსახურები კი გამომგონებლებსა და განმახლებლებზე იქნება დამოკიდებული. ჩემი შვილი საინჟინრო ფაკულტეტზე სწავლობს. ნეტავ თქვენს შვილებსაც ასე გაუმართლოთ! მას სკოლაში უმაღლესი ნიშნები ჰქონდა, ამიტომ შეძლო ამ ფაკულტეტზე მოხვედრა. მშვენიერი ახალგაზრდაა, რომელმაც სამი კვირა გაატარა თაშორისის მოედანზე. დედამის ძალიან ეკინოდა, მაგრამ მე ვუთხარი, მისთვის იქ ყოფნა არ დაეშალა. ეს მისი მომავალია! როცა ჯარმა ახალგაზრდების დახოცვა დაიწყო, გული მიკენსოდა, მაგრამ თავი დავიმორჩილე. გამძლეობა და სიმამაცე უნდა გამოემჩინა, რომ პერანგის გასაუთოებლად გაგზავნა აღარ მოგვინოს. მრეცხავებმა ცოტა ხნით რომც გაიმარჯვონ, საბოლოოდ აუცილებლად გამომგონებლები გაიმარჯვებენ! დამიჯერე! საბოლოოდ ჩვენ გავიმარჯვებთ, თუნდაც ამისთვის ძალიან გრძელი გზის გავლა მოგვინოს!

**არაბულიდან თარგმნა
ირმა მახარაძემ**

1. ეგვიპტელი მოქანდაკე, 1891-1934
2. ეგვიპტური ხურდა ფული.
3. ეგვიპტური რეფორმატორული მოძრაობა.
4. ეგვიპტის პრეზიდენტი 1970-1981 წლებში.
5. ეგვიპტის პრეზიდენტი 1954-1970 წლებში.
6. თანამედროვე ეგვიპტელი რეჟისორი (1952-). მისი ფილმი, „ბრძოლის შემდეგ“ ნარდგენილი იყო 2012 წლის კანის კინოფესტივალზე.
7. თანამედროვე ეგვიპტელი კომპოზიტორი (1969-)
8. ისლამური კანონის მიხედვით, წყვილი განქორწინებულად ითვლება, თუ ქმარი ცოლს სამჯერ ეტყვის „გაგყვარე“.
9. თანამედროვე ერაყელი მომღერალი, კომპოზიტორი და პოეტი (1957-).

ეკატერინე ტუკვაძე

საპოვნელა

□

ბაბუის — ანტონ ტუკვაძის განსახლება

საოცარი თვისება ჰქონია ანწლისა და ნესტის სურნელს, განსაკუთრებით, ზაფხულის მიწურულს, როცა მისი გამძაფრება მოგონებებს შემოდგომის სევდასთან ერთად დაუნდობლად მოგისევს გრძნობებზე. უკვე 27 წელია, ზაფხულთან გამოთხოვება ყველაზე მტკივნეული თერჯოლაში, შენს დანატოვარ ნალკოტ ეზო-კარში ქცეულა, ბაბუ. შენი სიკვდილის შემდეგ ხომ აქაურობას სიცოცხლე მხოლოდ ზაფხულობით უბრუნდება — შენი შვილებისა და შვილიშვილების შვებულებებისას. შემოდგომის მოახლოება კი შენს ნაფუძარს ზუსტად ერთი წლით გვაშორებს. და ყოველ წელს, თბილისში დაბრუნების წინა საღამოს, ტრადიციულად, შენ მიერ გაშენებულ თხილნარს შევეყუყუები ხოლმე და ჩემს გამგზავრებისწინა განცდებს მწუხრსა და დღიურის ფურცლებს ვანდობ. ასეთ წუთებში სურვილი მიჩნდება, თითოეულ ყვავილსა და ფოთოლს მოვეფერო, თითოეული ხის გულისცემა მოვისმინო, თითოეული ბალახის იდუმალ ჩურჩულს მივაცურადო. თან ვშიშობ კიდეც, რომ იმ საღამოთა ნიბლი ბოლომდე ვერ გადმოვცე ფურცელზე.

ჯერ კიდევ პატარა ვიყავი, ბაბუ, თბილისში გამგზავრების წინ სწორედ ამ ბუჩქებში რომ შემოვიპარებოდი ხოლმე და დაფნებსა და აკაციებს შევეტიროდი, ვერ ველეოდი... არსად მეგულება ამაზე უკეთესი სავანე, ამაზე მყუდრო და სევდიანი ნავსაყუდელი სულისა...

სად არ დავდივართ ჟურნალისტები — ცასა და ქვეყანას ვედებით — უჩვენოდ არც ხუთვარსკვლავიანი სასტუმროები იხსნება და არც თვალწარმტაცი საკურორტო ცენტრები; არც დიპლომატიური წვეულებები ეწყობა და არც ელიტური პრეზენტაციები, მაგრამ გჯეროდეს, ბაბუ, ყველაზე ლალად, ამაყად და ბედნიერად თავს იქ ვგრძნობ — შენს დანატოვარ ეზოში. ყველაზე მყარად ფეხი იმ ბი-

ბინა ბალახზე მიდგას, უნაზესი საპოვნელები ალაგ-ალაგ, ძლივშესამჩნევად რომ დაუბნევიათ გულზე.

რომ იცოდე, ბაბუ, როგორ ჩუმად ვყლაპავ ცრემლებს თბილისში, ზამთრის დაუსრულებელ ღამეებში საბანში ჩათბუნული, როცა აღმოსავლეთის ქარების პირისპირ ობლად დატოვებულ შენს კარ-მიდამოს წარმოვიდგენ ხოლმე! 200 კილომეტრის სიშორიდან სწვდება თითქოს ჩემს სმენას იმ ქარების ღრიალი, შიფერის სახურავს დაცემული ნაგვიანევი თხილისა და ნიგვზის რაკუნი, მუხის განუმეორებელი სურნელით გაჟღენთილი ბებერი სახლის ჭრიალი. ეზოს თავზე მთროლოვარე ვარსკვლავების მქრალი ციაციც აღწევს თითქოს შორეთიდან. შენ მიერ გამოვლილი ომის მიმე წლებიც იმ ღამეებში ცოცხლებიან მთელი სიმძაფრით, ბაბუ, და შენი უტკბესი შუაიმერული კილოკავით მოყოლილი დიდი ბრძოლების ამბები მახსენდება, სტალინგრადის, ბელგოროდის, ხარკოვის, პოლტავის, კრემენჩუგის... გასათავისუფლებლად რომ გადაგხდა. ერთ-ერთი შეტაკებისას საყვარელი თეთრი რაში მოგიკლეს, მტრის ტანკმა შენი და შენი თანამებრძოლების ცოცხლად დამარხვაც სცადა სანგარში, ბევრჯერ კი შიმშილის გრძობა ჩრდილოეთის სუსხისაგან ყინულადქცეული პურის ყუამ დაგიოკა, მაგრამ მაინც შემართებით იბრძოდი... მართლაც საპოვნელას ყვავილივით პანანინა არ იქნებოდა მაშინ თერჯოლა ომის ქარცეცხლში გახვეული მსოფლიოს რუკაზე?..



ანტონ ტუკვაძე (შუაში) მეორე მსოფლიო ომში

ალბათ ამიტომაც გადაჯაჭვულა ერთმანეთთან ასე განუყრელად შენი, თერჯოლისა და ომის მოგონებანი, ბაბუ. ამიტომ არ მეთმობა აქაურობა მარტოობისათვის ანწლისა და ნესტის სურნელის გამძაფრებისას. ამიტომ არის ჩემთვის შენი ობოლი არემარე მთელი დედამინის ზურგზე შეუფასებელი და უძვირეს კურორტთა ნაქებ ბუნებაზე უმშვენიერესი. ამიტომ კითხულობენ გაცივებით მანდაური მეზობლები ჩემზე, ჩემს და-ძმასა და ბიძაშვილებზე, ასე რამ შეაყვარათ აქოურობა ქალაქში გაზრდილ-დაბადებულ ბოვებებსო...

გჯეროდეს, ბაბუ, სადაც და როგორც არ უნდა ვიყოთ, შენს შთამომავალს მუდამ საოცარი სითბოთი აავსებს იმის გახსენება, რომ ამ უზარმაზარი პლანეტის ნესტისა და ანწლის სურნელით გაზავებულ პატარა სივრცეში, მორცხვ საპოვნელათა, აკაციებისა და ჩრდილიანი თხილნარ-ნიგვზნართა სამყოფელში, ყველაზე მშობლიური, ცინცხალი ფერებით ხასხასებს ადგილი, საიდანაც ჩვენი ფესვები ამოიზარდა...

* * *

სალუდები ხმაურითა და ყაყანით ხუთი კაცი შედის და ლუდსა და საუზმესთან ერთად ას ხინკალს მოითხოვს.

მათ შორის ერთს დიდი პირი იშვიათი ჯიშის თევზის ლაყურებს მიუგავს.

ნიძლავია დადებული, რომ ის ასი ხინკალი ამ ბიჭმა უნდა შეჭამოს გაუჩერებლივ, და მხოლოდ ერთი კათხა ლუდის დალევა შეუძლია, როდესაც მოეგუნებება.

— ჩემს ცხოვრებაში ათ ხინკალზე მეტი ერთად არ შემიჭამია, — ხმამალა უნდა განაცხადოს იქ შემთხვევით შემსწრე გიგიშამ, მაგრამ მსმენელებს სწორედ ამ ნათქვამის სისწორეში უნდა შეეპაროთ ეჭვი.

— ათი რაა, შე კაცო, — უნდა უსაყვედუროს მჭამელმა, — ათი კი არა, ოცდაათი ხინკალი აგერ ორი საათის წინ შეეჭამე, სულ ტყუილა, რომ იცოდე შენ!

— ეს ვინ ყოფილა, სად იყავი აქამდე თუ ძმა ხარ! — უნდა უთხრას გიგიშამ და:

— რა ვიცი მე, სად ვიყავი, — უნდა დაიმორცხვოს ქებით შეწუხებულმა დიდპირამ და თხელი ქალღმერთი ტუჩები მოინმინდოს.

წინა საუკუნის 60-იანი წლების სურათია, თავისებური შეჯიბრი თუ კონკურსი, — მოდურ გატაცებადაც გადაზრდილი და ძალზე მოდებული თბილისის სახინკლეებს, რეზო ჭიჭიშვილის რომანში — „დალი“ — რომ გადაინაცვლებდა როგორც აბსურდული რეალობის, სულიერი დაკნინების დასტური, განზოგადებული სიმბოლო მოშლილი მორალისა და ცნობიერების, საზოგადოება ლამის რომ ველარ ახერხებდა საკუთარი თავის პოვნას და საპამპულოდ და სამასხაროდ ქვეულ ცხოვრების მდინარებას მიჰყვებოდა.

მწერალი არაფერს უმატებდა რეალისტურ სურათს, ის კი არა, ნატურალისტური დეტალურობით გადაჰქონდა თხრობაში და მძაფრ ირონიას იღუმალად გამოსდევდა სევდა და ტკივილი, თუ სადამდე შეიძლება დაეცეს საზოგადოებრივი შეგნება, ასეთი უმსგავსობა ჩვეულებრივ მოვლენადაც რომ შეიძლება დამკვიდრდეს — არა ერთი და ორი კაცის უშინო ხუმრობად თუ იაფფასიან გასართობად, არამედ სწორედ და შეჯიბრად და თავთავის ფალავანთა წარმოსაჩენად.

აგერ ერთ-ერთი მათგანი, ვინც, ტრაბახის გუნებაზე დამდგარი, ირწმუნება: ერთხელ ცხრა საინი სალიანკა შეეჭამე და სასადილოს დირექტორმა მითხრა: ვინ ხარ მითხარი და რა გინდა ჩემგანო, — და დანალვლიანდება: ყველაფერს იღბალი უნდა ცხოვრებაში, ჭამაში არ არის საქმე, ისე ვამბობ, ზოგადადო...

— ნახე, რამდენს ტოვებს! — უეცრად უნდა წამოიძახოს ერთმა კაცმა და მწვანე პლასტმასის თეფშზე დაყრილ ჭიპებს დახედოს.

ბიჭმა კი უნდა გააპროტესტოს: პატარა ჭიპებია, ამის უფლებაც აღარ მაქვსო?!

აქვს, კი აქვსო, — გული უნდა აუჩვილდეს თმაშევერცხლილ კაცს.

დათვლას რომ დაინყებენ, აღმოჩნდება, რომ ორმოცდახუთი ხინკალი ხელუხლებლად დევს ხონჩაზე და ვილაცას იმედი უნდა გადაენუროს: ამას დღეს ვერ გაათავებსო. ვილაცამ კი უნდა ინანოს: დრო უნდა დაგვეთქვაო.

— ვის მოაგონდა მაშინ ამდენი, არადა იმოდენა მშენებლობა უპატრონოდ მივატოვე, — ამოიხვნეშოს შეწუხებულმა მოსეირნეთაგანმა.

მოულოდნელად ბიჭმა ჭამას უნდა მოუმატოს და ხალხი ისევ გამოცოცხლდეს: შეჭამს! ვერ შეჭამს! კი შეჭამს! — გაისმას აქეთ-იქიდან.

„მჭამელს სულ არ ანუხებდა ცნობისმოყვარეთ მზერა და ლაპარაკი. ეტყობოდა, აუდიტორია ამხნევებდა, ძალას და ენერგიას მატებდა. დროდადრო თვალი უელავდა უცნაურად, ხელს ზევით სწევდა, ურწმუნოებს ამშვიდებდა, დაშოშმინდით, ყველაფერი რიგზე იქნებო...“

ოცდაორი ხინკალი რომ დარჩებოდა, ბიჭი ჯერ ლუდის ცარიელ კათხაში ჩაიხედავდა დიდი ინტერესით და მერე ითხოვდა, ზურგზე ხელი დამარტყითო. თმაშევერცხლილი მიაყოლებდა ბეჭებში, მაგრამ ეს საქმეს ვერ უშველიდა. ამიტომ ბიჭი წყალს მოითხოვდა. წყალი დე-

ბულებით გათვალისწინებული არა ყოფილა და არ მისცემდნენ. ბიჭი ნახევარ ჭიქაზეც თანახმა გახდებოდა და მოსეირენი თათბირს შეუდგებოდნენ, ნება დაერთოთ თუ არა. ხმები გაიყოფოდა და გიგიშა ვარაუდს გამოთქვამდა: წყალი თუ არ მისცეს, თხუთმეტ წუთში გავორდება ძირსო...

— ყველაფერი სისულელეა, ყველაფერი სულელური ხუმრობაა და მეტი არაფერი, — უნდა ჩაილაპარაკოს დიმიტრიმ, რომლის პროტოტიპიც შოთა ჩანტლაძე გახლდათ.

ეს სცენაც და კიდევ სხვა ამგვარი სცენებიც ამ რომანში (რომ აღარაფერი ვთქვათ რეზო ჭიჭიშვილის სხვა რომანებსა და მოთხრობებზე) სწორედ ამ შეხედულების თვალსაჩინოება — მწვანე გროტესკი, სულაც სატირა ყოფითი რეალობის ტრაგიზმისა და აბსურდულობის გამოსაკვეთად.

ყველაფერი სულელური ხუმრობაა და მეტი არაფერიო...

ის, რაც საზოგადოებრივი შეგნებისა და მორალის ნახდენა-დაკნინებაზე ასე თვალნათლივ მიგვანიშნებს, ის, რაც გულს გვიკლავს და სულს გვიყინავს, ის, რაც მწერალს სატირის თემად გადაუქცევია, აგერ ჩვენს თვალწინ აღდგებოდა და თანაც ისეთი ძლევამოსილებით, 60-იანი წლების პერსონაჟები ვერც ინატრებდნენ.

ჯერ ერთბეშო გარემოში გამართულ სანახაობადაც რა არის და... თურმე სადა ხარ!..



აღდგებოდა როგორც... დიდი რამ საქებური, დიდი რამ მონაპოვარი, რაღაც უჩვეულო მიღწევა, სულაც სახელმწიფოებრივ რანგში აზიდული.

თავზარდამცემიც ეს გახლდათ სწორედ.

ამგვარი შეჯიბრებანი და კონკურსები ლუდხანებში კი არ ჩაიკეტებოდა მარტოდენ იქ მყოფთა სასიეროდ, არამედ ტელეკამერები მიემართებოდა იქით და ხელისუფალთაგან ნაქეზებული ჟურნალისტები და ოპერატორები მთელი ქვეყნის საყურებელს გახდიდნენ, რათა მოსახლეობის ყურადღება მიეჯახათ ამ შერკინებებზეც და ამ გზითაც ეცადათ ნამდვილი საფიქრალისა და სადარდებლის გამობერტყვა მათი გონებიდან.

სხვა საქმე აღარ უნდა გვექონოდა, გარდა უზომო ჭამა-ყლაპვის ყურებისა, თქველფის, ხრამუნის, სანსვლის, და თან აუცილებლად გასკდომამდე...

* * *

რუსთაველის გამზირზე მოსიარულენი რომ გააჩერო და სოციოლოგიური გამოკითხვა ჩაატარო, შესაძლოა ერთმაც ვერ გითხრას, თუ ვინ არის შოთა რუსთაველის ძეგლის მოქანდაკე ანდა ილია ჭავჭავაძისა და აკაკი წერეთლის ერთობლივი ქანდაკების თანაავტორები.

ვითომ ასეთი გასაქრობია საზოგადოებრივი ცნობიერებიდან ვალიკო თოფურიძის სახელი?

სერგო ქობულაძეც უსამართლოდაა მივიწყებული. მთლად ასე პირწმინდად გამქრალიც არაა, მაგრამ მისი ღვანლის მხატვარს გაცილებით მეტი დაფასება ეკუთვნის ჩვენგან. სხვათა შორის, მისი სახელიც უკავშირდება რუსთაველს — „ვეფხისტყაოსნის“ მისეული ილუსტრაციები ერთ-ერთი საუკეთესოა, და არამარტო ამ ეპოსის გაფორმებაში, არამედ ნიგნის გრაფიკაშიც საერთოდ.

ოქროს კვეთის ჰარმონიას რომ

დაადგენდა და გულმოდგინედაც იძიებდა მცხეთის ჯვრის აგებულებაში, ეს კიდეც ცალკე, და მისაჩქმალავად კი არ უნდა ვიმეტებდეთ, მის ანალიზსა და დაკვირვებებზე დაყრდნობით ვაგრძელებდეთ ამ დიდად მნიშვნელოვანი მოვლენის შესწავლასაც და შესაფერის პოპულარიზაციასაც დასავლეთში.

გადაკვრა კი უყვარდა — ღვინისაც, კონიაკისაც, რათა — ევროპელებისა არ იყოს — ცოტა შეფერადებულად და მსუბუქად შეეხედა ამ მრუმე, გაუსადღისი რეალობისათვის.

ამასობაში ატყდებოდა ხმაური და გინიასი მფრინავი თეფშების ირგვლივ და დაიძრებოდა ჭორების ისეთი ნაკადი და ხალხის ფანტაზიაც ისე გამჭლიდა ფრთებს, მომხიბლავი სიუჟეტებიც გამოინასკვებოდა უცხოპლანეტე-

ადამიანის დაცემის სურათები და ასეთი?!

სულელური ხუმრობა და... ამისთანა?!

შოუებად გადაქცეული ქვეყანა (ნიშანდობლივია ოთარ ჩხეიძის უკანასკნელი რომანის სახელწოდება — „ლაზერშოუ“), შოუს ოჩოფეხებზე მდგარი, ამ სანახაობასაც რომ მოისაკლისებდა და ამოიტანდა საზოგადოებრივი მესხიერების მტვერნაყრილი უჯრებიდან, კიდეც ერთხელ დაადასტურებდა თავის ყოფნას გაუდაბურებულ, გადახრიოკებულ გარემოში, სადაც სულიერება, ჭემმარიტი ღირებულებანი ინიხლებოდა, ინიხლებოდა და ინიხლებოდა და... აქა-იქ თულა ღინლილებდნენ ოაზისები შორეულ ოცნებად: ყველაფერი მაინც არ არის დაკარგული და სულელურ ხუმრობასთან გაიგივებული, სხვა რომ არაფერი, ღმერთი მაინც არ გაგვწინავსო!..



მხატვარი მალხაზ კუხაშვილი

ლებზე — მზამზარეული მასალა მწერალი ფანტასტიკისათვის.

სად გვეყავდა, თორემ!..

— მფრინავი თეფში, მფრინავი თეფში უნდა გამოჩნდეს, — გაისმოდა დროდადრო და მთელი მოსახლეობა ზეცისაკენ თავანული დაიარებოდა, აცა, არ გამოგვრჩეს მისი მოვლინება და ეგებ უცხოპლანეტელებსაც მოვკრათ თვალიო. თანაც ეგებ სხვებისათვის დაგესწრო და... სტუმრადაც მოგენვია რომელიმე უცხოპლანეტელი.

ფანჯრებსაც წამდაუნუმ მიადგებოდნენ ამავე მიზნით, აივნებზეც ხშირად გამოიბოდნენ. კოლექტიურ სიზმრებში ხომ უცხოპლანეტელებით დასახლებულიყო მთელი არემარე.

და, აი, ერთ ასეთ დღესაც ვალიკო თოფურიძემ სერგო ქობულაძეს უნდა დაურეკოს:

— ფანჯარასთან დადექი და დაელოდე, მფრინავი თეფში უნდა გამოჩნდეს. ახლა კი ნამდვილად. ისეთმა ხალხმა მითხრა, წყალი არ გაუვაო, რომ...

— მფრინავი თეფში კი არა!

ეს გაიცინებს.

იმას წყინს. რა — სანყენი არ არის? ისეთ ხალხმა უთხრა, რომ...

— დაელოდე და შენი თვალთ რომ იხილავ, ზოგი მერეც იცინე.

— იცი რა, ვალიკო...

— რა, რა? — ის გაფაციცდება, რადგანაც თანამოსაუბრეს ხმის კილო რაღაც უცნაურად შეეცვლება.

— რადა, ახლა ვერ მოვცდები და, თუ იმ ხალხისაგან გაიგო, კონიაკის ბოთლი გამოჩნდება ზეცაშიო, მაშინ კი აუცილებლად შემატყობინე.

და კვლავ ოქროს კვეთის ნახაზებში ჩაეფლობა.

არნახული და არგაგონილი

საამო შესახებდაობისა ყოფილა, ლა-ლი და კისკასი, კარგად დაყენებული ბა-რიტონით. თურმე იქცევედა საერთო ყუ-რადლებას მაშინაც კი, როდესაც დუმდა. როგორი ორატორი და პოლემისტი ბრძანდებოდა, ამის გახსენე-ბა არცა ღირს, ისედაც ყველას მშვენივრად მოეხსენებო. ბრწყინვალე განათლება, ბასრი კალამი, დაკვრა გიტარაზე, უამ-რავი სიმღერისა და რომანსის ცოდნა... აი, ასეთი იყო ვადიმ კო-ჟინოვი, უბადლო გმირი ინტელიგენტური ფოლკლორისა — ვკითხულობთ თანამედროვე რუსი მწერლის სერგეი სემანოვის მოგონებათა წიგნში.

კოჟინოვს თურმე ფული არასოდეს უჭყაოდა ჯიბეში, თუმცა ნაყოფიერად და წარმატებით იღწოდა ლიტერატურულ ასპა-რეზე. უყვარდა (როგორც ყველას) სმა და დროსტარება, მაგრამ უმაყუთობას უჩიოდა. ჰოდა, ახალგაზრდა და ბობოქარი ოსტა-ტურად თხზავდა „ავანტიურულ-პოეტურ“ სიუჟეტებს.

ერთხელ მწერალთა რომელიღაც ჯგუფთან ერთად უნდა გამგზავრებულიყო უკრაინაში. მგზავრობის მარშრუტი წინას-წარ შეიტყო და გაარკვია, რომ პირველი შეჩერება ექნებოდათ დონეცკში, სადაც ბინადრობდა ახალგაზრდა პოეტი ივანენკო, შემდეგ — ზაპოროჟიე, ახალგაზრდა პოეტი პეტრენკო; ჩერნი-გოვი, ახალგაზრდა პოეტი სიდორენკო და ა.შ. ჰოდა, მოსკოვიდან გამგზავრებამდე რამდენიმე დღით ადრე იმხანად ყველაზე პო-პულარული საბჭოთა გაზეთი „კომსომოლსკაია პრავდა“ აქვეყ-ნებს ცნობილი მოსკოველი კრიტიკოსის, ახალგაზრდა ტალანტ-თა დიდი მფარველისა და ქომაგის ვადიმ კოჟინოვის მგზნებარე სტატიას, სადაც ცამდეა აყვანილი ივანენკოს, პეტრენკოს, სი-დორენკოს და სხვათა და სხვათა შემოქმედება. შემდგომი მოვ-ლენები იოლი მისახვედრია. პირველივე დაგეგმილ პუნქტში ვა-გონის კართან სტუმრებს ეგებება ახალგამომცხვარი კლასიკო-სი, რომელსაც ხელში დროშასავით უჭირავს სახელგანთქმული უკრაინული „გორილა“ (თანაც პილპილით... ვისაც დღემდე არ გიგემიათ, გირჩიეთ იგემით!) — ნაცვლად თაიგულისა, არავის არაფრად რომ არ სჭირდებოდა. დანარჩენიც ადვილი წარმოსად-გენია. ამგვარად: დონეცკი — ზაპოროჟიე — ჩერნიგოვი და ა.შ. მუქთად და ლამაზად!

გონებამახვილი ვადიმი ზემოთქმულსა და მის ანალოგიებს, თუ შეიძლება ასე ითქვას, თეორიულადაც ასაბუთებდა (ტყუი-ლად როდი მრომობდა ლიტერატურის თეორიულ განყოფილე-ბაში). ერთხელაც ცედეელის (ლიტერატორთა ცენტრალური სახლი) რესტორანში ვსვამდით, გვაუწყებს სემანოვი, ვილაც მსოფლიოსთვის უცნობმა მელექსემ დაგვპატიჟაო. როდესაც შეთვრენ, სემანოვმა ნაუჭურჩულა კოჟინოვს: „ძმაო, უხერხუ-ლია, მოდი, ახლა ჩვენ დაგვპატიჟოთ“. ვადიმის პასუხი ლიტერა-ტურის თეორიის კლასიკაში საპატიო ადგილის დამკვიდრების ღირსი არისო: „კაი ერთი, თუ ძმა ხარ, ეგა პოეტია, მაგ დარეხვი-ლებს ფული ოხრადა აქვთ“.

ს. სემანოვი აღნიშნავს: ჩვენ, ახალგაზრდა და ნაკლებად ცნობილ ლიტერატორებს ჰაერივით გვჭირდებოდა არა მარტო სათანადო ადგილი შეხვედრებისა და მსჯელობისათვის, არამედ რაღაც მანქანებით გაღწევა საზღვარგარეთაც; იმ წლებში ხომ რკინის ფარდას, ვითომც არაფერიო, ფეხით ალებდნენ ოდენ ევ-ტუშენკები, ვაზნესენსკები და მათი მსგავსი ელფერისა და მოდ-გმის პერსონებიო.

ამიტომაც საკავშირო კომკავშირის ცეკას ფრთებქვეშ ჩამო-უყალიბებიათ შემოქმედებითი ახალგაზრდობის საბჭოეთ-ბულ-გარეთის კლუბი. მიუხედავად უღიმღამო-ბიუროკრატიული სა-ხელწოდებისა ცოცხლად და ხალისიანად ვირჯებოდითო.

ამ კლუბის პირველი სხდომა ჩატარებულა 1969 წლის ივნის-ში. აბა თუ გამოიცნობთ, სად გამართავდნენ? ავტორის სიტყვით, ჩატარებულა „იმხანად მდღარ ტიფლისში“ (ე.ი. ჩვენს თბილის-ში). მოსკოველ ლიტერატორთა გარდა ამ ღონისძიებაში მონაწი-ლეობდნენ მამინდელი „მოძმე რესპუბლიკების“ წარმომადგე-

ნელნი, როგორც „ნებისმიერი კულტუ-რულ-პოლიტიკური კერძის გარდუვალი საბჭოთა გარნირი“, აგრეთვე „მოძმე სო-ციალისტური ქვეყნების მოციქულინი“ — თითო-თითო დელეგატი პოლონეთიდან, უნგრეთიდან და ა.შ.

ყველაზე მრავალრიცხოვანი ყოფილა საბჭოთა და ბულგა-რული ჯგუფები. საინტერესო ადამიანებს მოუყრიათ თავი და დებატებაც საინტერესო გამოდგაო. ალბათ კიდევ უფრო საინ-ტერესო იქნებოდა სახელგანთქმული ქართული პურმარილი.

დასკვნითი სხდომა უნდა გამართულიყო ბათუმში, მაგრამ მა-ნამდე გონებამახვილ მოსკოველ კრიტიკოსს კვლავ გამოუმჯღა-ვებია თავისი ავანტიურული ნიჭი საყოფაცხოვრებო სფეროში.

მემუარისტის სიტყვით, კოჟინოვს რომელიღაც ადგილობ-რივ კლასიკოსზე (გვარს არ ასახელებს) ადრევე ჰქონია გამოქ-ვეყნებული რეცენზია (ეს სიტყვა დედანში კნინობითი ფორმი-თაა: **рецензия**). ალბათ „პანანკინტელა რეცენზიად“ უნდა ვთარგმნოთ, მაგრამ ბუკვალურად თუ გადმოვიღებთ ჩვენს დე-დაენაზე, „რე-ცენ-ზუ-კა“ იქნება).

სემანოვი მოგვითხრობს, რომ ქართველი კლასიკოსი დაუ-ყოვნებლივ მიბრძანებულა სასტუმროში, სადაც მოსკოველი სტუმრები ბინადრობდნენ და ძვირფასი ვადიმი საქიფოვ დაუ-პატიჟნია. კლასიკოსის ავტომანქანაში მოთავსებულან აგრეთვე მოგონების ავტორი და პოეტი საშა უშაკოვი. ქართველ მასპინ-ძელს, ალბათ, მეგობრებაც ახლდნენ.

სემანოვი წერს: „ჩვენ ნავიყვანეს განცალკევებით მდებარე ტყიან გორაკზე, საიდანაც ხელისგულივით მორანდა ულამაზესი ქალაქი. სუფრა გაიშალა პატარა დუქნის ვერანდაზე, ვაზის ტა-ლავერით რომ იყო გარშემორტყმული. სუფრა კი... ჭემპარიტად ამგვარი რამ ვერც მოგელანდებათ! „არნახული და არგაგონი-ლი“... მას მერე სად არ მომინია სტუმრობა. ამაზონის პირასაც კი ვყოფილვარ, დამიჭურჩნია თევზი, პირანია რომ ჰქვია, ჩვენებუ-რი ვობლის დარად გახმობილი; რამდენი რამ მახსოვს, უკბოს ფიცრამდე რომ არ დამავიწყდება, მაგრამ ის დუქანი... მხოლოდ ვადიმის პოეტურ გენიას შეეძლო გევა ასეთივე გენია სუფრისა“.

ალბათ განუწყვეტლივ სვამდნენ ხალხთა ძმობისა და მეგობ-რობის სადღეგრძელოს. სტუმრები დავით აღმაშენებელსა და თამარ მეფეს (პირველ მეუღლესთან ერთად) ადღეგრძელებდ-ნენ, მასპინძლები — ივანე მრისხანესა და ეკატერინა დიდს. ცხა-დნია, არც პეტრე პირველი და არც სტალინი გამორჩებოდათ. ოლონდ ერთსაც და მეორესაც — ერთი მხარეც იჩემებდა და მე-ორეც. თავისებურად მართლებიც იყვნენ.

სადღეგრძელოს სადღეგრძელო მოსდევდა, სიმღერას — სიმღერა, ანეკდოტს — ანეკდოტი.

სმა-ჭამა დიდად შესარგო... და შეაქეს მხიარულება, რადგანაც არ ყოფილა სხვა სიკეთე ძისათვის ადამისა ამ ლურჯი ცის ქვეშ, გარდა იმისა, რო სვას, ჭა-მოს და იმხიარულოს.

და მხიარულობდნენ, ვიდრე დაათენდებოდათ. ყველაფერი ზუსტად, სიტყვა-სიტყვით ისე ხდებოდა, როგორც ღვთიკურ-თხეულ ქართულ პოეზიაშია აღწერილი.

ცისკარმაც აღმოსავლეთი შეპლება ვარდისფრად, სიხარული მოჰვინა ცას და მშვენება — ქვეყანას. შორს გაბნულ ღრუბ-ლებსაც მოედოთ ალი. ღამის ბინდი ილეოდა და ვარსკვლავები, ჩვეულებისამებრ, ქრებოდნენ ცაში. ათას ხმად აფიფივებული ფრინველიც ეგებებოდნენ განთიადს. დილის ნიავიც უწინდებუ-რად აგრილებდა გულს, ყვავილიც ინყებდნენ ფშვინვას და ფოთლები — შრიალს. ილივიძება მიძინებული ბუნება და ბულ-ბულთა გუნდი ტკბილად დაჰგალობდა დაუწინყარი ემზითა და ლაზათით განწყობილ-გაბრწყინებულ ქართულ სუფრას.

ხოლო ძვირფასი სტუმრები კიდევ ერთხელ ლოცავდნენ სტუმართმოყვარე საქართველოს და მის რჩეულ შვილებს; და ცას სწვდებოდა სტუმარ-მასპინძელთა ხმაშენყობილი სიმღერა: „საქართველოო ლამაზო, სხვა საქართველო სად არი?“

მკვლარი სულელები — ესპანურად

ჩვენ ხმის ჩახლენამდე ვევიროდით და ვანყებოდით იმ ქვეყნების კარიბჭეთ, საკუთარ თავს დემოკრატიულებს რომ ეძახიან. ვუხსნიდით, თუ რას ნიშნავდა ჩვენი ბრძოლა, მაგრამ ჩვენ არ გვისმენდნენ“ — დოლორეს იბარურის ეს სასონარკვეთილი სიტყვები თამამად შეიძლება მოგნათლოთ ვითარცა ხმა მღალადებლისა უდაბნოსა შინა.

ევროპაც და ამერიკაც გულარხეინად ადევნებდა თვალს, თუ როგორ ღაფავდა სულს დონ კიხოტის სამშობლო. გენერალმა ფრანსისკო ფრანკომ, ჰიტლერისა და მუსოლინის სამხედრო ძალთა აქტიური შემწეობით, გაიმარჯვა სამოქალაქო ომში და დააჩოქა ესპანეთის რესპუბლიკა (არ გამართლდა გალაკტიონისეული „გაიმარჯვებს ხალხი, ვისაც ჰყავს ასეთი იბარური“).

გამარჯვებულმა მემამობეებმა რესპუბლიკის ერთგულება, კანონიერი ხელისუფლების მხარეზე ბრძოლა გაუტოლეს „სამხედრო ამბოხებს“ (ჩემი შენ გითხარო...) და მძვინვარე სამხედრო ტრიბუნალებმა ამგვარ „დამამაჟვებებს“ მუსრი გააუღეს. ათი ათასობით ადამიანი სიკვდილით იქნა დასჯილი.

...ხუან პუიოლ გარსიას ჭირის დღესავით ეზიზღებოდა ესპანელი დიქტატორი. თქვენ იკითხავთ — ეს ხუან პუიოლ გარსია ვინ ოხერია, ესპანელი ხალხის სათაყვანო ბელადს (ორმოცი წელიწადი რომ იბელადა!) ამდენს როგორ უბედავსო?! ვაგლახ, არც ნობელის პრემიის ლაურეატი ვახლავთ, არც ატომური ბომბი გამოუგონია და არც ევერესტზე აფოფებულა, მაგრამ მაინც უნიკალური ფენომენი შეიძლება ვუნოლოთ. საქმე ისაა, რომ ხუან პუიოლ გარსიამ სახელი გაითქვა მსოფლიო დაზვერვის ისტორიაში, როგორც ერთ-ერთმა ყველაზე იბლიანმა „ორმაგმა აგენტმა“. ქართული ანდაზაა: მსახურობდა პეტრესთანა, მსახურებდა პავლე-საო. ორი ოპერატიული ფსევდონიმი ჰქონდა: გერმანიის დაზვერვაში ერქვა „რუფუს“, ინგლისის დაზვერვაში — „გარბო“. უფრო მეტად „გარბოს“ სახელით არის ცნობილი და ასეც მოვიხსენიოთ.

ერთი სიტყვით, გარბოს ჭირის დღესავით ეზიზღებოდა ესპანელი დიქტატორი („პუჭურა და სქელტრაკა ფრანკო“ — როგორც ჰემინგუემ შეარქვა). იბელა ზიზღით იყო გამსჭვალული, რომ ეშმაკს მიეყიდებოდა სულით და ხორციით, ოღონდ რაღაც ზიანი მიეყენებინა გაგენერალისიმუსებული გენერლისათვის — თუნდაც მცირეოდენი ზიანი.

გარბო მიიჩნევდა, რომ მხოლოდ და მხოლოდ მოკავშირეთა გამარჯვება მეორე მსოფლიო ომში იხსნიდა ესპანეთს ამ ფაშისტისგან. რა მწარედ ტყუვდებოდა! მოკავშირეებმა დიხაჯ გაიმარჯვეს, მაგრამ დასავლეთში გაითვალისწინეს გენიალური ამერიკული აფორიზმი (ხბარებით რომ არ ცვდება) — ძალისშეილი კია, მარა ჩვენი ძალისშეილი არიო, და ფრანკომ სიკვდილამდე წარმატებით იდიქტატორა ესპანეთში.

გარბომ თავდაპირველად თავისი სამსახური შესთავაზა ინგლისელებს, მაგრამ ქედმაღალმა ინგლისელებმა ახლოსაც არ გაიკარეს. მაშინ დაუკავშირდა გერმანიის აბვერს ანუ სამხედრო დაზვერვას და 1941 წლის ივლისში მადრიდიდან გაემგზავრა ინგლისისაკენ. გერმანელებმა სათანადოდ მოამარაგეს საჯაშუშო აღჭურვილობით.

გარბომ გადწყვიტა შეჩერება პორტუგალიის დედაქალაქ ლისაბონში (პორტუგალიასაც ფაშისტური რეჟიმი მართავდა) და ხელახლა სცადა კონტაქტების დამყარება ინგლისის დაზვერვასთან. ამაოდ დაშვრა.

სამაგიეროდ ამაყად აცნობა აბვერს, რომ მშვიდობით ჩავიდა დანიშნულების ადგილზე, ხელი მოჰკიდა ანგარიშების წერას, ბრიტანეთის სამხედრო ფლოტსა და სავაჭრო ნაოსნობას რომ ექძებებოდა და, რაც მთავარია, შეუდგა საკუთარ მსტოვართა ქსელის შექმნას დიდი ბრიტანეთის ტერიტორიაზე.

1942 წლის იანვარში გარბომ, რომელიც ჯერ ისევ ლისაბონში იმყოფებოდა, „ვერაგი ალბონის“ სპეცსამსახურთა წარმომადგენლებს კვლავ შესთავაზა თავისი სამსახური... ორმაგი აგენტის როლში! ამჯერად თანხმობა მიიღო და იმავე წლის აპრილში, ცოლ-შვილთან ერთად, ჩაბრძანდა ინგლისში, სადაც ომის დასასრულამდე რჩებოდა.

ლონდონში, უწინარეს ყოვლისა, ჩამოაყალიბა მითიური აგენტების ქსელი და აუწყა აბვერს, რომ მის განკარგულებაშია 14 საიდუმლო აგენტი და 11 ინფორმაციის წყარო. სოლიდურობისათვის აიყვანა მოადგილე, სათადარიგო რადისტი და რამდენიმე თანაშემწე — გაფანტულნი მთელი ქვეყნის ტერიტორიაზე (უფრო სწორად რომ ვთქვათ — ქალაქებზე).

თავს ხოშიანად ირთობდა! ერთ მშვენიერ დღეს სინამდვილეში არარსებულ აგენტ-ქალს დაარქვა „რენ“ (Wren). ეს იყო აბრევიატურა შემდეგი ორგანიზაციისა: Women's Royal Naval Service (ქალთა სამეფო სამხედრო-საზღვაო ფლოტის დამხმარე სამსახური).

გარბომ ეს არარსებული ქალბატონი გაამწესა დიდი ბრიტანეთის საომარ მოქმედებათა სამხრეთ-აზიური თეატრის შტაბში კუნძულ ცვილონზე და მისგან ვითომდა იქიდან იღებდა ინფორმაციას. აბვერი მიღებულ დეზინფორმაციას გადასცემდა იაპონიის სამხედრო ატაშეს ბერლინში, ის კი უმაღლვე აწვდიდა ტოკიოს.

ყოჩაღი მსტოვარი გარბო გერმანიასაც ეომებოდა და იაპონიასაც!

გარბოს პატაკი ჩრდილოეთ აფრიკაში ინგლისელ-ამერიკელთა გადასხდომის (1942 წლის ნოემბერი) თაობაზე აბვერის ხელში მოხვდა უკვე გადასხდომის შემდეგ. გერმანელთა საპასუხო უწყებულეებში ნათქვამი იყო: „თქვენი ბოლო მასალები უაღრეს შექებას იმსახურებს, მაგრამ, სამწუხაროდ, ჩვენამდე აღწევს დაგვიანებით. განსაკუთრებით სამწუხაროა, რომ ეს მოხდა თქვენს ბოლო გაფრთხილებაზე აფრიკაში ინგლისელთა და იანკების დესანტის შესახებ“.

გულდათუთქული აბვერი ფოსტას ალარ ენდობოდა და გადანყდა, რომ გარბოსთან რადიოკავშირი დამყარებინათ.

გარბოს მეოხებით, ინგლისელებს ხელთ ჩაუვარდათ რამდენიმე ნამდვილი აგენტი აბვერისა, დიდი ბრიტანეთის მიწა-წყალზე რომ ირჯებოდნენ. ხოლო აბვერს გარბოს მითიურ მსტოვართა ქსელის შენახვა დაუჯდა 340 ათასი დოლარი.

გერმანელებმა გარბო დააჯილდოვეს „რკინის ჯვრით“, ინგლისელებმა კი მიანიჭეს ნოდება ბრიტანეთის იმპერიის საპატიო წევრისა.

თავისი კარიერა ორმაგი აგენტის როლში გარბომ აღწერა თავის ნიგნში, რომელსაც ლაკონიურად და მოხდენილად „გარბო“ უწოდა.

ლიტერატურულ კაფეში „დივანი“ გაიმართა ნუციკო დეკანოზიშვილის ახალი პოეტური კრებულის „ნამსხვრევები“ წარდგინება.

სალამო შესავალი სიტყვით გახსნა და უძღვებოდა პოეტის ქალიშვილი თეკლე ჯამრულიძე, სიტყვით გამოვიდნენ: ადა ნემსაძე, როსტომ ჩხეიძე და კონსტანტინე გამსახურდია (უმცროსი). აგრეთვე ნათია ორმოცაძე, რომელმაც წაიკითხა რამდენიმე ლექსის რუსული თარგმანი. ლექსები წაიკითხა თვითონ ავტორმა.

სალამოს მუსიკალურად აფორმებდა პიანისტი ვასო ლალიძე. შესრულდა ჯაზური თემები, შუბერტის, შოპენის, მოცარტისა და ჰაიდნის ნაწარმოებები, აგრეთვე კეიტ ჯარეტის თემები და ნუციკო დეკანოზიშვილის იმპროვიზაციები.

„ნამსხვრევები“ შეფასდა, როგორც წარმატებული გამოცემა, კარგად გააზრებული პოეტური რკალების ერთობლიობა, რომელიც დაუფარავად აშიშვლებს ლირიკული გმირის სულს, მართლაც ნამსხვრევებად ქვეულს, ოღონდ, მიუხედავად მარტოსულობისა და შინაგანი კრიზისისა, არ იკარგება იმედი და ყოველნამს მოსალოდნელთა ნამსხვრევების შეკონინება და გამთლიანება იმ ჰუმანიზმის, თანაგრძობისა და სიყვარულის წყალობით, ვერანაირი სასტიკი გარემო რომ ვერ აზრობს. საგანგებოდ აღინიშნა გამომცემლობა „საუნჯის“ მიზანმიმართული მოღვაწეობა ჩვენი სამწერლო პროცესის ხელშესაწყობად, ნამდვილ ლიტერატურულ ღირებულებათა წარმოსაჩენად.